

পৃথিবীব্যাপী মহাসমর

বোম্বাই ট্রেনিং কলেজের অধ্যাপক ও সম্পাদক


জে. নেলসন ফ্রেজার প্রণীত

এক

রায় সাহেব ত্রিবিজ্ঞানচন্দ্র বোম্ব কর্তৃক

সংস্কৃতিকারে অনূদিত

THE WORLD AT WAR (BENGALI TRANSLATION)



ইন্ডিয়ান ইউনিভারসিটি প্রেস

বোম্বাই এবং মাদ্রাস

PRINTED BY B. K. DASS AT THE "WELLINGTON PRINTING WORKS."
10, HALADHAR BARDHAN LANE, CALCUTTA.

AND SOLD BY
S. C. AUDDY & CO.,
BOOKSELLERS AND PUBLISHERS
58 & 12 WELLINGTON STREET, CALCUTTA.

কলিকাতা ।
৫৮ ও ১২ নং ওয়েলিংটন স্ট্রীট,
এস. সি. অ্যাড্‌স্‌ কোম্পানি কর্তৃক মুদ্রিত এবং বিক্রীত ।

সূচীপত্র ।

বিষয় ।

পৃষ্ঠা ।

প্রথম খণ্ড—অতীত কথা :—

| | | | |
|-------------------------------------|-----|-----|----|
| প্রথম অধ্যায়—জার্মানি ও অষ্ট্রিয়া | ... | ... | ২ |
| দ্বিতীয় (ক) ফ্রান্স | ... | ... | ২৮ |
| (খ) বেলজিয়াম | ... | ... | ৩১ |
| (গ) ইটালি | ... | ... | ৩২ |
| তৃতীয় (ক) রুশিয়া | ... | ... | ৩৫ |
| (খ) পোল্যান্ড | ... | ... | ৩৯ |
| (গ) তুরস্ক | ... | ... | ৪০ |
| (ঘ) বল্কান রাজ্যসমূহ | ... | ... | ৪২ |
| (ঙ) গ্রীস | ... | ... | ৪৪ |
| চতুর্থ — ব্রিটিশ সাম্রাজ্য | ... | ... | " |

দ্বিতীয় খণ্ড—বর্তমান কথা :—

| | | | |
|---------------------------------------|-----|-----|-----|
| পঞ্চম অধ্যায়—সঙ্কট | ... | ... | ৫০ |
| ষষ্ঠ (ক) যুদ্ধান্ত ও যুদ্ধকৌশল | ... | ... | ৫৫ |
| (খ) সেনা ও সেনাপতিগণ | ... | ... | ৬৩ |
| সপ্তম অধ্যায়—অলয়স্ক | ... | ... | ৬৯ |
| অষ্টম (ক) ইলয়স্ক—(ক) পশ্চিম প্রান্তে | ... | ... | ৭৬ |
| (খ) পূর্ব প্রান্তে | ... | ... | ৮৫ |
| (গ) বল্কান উপদ্বীপে | ... | ... | ৯০ |
| (ঘ) তুরস্কে | ... | ... | ৯১ |
| (ঙ) ইটালিতে | ... | ... | ৯৪ |
| (চ) পর্টগালে | ... | ... | ৯৫ |
| (ছ) আফ্রিকায় | ... | ... | ৯৬ |
| (জ) দূর প্রান্তে | ... | ... | ৯৭ |
| (ঝ) প্রশান্ত মহাসাগরে | ... | ... | ... |

| | | | |
|-------------------------------------|-----|-----|-----|
| নবম অধ্যায় যুদ্ধনীতি—(ক) আশ্মাণিতে | ... | ... | ২৭ |
| (খ) ইংল্যাণ্ডে | ... | ... | ১০০ |
| দশম " ইংরাজজাতির যুদ্ধায়োজন | ... | ... | ১০২ |
| উদাসীন রাজ্যসমূহ | ... | ... | ১০৬ |
| একাদশ " মীমাংসার বিষয় | ... | ... | ১০৮ |
| দ্বাদশ " বর্তমান যুদ্ধে ভারতবর্ষ | ... | ... | ১১১ |
| ত্রয়োদশ " আশা ও সাফল্য | ... | ... | ১১৬ |

চিত্র-সূচী ।

| | | | | |
|----------------------------------|-----|-----|-----|-----|
| বালিনের দৃশ্য... | ... | ... | ... | ২০ |
| টুসেপ্লিন | ... | ... | ... | ৪৮ |
| ভলোপস্থাপিত বিমান | ... | ... | ... | ৫২ |
| লর্ড কিচনার | ... | ... | ... | ৬৬ |
| বর্তমান কালের রণভরী | ... | ... | ... | ৭১ |
| হাউইটজার কামান | ... | ... | ... | ৭৭ |
| ক্রান্তে ভারতবর্ষীয় সেনা | ... | ... | ... | ১১২ |
| বিক্টোরিয়া ক্রুশ-লাভিত ছত্রসিংহ | ... | ... | ... | ১১৪ |

মানচিত্র-সূচী ।

| | | | | |
|-----------------------|-----|-----|-----|---------|
| ইউরোপের মানচিত্র | ... | ... | ... | মুখপত্র |
| প্রতীচ্য যুদ্ধক্ষেত্র | ... | ... | ... | ৮০ |
| প্রাচ্য যুদ্ধক্ষেত্র | ... | ... | ... | ৮৬ |
| কমানিয়া | ... | ... | ... | ৮৮ |
| *মেসোপটেমিয়া | ... | ... | ... | ৮২ |



বিজ্ঞাপন।

প্রায় তিন বৎসর হইল যুরোপে যে সমরানল জলিয়া উঠিয়াছে, এখনও তাহা নির্বাপিত হয় নাই। ইহাতে যে কেবল যুরোপবাসীরাই দগ্ধ হইতেছেন তাহা নহে; এত দূরে থাকিয়াও আমরা পর্য্যন্ত ইহার প্রথর জ্বালা অনুভব করিতেছি।

বর্তমান সময়ে এই মহাহবে ইংল্যান্ড, ফ্রান্স, বেলজিয়াম, ইটালি, সার্বিয়া, রুমানিয়া ও কশিয়া একপক্ষ, এবং জার্মানি, অস্ট্রিয়া, বুলগারিয়া ও তুর্কক অন্যপক্ষ। পৃথিবীতে আর কখনও এরূপ যুদ্ধ সংঘটিত হয় নাই; কি আয়োজনপ্রাচুর্য্যে, কি বায়বাহুল্যে, কি যোদ্ধাদিগের সংখ্যায়, কি লোকক্ষেত্রে, মহাভারতবর্ণিত কুরুক্ষেত্রের যুদ্ধও ইহার নিকট পরাজয় মানে। জলে, স্থলে, অন্তরীক্ষে, ভূগর্ভে ও সাগরগর্ভে—সর্বত্র ইহার সংহার-ক্রিয়া চলিতেছে, পূর্বে যাহা কবিকল্পনার বিষয় ছিল, এখন তাহা কার্য্যে পরিণত হইতেছে।

এই আকস্মিক বিপ্লবের কারণ কি, ইহার কোন্ পক্ষে ধর্ম্ম, কোন্ পক্ষে অধর্ম্ম ইহার পরিণামই বা কি হইবে, সকলেরই তাহা জানিতে ইচ্ছা হয়। এই ইচ্ছা পূরণ করিবার অভিপ্রায়ে শ্রীযুক্ত নেলসন্ ফ্রেজার “পৃথিবীব্যাপী মহাসমর” নাম দিয়া ইংরাজী ভাষায় একখানি পুস্তক প্রণয়ন করিয়াছেন। ইহাতে তিনি অতি নিরপেক্ষ ভাবে উভয়পক্ষের উদ্দেশ্য, রাজনীতি ও সমরনীতি আলোচনা করিয়াছেন এবং তৎসমস্ত বিশদ করিবার জন্য অতি সংক্ষেপে সুধামান রাজ্যগুলির প্রাচীন ইতিবৃত্তের আভাস দিয়াছেন, কারণ বর্তমানের সহিত অতীতের জন্তজনক-সম্বন্ধ, অতীত না বুঝিলে বর্তমানের প্রকৃতি বুঝা অসম্ভব।

ইংরাজ আমাদিগের রাজা, ইংরাজের ইষ্টানিষ্টের সহিত আমাদের ইষ্টানিষ্টের ঘনিষ্ঠ সংস্রব। এই নিমিত্ত এদেশের সর্বসম্প্রদায়ের সর্ববিধ লোকে একমনে ইংরাজের বিজয়কামনা করিতেছে, ইংরাজের সাহায্যার্থ কঠোর সৈনিকবৃত্তি অবলম্বন পূর্বক সমরানলে প্রাণ আহুতি দিতেছে। কিন্তু যাহারা ইংরাজী ভাষায় অনভিজ্ঞ, তাঁহাদের অনেকে হয়ত যুদ্ধের প্রকৃত কারণ এবং কোন্ পক্ষের এখন কি অবস্থা তাহা স্পষ্টরূপে হৃদয়ঙ্গম করিতে পারেন নাই। তাঁহাদের, বিশেষতঃ বঙ্গদেশীয় বালকদিগের অবগতির নিমিত্ত শ্রীযুক্ত নেলসন্ ফ্রেজারের গ্রন্থাবলম্বনে এই পুস্তক সংকলিত হইল।

শ্রীযুক্ত নেলসন্ ফ্রেজার প্রণীত পুস্তকের বর্তমান সংস্করণে ১৯১৬ অব্দের

১২ই ডিশেম্বর পর্যন্ত যে সকল ঘটনা ঘটিয়াছে সেই সমস্ত বিবৃত আছে। কিন্তু ততঃপর উভয়পক্ষের বিস্তর অবস্থাপরিবর্তন হইয়াছে। ইংরাজের ও ফরাসীর ভীষণ আক্রমণে জার্মাণেরা পশ্চিমপ্রান্তে পরাবর্ত্তন আরম্ভ করিয়াছেন; ইংরাজেরা এশিয়াথগে সুপ্রসিদ্ধ বাগদাদ নগর অধিকার করিয়াছেন; রুশিয়ার সম্রাট যুদ্ধে না হউক, কার্যো জার্মাণদিগের পক্ষপাতী ছিলেন এই সন্দেহে তত্রত্য অধিবাসীরা তাঁহাকে সিংহাসনচ্যুত করিয়া সাধারণতন্ত্র শাসন প্রবর্ত্তিত করিয়াছে; জার্মাণির ছর্ব্বাবহারে ধৈর্য্যচ্যুত হইয়া য়ুনাইটেড্‌ স্টেট্‌সের লোকেও ইংরাজপক্ষে যোগ দিয়াছেন। বলা বাহুল্য যে বর্ত্তমান গ্রন্থে এই সমস্তও পাঠকদিগের বোধ-সৌকর্য্যার্থে যথাস্থানে সন্নিবেশিত হইয়াছে।

পৃথিবীব্যাপী মহাসমর ।

প্রথম খণ্ড—অতীত কথা ।

প্রথম অধ্যায় ।

জার্মানি ও অষ্ট্রিয়া ।

এখন জার্মানি শব্দের অর্থ জার্মানজাতির বাসভূমি ।* কিন্তু জার্মানজাতি বলিলে এখন যাহা বুঝায় পূর্বে তাহা অপেক্ষা অনেক অধিক বুঝাইত, কারণ অষ্ট্রিয়া, হাঙ্গাৰ্ণ প্রভৃতি আরও কতকগুলি দেশের অনেক লোক মূলতঃ জার্মান-জাতিরই অন্তর্ভূত ।

যুরোপের দক্ষিণখণ্ডস্থ গ্রীক ও রোমকজাতি যেমন যীশুখ্রীষ্টের বহু পূর্বেই সভ্যতার উচ্চ সোপানে অধিরোহণ করিয়াছিলেন, জার্মানদের সেরূপ পারেন নাই । এই নিমিত্ত রোমকগ্রন্থকারেরা তাঁহাদিগকে ‘বর্বর’ বলিয়া বর্ণনা করিয়াছেন । তাঁহারা অত্যন্ত মদ্যাসক্ত ও যুদ্ধপ্রিয় ছিলেন ; তাঁহারা শিল্পসাহিত্যাদি সভ্য-জনোচিত বিদ্যার অহুশীলন করিতেন না ; তাঁহাদের দেশে তখন বড় বড় বিল ও বন ছিল, কুজাপি কোন রহৎ নগর দেখা যাইত না ।

কিন্তু জার্মানদিগের গুণও অনেক ছিল এবং রোমকগ্রন্থকারেরা শত্রু হইলেও সেগুলি মুক্তকণ্ঠে স্বীকার করিয়া গিয়াছেন । তাঁহাদের প্রভুভক্তি, সাহস ও বিক্রম দেখিয়া রোমকেরা বিস্মিত হইয়াছিলেন । সঙ্গীতে তাঁহাদের অসামান্য নৈপুণ্য জন্মিয়াছিল । তাঁহাদের রমণীরা সচরিত্রা ও লজ্জাশীলা ছিলেন, অথচ সমাজে পুরুষদিগের তুল্যাক্ষ হইয়া বিচরণ করিতেন । পৃথিবীর অসংখ্য নানা জাতির সংমিশ্রণে লোকচরিত্রের যেরূপ পরিবর্তন ঘটিয়াছে, জার্মানিতে সেরূপ হইতে পারে নাই ; কাজেই দ্বিসহস্রবর্ষ পূর্বে জার্মানজাতির প্রকৃতিতে যে সকল দোষগুণ পরিলক্ষিত হইত, অদ্যাপি অল্পাধিক মাত্রায় সেগুলি বর্তমান রাহিয়াছে ।

* বর্তমান জার্মানদের আপনাদিগকে ‘ডয়েচ’ এবং আপনাদিগের দেশকে ‘ডয়েচল্যাণ্ড’ বলেন । আমরা কিন্তু ‘ডয়েচ’ শব্দে হাঙ্গাৰ্ণ দেশের অধিবাসীদিগকেই বুঝিয়া থাকি । হাঙ্গাৰ্ণের লোকে আপনাদিগকে ‘হাঙ্গাৰ্ণা’ বলেন । ইহা হইতে আমাদিগের ‘ওলন্দাজ’ শব্দের উৎপত্তি । ফরাসী-দেশে জার্মানদিগের নাম ‘আল্‌মঁ’ ।

খ্রীষ্টের শতাধিকবর্ষ পূর্বেই জার্মানদিগের সহিত রোমকদিগের সম্বন্ধ ঘটে এবং তাঁহাদিগের ভীষণ আক্রমণশ্রোত হইতে আশ্চর্য্যকার নিমিত্ত রোমকদিগকে সবিশেষ কষ্ট পাইতে হয়। অতঃপর সুপ্রসিদ্ধ রোমক সেনানী মহাবীর জুলিয়াস সীজার যখন গল দেশ (বর্ত্তমান ফ্রান্স) জয় করেন, তখন তিনি রাইন নদী পার হইয়া জার্মানদিগের বাসভূমি আক্রমণ করিয়াছিলেন। তাঁহার প্রতিভাবলে জার্মানগেরা তখন পরাভূত হইয়াছিলেন বটে, কিন্তু বশীভূত হন নাই। তাঁহার যখনই সুবিধা পাইতেন, তখনই রোমের বিরুদ্ধাচরণ করিতেন। এই নিমিত্ত গল দেশে সর্ব্বতোমুখী ক্ষমতা লাভ করিলেও রোমকেরা রাইন নদীর পূর্ব্বপারে দীর্ঘকালস্থায়ী আধিপত্য বিস্তার করিতে পারেন নাই; কাজেই জার্মানির স্বাধীনতা অক্ষুণ্ণ ছিল।

খ্রীষ্টীয় প্রথম দুইশত বৎসর রোমকজাতির চরম উন্নতির সময়। পশ্চিমে আটলান্টিক মহাসাগর, পূর্বে ফ্রুটিশ নদী, উত্তরে ডানিউব নদী, দক্ষিণে সাহারা মরুভূমি, এই চতুঃসীমান্তবর্ত্তী সুবিশাল অঞ্চলে রোমের তখন একচ্ছত্রাধিপত্য। ইহার সর্ব্বত্রই তখন রোমের সভ্যতা বিরাড় করিত, এবং রোমের বিধিব্যবস্থানুসারে শাসনকার্য্য নির্বাহিত হইত। কিন্তু কালবশে রোমের অবনতির সূত্রপাত হইল; রোমক সাম্রাজ্য দুইখণ্ডে বিভক্ত হইয়া দুর্ব্বল হইয়া পড়িল। পশ্চিমখণ্ডের রাজধানী রহিল রোম; পূর্ব্বখণ্ডের রাজধানী হইল কন্সটান্টিনোপল (বা স্তাম্বুল) জার্মানগেরাও তখন সুযোগ পাইলেন এবং পুনঃ পুনঃ আক্রমণ করিয়া প্রতীচ্য রোম সাম্রাজ্য চূর্ণ-বিচূর্ণ করিয়া ফেলিলেন।

এই ধ্বংসের কার্য্য শেষ হইতে বহুকাল লাগিয়াছিল (খ্রীঃ ২০০—৬০০)। যে সকল জার্মান সম্প্রদায় ইহার প্রধান নায়ক, ফ্রাঙ্কেরা তাহাদের অন্ততম। ইহার গল দেশ জয় করিয়া সেখানে বাস করেন এবং ইহাদেরই নামানুসারে গলের নাম ‘ফ্রান্স’ হয়। ফ্রাঙ্কজাতীয় রাজাদিগের মধ্যে সার্লামেন সর্ব্বাপেক্ষা প্রসিদ্ধ। তাঁহার সিংহাসনপ্রাপ্তির পূর্বেই ফ্রাঙ্কেরা রোমকদিগের ধর্ম্ম, ভাষা ও আচার-ব্যবহার অবলম্বনপূর্ব্বক পূর্ব্বাপেক্ষা অনেক সভ্য হইয়াছিলেন। সার্লামেন রোমক সভ্যতার এতই পক্ষপাতী ছিলেন যে রোমকেরা যে নিয়মে শাসন করিয়া গিয়াছেন, সেই আদর্শ চালাইতে পারিলেই তিনি আপনাকে কৃতার্থ জ্ঞান করিতেন। তিনি নিজের সাম্রাজ্যকে ‘পবিত্র রোমক সাম্রাজ্য’ এই আখ্যা দিয়াছিলেন এবং ‘পবিত্র’ বিশেষণটি সার্থক করিবার অভিপ্রায়ে প্রধান রাজক পোপকর্ত্ত্বক* নিজের অভিষেক-ক্রিয়া

* পূর্ব্বকালে যুরোপখণ্ডে খ্রীষ্টানদিগের দুইজন প্রধান স্তর ছিলেন—প্রতীচ্যখণ্ডে রোমের পোপ এবং প্রান্তর্ভূত কন্সটান্টিনোপলের ‘পেট্রিয়ার্ক’ বা গোত্রপতি। রোমের পোপ আপনাকে বীণ্ডখ্রীষ্টের প্রিয় শিষ্য পিতার নামক সাধুপুরুষের স্থানীয় বলিয়া মনে করেন। তাঁহার পদ নির্বাহচাবান।

সম্পাদন করাইয়াছিলেন। যুরোপের ইতিবৃত্তে সার্লামেনের জ্ঞান সর্বজনগোষ্ঠিত ভূপতি অভি অন্নই দেখা যায়। তিনি ধর্মের সংস্থাপন এবং প্রজার শিক্ষাবিধানের জন্য নিয়ত যত্নশীল ছিলেন এবং তাঁহার শাসনকালে সর্বত্র শান্তি বিরাজ করিত।

সার্লামেন যুরোপখণ্ডে সৈনিক ভূম্যধিকার-প্রথার প্রথম প্রবর্তক। এই প্রথাভূসারে রাজা নিজের বিখ্যাসভাজন সেনানীদিগকে জায়গীর দিতেন এবং জায়গীরদারেরা যুদ্ধকালে স্ব স্ব জায়গীরের পরিমাণানুসারে নির্দিষ্টসংখ্যক যোদ্ধা লইয়া রাজার সাহায্য করিতেন। উত্তরকালে ইহা হইতে নানারূপ অনর্থের উৎপত্তি হইয়াছিল সন্দেহ নাই, কারণ সৈনিক ভূম্যধিকারীরা সচরাচর বড় অত্যাচারী ছিলেন; তাঁহারা রক্ষকবেশে ভরুক হইয়া প্রজার সর্বস্ব লুণ্ঠন করিতেন; তাহারা একে অপরের সম্পত্তি গ্রাস করিবার উদ্দেশ্যে নিয়ত বিবাদবিসংবাদে রত থাকিতেন; তাঁহাদের উপদ্রবে স্বয়ং রাজা পর্য্যন্ত সময়ে সময়ে বিব্রত হইয়া পড়িতেন। কিন্তু সার্লামেনের রাজত্বকালে সমাজের যেক্রপ অবস্থা ছিল তাহাতে, বোধ হয়, সৈনিক ভূম্যধিকার-প্রথা অবলম্বন না করিলে শান্তিলাভের সম্ভাবনা ছিল না।

খ্রীষ্টীয় ৮১৪ অব্দে সার্লামেনের মৃত্যু হয়। অতঃপর তাঁহার বিশাল সাম্রাজ্য ছিন্ন-বিচ্ছিন্ন হইয়া যায়; ফ্রান্স স্বাধীনতা অবলম্বন করে, জার্মানিও কতকগুলি ক্ষুদ্র ক্ষুদ্র খণ্ডরাজ্যে বিভক্ত হইয়া পড়ে। কিন্তু কার্যতঃ স্বাধীন হইলেও এই সকল জার্মান ভূপাল আপনাদিগের মধ্যে একজনকে সম্রাটের পদে নির্বাচিত করিয়া লইতেন। নির্বাচিত সম্রাটদিগের মধ্যে কেহ কেহ প্রসিদ্ধ যোদ্ধা ছিলেন এবং তাঁহারা সময়ে সময়ে আল্পস পর্বত লঙ্ঘন পূর্বক ইটালিদেশে অথও আধিপত্য স্থাপনের চেষ্টা করিতেন (খ্রীঃ ৮০০—১০০০)। কিন্তু ইটালিতে তখন জেনোয়া, বিনিস্ ও ফ্লোরেন্স নগর বাণিজ্যের কল্যাণে প্রভূত ক্ষমতাশালী হইয়াছিল। জার্মান সম্রাটেরা কখনও ইহাদিগকে বশীভূত করিতে পারেন নাই; রোমের পোপও প্রবিধা পাইলে তাঁহাদিগের প্রতিকূলাচরণ করিতে বিরত হইতেন না। কাজেই মধ্যযুগে* তথাকথিত জার্মান সাম্রাজ্য তদানীন্তন জার্মানির মধ্যেই সীমাবদ্ধ ছিল। সম্রাট যদি

খ্রীষ্টীয় বোড়শ শতাব্দীর প্রথম ভাগে প্রতীচ্যখণ্ডের অনেক খ্রীষ্টান ধর্মসম্বন্ধে পোপের একাধিপত্য অস্বীকার করেন এবং তদুপলক্ষ্যে নানা দেশে অনেক রক্তারক্তি হয়। পোপের বিরুদ্ধবাদীরা ‘প্রটেস্ট্যান্ট’, পোপের পক্ষপাতীরা ‘রোমান্ কাথলিক’ বা কাথলিক নামে অভিহিত।

* খ্রীষ্টীয় ৬০০ হইতে ৮০০ অব্দ পর্য্যন্ত প্রায় তিন শত বৎসর যুরোপীয় ইতিবৃত্তে ‘তামস’ বা ‘অজ্ঞানযুগ’ নামে বিদিত, কারণ এই স্বর্ধীর্ষকালে যুরোপখণ্ডে বিদ্যালোচনার সাতিশয় অবনতি ঘটয়াছিল। সার্লামেনের সময় হইতে প্রায় ৭০০ বৎসর ‘মধ্যযুগ’ নামে অভিহিত। তাহার পর যুগাবস্থার আবির্ভাব, ঐক্ সাহিত্যের আলোচনা, আমেরিকার আবিষ্কার প্রভৃতি নানা কারণে বর্তমান যুগের প্রবর্তন হয়।

চূর্বল হইতেন তাহা হইলে জার্মানির অভ্যন্তরেও তাঁহার প্রকৃত কোন ক্ষমতা থাকিত না।

অতঃপর খ্রীষ্টীয় ত্রয়োদশ শতাব্দীর শেষভাগে হাপ্সবার্গ বংশের অভ্যুদয়েব সঙ্গে সঙ্গে জার্মান সাম্রাজ্যে নববলের সঞ্চার হয়। এই বংশের পূর্বপুরুষেরা সুইটজারল্যান্ডের অন্তঃপাতী হাপ্সবার্গ নামক এক পল্লীগ্রামে বাস করিতেন ; কিন্তু কালক্রমে ক্ষমতালালী হইয়া ইঁহা বা জার্মান ভূপতিদিগের মাধ্যম দ্বারা শীর্ষস্থান লাভ করিয়াছিলেন। অদৃষ্টবলে ইঁহাদের কাহারও কাহারও এমন বিবাহসম্বন্ধ ঘটিত যে ভিন্নবন্ধন ইঁহারা নূতন নূতন রাজ্য লাভ কবিতেন। বর্তমান হল্যাণ্ড ও বেলজিয়াম দেশ এইরূপেই এক সময়ে হাপ্সবার্গ বংশের অধিকারভুক্ত হইয়াছিল। জার্মান সাম্রাজ্যের পদ নির্বাচনাধীন ছিল ; কিন্তু ইহাতেও ক্রমে হাপ্সবার্গ বংশেরই একাধিকার জন্মে এবং তাঁহাদের রাজধানী বিয়ান্না নগরী ধনে জনে সাতিশয় সমৃদ্ধিশালিনী হইয়া উঠে।

হাপ্সবার্গদিগের একজন বংশধর স্পেনবাজ ফার্ডিনান্ডের কন্যা জোয়ানাকে বিবাহ করিয়াছিলেন এবং সেই সূত্রে তাঁহার পুত্র স্পেনদেশ, ইটালির দক্ষিণাঞ্চল এবং নবাবিষ্কৃত মেক্সিকো ও পেরু প্রভৃতি দেশের অধীশ্বর হইয়াছিলেন। এই ভাগ্যবান পুত্রের নাম চার্লস। ইনি শেষে জার্মান সাম্রাজ্য লাভ করিয়া পঞ্চম চার্লস নামে অভিহিত হইয়াছিলেন।

পঞ্চম চার্লসের মৃত্যুর পর স্পেন, হল্যাণ্ড ও বেলজিয়াম জার্মান সাম্রাজ্য হইতে বিচ্ছিন্ন হইয়া যায় ; জার্মানিতেও সাম্রাজ্যের ক্ষমতা পূর্বাংশে ক্ষীণ হইয়া পড়ে। চার্লসের জীবদ্দশাতেই মার্টিন লুথার নামক এক ব্যক্তি পোপের বিরুদ্ধে অভ্যুত্থান করিয়া ধর্মসংস্কারে প্রবৃত্ত হইয়াছিলেন এবং জার্মান ভূপালদিগের কেহ কেহ পোপের পক্ষ, কেহ কেহ বা সংস্কারকদিগের পক্ষ অবলম্বন করিয়াছিলেন। এক্ষণকালে যে লোকসংস্কার যুদ্ধ ঘটে, ইতিহাসে তাহা ত্রিশদ্বাব্দব্যাপী সময় নামে অভিহিত (১৬১৮-১৬৪৮ খ্রীঃ অবঃ)। ইহাতে উভয় পক্ষেই নিষ্ঠুরতার চূড়ান্ত দেখাইয়াছিলেন ; কাহ্নেই যুদ্ধের যখন অবসান হইল তখন জার্মান জাতি নিতান্ত অবসন্ন ও হৃদ্যশাপন্ন হইয়া পড়িল।

জার্মান সাম্রাজ্যের পদ হাপ্সবার্গ বংশগতই রহিল, কিন্তু সাম্রাজ্য এখন সাক্ষীগোপাল-মাত্র হইলেন, কারণ আট্টবার বাহিরে কেহই তাঁহার প্রভুত্ব স্বীকার করিত না এবং জার্মানির উত্তরখণ্ড রাজ্য সম্পূর্ণ স্বাধীনভাবে চলিতেন। আট্টবার মধ্যেও শাস্তি ছিল না। তুর্কজাতি যুরোপের প্রাচ্যখণ্ডে সমধিক প্রবল হইয়াছিল। তাহারা পূর্বেই ক্রনবার্গের পক্ষ অধিকার করিয়াছিল এবং তথা হইতে ডানিযুব্ নদী পর্যন্ত অগ্রসর হইয়াছিল। এক দিকে তুর্কদিগকে নিরস্ত রাখা, অন্যদিকে পূর্বপ্রান্তবর্তী

পোল্যান্ড রাজ্যের আক্রমণ হইতে আত্মরক্ষা করা, এই উভয় কার্য্যে সম্রাটকে নিয়ন্ত্রণ ব্যতিব্যস্ত থাকিতে হইত ; তিনি জার্মানির খণ্ডরাজ্যগুলির কথা ভাবিবার অবসর পাইতেন না ।

এই সকল খণ্ডরাজ্যের মধ্যে প্রুশিয়া শনৈঃ শনৈঃ বলসঙ্কর্য করিতেছিল ; মধ্যযুগে প্রুশিয়াব কিছুমাত্র খ্যাতি প্রতিপত্তি ছিল না । ইহার ভূমি অসুস্থর, খনিজ সম্পত্তি অকিঞ্চিৎকর, অবস্থান সমুদ্র হইতে দূরে । কাজেই কৃষি বা বাণিজ্য কিছুতেই ইহার উপর কমলার রূপাদৃষ্টিপাতের সম্ভাবনা ছিল না । কিন্তু ইহার রাজ্যের পুরুষপরম্পরায় এমনই উত্তমশীল ও অধ্যবসায়ী ছিলেন যে, সেই নগণ্য প্রুশিয়া এখন জার্মান-সাম্রাজ্য-লক্ষ্মীর অধিষ্ঠানভূমি হইয়াছে । প্রুশিয়া-রাজবংশের আদিপুরুষ হোহেন্‌স্টলারন্‌ নামক একটা ক্ষুদ্র পল্লীতে বাস করিতেন ; তজ্জন্ত এই বংশ হোহেন্‌স্টলারন্‌ আখ্যা পাইয়াছে ।

হোহেন্‌স্টলারন্‌ বংশের কয়েকজন রাজার নাম ফ্রেড্রিক্‌ ; তন্মধ্যে যিনি খ্রীষ্টীয় অষ্টাদশ শতাব্দীর মধ্যভাগে রাজত্ব করিয়াছিলেন, তিনিই সৰ্ব্বাপেক্ষা প্রসিদ্ধ এবং তন্নিমিত্ত ইতিহাসে ফ্রেড্রিক্‌ দি গ্রেট্‌ অর্থাৎ মহাসম্রাট ফ্রেড্রিক্‌ নামে অভিহিত । তাঁহার চেষ্টাতেই প্রুশিয়াবাসীরা রাজ্যবিস্তারে প্রবৃত্ত হন, এবং যুরোপেও প্রুশিয়ার রাজশক্তিও যে নগণ্য নহে সর্ব্ব প্রথম ইহা প্রতিপাদন করেন । ১৭৪০ অব্দে অষ্ট্রিয়ার সম্রাট্‌ দেহঁতাগ করিলে তাঁহার কন্যা মেরায়া টেরিসা সিংহাসনে অধিরোহণ করেন এবং এই সুযোগে ফ্রেড্রিক্‌ কিছুমাত্র দ্বিধা বোধ না করিয়া তদীয় অধিকারভুক্ত সিলিসিয়া নামক সমৃদ্ধ জনপদটি গ্রাস করিয়া ফেলেন । তেজস্বিনী মেরায়া ফ্রান্সের সাহায্যে প্রুশিয়ার সঙ্গে যুদ্ধ আরম্ভ করিলেন, এদিকে ফ্রান্সের সহিত শত্রুতাবশতঃ ইংরাজেরা ফ্রেড্রিকের সহায় হইলেন । ফ্রেড্রিক্‌ অনেকবার পরাস্ত হইলেন । কিন্তু তাঁহার এমনই রণনৈপুণ্য ছিল যে, পরাস্ত হইলেও তাঁহার বলক্ষম হইত না । কাজেই পরিণামে তাঁহারই জয় হইল, সিলিসিয়া প্রদেশ প্রুশিয়ার অধিকারে রহিয়া গেল ।

রাজ্যশাসনেও ফ্রেড্রিক্‌ সাতিশয় কৃতিত্ব দেখাইয়াছিলেন । তিনি পরিশ্রমী, ন্যায়পরায়ণ, মিতব্যয়ী ও পরিণামদর্শী ছিলেন, শিল্প ও সাহিত্যের উৎসাহ দিতেন এবং অবকাশকালে পণ্ডিতগণের সংসর্গে থাকিতে ভাল বাসিতেন । যুদ্ধক্ষেত্রে করাসীরা তাঁহার শত্রু ছিলেন ; কিন্তু রাজ্যভবনে তিনি ফরাসীপণ্ডিতদিগকে নিয়ন্ত্রণ করিয়া লইয়া বাইতেন । ফলতঃ, ফ্রেড্রিকের বুদ্ধি, ইংল্যান্ডের ধন ও করাসী-জাতির সভ্যতা এই তিনের সম্মেলনে প্রুশিয়াবাসীদিগের সৌভাগ্যসোপান গঠিত হইয়াছিল ।

এতকণ প্রায় হই হাজার বৎসরের কথা বলা হইল । এই দীর্ঘকালে যুরোপের

প্রধান প্রধান জাতিদিগের মধ্যে নানাবিধে বৈরুপ উন্নতি হইয়াছিল, জার্মানদিগের ভাগ্যে সেরূপ ঘটে নাই । সত্য বটে তাঁহারা পঞ্চদশ শতাব্দীতে মুদ্রায়ন্ত্রের আবিষ্কার দ্বারা আপনাদের উদ্ভাবনী-শক্তির পরিচয় দিয়াছিলেন, সত্য বটে বাণ্টিক ও উত্তর সাগরের তীরবর্তী কয়েকটি জার্মান নগর বাণিজ্যের প্রসাদে ঐশ্বর্য্যশালী হইয়াছিল, সত্য বটে অষ্টাদশ শতাব্দীতে কয়েকজন প্রতিভাবান সঙ্গীতাচার্য্য আবির্ভূত হইয়া জার্মানিকে সঙ্গীতবিজ্ঞান যুরোপে সর্ব্বপ্রধান করিয়াছিলেন ; কিন্তু এইরূপ দুই চারিটি বিষয় ব্যতীত আমরা এই দ্বিসহস্রবর্ষে জার্মানজাতির অস্ত্র কোন কৃতিত্বের পরিচয় পাই না । তাঁহারা যুদ্ধই ভাল বাসিতেন এবং বিঘ্নাস্ত্রে মনোনিবেশ করিবার তত অবসর পাইতেন না ।

কিন্তু যুদ্ধেও যে মানব চরিত্রের উৎকর্ষ সাধিত হইতে না পারে এমন নহে । মানব বিবেকবান ; নিয়ত যুদ্ধে রত থাকিলে সে স্বতঃই দেখিতে পারে যে, শক্তি কেবল দুর্ব্বলের পীড়নের জন্ত নহে ; সত্যের সমর্থনে, দুঃষ্টের দমনে, শিষ্টের পালনে ও আত্মের সংরক্ষণেই ইহার প্রকৃত মাহাত্ম্য । বিশেষতঃ যাহারা ভদ্রবংশজাত তাঁহাদের পক্ষে ত এই সকল পবিত্র ধর্ম্মের পালন নিতান্ত আবশ্যক । এবস্ত্রকারে জার্মানিতে ও যুরোপের অন্যান্য দেশে মধ্যযুগে 'নাইট' উপাধিদারী কতকগুলি বোদ্ধার উদ্ভব হয় । 'নাইট' কথাটির অর্থ শৈলক । যাহারা প্রভুর সেবক, সত্যের সেবক, সমাজের সেবক, এরূপ বোদ্ধারাই 'নাইট' নামে অভিহিত হইতেন । ভদ্রসন্তানেরা বয়ঃপ্রাপ্তির পর উল্লিখিত মহাব্রতগুলি পালন করিবেন বলিয়া শপথ করিতেন এবং সাধারণতঃ অতি বিশ্বস্তভাবে আত্মজীবন সেই প্রতিজ্ঞা রক্ষা করিয়া চলিতেন । শেষে সভ্যতার বিস্তার, খ্রীষ্টীয় ধর্ম্মের সংস্কার, আশ্বেয়াস্ত্রের প্রচলন প্রভৃতি নানা কারণে নাইটদিগের পূর্বরূপ উপযোগিতা ছিল না বটে, কিন্তু লোকে তাঁহাদের উচ্চ আদর্শ ভুলে নাই ; তাহারা রাজনীতি, সমাজনীতি প্রভৃতি নব নব বিষয়ে মনঃসংযোগ করিয়া স্ব স্ব হৃদয়ের উদারবৃত্তিসমূহ চরিতার্থ করিতে প্রবৃত্ত হইয়াছিল । দুর্ভাগ্যের বিষয় জার্মানিতে তখন ভয়ঙ্কর গৃহ-বিবাদ চলিতেছিল ; কাজেই জার্মানদেরা এরূপ কোন নূতন ক্ষেত্রে বিচরণ করিতে পারেন নাই, বরং জাতিবিরোধে তাঁহাদের নীচবৃত্তিগুলিই প্রবল হইয়া উঠে । তাঁহাদের মধ্যে শিক্ষার বিস্তার ঘটে নাই ; কৃষকেরা দারিদ্র্যের পীড়নে নিম্বেষিত হইত ; রাজারা স্বার্থপর ও তোষামোদপ্রিয় ছিলেন । অষ্টাদশ শতাব্দী পর্য্যন্ত জার্মানির মোটামুটি এইরূপ চিত্রশাই ছিল । ঐ শতাব্দীর মধ্যভাগে উন্নতির যে সূত্রপাত হয়, তাহা পূর্বে বলা হইয়াছে ।

অষ্টাদশ শতাব্দীর শেষভাগে ফরাসীদেশে রাষ্ট্রবিপ্লব ঘটে । ফরাসীরা রাজার ও জমিদারদিগের বহুশতাব্দীব্যাপী অত্যাচারে জ্বালাতন হইয়াছিলেন, শেষে যখন

আর সহ্য করিতে পারিলেন না, তখন তাঁহাদের বিরুদ্ধে অভ্যুত্থান করিলেন। পূর্বে সকলেই সমান ছিল, এখনও চেষ্টা করিলে আবার সকলেই সমান হইতে পারে, রাজশাসন কেবল প্রজার মঙ্গলের নিমিত্ত, অমঙ্গল হইলে শাসন-পরিবর্তন জারসত্তা, তাঁহারা এই সকল বিপ্লবমঞ্চে দৌক্ষিত হইয়া রাজপদ ও জমিদারীপ্রথা উঠাইয়া দিলেন, রাজা ও রাণীর প্রাণদণ্ড করিলেন এবং সকলেই স্বাধীন, সকলেই সমান, এই মত ঘোষণা করিলেন। পাছে এই বিদ্রোহ-বহি অস্ত্র পরিব্যাপ্ত হয় এই আশঙ্কায় যুরোপের অনেক রাজাই করাসী সাধারণতন্ত্রের শত্রু হইলেন।

এইরূপে জাঙ্গালদিগের সহিত করাসীদিগের যুদ্ধ আরম্ভ হইল। এই যুদ্ধে করাসীরা প্রথমে তত সুবিধা করিতে পারেন নাই; কিন্তু যখন সুপ্রসিদ্ধ নেপোলিয়ন্ তাঁহাদের অধিনেতা হইলেন, তখন তাঁহারা হুর্জয় হইয়া উঠিলেন। অষ্ট্রিয়ার সম্রাট তখনও সিলিসিয়ার কথা ভুলিতে পারেন নাই; তিনি নেপোলিয়নকে বাধা দিবার সময় প্রথমে প্রেশিয়ারাজের সহিত যোগ দেন নাই। কাজেই তাঁহারা উভয়েই একে একে পরাস্ত হইলেন এবং করাসীরা রাইন নদীর পূর্বপারেও আপনাদের আধিপত্য বিস্তার করিলেন। নেপোলিয়ন্ প্রেশিয়ারাজ্যের সৈন্তসংখ্যা কমাইয়া দিলেন এবং বত দূর পারিলেন সেখান হইতে অর্থশোষণ করিতে লাগিলেন। অষ্ট্রিয়ার সম্রাটও পরাজয় মানিয়া নেপোলিয়নকে নিজের কড়া দান করিলেন।

কিন্তু প্রেশিয়ারাজ ভগ্নোদ্যম হইলেন না; তিনি নিজের সেনার উৎকর্ষসাধনে প্রবৃত্ত হইলেন। তিনি দেখিলেন যখন নেপোলিয়নের আদেশানুসারে তাঁহার নির্দিষ্ট সংখ্যার অতিরিক্ত সৈন্ত রাখিবার ক্ষমতা নাই, তখন ঐ নির্দিষ্টসংখ্যক সৈনিকপুরুষদিগকে রীতিমত সামরিক শিক্ষা দিয়া ছাড়িয়া দিলে এবং তাহাদের পরিবর্তে সেই পরিমাণে নূতন নূতন লোক আনিয়া সৈনিক শ্রেণীভুক্ত করিলে সন্ধির নিয়মও লঙ্ঘন করা হইবে না, অথচ কতিপয় বৎসরের মধ্যে রাজ্যের অনেক লোকে সমরনৈপুণ্য লাভ করিতে পারিবে। এই প্রকার আরও একটা গুণ এই যে ইহাতে এক সময়ে অধিক লোক সৈনিক বিভাগে রাখিতে হয় না। কাজেই ব্যয়ের লাঘব হয় এবং সামরিক শিক্ষা সমাপ্ত হইলে সকলেই গৃহে ফিরিয়া স্ব স্ব বাবসায় অবলম্বনপূর্বক দেশের ধনবৃদ্ধি করিতে পারে। সামরিক শিক্ষাপ্রাপ্ত, কিন্তু কৃষিশিল্পবাণিজ্যাদিতে নিরত এইরূপ ব্যক্তিদিগকে দেশের “সজ্জিত সৈন্ত” বলা যাইতে পারে, কারণ যখনই প্রয়োজন হয়, তখনই রাজা ইহাদিগকে আহ্বান করিয়া সামরিক কার্যে নিযুক্ত করিতে পারেন। উক্তকালে যুরোপের প্রায় সমস্ত দেশেই সেনা প্রস্তুত করিবার জন্য প্রেশিয়ারাজের এই উৎকৃষ্ট পদ্ধতি অবলম্বিত হইয়াছে।

এদিকে নেপোলিয়নের পতনকাল আসন্ন হইল। তাঁহার সর্গগ্রাসিনী নীতির বিভীষকার ইংল্যান্ড, প্রুশিয়া, অস্ট্রিয়া, রুশিয়া প্রভৃতি প্রায় সকল দেশের রাজাই তাঁহার শত্রু হইয়াছিলেন। রুশিয়া আক্রমণ করিতে গিয়া তাঁহার এক বিপুল বাহিনী বিনষ্ট হইল; অস্ট্রিয়ার সম্রাট প্রুশিয়ারাজের সহিত যোগ দিলেন; ইংল্যান্ডের ও প্রুশিয়ার সমবেত চেষ্টায় ওয়াটার্লু যুদ্ধক্ষেত্রে তাঁহার মহাপতন ঘটিল।

যুদ্ধান্তে যুরোপবাসীরা বিয়েনা নগরীতে এক মহাসমিতি গঠন করিয়া শাস্তিস্থাপনে মন দিলেন। যুদ্ধের পূর্বে যে যে রাজার অধিকারে যে যে অঞ্চল ছিল, তাঁহারা প্রায় সকলেই যথাসম্ভব সেগুলি ফিরিয়া পাইলেন; ইহাতে এক জাতীয় লোক যে পুনরায় অল্প জাতীয় লোকের অধিকারভুক্ত হইল, সমিতির সভ্যরা তাহা বিবেচনা করিয়া দেখিলেন না। তাঁহারা অস্ট্রিয়াপতিকে ইটালির কিয়দংশ দান করিলেন। হতভাগা পোল্যান্ডের সম্বন্ধেও সুবিচার করিলেন না। অস্ট্রিয়া, প্রুশিয়া ও রুশিয়ার রাজারা অষ্টাদশ শতাব্দীতে পোল্যান্ড রাজ্যটিকে আপনাদের মধ্যে যেমন ভাগ করিয়া লইয়াছিলেন, বিয়েনার সমিতি তাহাই অব্যাহত রাখিলেন। সবিশেষ লাভবান হইলেন প্রুশিয়ার রাজা, কারণ তিনি জার্মানির উত্তরখণ্ড হাঙ্গারী ও ভূতি কতকগুলি উৎকৃষ্ট স্থান প্রাপ্ত হইলেন।

এরূপ ব্যবস্থায় রাজারা সন্তুষ্ট হইলেন বটে, কিন্তু তাঁহাদের প্রজারা সর্বত্র সুখা হইতে পারিল না। ফরাসীরাষ্ট্রবিপ্লবে লোকে স্বায়ত্ত শাসনের মর্ম্ম বুঝিয়াছিল; কিন্তু প্রুশিয়া, অস্ট্রিয়া প্রভৃতি দেশের রাজারা স্বায়ত্তশাসনের বিরোধী এবং যথেষ্টাচারের পক্ষপাতী ছিলেন। প্রজাদিগকে শাসনসংক্রান্ত কোন ক্ষমতা দেওয়া দূরে থাকুক, তাঁহারা বরং পূর্বাপেক্ষাও স্বেচ্ছাচারী হইলেন।

বিশ্বয়ের বিষয় এই যে রাজারা স্বেচ্ছাচারী হইলেও জার্মানিতে এসময়ে কোন অশান্তির লক্ষণ দেখা যায় নাই। পরন্তু কোন কোন জার্মানপ্রজ্যে লোকে যেন পূর্বাপেক্ষা অধিক শান্তিপ্রিয় হইয়াছিল। তাহারা মদ্যপান এবং নৃত্যগীতাদি আমোদ-প্রমোদ ভোগ করিতে পারিলেই সন্তুষ্ট থাকিত, রাজা ও রাজকর্ম্মচারীরা নিতান্ত অত্যাচারী না হইলে দেশের শাসনপ্রণালী-সম্বন্ধে মন্তব্য আলোড়ন করিত না, কাহারও সহিত বিবাদ করিতেও চাহিত না। বাবেরিয়া প্রভৃতি দক্ষিণাঞ্চলবাসী জার্মানদিগের মধ্যেই এইরূপ শান্তিপ্রিয়তা অধিক দেখা যাইত। যখন নেপোলিয়ন প্রুশিয়া ও অস্ট্রিয়াকে হতশ্রী করেন, তখনও ইহাদের স্বজাতিবাসল্য উদ্দীপিত হয় নাই; স্বজাতির মর্যাদা রক্ষা করা দূরের কথা, ইহারা বরং নেপোলিয়নেরই সাহায্য করিয়াছিলেন।

তবে প্রত্যেক জার্মানের হৃদয়েই যে যুদ্ধবাসনা দীর্ঘকাল সুস্থ ছিল তাহা নহে। প্রুশিয়া দেশের বিস্মার্ক-প্রমুখ অনেক ব্যক্তি প্রুশিয়াকে জার্মানজাতির অগ্রণী

কন্নিবার সঙ্কল্প করিয়াছিলেন। এই বিস্মার্ক একজন অসাধারণ লোক। তিনি প্রুশিয়াদেশের কোন সম্ভ্রান্তবংশে জন্মগ্রহণ করিয়াছিলেন এবং পঠদশাতেই বীৰ্য্য ও চরিত্রবলে জনসাধারণের দৃষ্টি আকর্ষণ করিয়াছিলেন। দেহের বল, মনের দৃঢ়তা, লোকচরিত্র বুঝিবার ক্ষমতা, উপায়কুশলতা প্রভৃতি যে সমস্ত গুণ থাকিলে সমাজে প্রাধান্য লাভ করা যায়, বিস্মার্কের তাহার প্রায় কোনটাই অভাব ছিল না। তিনি শত বাধা পাইলেও লক্ষ্যভ্রষ্ট হইতেন না,—ছলে বলে, যে কোন প্রকারে নিজের উদ্দেশ্য সিদ্ধ করিয়া লইতেন। তাঁহার প্রতিজ্ঞা ছিল, জার্মানরাজ্যগুলির মধ্যে প্রুশিয়াকে সর্বপ্রধান করিতে হইবে,—প্রুশিয়ার রাজাকে জার্মানির সার্বভৌমপদে বসাইতে হইবে। তাঁহার প্রতীতি হইয়াছিল যে, প্রজাতন্ত্রশাসনে জাতীয় শক্তির অপচয় ঘটে, কিন্তু সুযোগ্য রাজার হস্তে সর্ববিধ ক্ষমতা কেন্দ্রগত হইলে, এবং তাঁহার সাহায্যার্থ বিশ্বস্তা ও পরাক্রমশালিনী সেনা থাকিলে জাতীয় শক্তির সম্যক স্ফুর্তি জন্মে।

১৮৪৭ অব্দে যুরোপের নানান্থানে যখন আবার রাষ্ট্রবিপ্লব আরম্ভ হয়, সেই সময় হইতে বিস্মার্কের অভ্যুদয়। তখন হান্সারির সহিত অস্ট্রিয়ার বিবাদ ঘটে এবং অস্ট্রিয়ার সম্রাট হান্সারিবাসীদিগকে স্বায়ত্তশাসনের অধিকার দিতে বাধ্য হন।* বিস্মার্ক তখন প্রুশিয়ারাজের মন্ত্রী। তিনি দেখিলেন অস্ট্রিয়ার আর পূর্বের মত ক্ষমতা নাই; অতএব তিনি জার্মানজাতির মধ্যে অস্ট্রিয়ার পরিবর্তে প্রুশিয়ার প্রাধান্য প্রতিপন্ন করিবার জন্ত ব্যগ্র হইলেন। অচিরে সেজুইক্-হলষ্টিন্ নামক একটা প্রদেশের† অধিকার লইয়া তিনি অস্ট্রিয়ার সহিত বিবাদের ছল পাইলেন। এই প্রদেশ পূর্বে দিনারবারাজের অধীন ছিল; কিন্তু ১৮৬৪ অব্দে বিস্মার্ক ইহা গ্রহণ করিলেন। জার্মানির উত্তরথণ্ডে দুই একটা প্রদেশ তখনও অস্ট্রিয়ার শাসনাধীন ছিল; কাজেই অস্ট্রিয়ানপতি আপত্তি করিলেন যে, তাঁহার সম্মতি-

* অস্ট্রিয়ার পূর্বপ্রান্তবর্তী বিজীর্ণ সমতল প্রদেশের নাম হান্সারি। খ্রীষ্টীয় দশম শতাব্দীতে এশিয়া মহাদেশ হইতে তুর্কজাতির এক সম্প্রদায় এই অঞ্চলে গিয়া বাস করে এবং দীর্ঘকাল বিবাদের পর অস্ট্রিয়ার অধীন হয়। ইহাদের জাতীয় নাম ম্যাগেয়ার। ইহাদিগের বা জার্মানদিগের সহিত হুণ নামক প্রাচীন অসভ্যজাতির কোন রক্তসম্বন্ধ নাই। আজকাল সংবাদপত্রাদিতে কেহ কেহ জার্মানদিগকে হুণ বলেন বটে, কিন্তু সে অপপ্ররোচের জন্য স্বয়ং জার্মানসম্রাটই দায়ী। কয়েক বৎসর পূর্বে তিনি যখন চীনদিগকে দমন করিবার জন্য সৈন্য প্রেরণ করেন তখন বলিয়া দিয়াছিলেন, তোমরা এমন কর্তার ভাবে শত্রু দমন করিবে যে লোকে যেন তোমাদিগকে হুণ মনে করে। বর্তমান যুদ্ধেও জার্মানদের অনেক বিষয়ে হুণদিগের মতই নৃশংসচরণ করিতেছেন।

† সেজুইক্-হলষ্টিনের ভিতর দিয়া হুপ্রিসিঙ্ক 'কিরেল্ খাল' প্রস্তুত হইয়াছে। ইহা উত্তর সাগরকে বাস্টিঙ্ক সাগরের সহিত সংযুক্ত করিয়াছে।

ব্যতিরেকে জার্মাণেরা সুজুইক গ্রহণ করিতে পারেন না । কিন্তু বিন্সার্ক ইহাতে কর্ণপাত করিলেন না এবং যুদ্ধ ঘোষণা করিয়া কয়েক সপ্তাহের মধ্যেই অষ্ট্রিয়ার সম্রাটকে একরূপ পরাস্ত করিলেন যে, তিনি জার্মাণির উত্তরখণ্ড হইতে সম্পূর্ণরূপে বিতাড়িত হইলেন ।

দুরদর্শী বিন্সার্ক এই পরাস্ত করিয়াই ক্ষান্ত হইলেন, অষ্ট্রিয়ার আর কোন অনিষ্ট করিলেন না, কারণ তিনি বুঝিলেন অচিরে ফ্রান্সের সহিত প্রুশিয়ার যুদ্ধ ঘটিতে পারে ; একরূপ অবস্থায় মর্যাদাস্তিক যাতনা দ্বারা অষ্ট্রিয়াকে চিরশত্রু করিয়া তুলিলে প্রুশিয়ার পক্ষে অশুবিধা হইবে । ফরাসীরা তখন নবশক্তি সঞ্চয় করিয়াছিলেন । বিন্সার্ক জানিতে পারিলেন ফরাসী সম্রাট তৃতীয় নেপোলিয়ন্ প্রুশিয়া আক্রমণ করিতে অভিলাষ করিয়াছেন ; কিন্তু ইহাতে তিনি ভীত না হইয়া বরং আনন্দিত হইলেন এবং নানা কৌশলে নেপোলিয়ন্কে যুদ্ধে প্রবর্তিত করিলেন, কারণ তিনি বিলক্ষণ জানিতেন যে, ফরাসী সেনা অপেক্ষা প্রুশিয়ার সেনা সম্বন্ধে বলবতী, বিশেষতঃ প্রুশিয়ার রাজা অগ্রণী হইয়া ফরাসীদিগের দৰ্পচূর্ণ করিতে পারিলে জার্মাণিতে তাঁহার প্রভুত্ব অপ্রতিহত হইবে, সমগ্র জার্মাণজাতি তাঁহাকে অধিনেতার পদে বরণ করিবে । ফরাসীরা অদ্ভুত বীরত্ব দেখাইলেন বটে, কিন্তু সেনাপতিদিগের দোষে অচিরে পরাস্ত হইলেন । সেডানের যুদ্ধক্ষেত্রে নেপোলিয়ন্ আত্মসমর্পণ করিলেন, জার্মাণেরা ফ্রান্সের রাজধানী পারিশ অবরোধ ও অধিকার করিলেন ; ফরাসীরা যুদ্ধের ক্ষতিপূরণস্বরূপ তিনশত কোটি টাকা এবং আল্‌সাস ও লোরেন্ নামক দুইটা প্রদেশ সমর্পণ করিয়া সে যাত্রা নিষ্ফল লাভ করিলেন ।


জার্মাণ-হস্তে আল্‌সাস ও লোরেন্ প্রদেশের পতন বর্তমান যুদ্ধের অন্ততম কারণ, এজন্ত ইহাদের সম্বন্ধে দুই একটা কথা জানিয়া রাখা ভাল । প্রাচীন কালে এই প্রদেশদ্বয় কখনও ফরাসীদিগের, কখনও জার্মাণদিগের অধিকারভুক্ত ছিল । ফ্রান্সের ও জার্মাণির প্রাচীন সাধারণসীমা রাইন নদী ; কিন্তু মধ্যযুগে জার্মাণেরা রাইনের পশ্চিমপারেও অধিকার বিস্তার করেন । তাহার পর সপ্তদশ শতাব্দীতে ফরাসীরা আবার উক্ত প্রদেশ দুইটা জয় করিয়া লন । তদবধি ন্যূনাধিক দুই শত বৎসরের মধ্যে আল্‌সাস ও লোরেন্‌গের অধিবাসীরা ভাষায় ও আচার-বাবহারে সম্পূর্ণরূপে ফরাসীভাবাপন্ন হইয়া পড়েন ; কাজেই তৃতীয় নেপোলিয়নের পরাভবের পর জার্মাণি যখন এই অঞ্চলের আধিপত্য লাভ করিলেন, তখন তাঁহাদের মনে বড় আঘাত লাগিল । জার্মাণেরা প্রায় চল্লিশ বৎসর আল্‌সাস ও লোরেন্ শাসন করিতেছেন, কিন্তু অষ্ট্রাপি তত্রতা অধিবাসীদিগের প্রীতিভাজন হইতে পারেন নাই । কিন্তু জার্মাণেরা সেজন্ত দুঃখিত নহেন ; তাঁহারা অতি কঠোরভাবেই এই প্রদেশ দুইটা শাসন করিয়া আসিতেছেন ।

ফরাসীদিগের পরাজয়ের পর জার্মানিগেরা তদানীন্তন প্রুশিয়াজ প্রথম উইলিয়মকে জার্মানসম্রাটের পদে অভিষিক্ত করিলেন। নিয়ম হইল যে সম্রাটের সাহায্যার্থে ষড়রাজ্যগুলি হইতে কতিপয় প্রতিনিধি লইয়া একটি সভা গঠিত হইবে; পররাষ্ট্রের সহিত সম্বন্ধ, আমদানি-রপ্তানির উপর শুল্কগ্রহণ প্রভৃতি যে সকল বিষয়ের উপর সমগ্র জার্মানির মঙ্গলামঙ্গল নির্ভর করে, তৎসংক্রান্ত বিধি-ব্যবস্থা এই সভার পরামর্শ লইয়া নির্দিষ্ট হইবে। লুক্সেমবুর্গের ক্ষমতা সম্রাট্ মহোদয়ের হস্তে রাখিবেন; সামন্তরাজ্যগুলিতেও এক একটি স্থানীয় প্রতিনিধি-সভা থাকিবে; শান্তিরক্ষা, শিক্ষাদানের ব্যবস্থা প্রভৃতি যে সকল বিষয়ের সহিত স্থানীয় সম্বন্ধ, সামন্তরাজ্যদিগের ক্ষমতা কেবল সেইগুলিতেই সীমাবদ্ধ রহিবে।

জার্মানিতে সম্রাট্ ও সামন্তরাজ্যদিগকে পরামর্শ দিবার জন্য প্রতিনিধি-সভা আছে বটে, কিন্তু ইংল্যান্ডেব পার্লামেন্ট সভার যেরূপ ক্ষমতা, ইহাদের সেরূপ নাই। অষ্ট্রিয়ার ত্রায় জার্মানিতেও শাসনসংক্রান্ত সর্ববিধ বিষয়ে রাজকর্মচারী-দিগেরই সর্বতোমুখী ক্ষমতা; প্রজারা বা তাহাদের প্রতিনিধিগণ কোন কার্যে হস্তক্ষেপ করিতে পারে না।

স্বত্বের বিষয় এই যে জার্মানির কর্মচারিগণ সাধারণতঃ স্ত্রাননিষ্ঠ ও কার্যক্ষম। এই শিল্প শাসনকার্য্য সুচারুরূপে সম্পাদিত হয়। জার্মানির রেলওয়ে ও তাড়িত-বার্তাবহ রাজকীয় তত্ত্বাবধানে পরিচালিত। কিন্তু ইহাদের কুজ্ঞাপি কোনরূপ বিশৃঙ্খলতা দেখা যায় না। জার্মানির নগরগুলি অতি সুন্দর ও পরিচ্ছন্ন, প্রত্যেক নগরে বড় বড় বাগান ও যাহুঘর আছে, যেখানে যাও মনে হইবে এমন একটি দেশে আসিয়াছি যেখানে সকল লোকেই কাজ বুঝে এবং ক্রিয়াকলাপে কাজ করিতে হয় তাহা জানে।

পূর্বে কিন্তু জার্মানিগণের এ গুণটি তত দেখা যাইত না। ঊনবিংশ শতাব্দীর প্রথম পাদ পর্য্যন্তও অনেকেরই ধারণা ছিল, জার্মানিগেরা কবিষে ও গীতবাদ্যে সুনিপুণ হইলেও বিষয়কর্মে তত পটু নহেন, এবং রাজনীতি ও সমাজতত্ত্বে তাঁহারা অজ্ঞাত যুরোপবাসী অপেক্ষা অনেক অপকৃষ্ট। কিন্তু ফ্রান্স্কে পরাভূত করিবার পর জার্মানিগেরা বৈষয়িক অবস্থার উন্নতিসাধনে প্রাণপণে যত্ন করিয়াছেন। তাঁহারা অনেক দিন হইতেই খেলানা প্রস্তুত করিতে সিদ্ধহস্ত, সেদিন পর্য্যন্ত এ বিষয়ে সমস্ত সভ্যজনপদেই তাঁহাদিগের একচেটিয়া ছিল; কিন্তু কতকগুলি নব্যশিল্পেও তাঁহাদের কারখানাগুলি পৃথিবীর মধ্যে শ্রেষ্ঠস্থান লাভ করিয়াছে। ইহাদের মধ্যে জুপ্ প্রভৃতির লৌহ ও ইস্পাতের কারখানা এবং আলকাতরা হইতে নানাবিধ রং ও ঔষধ প্রস্তুত করিবার রাসায়নিক কারখানাগুলি বিশেষ উল্লেখযোগ্য।



যার্লিং নগরের দৃশ্য—হজরত অখান উপাসনামন্দির।

যে যে কারণে জার্মানিগেরা এই সকল নব্যশিল্পে এত উন্নতিলাভ করিয়াছেন, সেগুলি নিম্নে বলা যাইতেছে :—

(১) অর্থাগমের জন্য নবনব-উপায়-নির্ধারণে জার্মানিগেরা অস্বীতীয়। ঐশিয়ার ভূমি অসুখরূপী, কিন্তু এখানে বিটু পালং ও গোল আলুর চাষ করা যায়। জার্মানিগেরা তাহাই করিতেছেন, এবং বিটু হইতে এত চিনি ও গোল আলু হইতে এত সুরাসার প্রস্তুত করিতে শিখিয়াছেন যে এই দুইটা দ্রব্যের জন্য তাঁহাদিগকে বিদেশের মুখাপেক্ষী হইতে হয় না, বরং তাঁহারা ই অত্যন্ত দেশে চিনি ও সুরাসার বিক্রয় করিয়া প্রচুর অর্থলাভ করেন।

(২) বৈজ্ঞানিক আবিষ্কৃত্য দ্বারা শিল্পের উন্নতিসাধনে জার্মানিগদিগের অদ্ভুত ক্ষমতা। তাঁহাদের রসায়নবেত্তারা আলকাতরার উপাদান বিশ্লেষণ করিয়া তাহা হইতে নানারূপ ঔষধ ও রং প্রস্তুত করিয়াছেন এবং এই সকল রঙের সঙ্গে প্রতियোগিতা করিতে না পারায় ভারতবর্ষজাত নীল প্রভৃতি একরূপ অন্তর্হিত হইয়াছে বলিলেই হয়।

(৩) যন্ত্রাদির, বিশেষতঃ বৈদ্যাতিক যন্ত্রসমূহের উন্নতিসাধনে জার্মানিগেরা অসামান্য কৃতিত্ব দেখাইয়াছেন।

কিন্তু কিরূপে লোকজনকে কাজ শিখাইতে হয়, কিরূপে যে ব্যক্তি যে কাজের উপযুক্ত তাহাকে সেই কাজে নিযুক্ত করিয়া সকলের নিকট হইতেই স্মৃৎশ্রমভাবে কাজ আদায় করিতে হয়, তাহা জার্মানিগেরা যেমন বুঝেন, অনেকে সেরূপ বুঝে না।

এই সকল উপায়প্রয়োগের ফলে ইদানীন্তনকালে জার্মানিগেরা প্রায় সকল বিষয়েই প্রতিষ্ঠা লাভ করিয়াছেন। কেবল বৈষয়িক ব্যাপারে নহে, অপর অনেক ক্ষেত্রেও অনেক জার্মানিগ অসাধারণ প্রতিভার পরিচয় দিয়াছেন। অষ্টাদশ ও ঊনবিংশ শতাব্দীতে রাজনীতিসম্বন্ধে জনসাধারণের কোন স্বাধীনতা ছিল না বটে, কিন্তু তাঁহাদের বুদ্ধিবৃত্তির যথেষ্ট ক্ষুদ্রি হইয়াছিল। তখন জার্মানিগের বিশ্ববিদ্যালয়-সমূহে যত পণ্ডিত অধ্যাপনায় ও গবেষণায় নিরত ছিলেন, অল্প কোন দেশে তত দেখা যায় নাই। কাব্যে গেটে, মনস্তত্ত্বে কান্ট, পুরাবৃত্তে মম্সেন, রসায়নে লাইবিগ, গণিতে ও প্রাকৃতিক বিজ্ঞানে হেলমহোল্ট্জ্ প্রভৃতি জার্মানিগ মনীষিগণ মানব-সমাজে চিরপূজ্য। শিক্ষাদান-পদ্ধতিতেও ফ্রোবেলের নাম সুবিখ্যাত। আমেরিকার বিদ্যালয়গুলি জার্মানিগ আদর্শেই গঠিত।

জার্মানিগদিগের মধ্যে যে বৈষয়িক ও মানসিক উন্নতি যথেষ্ট হইয়াছে তাহা বেশ বুঝা গেল। এই উন্নতির সূত্রপাত হইয়াছিল ফরাসীযুদ্ধের পূর্বে হইতে; পূর্ণতা সাধিত হইয়াছে তাহার পর। কিন্তু ইহার সঙ্গে সঙ্গে আধ্যাত্মিক অবনতি দেখা দিয়াছে। জার্মানিতে পূর্বে যেমন অনেক ধর্মবীরের আবির্ভাব হইয়াছিল, এখন

আর তেমন দেখা যায় না। আজ প্রটেক্টর্ট সন্ত্রাসের প্রতিষ্ঠাতা মার্টিন লুথারের জন্মভূমিতে খ্রীষ্টধর্মই অনাদৃত, লোকে ঈশ্বরচিন্তা ভুলিয়া ধনার্জনে ব্যস্ত, বীণ্ড খ্রীষ্টকে ভ্যাগ করিয়া নব নব গুরু নব্যমত্রে দীক্ষিত। ইহার প্রধান কারণ বোধ হয় প্রভূত ধনাগম, যেহেতু কাকনের ভারে আত্মার অধোগতি অপরিহার্য।

জার্মানজাতির যে সকল অভিনব উপদেষ্টার কথা বলা হইল, তাঁহাদের একজনের নাম নিট্‌সে (১৮৪৪—১৯০০)। তিনি বলেন, “যীশু খ্রীষ্ট একজন নীচকুলজাত ভণ্ড; তাঁহার কুহকে ভুলিয়া মানুষ অধঃপাতে যাইতেছে। তিনি মানবপ্রকৃতি বুঝিতেন না, উপদেশ দিতেন ‘ক্রৌতদাসের স্নায় সহিষ্ণু ও ক্ষমাশীল হও, তাহা হইলেই তুমি আদর্শ মানব হইবে।’ কিন্তু আদর্শ মানব বলিব কাহাকে? যে দপ্পী, প্রতাপশালী ও বলবান, যাহাকে সকলে ভয় করে, যে ইচ্ছা করিলেই অস্ত্রের যথাসর্বস্ব আত্মসাৎ করিতে পারে, সেই প্রকৃত আদর্শ মানব।” নিট্‌সের মতে তুমি যাহা অধিকার করিতে পার তাহাই তোমার নিজস্ব, কারণ মুখে যে যাহাই বলুক না কেন, বস্তুকরা চিরদিনই বীরভোগ্যা।

নিট্‌সের মত যে নূতন তাহা নহে; কিন্তু তিনি এমন ভাবে এই বিষ উদ্‌গিরণ করিতে পারিতেন যে, জার্মানেরা এখনও তাহা সুধাত্মনে পান করিতেছেন। করিবারই কথা, কারণ ইহার সহিত তাঁহাদের অন্তর্নিহিত বৃত্তিগুলির বিলক্ষণ সাদৃশ্য আছে। ফরাসীদিগকে পরাস্ত করিয়া এবং শিল্প-বিজ্ঞান-বাণিজ্যে উন্নতির পরাকাষ্ঠা লাভ করিয়া নব্যতন্ত্র জার্মানদিগের প্রতীতি হইয়াছে যে, যুরোপের মধ্যে তাঁহারাই সর্বশ্রেষ্ঠ; সকলকেই তাঁহাদের প্রাধান্য স্বীকার করিতে হইবে।

জার্মানির আরও অনেক প্রধান লেখক এই অদ্ভুত বিশ্বাসের সমর্থক। ইহাদের মধ্যে একজনের নাম ট্রাইট্‌স্কে। ইনি ১৮৭৪ অব্দ হইতে ১৮৯৬ অব্দ পর্যন্ত বার্লিন বিশ্ববিদ্যালয়ে পুরাবৃত্ত শাস্ত্রের অধ্যাপনা করিতেন। যদি ব্যক্তি-বিশেষের দোষে বর্তমান যুদ্ধের উদ্ভব হইয়াছে মনে করা যায়, তাহা হইলে ট্রাইট্‌স্কেই তাহার জন্ত প্রধানতঃ দায়ী বলিতে হইবে, কারণ তাঁহার গ্রন্থগুলি পাঠ করিলে দেখা যায়, তিনি কি অদ্ভুত যুক্তিপরিপূর্য প্রয়োগ করিয়া পূর্বে হইতেই জার্মানদিগকে এইরূপ একটা মহাযুদ্ধের উপযোগিতা বুঝাইয়া দিয়াছেন।

তবে সকল জার্মানই যে পরস্বহরণের জন্ত যুদ্ধ করিতেছেন তাহা নহে। তাঁহাদের অনেকে ভাবিতেছেন যে তাঁহারা আত্মরক্ষার্থই অস্ত্রধারণ করিয়াছেন। আত্মরক্ষা ব্যতীত অন্য কোন উদ্দেশ্য আছে বুঝিলে সম্ভবতঃ তাঁহারা যুদ্ধে প্রবৃত্ত হইতেন না। পূর্বে যখন ফ্রান্সের সহিত যুদ্ধ ঘটয়াছিল, তখনও তাঁহারা ভাবিয়া-ছিলেন যুদ্ধ না করিলে আত্মরক্ষার উপায় নাই, কারণ বিন্সার্ক তাঁহাদিগকে বুঝাইয়া-ছিলেন যে, নেপোলিয়ন্‌ জার্মানি আক্রমণ করিতে আসিতেছেন। এই শ্রেণীর

লোকে এখনও বুঝিয়াছেন যে ইংল্যান্ড, ফ্রান্স ও রুশিয়া তাঁহাদের সর্বনাশার্থ সম্মিলিত হইয়াছে ।

এখন দেখা যাউক নব্যতন্ত্র জার্মানিদিগের অভিপ্রায় কি ? তাঁহারা ভাবেন জার্মানিজাতির বৈরুপ বংশবৃদ্ধি হইয়াছে তাহাতে আর কুপমণ্ডকের ন্যায় জার্মানি-দেশের মধ্যে আবদ্ধ থাকিলে চলিবে না ; তাঁহাদের এখন হাত-পা বাড়াইবার সময় আসিয়াছে, শক্তিও জন্মিয়াছে । পৃথিবীতে যখন নানাস্থানে এত অসভ্য বা অর্ধসভ্য জাতির দেশ রহিয়াছে, তখন সুসভ্য জার্মানিগণেরা কেন সেগুলি আত্মসাৎ করিয়া নিজেদের সুবিধা করিয়া লইবেন না ? এই সুবিধা করিতে গেলে যদি যুদ্ধ ঘটে, তাহাতেই বা ক্ষতি কি ? জাতীয় জীবনরক্ষার জন্য, জাতীয় শক্তির উপচর-সাধনার্থ যুদ্ধ একটা অমোঘ ঔষধ । ইহাতে মানুষকে বলবান্ করে, স্বজাতির হিতার্থ আত্মবিসর্জন করিতে শিক্ষা দেয় । যাহারা যুদ্ধে রক্তপাত হইবে এই আশঙ্কায় শিহরিয়া উঠে তাহারা অতি অপদার্থ । ভীক ও ঢকল লোকেই যুদ্ধের বিরুদ্ধে এইরূপ কুযুক্তি প্রয়োগ করিয়া থাকে । যাহাদের পুরুষত্ব আছে তাঁহারা যুদ্ধকে শ্রীযুক্তির সহায় বলিয়াই মনে করেন ।

বিস্মার্ক কিন্তু এ তত্ত্বের লোক ছিলেন না । ফ্রান্সের পরাভবের পরেই তিনি ভাবিয়াছিলেন, আমার জীবনের কর্তব্য সমাপ্ত হইয়াছে । জার্মানিগণেরা যে যুরোপের একটা প্রধান জাতি বলিয়া পরিগণিত হইলেন ইহাই তিনি যথেষ্ট মনে করিলেন । তিনি বুঝিতেন ফরাসীদিগের প্রতিহিংসাবৃত্তি চিরদিন সুশৃঙ্খল থাকিবে না ; তাঁহারা সুবিধা পাইলেই অত্যাচার জাতির সহিত মিত্রতা স্থাপন করিবেন, কাজেই জার্মানির পক্ষেও অত্যাচার জাতির সহিত মৌহাদ্দ রক্ষা করিয়া চলা আবশ্যক । তিনি কখনও ঔপনিবেশিক আধিপত্যভারের জন্ত লোলুপ হন নাই, কাজেই ইংল্যান্ডের সহিতও বিবাদ করেন নাই । ফলতঃ তাঁহার পরামর্শমত চলিলে জার্মানিগণেরা কখনও রাজ্যবিস্তারের চেষ্টা করিতেন না, বর্তমান যুদ্ধও ঘটিত না । কিন্তু নব্যতন্ত্রগণ তাঁহাকে আর গুরু বলিয়া মানিলেন না ; তিনি যে পথ ভয় করিতেন, তাঁহারা সেই পথেই অগ্রসর হইলেন ।

উন্মার্গগামী জার্মানিদিগের অগ্রণী বর্তমান জার্মানি সম্রাট । সিংহাসনারোহণের পরেই তিনি বিস্মার্ককে পদচ্যুত করিয়াছিলেন এবং তদবধি নিজের ইচ্ছামত চলিয়া আসিতেছেন । অল্প কথায় তাঁহার চরিত্র বর্ণন করা অসম্ভব, কারণ ইহার অধিকাংশ চর্চ্ছের । বিশেষতঃ এমন বিষয় নাই যাহাতে তিনি লিপ্ত না আছেন । তিনি সাহসী, আত্মনির্ভরশীল ও অসাধারণ পরিশ্রমী । কিন্তু তিনি কিছু কল্পনা-প্রবণ,—স্বদেশছিতৈষণাই তাঁহার কল্পনার প্রধান উপাদান । কিন্তু হুর্ভাগ্যের বিষয় এই যে তিনি কল্পনা-নেত্রে কেবল জার্মানিভাগ্যলক্ষ্মীরই অলীক চিত্র দেখিয়া

মুগ্ধ হন, অস্ত্র কিছু দেখিতে পান না। অথচ তাঁহার এমনই মোহিনী শক্তি যে সমগ্র জার্মানজাতি আজ তাঁহার সহিত একমত।

বর্তমান সম্রাটের প্রধান কীর্তি জার্মানির রণপোতবাহিনীর গঠন। পূর্বে জার্মানির দুই একটা বন্দর ছিল বটে, কিন্তু যুদ্ধের জাহাজ ছিল না। প্রাচীন প্রেন্সের রাজ্য ত সমুদ্র হইতে দূরেই অবস্থিত ছিল; শেষে হান্সারগ্ প্রভৃতি বন্দর অধিকৃত হইলেও বিস্মার্ক রণপোতের দিকে মন দেন নাই। কিন্তু বর্তমান সম্রাট ভাবিলেন সামুদ্রিক বলই ইংল্যান্ডের শ্রীবৃদ্ধির কারণ এবং সামুদ্রিক বল না থাকিলে ইংল্যান্ডের সহিত প্রতিযোগিতা করা কঠিন, উপনিবেশ দগ্ধ করাও অসম্ভব। এই সংস্কারের বশবর্তী হইয়া তিনি ১৮৯৮ অব্দে রণপোত-দলকে এক আইন বিধিবদ্ধ করাইলেন। তদনুসারে রণপোতনিৰ্ম্মাণের জন্ত রাজস্ব হইতে প্রতি বৎসর প্রচুর ব্যয়ের ব্যবস্থা হইয়াছে। যখন ইংরাজেরা ড্রেডনট (অকুতোভয়) নামক এক প্রকার অতি বৃহৎ রণপোত নিৰ্ম্মাণ আরম্ভ করিলেন, তখন সকল দেশেই তাহাদের তুল্যকক্ষ পোতগঠনের প্রয়োজন হইল; জার্মানদেরা ইহাতেও পশ্চাৎপদ হইলেন না। তাঁহারা পোতগঠনে ইংল্যান্ডের সহিত প্রায় সমানভাবে চলিতে লাগিলেন; শিক্ষার গুণে তাহাদের নাবিকেরাও নৌযুদ্ধে নৈপুণ্য লাভ করিল।

এক দেশের লোকে অত্র দেশে গিয়া বংশানুক্রমে বাস আরম্ভ করিলে শেষোক্ত দেশকে প্রথমোক্ত দেশের উপনিবেশ বলা যায়। এ অর্থে জার্মান-দিগের কোন উপনিবেশ নাই। কিন্তু তাহাদের তথাকথিত উপনিবেশগুলি গ্রীষ্ম-মণ্ডলে অবস্থিত বলিয়া শিল্প ও বাণিজ্যের সুবিধা হইয়াছে, কারণ রবার প্রভৃতি কতকগুলি দ্রব্য কেবল গ্রীষ্মমণ্ডলেই পাওয়া যায় এবং এ সকল দ্রব্য নিজের অধিকারে না জন্মিলে অজ্ঞের সুখাপেক্ষী হইতে হয়। এই কারণে যুরোপের অনেক প্রধান জাতিরই ধারণা গ্রীষ্মমণ্ডলস্থ কোন না কোন প্রদেশের আধিপত্যলাভ গৌরবের ও সৌভাগ্যের বিষয়, এবং এই কারণেই নব্য জার্মানদেরা ‘উপনিবেশ’ পাইবার জন্ত ব্যগ্র হইয়াছিলেন। তখন ইংরাজদিগের সহিত তাঁহাদের বিরোধ ছিল না, কাজেই তাঁহারা যখন প্রশান্তমহাসাগরস্থ সামোয়া দ্বীপ এবং আফ্রিকা-খণ্ডের পূর্ব ও পশ্চিম উপকূলবর্তী কোন কোন অঞ্চল অধিকার করিলেন, তখন ইংরাজেরা তাঁহাদিগকে বাধা দিলেন না, বরং সাহায্যই করিলেন। ক্রমে তাঁহাদের ছুরাকাজ্জা বৃদ্ধি হইল এবং তাঁহারা আরও দুইটা নূতন ক্ষেত্রে ইহা চরিতার্থ করিবার সুবিধা পাইলেন।

প্রথম ক্ষেত্র চীন দেশ। পৃথিবীর প্রায় সকল প্রধান রাজ্যই অঙ্গীকার করিয়াছিলেন যে তাঁহারা কেহ চীনসাম্রাজ্যের কোন অংশ স্বীয় অধিকারভুক্ত

করিবেন না । কিন্তু ১৮৯৭ অব্দে চীনেরা দুইজন জার্মান পাদরির প্রাণনাশ করিয়াছিল বলিয়া জার্মান সম্রাট সেই প্রতিজ্ঞা ভুলিয়া গেলেন এবং ক্ষতিপূরণস্বরূপ শাংহাই প্রদেশটা একপ্রকার গ্রাস করিয়া ফেলিলেন । অতঃপর চীনেরা যখন সমস্ত বৈদেশিকের নিগ্রহ আরম্ভ করে এবং তাহাদিগকে শাস্তি দিবার নিমিত্ত নানাদেশ হইতে সৈন্ত প্রেরিত হয়, তখন জার্মান সৈন্ত চীনের সঙ্গে অতি নিষ্ঠুর ব্যবহার করে । শাংহাই প্রদেশেও জার্মানেবা লোকের প্রীতিভাজন হইতে পারেন নাই ; যেমন আল্‌সাসে, সেইরূপ এখানেও তাঁহারা অধিবাসীদিগের রীতিনীতি বা জাতীয় সংস্কারের দিকে ভ্রক্ষেপ করিতেন না ; এই প্রদেশ অধিকার করাতে জাপান যে জাতক্রোধ হইতেছে ইহাও বুঝিতে পারেন নাই, অথবা বুঝিয়া থাকিলেও জাপানকে তখন দুর্বল মনে করিয়া সেদিকে দৃকপাত করেন নাই । ফলতঃ অল্প বিষয়ে বুদ্ধির পরিচয় দিলেও ভিন্ন জাতীয় প্রজ্ঞার শাসনে এবং পররাষ্ট্রনীতিতে জার্মানেরা পদে পদে ভুল করিয়াছেন ।

জার্মানদিগের দুরাকাঙ্ক্ষা চরিতার্থ করিবার দ্বিতীয় ক্ষেত্র তুরুক্ষসাম্রাজ্য । এই বিশাল অঞ্চল কন্‌ষ্টান্টিনোপল হইতে যুক্তফ্রিটস নদী পর্য্যন্ত বিস্তৃত । যুরোপের পূর্বে অবস্থিত অথচ অধিক দূরবর্তী নহে বলিয়া ইংরাজেরা ইহাকে “আসন্ন প্রাচ্যখণ্ড” বলিয়া নির্দেশ করেন । জার্মানদিগের অভিসন্ধি ছিল বলপ্রয়োগ না করিয়া কৌশলসহকারে তুরুক্ষকে জার্মানির সামন্তরাজ্যে পরিণত করিবেন এবং জার্মান কর্মচারীদ্বারা ইহার শাসনকাযা চালাইবেন । তাঁহারা ভাবিয়াছিলেন কেহ ইহাতে আপত্তি করিলে বলিবেন, “প্রাচীনকালে তুরুক্ষে অনেক সমৃদ্ধিশালী জনপদ ছিল ; কিন্তু তুরুদিগের কুশাসনে এক্ষণ সেই সকল অঞ্চল মরুভূমিতে পরিণত হইয়াছে । সুশাসন প্রতিষ্ঠিত হইলে পুনর্বার ইহাদের শ্রীবুদ্ধি হইতে পারে, এই জন্তই আমরা এই দুর্বল ভার গ্রহণ করিয়াছি ।”

কেহ কেহ বলেন জার্মানেরা দক্ষিণ আমেরিকার দিকেও সম্পূর্ণ দৃষ্টিপাত করিয়াছিলেন । জার্মানির লোকসংখ্যা এত অধিক যে প্রতি বৎসর সহস্র সহস্র জার্মান বিদেশে গিয়া স্থায়িতাবে বাস করিতেছে । জার্মানসাম্রাজ্যের পক্ষে এক হিসাবে ইহা বড়ই ক্ষতির কারণ, কেননা যাহারা বিদেশে গিয়া বাস করে, তাহারা রাজ্যান্তরের প্রজ্ঞাশ্রেণীভুক্ত হয় । ইহার প্রতীকারার্থ ব্রাজিলের কিয়দংশ জার্মানির শাসনে আনিয়া সেখানে রীতিমত একটি উপনিবেশ-স্থাপনের সঙ্কল্প জার্মান মন্ত্রীদিগের পক্ষে নিতান্ত অস্বাভাবিক নহে । কিন্তু এরূপ করিলে যুনাইটেড স্টেটসের সহিত বিবাদ অবশ্যসম্ভাবী । এইজন্ত বোধ হয় সঙ্কল্পটা স্বপ্নাকারেই বিদ্যমান ছিল ; বিশেষতঃ ইহা কার্য্যে পরিণত করিবারও অবসর ছিল না, কারণ জার্মানেরা অল্প বে সকল ব্যাপারে হাত দিয়াছিলেন, সেইগুলির জন্তই নানাজাতির সহিত তাঁহাদের মনোমালিন্য ঘটয়াছিল ।

মনোমালিন্য সঙ্কে প্রথমেই ইংল্যান্ডের কথা তুলিতে হয়। ইংরাজেরা পুরুষপরম্পরার জার্মানির হিতকাষনা করিয়া আসিতেছিলেন। জার্মানিগেরা যখন আফ্রিকাখণ্ডে প্রবেশ করেন, তখন তাঁহারা কোন বাধা দেন নাই; জার্মানিদিগের সহিত প্রতিযোগিতায় ইংরাজ বণিকেরা ক্ষতিগ্রস্ত হইতেছিলেন এবং অসন্তোষ প্রকাশ করিতেছিলেন, তথাপি ইংরাজরাজপুরুষেরা বিচলিত হন নাই। কিন্তু এতাদৃশ ইংরাজকে শেষে জার্মানিগেরাই স্বতঃপ্রবৃত্ত হইয়া শত্রু করিয়া তুলিলেন। ১৮৯৯ অব্দে যখন আফ্রিকার দক্ষিণখণ্ডে বোয়ানজাতির সহিত ইংরাজের যুদ্ধ উপস্থিত হইল, তখন জার্মানসম্রাট অবাচিতভাবে তাড়িতবার্তাবহের সাহায্যে বোয়ানদিগের প্রতি নিজের সহানুভূতি জ্ঞাপন করিলেন। যতদিন এই যুদ্ধ চলিয়াছিল, ততদিন জার্মানির সংবাদপত্রসমূহেও ইংরাজের প্রতিকূলে অজস্র প্রবন্ধ মুদ্রিত হইত। জার্মানসম্রাট স্বয়ং এই সকল ইংরাজদ্বেষী লেখকদিগকে প্রশংসা দিতেন কি না বলা যায় না; কিন্তু না দিলেও বৃষ্টিতে হইবে যে নব্যতন্ত্র জার্মানিগেরা ক্রমে তাঁহার শাসনের বাহিরে গিয়া দাঁড়াইয়াছিলেন।

নব্যতন্ত্র জার্মানিদিগের মতে জার্মানির রাজ্যবিস্তার-চেষ্টা আয়স্কত; কিন্তু ইংল্যান্ডই সে পথের প্রধান কণ্টক। যখন জার্মানিজাতি দুর্বল ছিল এবং জার্মানিদিগের একতা জন্মে নাই, সেই সময়ে ইংরাজেরা পৃথিবীর উৎকৃষ্ট দেশগুলি আত্মসাৎ করিয়া বসিয়াছেন। জার্মানিগেরা যেখানে যাইতে চান সেখানেই ইংরাজ। তাঁহারা তুচ্ছ গ্রাস করিতে চান, কিন্তু তাহাতে বাধা দেন ইংরাজ; সমুদ্রে অবাধ গতিবিধি চান, তাহাতেও বাধা দেয় ইংরাজের রণপোত। যে সকল জার্মানিগের মনোভাব এইরূপ, তাঁহারা ইংরাজকে ভয় করেন, চক্ষুশূল মনে করেন বা তুচ্ছজ্ঞান করেন তাহা বলা কঠিন। তাঁহারা ইংরাজের প্রকৃতি সঙ্কেও নানারূপ ঘৃণার চিহ্ন প্রদর্শন করিয়া থাকেন। তাঁহাদের বিশ্বাস ইংরাজসেনা যুদ্ধে অপটু; তাঁহারা ইংল্যান্ডের ইতিহাস তন্ন তন্ন করিয়া দেখাইতে চান যে ইংরাজেরা অতি স্থূলবুদ্ধি; কেবল অদৃষ্টবলে পৃথিবীব্যাপী সাম্রাজ্য লাভ করিয়াছেন।

জার্মানসম্রাট কিন্তু মুখে অনেক সময়ে ইংরাজদিগের সঙ্কে শ্রীতির ভাবই প্রকাশ করিতেন; তিনি যে শান্তির একান্ত পক্ষপাতী ইহা প্রতিপন্ন করিবার জন্যও তাঁহার ব্যগ্রতার অভাব ছিল না। হয়ত তিনি মুখে যাহা বলিতেন, মনেও তাহা বিশ্বাস করিতেন, কিন্তু শান্তি বলিলে কি বুঝায় তাহা তিনি ভাল বুঝিতেন না। জার্মানিগেরা যাহা ইচ্ছা করিবেন, এবং অপর সকলে নীরবে তাহা সহ্য করিবে, তাঁহার মতে শান্তির অর্থ এই।

শেষে জার্মানিগেরা বৃষ্টিতে পারিলেন তাঁহাদের দুর্ব্যবহারে অনেকেই অসন্তুষ্ট হইয়াছে। আফ্রিকার উত্তর-পশ্চিম প্রান্তে মোরক্কো নামে একটি রাজ্য আছে;

নামে স্বাধীন হইলেও ইহার শাসনকার্য্য ফরাসীদিগের তত্ত্বাবধানে পরিচালিত । কিন্তু জার্মানসম্রাট একদা হঠাৎ মোরকোতে গিয়া তত্রত্য সুলতানকে বলিলেন, অতঃপর তথাকার শাসনসংক্রান্ত প্রধান প্রধান বিষয় একটা সমিতির বিবেচনাধীন থাকিবে এবং ঐ সমিতিতে জার্মানির একজন প্রতিনিধি গ্রহণ করিতে হইবে । বলা বাহুল্য যে এই অসঙ্গত প্রস্তাবের উদ্দেশ্য কেবল ফ্রান্সকে অপদস্থ করা ; কারণ মোরক্কোব রাজ্যকার্য্যে জার্মানসম্রাটের কিছুমাত্র স্বার্থ ছিল না । কিন্তু ফরাসীরা যখন ইহার প্রতিবাদ করিলেন, তখন ইরাজেরাও নীরব রহিলেন । কাজেই ১৯০৫ অব্দে স্পেনের অন্তঃপাতী আলজিসিরাস্ নগরে প্রস্তাবিত সমিতির অধিবেশন হইল । ইহার কিছুকাল পরে ফরাসীদিগকে আবার অপদস্থ করিবার অভিপ্রায়ে জার্মানসম্রাট বলিয়া বলিলেন, মোরক্কোর সম্বন্ধে ফরাসীরা যেরূপ অঙ্গীকার করিয়াছিলেন সর্ব্বথা তাহা পালন করেন নাই, অতএব তিনি মোরক্কোর পশ্চিম-প্রান্তবর্ত্তী আগাডির নামক বন্দরটা স্বাধিকারভুক্ত করিবেন । এই সময়ে ইরাজ-দিগের সহিত ফরাসীদিগের গাঢ়তর সখ্য জন্মিয়াছিল, তথাপি এবারও ফরাসীরা যথেষ্ট আত্মসংযম দেখাইলেন । তাঁহারা জার্মানিকে বন্দরটা দিলেন না বটে, কিন্তু তৎপরিবর্ত্তে আফ্রিকার অল্প অংশ হইতে বিস্তর ভূমি দিলেন । কিন্তু ইহাতেও জার্মানদিগের মন উঠিল না । এতকাল জার্মানি বাহা চাহিয়াছে তাহাই পাইয়া আসিয়াছে, কাজেই তাঁহারা সিদ্ধান্ত করিলেন, ইরাজেরাই এবার ফরাসীদিগের বন্ধু সাজিয়া তাঁহাদের উদ্দেশ্য ব্যর্থ করিয়াছেন ।

প্রশিয়ার সহিত যুদ্ধে পরাজিত হইবার পর অষ্ট্রিয়া বড় মাথা তুলিতে পারে নাই । অষ্ট্রিয়াসাম্রাজ্যের অধিবাসীরা নানাজাতীয় ; যে অংশ অষ্ট্রিয়া, তাহার অধিকাংশ লোক জার্মান ; হাঙ্গারিতে ম্যাগেয়ারদিগের বাস এবং বোহিমিয়া প্রভৃতি কয়েকটা প্রদেশে স্লাবজাতি । ইহাদের একের স্বার্থের সহিত অন্ত্রের স্বার্থের মিল নাই ; কিন্তু তন্নিবন্ধন এতদিন কোন গৃহযুদ্ধ ঘটে নাই ; মোটের উপর শিল্পের ও বাণিজ্যের কল্যাণে বরং সাম্রাজ্যের শ্রীবৃদ্ধিই হইয়াছে । এড্রিয়াটিক্ সাগরের পূর্ব্বোপকূল অষ্ট্রিয়ার অধীন হইবে, ঈজিপ্তান্ সাগরেও অষ্ট্রিয়ার আধিপত্য থাকিবে — অষ্ট্রিয়ার রাজপুরুষেরা অনেক দিন হইতে এই স্বপ্ন দেখিতেছিলেন । কিন্তু মধ্যভাগে সার্বিয়া থাকিয়া এই উভয় সঙ্কল্পসিদ্ধির পক্ষেই বিঘ্ন অন্তরায় হইয়াছে । এজন্য সার্বিয়ারাজ্য অষ্ট্রিয়ার চক্ষুশূল । ভাঙ্গাণেরা গোপনে গোপনে অষ্ট্রিয়াকে উৎসাহ দিতেন এবং যদি সার্বিয়াকে আত্মসং করিবার জন্য প্রশিয়ার সহিত যুদ্ধ ঘটে, তাহা হইলে অষ্ট্রিয়াকে সাহায্য করিবেন বলিয়াও অঙ্গীকার করিয়াছিলেন ।

দ্বিতীয় অধ্যায়।

ফ্রান্স্, বেলজিয়াম্ ও ইটালি।

(ক) ফ্রান্স্।

ফ্রান্সের প্রাচীন নাম গল্ দেশ এবং প্রাচীন অধিবাসীরা গল্জাতীয়। গলেরা এক সময়ে বিলক্ষণ প্রবল ছিলেন এবং খ্রীষ্টের প্রায় চারিশত বৎসর পূর্বে একবার ইটালি আক্রমণপূর্বক রোমনগর পর্যন্ত অধিকার করিয়াছিলেন। শেষে রোমকেরা বধন প্রবল হইলেন, তখন তাঁহারা ই গল্ দেশ জয় করিলেন (খ্রীঃ পূঃ ৫৮)।

প্রাচীন গলেরাও প্রাচীন জার্মানদিগের হ্রায় অসত্য ও যুদ্ধপ্রিয় ছিলেন; কিন্তু রোমের স্বশাসনে তাঁহারা ক্রমে বিজেতাদিগের রীতি নীতি, আচার ব্যবহাব, ভাষা ও ধর্ম্ পর্যন্ত অবলম্বন করিয়াছিলেন। এই কারণে প্রাচীন সময়েই জার্মানদিগের সহিত গলদিগের প্রকৃতিবৈষম্য জন্মে।

রোমের অবনতির সময়ে জার্মানদিগের ফ্রাঙ্ক্ নামক শাখা রাইন নদী পার হইয়া গলে বসতি করেন এবং তাঁহাদেরই নামানুসারে ইহার নাম ফ্রান্স্ হয়। কিন্তু ফ্রাঙ্কেরাও ক্রমে গলদিগের সহিত মিশিয়া যান এবং তাঁহাদের হ্রায় সভ্য হইয়া উঠেন। এই কারণে রাইনের পূর্বপারস্থ জার্মানদিগের সহিত ফ্রাঙ্কদিগের সম্বন্ধ বিলুপ্ত হয়, এবং খ্রীষ্টীয় ৮৪৬ অব্দে ফরাসীরা জার্মানজাতির অধীনতাপাশ হইতে সর্বতোভাবে মুক্তিলাভ করেন।

যুরোপের অগ্রাগ্রা দেশের হ্রায় ফ্রান্সেও সৈনিকভূম্যধিকার-প্রথা প্রবর্তিত হইয়াছিল এবং এই প্রথার আনুসঙ্গিক বিবাদবিসংবাদ ও অশান্তি দেখা দিয়াছিল। বার্গাণ্ডির 'ডিউক্' উপাধিধারী ভূম্যধিকারীর সহিত স্বয়ং ফ্রান্সরাজেরই দীর্ঘকাল কলহ চলিয়াছিল এবং ইংরাজেরা কখনও স্বতন্ত্রভাবে, কখনও বার্গাণ্ডিপতির সহিত যোগ দিয়া ফ্রান্স্ জয় করিবার চেষ্টা করিয়াছিলেন। ইংরাজসেনার বীরত্বে ফরাসীরা অনেকবার পরাভূ হইয়াছিলেন বটে, কিন্তু পরিণামে ফরাসীদেরই জয় হইয়াছিল; ইংরাজেরা শতবর্ষব্যাপী চেষ্টার পর ফ্রান্সের আশা ত্যাগ করিয়াছিলেন।

ইংরাজেরা প্রস্থান করিলে ফ্রান্সে আর তত অশান্তি রহিল না; রাজার কোশলে ভূম্যধিকারীরা তাঁহার একান্ত অনুগত হইয়া চলিতে লাগিলেন, রাজকীয় ক্ষমতা উত্তরোত্তর বর্দ্ধিত হইতে লাগিল এবং শিল্পসাহিত্যাদি নানা বিষয়ে ফরাসীজাতির বিলক্ষণ উন্নতি দেখা দিল। সুবিখ্যাত চতুর্দশ লুইএর রাজত্বকাল

(১৬৩৮-১৭১০) ফরাসী ইতিহাসে সবিশেষ গৌরবের সময়। তৎকালে যুরোপের অল্প কোন দেশই সভ্যতায় ফ্রান্সের তুল্যকক্ষ ছিল না।

চতুর্দশ লুই যদি শান্তিপ্রিয় হইতেন, তাহা হইলে ফরাসীরা বোধ হয় আরও উন্নতি লাভ করিতে পারিতেন। কিন্তু তাঁহার গোঁড়ামি ও হুরাকাজ্জাবশতঃ ফ্রান্সের অনেক অনিষ্ট ঘটয়াছিল। তিনি নিজে রোমাণ কাথলিক ছিলেন, এই নিমিত্ত সংস্কারক সম্প্রদায়কে (প্রটেস্ট্যান্টদিগকে) রাজ্য হইতে নির্বাসিত করেন। সংস্কারকদিগের অনেকেই উদ্ভোগী, বুদ্ধিমান, কৃতকর্ম্ম ও শিল্পকুশল পুরুষ ছিলেন; কাজেই তাঁহারা বিতাড়িত হইলে ফরাসীজাতির শক্তিক্ষয় হইল, পরন্তু তাঁহাদের অনেকে ইংল্যাণ্ডে গিয়া বাস করিলেন বলিয়া ইংরাজেরাই লাভবান হইলেন। দ্বিতীয়তঃ লুইএর রাজ্যবিস্তার-চেষ্টায় ফ্রান্সকে দীর্ঘকালব্যাপী যুদ্ধে ব্যাপ্ত থাকিতে হইয়াছিল। প্রথম কিছুদিন লুই জয়ী হইয়াছিলেন বটে, কিন্তু ইংরাজেরা যখন তাঁহার বিরোধী হইলেন, তখন তাঁহার পরাজয় আরম্ভ হইল (১৭০৪-১৭১৩)। ইংরাজের সহিত বিবাদের কারণ এই যে লুই হল্যাণ্ড আক্রমণ করিয়াছিলেন এবং ওলন্দাজবংশীয় তৃতীয় উইলিয়ম তখন ইংল্যাণ্ডের রাজা ছিলেন। অতঃপর মধ্যে মধ্যে ক্ষণস্থায়ী সন্ধি হইলেও ফ্রান্সের সহিত ইংল্যাণ্ডের আরও প্রায় পঞ্চাশ বৎসর যুদ্ধ চলে এবং তাহা অবশ্যে ফরাসীরা আমেরিকা ও ভারতবর্ষ হইতে বিতাড়িত হন।

এই সকল কারণে ফ্রান্সের বিস্তর লোকক্ষয়, অর্থব্যয় ও রাজ্যনাশ হয়। ইহার উপর আবার শাসনপ্রণালীর অনেক দোষ ছিল। রাজা অমিতব্যয়ী, যাজক ও ভূস্বামীর উচ্ছৃঙ্খল এবং প্রজাপীড়নে রাজারই পৃষ্ঠপোষক ছিলেন। কবভার ক্রমেই বৃদ্ধি হইত, অত্যাচারের মাত্রাও বাড়িয়া যাইত। শেষে যখন আর সহিতে পারিল না, তখন জনসাধারণে বিদ্রোহী হইল, রাজা ও রাণীকে বন্দী করিল, রাজপদ উঠাইয়া দিল, সাধারণতন্ত্র প্রবর্তিত করিল, রাজার ও রাণীর শিরশ্ছেদ করিল। ইহারই নাম প্রথম ফরাসী রাষ্ট্রবিপ্লব।

বিপ্লবকারীদিগের মূলমন্ত্র ছিল দুইটি :—(১) শাসনকর্ত্তাদিগের স্বেচ্ছাচারী হইবার অধিকার নাই; দেশের বিধি ব্যবস্থা, আইন কাহ্নন জনসাধারণের মত লইয়া স্থির করিতে হয়। ফলতঃ কাহ্নার হস্তে শাসনের ভার থাকিবে এবং কি প্রণালীতে শাসন চলিবে ইহা নির্দেশ করিবার ক্ষমতা ব্যক্তিবিশেষের বা সম্প্রদায়বিশেষের ভোগ্য নহে; এই সম্বন্ধে সর্বসাধারণেই তুল্যাধিকারী। (২) প্রত্যেক জাতির শাসনক্ষমতা সেই জাতিরই হস্তে থাকিবে, অল্পজাতীয় লোকে তাহা পরিচালন করিতে পারিবে না। একটু বিবেচনা করিয়া দেখিলি বুঝা যাইবে দ্বিতীয় মন্ত্রটা প্রথম মন্ত্রেরই শাখাস্বরূপ, কারণ কোন জাতিই আপনাদের শাসনকর্ত্তা নির্বাচন করিবার সময় ভিন্নজাতীয় লোককে ঐ পদে বরণ করে না।

সকলেই যদি দ্বিতীয় মন্ত্রটি গ্রহণ করে তাহা হইলে পৃথিবী বড় স্থূণের স্থান হয়, কারণ এক জাতি অন্য জাতির উপর আধিপত্য করিতে গেলেই যুদ্ধ ঘটে, নচেৎ শান্তিভঙ্গের আশঙ্কা থাকে না বলিলেই হয় । দুঃস্থের বিষয় ফ্রান্সের বিপ্লববাদীরাও এই যত্নসূত্রে চলেন নাই । যখন সুবিধা পাইয়াছিলেন, তখন তাঁহাদেরও কেহ কেহ অন্য জাতিকে পদদলিত করিতে কুণ্ঠিত হন নাই ।

ফরাসীরা যখন রাজাকে বন্দী করিলেন, তখন যুরোপের অন্যান্য রাজা ভীত হইয়া ফরাসীরাাজের সাহায্যার্থ অস্ত্রধারণ করিলেন । ফরাসীরাও পশ্চাৎপদ হইলেন না ; তাঁহাদের সেনাপতি নেপোলিয়ন্ অদ্ভুত রণপাণ্ডিত্য দেখাইয়া শত্রুপক্ষকে পদে পদে পরাস্ত করিতে লাগিলেন । কিন্তু ভাগ্যচক্রের এমনই বিচিত্রগতি ! এই জয়লাভই ফরাসীজাতির অমঙ্গলের কারণ হইল ; তাঁহারা রাজতন্ত্রশাসনের বিরুদ্ধে অভ্যুত্থান করিয়াছিলেন ; শেষে আবার সেই প্রথারই দাস হইলেন, কারণ নেপোলিয়ন্ সাধারণতন্ত্র উঠাইয়া দিয়া নিজেই তাঁহাদের সম্রাট হইলেন ।

ইংরাজেরা দেখিলেন নেপোলিয়ন্কে বাধা না দিলে তিনি সমস্ত যুরোপ গ্রাস করিয়া ফেলিবেন, ফরাসীদিগের উচ্ছৃঙ্খলতা আরও বৃদ্ধি হইবে । কাজেই তাঁহারা নেপোলিয়নের সহিত যুদ্ধে প্রবৃত্ত হইলেন । তখন ফরাসীদিগের তুলনায় সংখ্যায় অল্প হইলেও ইংরাজেরা জয়লাভ করিতে লাগিলেন । সমুদ্রে একাধিপত্য ছিল বলিয়া তাঁহারা ফ্রান্সের বাণিজ্য বন্ধ করিলেন ; তাঁহাদের সাহসী সৈন্যগণ ওয়েলিংটন-প্রমুখ সেনানীগণের প্রতিভাবলে ফরাসীদিগকে স্পেন দেশ হইতে বিদূরিত করিল ; তাঁহাদের ও জার্মানদিগের সম্মিলিত চেষ্টায় ওয়াটার্লু যুদ্ধক্ষেত্রে নেপোলিয়নের সর্বনাশ হইল (১৮১৫) ।

অতঃপর শতবর্ষকাল ফ্রান্সের সহিত ইংল্যান্ডের কোন যুদ্ধ হয় নাই । কিন্তু এই দীর্ঘসময়ে কখনও যে কোনরূপ মনোমালিন্য দেখা দেয় নাই ইহা বলা যায় না । ফরাসীরা বহুকাল হইতে ভূমধ্যসাগরে আপনাদের অথও আধিপত্যস্থাপনে প্রয়াসী । জার্মানির সঙ্গে যুদ্ধে পরাভূত হইবার পর তাঁহারা যখন আবার বলসঞ্চয় করিলেন, তখন তাঁহারা ভূমধ্যসাগরের দক্ষিণ ও পূর্ব উপকূলস্থ জনপদসমূহের আধিপত্য-লাভে প্রবৃত্ত হইলেন । আলজিরিয়া ত পূর্ব হইতেই তাহাদের অধিকারভুক্ত ছিল ; এখন তুরুষ্কের সুলতান তাঁহাদের বন্ধু হইলেন ; তাঁহারা মিশর ও সিরিয়া প্রভৃতি স্থানেও প্রতিষ্ঠালাভ করিলেন । কাজেই ইংরাজেরা আত্মরক্ষার্থ তাঁহাদিগকে বাধা দিতে অগ্রসর হইলেন । ফরাসীরা ১৮৬৯ অব্দে ইংরাজদিগের ইচ্ছার বিরুদ্ধে সুয়েজ খাল খনন করিয়াছিলেন ; অতঃপর তাঁহারা যদি মিশরেও আধিপত্য লাভ করিতে পারিতেন, তাহা হইলে ঐ খাল দিয়া ইংরাজদিগের যাতায়াত কঠিন হইত । কাজেই ইংরাজেরা ইহার প্রতিক্রিয়ার জন্য, যেমন সুযোগ পাইলেন অমনি মিশর দেশটি

করায়ত্ত করিলেন। ইহাতে ফরাসীরা এত ক্রুদ্ধ হইলেন যে, অনেকে আশঙ্কা করিলেন উত্তরজাতির মধ্যে যুদ্ধ ঘটবে। কিন্তু সৌভাগ্যবশতঃ জার্মানির অবিযুক্ত-কারিতার ইংরাজের সহিত ফরাসীর যুদ্ধ হইল না; উত্তরজাতিই বুঝিতে পারিলেন যে, জার্মানি তাঁহাদের সাধারণ শত্রু; অতএব জার্মানিকে দমন করিবার জন্য উত্তর জাতিরই সখ্যসূত্রে আবদ্ধ হওয়া উচিত।

আল্‌সাস্ ও লোরেণ্ হস্তব্রষ্ট হওয়াতে ফ্রান্সের হৃদয়ে যে দারুণ ব্যথা জন্মিয়াছিল, কখনও তাহার উপশম হয় নাই। শেষে জার্মানদিগের বড়্ব্যস্ত্রে তুরুকরাজ্যেও ফরাসীদিগের প্রতিপত্তি খর্ব হইতে লাগিল। ফরাসীরা দেখিতে পাইলেন, সিরিয়া প্রভৃতি অঞ্চলে আধিপত্যবিস্তার-সম্বন্ধে জার্মানগেরাই তাঁহাদের প্রধান পরিপন্থী। জার্মানগেরা ইংরাজদিগকেও বিষদৃষ্টিতে দেখিতেন এবং ইংরাজের বিপদে হর্ষ প্রকাশ করিতেন। ইংল্যান্ডের সহিত জার্মানির যে কিছু মৌখিক সম্ভাব ছিল, মহারানী বিক্টোরিয়ার মৃত্যুর পর তাহাও বিলুপ্ত হইল। সম্রাট্ সপ্তম এডুয়ার্ড ফরাসীদিগের গুণগ্রাহী ও পক্ষপাতী ছিলেন। তাঁহার চেষ্টায় ইংরাজ ও ফরাসী পূর্বতন বৈরভাব ভুলিয়া গেলেন এবং সখ্যসূত্রে বদ্ধ হইলেন। ইংরাজেরা মিশর ত্যাগ করিলেন না বটে, কিন্তু অন্যান্য বিষয়ে ফরাসীদিগের এমন সুবিধা করিয়া দিলেন যে, তাঁহারা মিশর-সম্বন্ধে আর কোন কথা তুলিলেন না (১৯০৪)। এই সময়ে উত্তরজাতির মধ্যে যে অঙ্গীকারপত্র লিপিবদ্ধ হয়, এপর্যন্ত জনসাধারণে তাহা দেখিতে পায় নাই; তবে এমন কোন ব্যবস্থা নিশ্চিত হইয়াছিল, যে জার্মানির সহিত বিবাদ উপস্থিত হইলে একে অপরের সাহায্য করিবেন। এইরূপ কোন অঙ্গীকারবলেই তদবধি ফরাসীরণপোতসমূহ ভূমধ্যাগরে এবং ইংরাজরণপোতসমূহ উত্তরসাগরে সমবেত হইয়া তত্ত্ব অঞ্চলে উত্তর জাতিরই স্বার্থরক্ষা করিতেছে।

(খ) বেল্জিয়াম্ ।

বেল্জিয়ামের অধিবাসীরা পূর্বতন গল্দিগের একটি শাখা। গল্দিগের ভ্রাতৃ ইংহারাও প্রথমে রোমানদিগের এবং পরে সার্ল্যামেনের সাম্রাজ্যভুক্ত হইয়াছিলেন। সার্ল্যামেনের সাম্রাজ্য বিনষ্ট হইল, কিন্তু বেল্জিয়াম্ ফ্রান্সের সহিত সংযুক্ত রহিল না, জার্মানির অংশরূপে পরিণত হইল এবং সেই সূত্রে কালে অষ্ট্রিয়ার অধিকারে গেল। শেষে নেপোলিয়ন্ ইহা জয় করিয়া ফ্রান্সের অধীন করিলেন।

নেপোলিয়নের পতন হইলে যুরোপীয় রাজারা জার্মানি ও ফ্রান্সের মধ্যে একটি প্রবল রাজ্য স্থাপনের অভিপ্রায়ে বেল্জিয়াম্কে হল্যান্ডের সহিত যুক্ত করিয়া দিলেন; কিন্তু ওলন্দাজদিগের সহিত বেল্জিয়ামের লোকের ভাবাগত এত পার্থক্য,

এবং ধর্ম ও স্বার্থসম্বন্ধে এত বৈষম্য ছিল যে, উভয়ের পক্ষে পরস্পর সম্মিলিত থাকার অসম্ভব হইল; কাজেই ১৮৩০ অব্দে বেলজিয়াম স্বাধীনতা অবলম্বন করিল। যুরোপের সকল রাজাই ইহা অনুমোদন করিলেন এবং ১৮৩৯ অব্দে স্থির হইল যে তদবধি বেলজিয়াম্ একটা উদাসীন রাজ্য বলিয়া পরিগণিত হইবে, অর্থাৎ অন্তর্ভুক্ত রাজ্যদিগের মধ্যে যুদ্ধ উপস্থিত হইলেও বেলজিয়াম্-বাসীরা কোন পক্ষ অবলম্বন করিতে পারিবেন না। এ ব্যবস্থা যে কেবল বেলজিয়ামের হিতার্থেই হইয়াছিল তাহা নহে; সকলে ভাবিয়াছিলেন যে ইহা দ্বারা ফ্রান্স, ইংল্যান্ড ও জার্মানিরও মঙ্গল হইবে, কারণ বেলজিয়ামের অধিকার লইয়া ফরাসী ও জার্মানজাতি বহুকাল বিবাদ করিয়া আসিতেছিলেন, কিন্তু উভয়ই যদি বেলজিয়ামকে উদাসীন রাজ্য বলিয়া গ্রহণ করা হয় তাহা হইলে এতদুপলক্ষে যুরোপে অতঃপর আর যুদ্ধের সম্ভাবনা থাকিবে না। বেলজিয়ামের সহিত তখন ইংল্যান্ডের ইণ্টারিন্টের কোন ঘনিষ্ঠ সম্বন্ধ ছিল না বটে, কিন্তু এখন দেখা যাইতেছে এই রাজ্যে জার্মানির আধিপত্য প্রতিষ্ঠিত হইলে ইংরাজদিগেরও ক্ষতির আশঙ্কা, কারণ ইহার উপকূলভাগ হইতে ইংল্যান্ডের দূরত্ব এত অল্প যে জার্মানেরা সেখান হইতে ইচ্ছা করিলেই ইংল্যান্ড আক্রমণ করিতে পারেন।

বর্তমান যুদ্ধের পূর্বে দেশের আয়তনের তুলনায় বেলজিয়ামে যত লোক বাস করিত, পৃথিবীর অন্য কোন দেশে সেরূপ দেখা যায় নাই। এখানকার শত শত কারখানা হইতে প্রচুর পরিমাণে পশমী কাপড়, লোহার কড়ি, বরগা ও কাচ প্রভৃতি বিদেশে রপ্তানি হইত; এখানকার ঈপ্স প্রভৃতি নগরের হস্তাশ্রয় প্রাচীন স্থাপত্য-বিদ্যার উৎকৃষ্ট নিদর্শন বলিয়া পরিগণিত হইত। কিন্তু জার্মানদিগের অত্যাচারে বেলজিয়ামের আর সে শ্রী নাই; হস্তাশ্রয় এখন প্রায় ধূলিসাৎ হইয়াছে। ইহাদের দুই একটা পুনর্নির্মিত হইতে পারে বটে; কিন্তু বহুপুঙ্খ-পরম্পরায় চেষ্টা না করিলে, যাহা নষ্ট হইয়াছে, তাহার সমস্ত ফিরিয়া পাওয়া যাইবে না।

(গ) ইটালি।

পূর্বে বলা হইয়াছে, জার্মানদিগের সহিত অন্য কোন দেশের লোকের সংমিশ্রণ হয় নাই; কিন্তু ইটালিতে তাহার বিপরীত ঘটিয়াছে, কারণ ইটালির বর্তমান অধিবাসীরা বহুজাতির সম্মেলনসম্মত। প্রাগৈতিহাসিক সময়ে ইটালির টাস্কান-জাতি সভ্যতার উচ্চসোপানে অধিরোহণ করিয়াছিল; ইতিহাসবর্ণিত কালের প্রারম্ভে দেখিতে পাওয়া যায় ইহার উত্তরভাগে গল, মধ্যভাগে লাটিন্ এবং দক্ষিণভাগে গ্রীকেরা বাস করিতেছিলেন। এই জাতিত্রয়ের সংমিশ্রণেই ভুবনবিখ্যাত রোমকজাতির উৎপত্তি (৭৫৩ খ্রী: পূ:) ও পরিপুষ্ট।

রোমকদিগের ন্যায় কৃতকৰ্ম্মী লোক পৃথিবীতে প্রায় দেখা যায় নাই। যাহাতে স্বজাতির এবং সমগ্র মানবজাতির কল্যাণ হয় তাহা রোমকেরা যেমন বুঝিতেন ও করিতেন, তৎকালে অন্য কোন জাতিই সেরূপ পারিত না। তাঁহারা কৃষি ও বাণিজ্য অমর্যাদাকর মনে করিতেন না, তাঁহারা প্রজার স্বাস্থ্য ও স্বাচ্ছন্দ্যের দিকে দৃষ্টি রাখিতেন। দ্বিসহস্রবর্ষ পূর্বে তাঁহারা যে সকল রাজবন্ধ্য, পয়ঃপণালী ও সেতু নির্মাণ করিয়াছিলেন, তাহাদের অনেকগুলি অদ্যাপি অক্ষত অবস্থায় বিদ্যমান আছে। অতি প্রাচীন সময়েই তাঁহারা ব্যবহাবশাস্ত্রের অংশীল'ন প্রবৃত্ত হইয়াছিলেন এবং একমনে ইহার পূর্ণিজতা-সাধনে প্রয়াসী ছিলেন। অপিচ তাহারা এমনই তেজস্বী ও অকুতোভয় ছিলেন যে, সহস্রাধিক বর্ষকাল (খ্রীঃ পূঃ ৭৫৩—খ্রীঃ ৪০০) প্রায় কোন যুদ্ধেই জয়লাভ না করিয়া নিরস্ত হন নাই। তাঁহাদের শত্রুর অভাব ছিল না, কিন্তু একে একে সকলেই পরাজয় মানিয়া তাঁহাদের প্রজা-শ্রেণীভুক্ত হইয়াছিল। উত্তরে রাইন ও ডানিযুব নদী হইতে দক্ষিণে সাহারা নরভূমি, পশ্চিমে আটলান্টিক মহাসাগর হইতে পূর্বে যুক্ত্রেটিস নদী এই বিশাল ভূখণ্ড এক সময়ে রোমেব প্রভুত্ব স্বীকার করিত, ইহার সর্বত্রই রোমের সভ্যতা বিবাজ করিত, রোমের বিধিব্যবস্থা প্রচলিত ছিল, এবং ইহার পশ্চিমখণ্ডে রোমের ভাষা পণ্যস্ত ব্যবহৃত হইত। বর্তমান স্পেন, ফ্রান্স ও ইটালির ভাষা লাতিন ভাষারই রূপান্তর।

রোমক সাম্রাজ্যের প্রাচ্যখণ্ডের ভাষা ছিল গ্রীক। এই খণ্ড শেষে প্রতীচ্যখণ্ড হইতে বিচ্ছিন্ন হইয়া স্বতন্ত্র সাম্রাজ্যে পরিণত হয় (খ্রীঃ ৭০)। অতঃপর জার্মান-দিগের অবিরাম আক্রমণে প্রতীচ্যখণ্ডের পতন ঘটে এবং বহুদিনের জন্য এ অঞ্চল হইতে সভ্যতাব্যস্তদান হয়। এই দীর্ঘকাল তামস যুগ বলিয়া বর্ণিত হইতে পারে। এই যুগে ইটালিতে সাধারণতঃ জাম্মাণ দগেগ'হ আধিপত্য ছিল। অতঃপর বাণিজ্যের কল্যাণে জেনোয়া, বিনিস প্রভৃতি গ্রহ একটি নগরেব অভূদয় হয়। ইহারা স্বয়ং প্রধান ছিল এবং ভূমধ্যসাগরের চতুর্দিক স্বাধীনতানে ভর্তুকি ও বাণিজ্যাগার স্থাপন করিয়া বিলক্ষণ অর্থোপার্জন করিত। ইহাদের মধ্যে বিনিস্ এতদূর পরাক্রান্ত হইয়া ছিল যে, অষ্ট্রিয়াপাত পুনঃপুনঃ চেষ্টা করিয়াও ইহাকে ওয় করিতে পাবেন নাই। ফলতঃ বিনিস্‌বাসীরা ১৭৯৭ খ্রীঃ অব্দ পর্যন্ত একাদিক্রমে স্বাধীনতা ভোগ করিয়া ছিল। কিন্তু ঐ বৎসর ফরাসা বার নেপোলিয়নের আক্রমণে বিনিসের পতন হয়।

ইটালির জনশব্দসমূহ যে পুনঃস্বার একতাবদ্ধ ও স্বাধীন হইতে পারে, অষ্টাদশ শতাব্দীর শেষ পর্যন্ত কাহারও মনে এ আশার সঞ্চার হয় নাই। কিন্তু প্রথম করাসীরাষ্ট্রবিপ্লবের মাধ্যমে লোকে যখন জাতিগত স্বতন্ত্র শাসনের মর্ম্ম বুঝিতে পারিল, তখন ইটালির অধিবাসীদিগেরও এদিকে দৃষ্টি পড়িল। তবে প্রথমে

তাহাদের উদ্দেশ্যসিদ্ধির অনেক অন্তরায় ছিল। অষ্ট্রিয়ার তখন দোৰ্দ্দণ্ড প্রতাপ ; পক্ষান্তরে ইটালিতে তখনও কোন সুযোগা অধিনেতার আবির্ভাব হয় নাই। কিন্তু কালে অধিনেতা দেখা দিলেন ; পাইড্‌মন্টের রাজা বিক্টর ইমানুয়েল নেতৃত্ব গ্রহণ করিলে ইটালিবাসীদিগের ভাগ্য ফিরিল। তথাপি কেবল নিজের চেষ্টায় ইটালি কখনও অষ্ট্রিয়ার গ্রাস হইতে মুক্তিলাভ করিতে পারিত কি না সন্দেহ। সৌভাগ্যের বিষয় এই সময়ে ফ্রান্স তাহার সাহায্য করিতে লাগিল ; ফ্রান্সের ও ইটালির সম্মিলিত সেনা অষ্ট্রিাবাসীদিগকে দূর করিয়া দিল এবং ইটালি স্বাধীনরাজ্যে পরিণত হইল (১৮৫৯)।

ইটালি স্বাধীন হইল বটে, কিন্তু জনসাধারণের দারিদ্র্যানিবন্ধন প্রবল হইতে পারিল না। যুরোপের অন্যান্য জাতিও ইটালির প্রকৃত বন্ধু কি না বুঝা গেল না। ফরাসীরা সাহায্য হইয়াছিলেন বটে, কিন্তু তাহার বিনিময়ে পশ্চিমপ্রান্ত হইতে একটা জনপদও আত্মসাৎ করিয়াছিলেন। এইজন্য ও অন্যান্য কারণে ফরাসীদিগের নিকট কৃতজ্ঞ হওয়া দূরে থাকুক, আফ্রিকার উত্তরখণ্ডে ফরাসীপ্রাধান্যের প্রসার দেখিয়া ইটালিবাসীরা বরং ঈর্ষান্বিত হইয়াছিলেন। অষ্ট্রিয়ার সম্বন্ধেও তাহারা পূর্বতন বৈরভাব ভুলিতে পারেন নাই। ট্রিয়েষ্টে এখনও অষ্ট্রিয়ার অধিকারভুক্ত, অথচ এখানকার অধিবাসীরা ইটালিয়ান, তাহাদের ভাষাও ইটালিয়ান। এই সিমিত ইটালির লোকে ট্রিয়েষ্টকে “অপরিমুক্ত ইটালি”* আখ্যা দিয়া থাকেন।

বিশ্বয়ের বিষয় এই যে অষ্ট্রিয়ার সহিত শত্রুতার যথেষ্ট কারণ থাকিলেও ফরাসী-বিজিগীষার ভয়ে ইটালিবাসীরা কতিপয় বৎসর হইল আত্মরক্ষার জন্ত জার্মানি ও অষ্ট্রিয়ার সঙ্গেই সখ্য স্থাপন করিয়াছিলেন। ইহাই ভূতপূর্ব বলত্ব-সম্মেলন। কিন্তু বর্তমান যুদ্ধ উপস্থিত হইলে রাজনীতিক্ষেত্রে অনেক পরিবর্তন ঘটিল ; ইটালি দেখিল আলবানিয়াতে জার্মানবংশীয় রাজা ; জার্মানি জয়ী হইলে এড্রিয়াটিক উপসাগরের উপকূলভাগে জার্মানজাতিরই একাধিপত্য জন্মিবে এবং ট্রিয়েষ্টে পুনরুদ্ধার করিবার আশা চিরদিনের জন্ত বিলুপ্ত হইবে। কাজেই, অর্থবল না থাকিলেও জনসাধারণে জার্মানদিগের বিরুদ্ধপক্ষে যোগ দিবার জন্য ব্যগ্র হইল। অষ্ট্রিয়ানপতি ইটালির অনেক সুবিধা করিয়া দিতে চাহিলেন ; কিন্তু ইটালির লোকে তাহার কথা বিশ্বাস করিলেন না ; তাহারা অষ্ট্রিয়ার বিরুদ্ধে যুদ্ধ ঘোষণা করিলেন।

তৃতীয় অধ্যায় ।

যুরোপের পূর্বখণ্ড ।

(ক) রুশিয়া ।

রুশিয়া, পোল্যান্ড, সার্বিয়া, বুলগেরিয়া, রুম্যানিয়া এবং বোহিমিয়া প্রভৃতি কতকগুলি দেশে যে সকল ভাষা ব্যবহৃত হয়, তাহাদের সাধারণ নাম “স্লাবনিক” বা “স্লাব-জাতীয়,” কারণ এই সকল স্থানের অধিবাসীরা প্রধানতঃ “স্লাব” নামক জাতির ভিন্ন ভিন্ন শাখা। ফরাসী, ইংরাজী প্রভৃতি ভাষার ন্যায় স্লাবনিক ভাষাগুলিও প্রাচীন আর্যভাষার রূপান্তর ; কিন্তু যাহারা এই সকল ভাষা ব্যবহার করে তাহারা সকলেই আর্যজাতীয় নহে। আচারব্যবহারে, রীতিনীতিতে তাহারা যুরোপের অন্যান্য জাতি হইতে কোন কোন অংশে স্বতন্ত্র ; তাহাদের পরস্পরের মধ্যেও নিলক্ষণ পার্থক্য দেখা যায়।

প্রাচীন কালে স্লাবদিগের সহিত পার্শ্ববর্তী জার্মান প্রভৃতি জাতির প্রায় সর্বদাই বিবাদ চলিত এবং তাহাতে স্লাবেরা প্রায় সর্বদাই পরাস্ত হইত। ভাষাতত্ত্ববিৎ পণ্ডিতেরা মনে করেন যে এই কারণেই শেষে ‘স্লাব’ নামটি পর্য্যন্ত ক্ষয়ঃ পরিবর্তিত আকারে যুরোপের পশ্চিমখণ্ডে ‘বন্দী’ বা ‘দাস’ অর্থে ব্যবহৃত হইতেছে। সে যাহাই হউক, এখনও পোল্যান্ডের ও বোহিমিয়ার স্লাবেরা পরাধীন ; সার্বিয়া, বুলগেরিয়া প্রভৃতি দেশের স্লাবেরাও সেদিনমাত্র স্বাধীনতা লাভ করিয়াছে।

স্বাধীন স্লাবদিগের মধ্যে রুশেরা সর্বপ্রধান। প্রজার সংখ্যায় ও রাজ্যের আয়তনে এক ইংরাজ ভিন্ন যুরোপখণ্ডের অন্য কোন জাতিই ইহাদের তুল্যাক্ষ নহেন। কিন্তু রুশিয়ার প্রাচীন ইতিহাস অপরিজ্ঞাত। কেহ কেহ বলেন, খ্রীষ্ট ও রোমকদিগের গ্রন্থে রুক্ষসাগরের পূর্বপারবাসী যে ‘শক’ জাতীয় লোকের উল্লেখ দেখা যায়, বর্তমান রুশেরা তাহাদেরই বংশধর। সে যাহাই হউক, খ্রীষ্টীয় দশম শতাব্দী পর্য্যন্ত যুরোপের ইতিবৃত্তে রুশজাতির কোন পরিচয় পাওয়া যায় না। অতঃপর নর্মান্ জাতি যখন রুশিয়ার কিয়দংশ জয় করিয়া সেখানে রাজ্য স্থাপন করে, সেই সময় হইতেই রুশেরা উন্নতির পথে অগ্রসর হয়।

এই নর্মান্দিগের সম্বন্ধে দুই একটা কথা জানিয়া রাখা ভাল। ইহারা পূর্বে ডেনমার্ক ও স্কান্ডিনেভিয়া উপদ্বীপে বাস করিতেন এবং সেখান হইতে বহির্গত হইয়া নানাদেশে উপদ্রব করিতেন। উত্তরদেশীয় বলিয়া ইহারা নর্থম্যান বা নর্মান নামে

অভিহিত হইতেন। কালক্রমে ইঁহারা খ্রীষ্টধর্ম্মে দীক্ষিত হন, বলবীর্য্য ও সভ্যতার যুরোপথণ্ডে শ্রেষ্ঠপদ লাভ করেন এবং ফ্রান্স্, ইংল্যান্ড্ প্রভৃতি দেশে রীতিমত রাজ্য স্থাপন করিয়া বাস করিতে থাকেন।

নর্ম্মান্ বিজয়ীরা কৃশিয়াতেও বাস করিতে লাগিলেন ও খ্রীষ্টান হইলেন। যুরোপের পাশ্চাত্য খ্রীষ্টানদিগের প্রধান ধর্ম্মগুরু ছিলেন রোমের পোপ্ ; কৃশিয়ার ধর্ম্মগুরু হইলেন তদানীন্তন কনষ্টাটিনোপল্ নগরের ‘পেট্‌য়ার্ক্’ বা গোষ্ঠীপতি। খ্রীষ্টধর্ম্মের মাহাত্ম্যো কৃশ্‌দিগের জন্মে দয়া দাক্ষিণ্য প্রভৃতি কোমল বৃত্তিসমূহের বিকাশ হইল ; সাংসারিক অবস্থাও ফিরিল, কৃষির উন্নতি ঘটিল এবং স্থানে স্থানে নগর প্রতিষ্ঠিত হইল। নগরগুলির মধ্যে কিয়ৎ শীর্ষস্থান অধিকার করিল।

দুর্ভাগ্যক্রমে ইঁহার নানাধিক দুইশত বর্ষ পরে এশিয়াখণ্ডের মঙ্গোলীয় জাতি কৃশিয়ার প্রবেশ করিয়া ভয়ানক উপদ্রব করিতে লাগিল। ইঁহাদের অত্যাচার কেবল কৃশিয়ার মধ্যেই সীমাবদ্ধ ছিল না ; অগ্রান্ত স্লাবরাজ্যও ইঁহাতে বিব্রত হইয়া পড়িয়াছিল। মঙ্গোলীয়দিগের উপদ্রব প্রায় দুইশত বৎসর চলিয়াছিল এবং তন্নিবন্ধন স্লাবেরা নিতান্ত ক্ষতিগ্রস্ত হইয়াছিল। অবশেষে প্রথমে পোল্যান্ডের, পরে মঙ্গোল প্রদেশের অধিবাসীরা মঙ্গোলীয়দিগের আধিপত্য হইতে নিষ্কৃতি লাভ করে।

কৃশিয়ার প্রথম প্রসিদ্ধ রাজা এভান্ দা টেরিবল্ অর্থাৎ ‘কৃতান্তকল্প’ এভান্। ইংল্যান্ডের রাণী এলিজাবেথ্, জার্মান সম্রাট্ গক্স চার্লস্, তুরস্কের সুলতান সুলেমান এবং হিন্দুস্তানের পাৎসাহ আকবর প্রভৃতি বিখ্যাত ভূপালগণ তাঁহার সমসাময়িক ; কিন্তু তাঁহার প্রকৃতি এমনহু কঠোর ছিল যে, ইঁহাৎসম্প্রদত্ত ‘কৃতান্তকল্প’ আখ্যাটি তাঁহার পক্ষে সর্ব্বাংশেই সার্থক হইয়াছিল। এভান্ ও সমগ্র কৃশ্‌দেশে অথগু আধিপত্য স্থাপন করিতে পারেন নাই ; অস্তবিপ্লবে কৃশিয়ার তখন শান্তি ছিল না, যুরোপের পশ্চিমখণ্ডের সঙ্গেও তখন ইঁহার সংস্পর্শ ঘটে নাই।

কৃশিয়ার প্রকৃত উদ্ধারকর্ত্তা মহাসম্রাট্ পিটার্। এই প্রাতিভাবান্ পুরুষ খ্রীষ্টীয় ১৬৮৯ অব্দে মঙ্গোলীয় সিংহাসনে অধিরোহণ করেন। তাঁহার ঐজ্জ্বলিক স্পর্শে সুষ্প কৃশিয়া যেন জাগিয়া উঠিল, সমগ্র দেশ একতাবদ্ধ হইল এবং উন্নতির দিকে ছুটিয়া চলিল। তিনি সামান্য শ্রমজীবীর ছায় স্বহস্তে পোত নির্ম্মাণ করিতে শিখিলেন এবং প্রজাদিগকে উহা শিক্ষা দিলেন ; তিনি বাণিজ্যের সৌকর্য্যার্থে নেবানদীর মোহানায় নূতন রাজধানী স্থাপন করিলেন * ; তিনি প্রজাদিগের শিক্ষাবিধানার্থ

* পিটস্‌বার্গ্ বা পিটার্‌প্রতিষ্ঠিত নগর। ইংরাজেরা ইঁহাকে সেট্‌ পিটস্‌বার্গ্ বলিতেন, কিন্তু তাহা ভুল, কারণ ‘সেট্’ (সাধু) শব্দের সহিত কৃশ্‌সম্রাট্ পিটারের কোন সম্পর্ক ছিল না।

নানাস্থানে বিজালায় প্রতিষ্ঠিত করিলেন। ফলতঃ তিনি বুকিয়াছিলেন, যুরোপের অন্যান্য জাতির তুলনায় কশেরা তখন অসভ্য ; অতএব ফাঁহাতে তাঁহারা বাণিজ্যার্থ বিদেশে গিয়া সভ্যজাতির সংসর্গলাভ করিতে পারেন এবং বিদেশের লোকেও কশিয়ায় গিয়া সভ্যতাবিস্তারের সুবিধা পায় তাহাই তাঁহার প্রধান যত্নের বিষয় ছিল।

রণশাস্ত্রেও পিটারের অসামান্য নৈপুণ্য ছিল। পোল্যান্ড ও সুইডেনের লোকে এতকাল কুশাদিগের সঙ্গে শত্রুতা করিয়া আসিতেছিল ; কিন্তু পিটার এই উভয় জাতিকেই সম্পূর্ণরূপে পরাস্ত করিলেন ; তাঁহার শাসনকাঠিতে দক্ষিণাঞ্চলের উচ্ছৃঙ্খল মঙ্গোলীয় প্রজারাও শান্তশিষ্ট হইয়া চলিতে লাগিল।

পিটারের উত্তরাধিকারিগণ অষ্ট্রিয়া ও জার্মানির সঙ্গে যোগ দিয়া পোল্যান্ড-রাজ্যের বিলোপসাধন করেন (১৭৭২—১৭৯৫)। এই ইতভাগ্য দেশ তিন অংশে ভাগ করিয়া এক এক অংশ জার্মানি ও অষ্ট্রিয়া এবং যে অংশটী সর্বাপেক্ষা বৃহৎ তাহা কশিয়া গ্রাস করিল। প্রতীচ্য যুরোপের রাজনীতিতে কশের এই প্রথম হস্তক্ষেপ।

অতঃপর ঊনবিংশ শতাব্দীর প্রথমভাগে নেপোলিয়ন্ কশিয়া আক্রমণ করিতে গিয়া কিরূপ ক্ষতিগ্রস্ত হইয়াছিলেন, পুরাবৃত্তপাঠকেরা তাহা সকলেই জানেন। কশেরা তখন নিজেরাই মন্সোনগর অগ্নিসং করিয়া নেপোলিয়নকে বিপন্ন করিয়াছিলেন। ফ্রান্সে প্রতিগমনের সময় দারুণ শীতে, অনাহারে ও শত্রুর অস্বাধাতে তাঁহার প্রায় সমস্ত সেনা বিনষ্ট হইয়াছিল, কিন্তু কশেরা কিছুমাত্র অবসন্ন হন নাই।

নেপোলিয়নের পতনের পর কশেরা প্রাচ্যখণ্ডে রাজ্যবিস্তারে প্রবৃত্ত হইলেন। তাঁহারা ধীরে ধীরে তুরুক্ষ ও পারস্যের দিকে অগ্রসর হইতে লাগিলেন, ককেশস পর্বত লঙ্ঘনপূর্বক তাহার দক্ষিণ পার্শ্বেও আধিপত্য স্থাপন করিলেন—বোধ হইল যেন অচিরে তুরুক্ষ সাম্রাজ্যও তাঁহাদিগের কুক্ষিগত হইবে। কিন্তু এই সময়ে ইংরাজ ও ফরাসীরা তাঁহাদের পরিপন্থী হইলেন। তজ্জন্ত ক্রিমিয়া উপদ্বীপে ভয়ঙ্কর যুদ্ধ হইল (১৮৫২-৫৫) ; কশেরা পরাস্ত হইয়া তুরুক্ষ অধিকার করিবার সঙ্কল্প হইতে নিরস্ত হইলেন এবং এশিয়ার মধ্যখণ্ডের দিকে মনোনিবেশ করিলেন। এখানে তাঁহারা আশাতীত ফললাভ করিলেন, জঙ্গিস্ খাঁ ও তৈমুরলঙ্গের জন্মভূমি কুশ সম্রাটকে প্রভু বলিয়া স্বীকার করিল, বোখারা, সমরকন্দ প্রভৃতি প্রসিদ্ধ নগরগুলি একে একে তাঁহার অধিকারভুক্ত হইল।

এদিকে সাইবিরিয়ারও উন্নতি-বিধানের নিমিত্ত যথেষ্ট চেষ্টা হইতেছিল।

পিটার্সবার্গ শব্দটী জার্মান ভাষাজাত ; এইজন্য, বর্তমান যুদ্ধ সংঘটিত হইলে কশেরা ইহার নাম পরিবর্তন করিয়াছেন। ইহার বর্তমান নাম ‘পেট্রোগ্রাড্’ খাঁটি রুশ শব্দ।

কৃশজাতি প্রায় তিন শত বৎসর হইল যুরাল্ পর্বত পার হইয়া সাইবিরিয়ায় প্রবেশ করিয়াছিলেন বটে, কিন্তু এতদিন সেখানে রীতিমত বসতি করেন নাই। তখন এই বিশাল অঞ্চল কেবল উৎকট রাজদণ্ডগুপ্ত ব্যক্তিদিগের নির্কাসনক্ষেত্ররূপে ব্যবহৃত হইত। কিন্তু ঊনবিংশ শতাব্দীতে ক্রশেরা ইহাকে প্রকৃত উপনিবেশ পরিণত করিলেন; তাঁহারা বন কাটিয়া নগর বসাইলেন, কৃষির বিস্তার করিলেন এবং খনিজ সম্পত্তির উত্তোলনে প্রবৃত্ত হইলেন।

কৃশিয়ার প্রধান অভাব উন্মুক্ত সমুদ্র পথ। উত্তর মহাসাগর প্রায় সমস্ত বৎসর বরফে আবৃত, কাজেই সামুদ্রিক বাণিজ্যের অল্পকূল নহে। বার্টিক্ ও কৃক্সাগর দিয়াও কৃশিয়ার রণতরীর ও বাণিজ্যতরীর বাহির হইবার সুবিধা নাই, কারণ ইহাদের সঙ্গী মুখগুলি রাজ্যান্তরের শাসনাধীন। এই নিমিত্ত কৃশদিগের পক্ষে হয় ভূমধ্যসাগরের, নয় পারস্য উপসাগরের, নয়, নিতান্ত পক্ষে, পীতসাগরের তীরে একটা না একটা বন্দর নিতান্ত আবশ্যক, এবং এইরূপ বন্দর পাইবার চেষ্টা করাতাই তাঁহাদিগের সহিত অল্প জাতির বিবাদ ঘটয়াছে। ভূমধ্যসাগরের দিকে তাঁহারা ইংরাজ ও তুর্কদিগের নিকট বাধা পাইলেন, পারস্য উপসাগরের দিকেও ইংরাজ তাঁহাদের অন্তরায় হইলেন। তখন তাঁহারা পীতসাগরের দিকে অগ্রসর হইলেন। ইতঃপূর্বে তাঁহারা প্রশান্ত মহাসাগরের তীরে ব্লাডিবষ্টক্ নামে একটা বন্দর নির্মাণ করিয়াছিলেন, কিন্তু উহাও শীতকালে সমুদ্রপথে অগম্য। অনন্তর সাইবিরিয়ার ভিতর দিয়া সুরহং রেলওয়ে নির্মিত হইল এবং ক্রশেরা পীতসাগরের তীরে পোর্ট্ আর্থার্ ও ড্যাল্‌নি নামক দুইটা বন্দর অধিকার করিলেন। তখন আবার এই সূত্রে জাপানের সহিত তাঁহাদের বিরোধ ঘটিল। জাপানীরা বিক্রমশালী; পক্ষান্তরে কৃশদিগকে যুরোপ হইতে বহুদূরে গিয়া যুদ্ধ করিতে হইয়াছিল। কাজেই কৃশদিগের পরাজয় হইল (১৯০৫); তাঁহারা পীতসাগরের তীরেও সফলকাম হইতে পারিলেন না।

এশিয়াখণ্ডে ক্রশের রাজ্যবিস্তারে ইংরাজদিগের সহিত মনোমালিঙ্গ হইবারই কথা। ঊনবিংশ শতাব্দীর শেষভাগে এই হেতু উভয় জাতির মধ্যে যুদ্ধ ঘটিবারও আশঙ্কা ছিল। কিন্তু সৌভাগ্যক্রমে জার্মানির আকস্মিক অভ্যুদয়ে এবং জার্মানদিগের চুরাকাজ্জবশতঃ ক্রশের সহিত ইংরাজের যুদ্ধ ঘটিল না, বরং উভয় জাতির মধ্যে সৌহার্দ স্থাপিত হইল।

জার্মানেরা বাল্কান্ উপদ্বীপে ও তুর্ককে অপ্রতিহত ক্ষমতালাভের জন্য বড় যত্ন করিতে লাগিলেন। ক্রশেরা দেখিলেন এরূপ অবস্থায় অগ্রে হউক, পশ্চাতে হউক এশিয়া মাইনরে তাঁহাদের সহিত জার্মানদিগের সঙ্ঘর্ষ হইবে। যুরোপেও উভয় জাতির মধ্যে বিবাদের কারণ দেখা দিয়াছিল। 'বাল্কান্ উপদ্বীপে জার্মান আধিপত্য

জন্মিলে সার্বিয়া প্রভৃতি স্লাব রাজ্যগুলির স্বাধীনতা থাকে না, অথচ কৃষিয়া যখন স্লাব সমাজের অগ্রগৌ, তখন জাতিজনের এরূপ বিপাক্তর সময় উদাসীন ভাবেও থাকিতে পারে না। কিন্তু আয়তনে অতিবৃহৎ হইলেও কৃষিয়ার জনসাধারণ দরিদ্র ; কি শিল্পে ও বিজ্ঞানে, কি রণশাস্ত্রে কৃশেরা একাকী কখনও জার্মানির সহিত পারিয়া উঠেন না। সত্য বটে, ফ্রান্সের সহিত তাঁহাদের সখ্য ছিল ; কিন্তু তাহাও পর্য্যাপ্ত নহে। এইরূপ চিন্তা করিয়াই কৃশ রাজপুরুষেরা ইংল্যান্ডের সহিত যোগ দিবার সঙ্কল্প করিলেন। এই সম্মেলন সহজেই সম্পাদিত হইল, কারণ উভয় জাতিই বুঝিতে পারিলেন, জার্মানি তাঁহাদের সাধারণ শত্রু। এশিয়া খণ্ডে কৃশের সহিত ইংরাজের প্রতিযোগিতা ছিল বটে, কিন্তু তাহা এত গুরুতর নহে যে বিনা বিবাদে মিটাইতে পারা যায় না। সাইবারিয়া এত বিস্তীর্ণ যে সেখানেই দীর্ঘকাল পর্য্যন্ত কৃশজাতির সমস্ত অভাব পূরণ হইতে পারে ; সেদিকে ইংরাজদিগের লক্ষ্য করিবার কিছুমাত্র হেতু নাই। কাজেই ব্যবস্থার প্রয়োজন হইল কেবল পারস্পরসম্বন্ধে। স্থির হইল কৃশ ও ইংরাজ কেহই পারস্তের স্বাধীনতা হরণ করিবেন না ; তবে তত্রত্য বাণিজ্যসম্বন্ধে কৃশদিগের অধিকার উদ্ভৱান্বে এবং ইংরাজদিগের অধিকার দক্ষিণান্বে নিবন্ধ থাকিবে (১৯০৭)।

ইহারই কিয়ৎকাল পরে বর্তমান যুদ্ধের আরম্ভ। অষ্ট্রিয়ার সম্রাট সার্বিয়া আক্রমণ করিলেন (১৯১৪) ; কৃশেরা দেখিলেন তাঁহারা সাহায্য না করিলে সার্বিয়ার ধ্বংস অপরিহার্য্য ; পৃথিবীস্থিত লোকেও বুঝিবে যে স্লাব প্রতিবেশীদিগকে রক্ষা করিতে পারেন, তাঁহাদের এ শক্তি পর্য্যাপ্ত নাই। ফলতঃ সার্বিয়ার বিপদে সমগ্র কৃশজাতির আত্মমর্য্যাদায় আঘাত লাগিল। তাঁহারা একবাক্যে অষ্ট্রিয়ার এবং অষ্ট্রিয়ার বন্ধ জার্মানির বিরুদ্ধে যুদ্ধ ঘোষণা করিলেন।*

(খ) পোলাণ্ডা।

পোলাণ্ডা রাজ্যের উৎপত্তি অধ্যয়ণে। ইহার একদিকে জার্মানি ও অল্পদিকে কৃষিয়া। পোলাণ্ডার অনেকগুলি নগর সমৃদ্ধিশালী ; তন্মধ্যে ড্যান্টজিগ্, ওয়ার্স : ও ক্রাকো প্রধান ; ইহার। এখন যথাক্রমে জার্মানি, কৃষিয়া ও অষ্ট্রিয়ার অধীন। কৃষিয়ার অভ্যুদয়ের কিছু পূর্বেই পোলাণ্ডা রাজ্য সবিশেষ পরাক্রমশালী হইয়াছিল। শেষে কৃষিয়ায় সর্ববিধ শাসনক্ষমতা রাজার হস্তে কেন্দ্রগত হয় ; ইহাতে রাজা যথেষ্টাচারী হইলেও জাতীয় শক্তির উপচয় ঘটে। কিন্তু পোলাণ্ডাে ইহার বিপরীত অবস্থা দাঁড়াইল। সেখানে উচ্ছৃঙ্খল ভূম্যধিকারিগণ পরস্পর বিবাদে প্রবৃত্ত হইলেন,

* সম্প্রতি কৃষিয়ায় যে রাষ্ট্রবিপ্লব হইয়াছে তাহার কথা পরে বলা যাইবে।

কাজেই পোল জাতি ক্রমশঃ দুর্বল হইয়া পড়িল এবং অষ্টাদশ শতাব্দীর শেষভাগে প্রুশিয়া, অস্ট্রিয়া ও রুশিয়া তাহাদের রাজ্যটা ভাগ করিয়া লইল ।

পোলেরা শতাব্দিকবর্ষ স্বাধীনতা হারাইয়াছেন, কিন্তু অত্ৰাপি বর্তমান শাসনকর্তাদিগের প্রতি অনুরক্ত হন নাই । জার্মানি তাঁহাদিগকে জার্মান ভাবাপন্ন এবং রুশিয়া তাঁহাদিগকে রুশভাবাপন্ন করিতে চেষ্টা করিয়াছে, কিন্তু কৃতকার্য্য হইতে পারে নাই । না পারিবারই কথা, কারণ তাঁহাদের সহিত উক্ত উভয় জাতিরই অনেক বিষয়ে পার্থক্য আছে । তাঁহাদের ভাষা না জার্মান, না রুশ; তাঁহারা রোমান্ কাথলিক, কিন্তু জার্মানেরা প্রধানতঃ প্রটেস্ট্যান্ট এবং রুশেরা প্রাচ্যসমাজভুক্ত খ্রীষ্টান । পোলেরা এই সকল কারণে এই শতবর্ষকালে অনেকবার বিদ্রোহী হইয়াছেন ; বিজ়েতারও সান্তিশয় কঠোরতার সহিত সেই সকল বিদ্রোহ দমন করিয়াছেন । বর্তমান যুদ্ধেও কোন পক্ষেরই জয়-পরাজয়ের সহিত পোলদিগের ইষ্টানিষ্টের কোন সম্বন্ধ দেখা যায় না ; তাঁহারা যে অংশে যে রাজার প্রজা, সে অংশে সেই রাজারই সৈনিকশ্রেণীভুক্ত হইয়াছেন । কিন্তু অধুনা রুশ সাম্রাজ্যে প্রজাতন্ত্র শাসনের প্রবর্তন হইয়াছে ; ইহাতে আশা করা যায়, রুশের জয় হইলে পোলদিগেরও ভাগ্য ফিরিবে ।

(গ) তুরস্ক ।

যুরোপীয় তুরস্কের বর্তমান অধিবাসীরা দেহের বর্ণে ও মুখের গঠনে অস্ত্রান্ত্র যুরোপীয়দিগের সদৃশ । অনেকে অনুমান করেন যে, ইহাদের এবং হাঙ্গারীরাজ্যের ম্যাগেয়ারদিগের পূর্বপুরুষগণ একই মূলোদ্ভূত ; কিন্তু ম্যাগেয়ারেরা যুরোপে গিয়া খ্রীষ্টান হন ; তুর্কেরা যুরোপে প্রবেশ করিবার পূর্বেই মুসলমান হইয়াছিলেন ।

তুর্কজাতির আদি বাসভূমি এশিয়াখণ্ডে আমু-নদী তীরে । তাঁহারা এখন হইতে বাহির হইয়া দ্বিগিজে প্রবৃত্ত হন এবং এশিয়া মাইনর প্রভৃতি নানা দেশে আধিপত্য লাভ করেন । অতঃপর খ্রীষ্টীয় পঞ্চদশ শতাব্দীর মধ্যভাগে তাঁহারা বস্ফরাস প্রণালী পার হইয়া কনষ্টান্টিনোপল নগর জয় করেন এবং সেখান হইতে অল্প দিনের মধ্যে ডানিয়ুব নদীর দক্ষিণস্থ সমস্ত বল্কান উপদ্বীপটা আত্মসাৎ করিয়া লন ।

তুরস্কের সুলতানদিগের মধ্যে মহামহিম সুলেমান (১৫২০—১৫৬৬) সর্কাপেক্ষা প্রসিদ্ধ । তাঁহার রাজত্বকালে তুর্কেরা জলে-স্থলে দুর্জয় হইয়া উঠিয়াছিলেন । জার্মানেরাও তাঁহাদিগকে ভয় করিয়া চলিতেন । তাঁহারা একবার বিয়েনা নগরী পর্য্যন্ত আক্রমণ করিয়াছিলেন, কিন্তু পোলাণ্ডারাজের নিকট বাধা পাইয়া উহ গ্রহণ করিতে সমর্থ হন নাই ।

ইহার পর তুরুকের অবনতির হ্রস্পাত হয় । তুর্কদিগকে পার্শ্ববর্তী জাতিদিগের সহিত প্রায় নিয়ত যুদ্ধ করিতে হইত ; সময়ে সময়ে জয়লাভ করিলেও ইহাতে তাঁহাদের বহু লোকক্ষয় ও অর্থনাশ হইত । কাজেই তাঁহাদের বিস্তীর্ণ সাম্রাজ্যের অনেক অংশে তাঁহাদের প্রভুত্ব বহুমূল হইতে পারে নাই । তুরুকের প্রধান শত্রু ছিল প্রথমে অধিরা, শেষে রুশিয়া ।

গ্রীসের স্বাধীনতা লাভ হইতে তুরুকের রাজ্যক্ষয় আরম্ভ হয় । অতঃপর অনেকে ভাবিয়াছিল তুর্কেরা অচিরে যুরোপখণ্ড হইতে বিতাড়িত হইবেন, কিন্তু ঊনবিংশ শতাব্দীর মধ্যভাগে রুশিয়ার রাজ্যবিস্তারে শক্তি হইয়া ইংরাজ ও ফরাসীরা তুরুকের সহায় হইলেন ; রুশ সম্রাট পরাস্ত হইয়া তুরুকের কোন অনিষ্ট করিতে পারিলেন না ।

এই সময়ে সত্যদেশসমূহের আদর্শ শাসনপ্রণালী সংশোধন করিলে তুর্কদিগের পক্ষে বুদ্ধিমানের কার্য্য হইত । কিন্তু তাঁহারা সে দিকে দৃকপাত করিলেন না ; তাঁহাদের উৎপীড়নে শাব্জাতীয় প্রজারা জ্বালাতন হইতে লাগিল ; কাজেই রুশিয়া শাব্দিগের সাহায্যার্থ অগ্রসর হইল (১৮৭৭) । যুদ্ধে তুর্কেরা বেশ বীরত্ব দেখাইলেন বটে, কিন্তু শেষে পরাভব স্বীকার করিলেন এবং সার্বিয়ার ও বুলগেরিয়ার তুরুসাম্রাজ্য হইতে বিচ্ছিন্ন হইয়া এক এতটা স্বাধীন রাজ্যে পরিণত হইল । রুমানিয়া ইহার বহুপূর্বেই তুরুকে স্বাধীনতাশাস হইতে মুক্ত হইয়াছিল । রুশরাজের রূপায় ইহাও এক্ষণে একটা স্বাধীন রাজ্যে পরিণত হইল ।

কিন্তু ইহাতেও স্থলতানের মোহাপনোদন হইল না ; তিনি পূর্ববৎ যথেষ্টাচার করিতে লাগিলেন । অনন্তর তুরুকে কৃতবিদ্য এক নব্যসম্প্রদায় দেখা দিল । এই সম্প্রদায়ের লোকে শাসনসংস্কারে বহুপরিকর হইলেন এবং ইহাদিগের চেষ্টায় ১৯০৮ অব্দে স্থলতান আবদুল হামিদ প্রজাতন্ত্র-শাসন প্রবর্তিত করিলেন ।

নব্যতন্ত্র তুর্কেরা প্রথমে সড়দেস্তা-প্রণোদিত হইয়াই শাসনসংস্কারে প্রবৃত্ত হইয়াছিলেন । কিন্তু তাঁহাদের মধ্যে ঐক্য ছিল না ; অধিকন্তু সৈনিককর্মচারীদিগের সঙ্গেও তাঁহাদের বিবাদ ঘটিল ; কাজেই প্রজাতন্ত্রশাসনেও তুরুকের কোন উন্নতি দেখা দিল না । মাসিডনিয়ার অধিবাসীরা অনেকে গ্রীকজাতীয় ও খ্রীষ্টধর্মাবলম্বী ; তুর্কেরা এখানে ভয়ানক অত্যাচার করিতেন । এইজন্য উক্ত অঞ্চলে রাজ্য প্রজায় প্রায় নিয়ত বিবাদ চলিত । অবশেষে বুলগেরিয়া ও সার্বিয়া মাসিডনিয়ার দুঃখ-মোচনার্থ তুরুকের সঙ্গে যুদ্ধ আরম্ভ করিল (১৯১২) । তুর্কেরা সম্পূর্ণরূপে পরাস্ত হইলেন এবং কেবল কনষ্টান্টিনোপল ও তন্নিকটবর্তী সামান্ত ভূখণ্ড ব্যতীত যুরোপের অন্তঃপাতী সমস্ত রাজ্য ত্যাগ করিয়া নিষ্কৃতি লাভ করিলেন ।

ইহার কিছুদিন পূর্ব হইতেই জার্মান সম্রাট স্থলতানের বন্ধু সাজিয়াছিলেন ।

উনবিংশ শতাব্দীর মধ্যভাগে সুলতানের প্রেকৃত হিতৈষী ছিলেন ইংরাজ; কিন্তু ইংরাজেরা যখন মিশর অধিকার করিলেন (১৮৮২), তখন তুর্কেরা পূর্বলব্ধ উপকার ভুলিয়া গেলেন; জার্মানরাও সুযোগ বুঝিয়া তাঁহাদিগকে আশা দিতে লাগিলেন যে একদিন না একদিন ইহার প্রতিশোধ লইবার নিমিত্ত তাঁহারা সুলতানের সাহায্য করিবেন। সেই সময় হইতে জার্মানকর্মচারীরা তুর্কদিগের সাময়িক শিক্ষা বিধানে নিযুক্ত হইলেন; জার্মানির অর্থে তুর্কসাম্রাজ্যে রেলওয়ে নিৰ্ম্মাণ আরম্ভ হইল।

তুর্ক-জার্মান সম্মেলনে জার্মানির অভিসন্ধি বেশ বুঝিতে পারা যায়; কিন্তু তুর্কেরা যে ইহাতে কি সুবিধা পাইবার আশা করিয়াছিলেন, তাহা বলা কঠিন। তুর্কদিগের প্রথম ও প্রধান কর্তব্য ছিল অভ্যন্তরীণ সংস্কারসাধন। তাহাতে জাত্যন্তরেব সাহায্য নিম্প্রয়োজন। কিন্তু তাঁহারা এদিকে মন দিলেন না এবং বর্তমান যুদ্ধ আরম্ভ হইবামাত্র অগ্র পশ্চাৎ না ভাবিয়া জার্মানির পক্ষ অবলম্বন করিলেন।

(ঘ) বস্কান রাজ্যসমূহ।

বস্কানরাজ্যগুলির মধ্যে প্রথমে সার্বিয়া ও বুল্গেরিয়ার কথা বলা যাইতেছে; ইহারা একে অপরের প্রতিবেশী, অথচ শত শত বর্ষকাল উভয়ের মধ্যে বিদ্বেষভাব চলিয়া আসিতেছে। উভয় অঞ্চলই পুরাকালে রোমক সাম্রাজ্যের অন্তর্ভূত ছিল; রোমের পতন হইলে উভয়ত্রই বর্ষর জাতিরা উপদ্রব ঘটে, এবং উভয়েই সময়বিশেষে রণজয়ী হইয়া ক্রিয়াকালের জন্ত প্রবল হয়। খ্রীষ্টীয় দশম শতাব্দী বুল্গেরিয়ার এবং চতুর্দশ শতাব্দী সার্বিয়ার চরম উন্নতির সময়। কিন্তু শেষে তুর্কদিগের আক্রমণে উভয় রাজ্যেরই স্বাধীনতা নষ্ট হয়।

সার্বিয়া ও বুল্গেরিয়া প্রায় চারিশত বৎসর তুর্কদিগের অধীন ছিল। অতঃপর ১৮৭৭ অব্দে রুশের সহিত তুর্কদের যে যুদ্ধ হয় তাহার অবসান হইলে সুলতান ইহাদিগকে স্বাধীন বলিয়া স্বীকার করেন। কিন্তু রুশিয়াকর্তৃক এইরূপে উপকৃত হইলেও সার্বিয়া ও বুল্গেরিয়ার লোকে রুশের আধিপত্য ভাল বাসেন না। এজন্ত রুশের সঙ্গে সময়ে সময়ে তাঁহাদের মনোমালিঙ্গ ও ঘটনাছে।

মাসিডনিয়ার সাহায্যার্থ সার্বিয়া ও বুল্গেরিয়া সমবেত হইয়া তুর্কদের সহিত যে যুদ্ধ করে তাহা পূর্বে বলা হইয়াছে। কিন্তু যুদ্ধান্তে তাঁহাদের মধ্যে পূর্বতন বিদ্বেষবন্ধি সহসা পুনঃ প্রজ্জলিত হইয়া উঠিল এবং বুল্গারেরা পরাস্ত হইয়া বিস্তর ক্ষতিস্বীকারপূর্বক সার্বিয়ার সহিত সন্ধি করিলেন (১৮১৩)। ইহাতে বুল্গারেরা

যে সার্বিয়ার উপর জাতক্ৰোধ হইবেন এবং প্রতিফল দিবার অবসর প্রতীক্ষা করিবেন তাহা সহজেই বুঝা যায় ।

এদিকে সার্বিয়ানেরাও লাভবান হইতে পারিলেন না ; তাঁহাদের পশ্চিমে আলবানিয়া নামে যে অঞ্চল আছে, অষ্ট্রিয়ার সম্রাট জিদ্ ধরিলেন তাহাকেও একটি স্বাধীন রাজ্য বলিয়া মানিতে হইবে এবং জার্মাণ-রাজবংশীয় কোন ব্যক্তিকে উহার সিংহাসনে বসাইতে হইবে। সার্বিয়ানেরা এই অসম্মত প্রস্তাবে বাধা দিতে পারিলেন না ; কাজেই আলবানিয়া তাঁহাদের হস্তাধীন হইল ; তাঁহারা সমুদ্রে হইতে বিচ্ছিন্ন হইয়া পড়িলেন ; আলবানিয়াতে তাঁহাদের স্বজাতীয় যে বহুলোক বাস করে এবং শাসনসম্বন্ধে তাঁহাদেরই সহিত যুক্ত হইতে চায়, তাহাদিগেরও উদ্ধার করিতে পারিলেন না ।

এই কারণে সার্বিয়ার লোকে অষ্ট্রিয়ার প্রতি বড় বিরক্ত হইলেন এবং তাঁহাদেরই স্বজাতীয় একব্যক্তি অষ্ট্রিয়ার যুবরাজের ও তাঁহার পত্নীর প্রাণসংহার করিল । এ লোকটা যদিও অষ্ট্রিয়ারই প্রজা, তথাপি এই নৃশংস কাণ্ড হইতেই বর্তমান যুদ্ধের উদ্ভব হইল ।

বুলগারেরা যখন সার্বিয়ানদিগের নিকট পরাস্ত হন, তখন জার্মাণেরা সাহায্যের আশা দিয়া তাঁহাদিগের প্রতিহিংসাবৃত্তি উত্তেজিত রাখিয়াছিলেন এবং বর্তমান যুদ্ধ আরম্ভ হইলে তাঁহাদিগকে সার্বিয়া আক্রমণ করিতে আহ্বান করিয়াছিলেন । বুলগারেরা প্রথমে অনেক দিন ইতস্ততঃ করিয়াছিলেন ; কিন্তু যখন দেখিলেন রুশেরা পুনঃ পুনঃ পরাস্ত হইতেছেন (১৯১৫), তখন ভাবিলেন উত্তম সুযোগ দেখ দিয়াছে । তাঁহারা তখন অষ্ট্রিয়ার সূজে যোগ দিয়া সার্বিয়ানদিগকে বিপন্ন করিয়া তুলিলেন ।

রুম্যানিয়া দেশটা ১৮২৮ অব্দে অর্থাৎ সার্বিয়া ও বুলগেরিয়ার প্রায় পঞ্চাশ বৎসর পূর্বে তুর্কদিগের অধীনতাপাশ হইতে একরূপ মুক্তিলাভ করে । অতঃপর রুম্যানিয়ানেরা দীর্ঘকাল পর্য্যন্ত বিবাদবিসংবাদে নিলিপ্ত থাকিয়া উন্নতির পথে অগ্রসর হন । তাঁহাদের অসন্তোষের একমাত্র কারণ এই যে ট্রান্সিলভানিয়া অঞ্চলের অধিবাসীরা প্রধানতঃ রুম্যানিয়ান জাতীয় হইলেও হাঙ্গারি রাজ্যের অন্তর্ভূত । বর্তমান যুদ্ধ আরম্ভ হইলে তাঁহারা বুঝিলেন যে, ট্রান্সিলভানিয়া অধিকারের সুযোগ দেখা দিয়াছে । তথাপি তাঁহারা অনেকদিন পর্য্যন্ত এই ভীষণসমরানলে ঝাম্প দিতে সাহস করিলেন না । কিন্তু গত বর্ষে গ্রীষ্মাবসানে তাঁহারা সিদ্ধান্ত করিলেন যে, আর উদাসীনভাবে থাকা অসম্মত । অতএব তাঁহারা অষ্ট্রিয়ার বিরুদ্ধে যুদ্ধ ঘোষণা করিলেন ।

(৬) গ্রীস।

পাশ্চাত্য সভ্যতার স্থিতিকক্ষেত্র গ্রীসের ইতিবৃত্ত পুরাবৃত্ত পাঠকের সুপরিজ্ঞাত। একজন্ত এখানে সে কথা বলা অনাবশ্যক। ঊনবিংশ শতাব্দীর প্রথমার্দ্ধে ইংল্যান্ডের ও ফ্রান্সের সাহায্যে গ্রীকেরা তুরস্কের অধীনতাপাশ হইতে মুক্তিলাভ করেন।

ইংরাজ ও ফরাসীরা গ্রীকদিগকে স্বাধীনতা দিয়াছেন, তাঁহাদের রক্ষণাবেক্ষণও করিয়া আসিতেছেন। গ্রীকেরা যুরোপের যে কোন রাজবংশ হইতে আপনাদের রাজা নির্বাচন করিতে পারেন। তাঁহাদের বর্ত্তমান রাজা দিনামারবংশীয়,* কিন্তু রাজপত্নী জার্মান সম্রাটের সোদরা। বর্ত্তমান যুদ্ধে রাজা জার্মানদিগকে সাহায্য করিবার জন্ত যথাসাধ্য চেষ্টা করিয়াছেন; কিন্তু বেনিজেলস্ প্রমুখ কতিপয় প্রবীণ-নীতিবিশারদের বাধায় তাহাতে সম্পূর্ণরূপে কৃতকার্য হইতে পারেন নাই। এখন গ্রীকেরা এ সম্বন্ধে দুই সম্প্রদায়ে বিভক্ত হইয়াছেন—এক সম্প্রদায় রাজার পক্ষ, অল্প সম্প্রদায় বেনিজেলসের পক্ষ এবং ইংরাজ ও ফরাসীদিগের সহিত যোগ দিতে ব্যগ্র। শেষোক্ত সম্প্রদায়ের কেহ কেহ স্বতঃপ্রবৃত্ত হইয়াই ইংরাজ ও ফরাসীসেনায় প্রবিষ্ট হইয়াছেন; কিন্তু গ্রীসে তাঁহাদের অনেক শত্রু আছে। তাঁহাদের রক্ষা-বিধানার্থ ইংরাজ ও ফরাসীরা এথেন্স নগরে একদল সৈন্য রাখিয়া দিয়াছেন।

চতুর্থ অধ্যায়।

ব্রিটিশ সাম্রাজ্য।

জার্মানেরা যুদ্ধপ্রিয়। ইংরাজেরাও যুদ্ধবিমুখ নহেন। প্রাচীন সাক্সন, ডেন ও নর্মান, প্রধানতঃ এই তিন জাতির সংমিশ্রণে বর্ত্তমান ইংরাজদিগের উৎপত্তি। এই তিন জাতিই সাতিশয় যুদ্ধপ্রিয় ছিলেন। ইংহারা পূর্বে পরস্পর বিবাদ করিয়াছিলেন, শেষে যখন একজাতিতে পরিণত হইয়াছিলেন, তখন প্রতিবেশীদিগের রাজ্য গ্রহণের চেষ্টা করিয়াছিলেন। খ্রীষ্টীয় চতুর্দশ ও পঞ্চদশ শতাব্দীতে ইংরাজ ও ফরাসীতে যে শতবর্ষব্যাপী যুদ্ধ হয়, ইংরাজের পররাজ্যলিপ্সাই তাহার মূল। ইংল্যান্ডের রাজা বলিতেন বটে যে জায়াবুসারে ফরাসী সিংহাসন তাঁহারই প্রাপ্য; কিন্তু এ কেবল মুখের কথা; ইংরাজেরা ভাবিতেন জোয় বার মূলুক তার, এবং সেই জন্তই তাঁহারা ফ্রান্স জয় করিবার জন্ত এই এত চেষ্টা করিয়াছিলেন।

* ইনি সম্প্রতি সিংহাসন ত্যাগ করিয়াছেন।

সময়বিশেষে বিজয়ী হইলেও ইংরাজেরা ফ্রান্সদেশে স্থায়ী আধিপত্য লাভ করিতে পারেন নাই । অতঃপর পঞ্চদশ শতাব্দীর বিত্তীয়দর্শে ইংল্যাণ্ডে তুমুল গৃহ-যুদ্ধ ঘটে এবং তন্নিবন্ধন ইংরাজেরা কিয়ৎকালের জন্ত অবসন্ন হইয়া পড়েন । এই সময়ে পটুগীজজাতি বাণিজ্যে প্রবল হইয়াছিল এবং স্পেনের অধিবাসীরা আমেরিকা মহাদ্বীপ অধিকার পূর্বক প্রচুর ঐশ্বর্যালাভ করিয়াছিলেন । ইংরাজেরা যখন আবার বলসঞ্চয় করেন, তখন এই দুই জাতির সঙ্গে তাঁহাদের প্রতিযোগিতা আরম্ভ হয় । আমেরিকার মধ্য ও দক্ষিণ খণ্ড হইতে যে সকল সুবর্ণরজতপূর্ণ অর্ণবপোত স্পেনে যাইত, ইংরাজেরা সুবিধা পাইলেই সেগুলি আক্রমণ করিতেন এবং কিয়ৎকাল পরে নিজেরাই আমেরিকাতে উপনিবেশ স্থাপনে প্রবৃত্ত হন (১৬০৭) । ইংল্যাণ্ডের প্রথম উপনিবেশ বর্তমান যুনাইটেড স্টেট্‌সের অন্তঃপাতী বার্জিনিয়া প্রদেশ ।

ইংরাজের যে উপনিবেশিক সাম্রাজ্য আজ পৃথিবীব্যাপী, এইরূপে তাহার সূত্রপাত হইল । স্পেনবাসীরা আমেরিকায় যাইতেন লুণ্ঠন করিতে ; তাঁহারা যতদূর পারিতেন স্বর্ণরৌপ্য সংগ্রহ করিয়া স্বদেশে ফিরিতেন, কিন্তু ইংরাজেরা গেলেন সেখানে বাস করিতে । ইহাতেও আমেরিকার আদিমনিবাসীদিগের স্বত্বহানি হইয়াছিল সন্দেহ নাই ; কিন্তু যুরোপের কোন জাতিরই অনিষ্টের কোন সম্ভাবনা ছিল না । স্বদেশ ছাড়িয়া আমেরিকার প্রাপদসঙ্কুল বনভূমিতে গিয়া বাস, এবং সেখানে কৃষি ও সভ্যতার বিস্তার সামান্য সাহস, উত্তম ও অধ্যবসায়ের কাজ নহে ।

ইংরাজদিগের পর অন্য যে সকল যুরোপীয় জাতি আমেরিকায় উপনিবেশ-স্থাপনে প্রবৃত্ত হন, তন্মধ্যে ফরাসীরা প্রধান । ইহাদের প্রথম উপনিবেশ সেন্ট লরেন্স নদের উত্তরতীরে প্রতিষ্ঠিত হয় । অতঃপর ফরাসীরা ক্রমশঃ দক্ষিণ দিকে অগ্রসর হইতে চেষ্টা করেন ; কিন্তু সেই সময়ে যুরোপে ফ্রান্সের সহিত ইংল্যাণ্ডের যুদ্ধ উপস্থিত হইল এবং সেই সূত্রে ইংরাজেরা ফরাসীদিগের প্রায় সমস্ত উপনিবেশ অধিকার করিয়া লইলেন (১৭৬৩) । উপনিবেশ রক্ষা করিতে পারিলে যে কি উপকার হয় তাহা ইংরাজেরা যেমন বুঝিতেন, ফরাসীরা তেমন বুঝিতেন না ।

ইংরাজেরা এশিয়াখণ্ডে কোন উপনিবেশ স্থাপনের চেষ্টা করেন নাই । পটুগীজজাতি ভারতবর্ষে বাস করিবার সংকল্প করিয়াছিলেন ; কিন্তু ইংরাজেরা বুঝিয়াছিলেন যে, গ্রীষ্মমণ্ডলস্থ দেশ তাঁহাদের বাসের অনুপযুক্ত । তাঁহারা বাণিজ্যের জন্ত যাতায়াত করিতেন, নানা স্থানে কুঠি বসাইতেন, তত্ত্ব স্থানের অধিপতিদিগকে উপঢৌকনাদি দিয়া বাণিজ্যের সুবিধা করিয়া লইতেন । এই বাণিজ্যের জন্ত ওলন্দাজ ও ফরাসী উভয় জাতির সঙ্গেই তাঁহাদের বিবাদ হয় । তখন ভারতসাগরীয় দ্বীপপুঞ্জে ওলন্দাজদিগের একাধিপত্য ছিল ; ইংরাজেরা সেখানে তাঁহাদের সঙ্গে প্রতিযোগিতায়

অসমর্থ হইয়া ভারতবর্ষের দিকেই মনোনিবেশ করিলেন ; কিন্তু এখানেও তাঁহারা প্রথমে তত সুবিধা করিতে পারেন নাই। তাঁহাদের কুঠিগুলি দূরে দূরে অবস্থিত ছিল ; যোগল সাম্রাজ্যের অবনতিবশতঃ সমগ্র দেশ একরূপ অরাজক হইয়াছিল। ফরাসী রাজকর্মচারী সুপ্রসিদ্ধ ডুপ্পে এই সুযোগে ইংরাজদিগকে বিদূরিত করিয়া ভারতবর্ষে ফরাসী সাম্রাজ্যস্থাপনের সঙ্কল্প করিলেন। যদি ফরাসীরাজ তাঁহাকে যথাসময়ে সাহায্য করিতেন তাহা হইলে এই স্বপ্ন বোধ হয় সফল হইত। কিন্তু ডুপ্পে রাজকীয় সাহায্য পাইলেন না, কাজেই সিদ্ধকাম হইতে পারিলেন না। পক্ষান্তরে ইংরাজবীর ক্লাইব তাঁহারই পদাঙ্কানুসরণ করিয়া ইংল্যান্ডরাজের সহায়তায় ভারতবর্ষে ব্রিটিশ সাম্রাজ্যের ভিত্তি স্থাপন করিলেন।

কিন্তু এশিয়ার রাজ্যাভ্যন্তরে পরেই আমেরিকায় রাজ্যক্ষয় হইল ; বাজিনিয়া প্রভৃতি ত্রয়োদশটি উপনিবেশ স্বাধীনতা অবলম্বন করিল। ইংরাজেরা উপনিবেশ-স্থাপনে সিদ্ধহস্ত হইয়াছিলেন বটে, কিন্তু কিরূপে ঔপনিবেশিকদিগকে সমুদ্র তীরে রাখিতে হয় তাহা তখনও শিখিতে পারেন নাই। তাঁহারা ঔপনিবেশিকদিগকে নিতান্ত অধীন বিবেচনা করিতেন এবং এই সংস্কারের বশবর্তী হইয়া তাঁহাদিগের সম্মতি ব্যতিরেকেই তাঁহাদিগের নিকট হইতে করগ্রহণের চেষ্টা করিয়াছিলেন। কিন্তু ঔপনিবেশিকেরাও ইংরাজ ; এবং ইংরাজ রাজনীতির চিরন্তন ধর্ম এই যে, কি উপায়ে ও কি পরিমাণে কর আদায় করিতে হইবে, কিরূপেই বা উহার ব্যয় হইবে তাহা নির্ধারণের ক্ষমতা প্রজার। কাজেই ইংল্যান্ডের এই রীতিবিরুদ্ধ চেষ্টায় বাজিনিয়া প্রভৃতি অঞ্চলের ঔপনিবেশিকেরা বিদ্রোহী হইলেন এবং দশবর্ষব্যাপী যুদ্ধের পর স্বাধীনতা লাভ করিলেন। এই ত্রয়োদশটি উপনিবেশই ক্রমে আধিপত্য বিস্তার-পূর্বক বর্তমান যুনাইটেড্‌ স্টেট্‌স্‌ নামক বিশাল দেশে পরিণত হইয়াছে।

রাজ্যক্ষয় হইল বটে, কিন্তু তাহাতে লাভও হইল ; ইংল্যান্ডের রাজপুরুষেরা শিক্ষা পাইলেন যে, উপনিবেশগুলিকে বশে রাখিতে হইলে তাহাদিগকে স্বায়ত্ত শাসন দেওয়া আবশ্যিক। উপনিবেশ-রক্ষাসম্বন্ধে বর্তমানকালে ইংরাজেরা এই উদারনীতিই অবলম্বন করিয়াছেন।

যুনাইটেড্‌ স্টেট্‌স্‌ হস্তাঙ্কলিত হইবার অল্পদিন পরেই ইংরাজেরা অষ্ট্রেলিয়ায় উপস্থিত হইলেন (১৭৮৭)। অষ্ট্রেলিয়া তখন কোন সভ্যজাতির অধিকারভূক্ত ছিল না ; ফরাসীরা উহাকে আপনাদের করায়ত্ত করিবার মানস করিয়াছিলেন বটে ; কিন্তু ইংরাজের ক্ষিপ্ৰকারিতায় তাঁহারা সে সুযোগ পাইলেন না। ইংরাজেরা ইহার পর নিয়ুজিল্যান্ড দ্বীপেও উপনিবেশ স্থাপন করিলেন।

আফ্রিকার দক্ষিণপ্রান্তবর্তী কেপ্‌ কলোনি (অন্তরীপ উপনিবেশ) পূর্বে ওলন্দাজদিগের ছিল ; কিন্তু তাঁহারা ইংরাজসম্রাজ্ঞ নেপোলিয়নের পক্ষাবলম্বন

ছিলেন বলিয়া ইংরাজেরা উহা অধিকার করেন (১৮১৪)। মিশর দেশও ১৮৮২ অব্দে ইংরাজদিগের রক্ষণাবেক্ষণে আনীত হয়। আফ্রিকার আরও অনেক অংশ তখন পর্য্যন্ত অসভ্যজাতির অধিকারেই ছিল; কোন কোন যুরোপীয় জাতি সেগুলি বিনা বিবাদে আপনাদের মধ্যে ভাগ করিয়া লইলেন। এই সময়ে ইংরাজেরা জার্মানদিগের সহিত অতি উদার ব্যবহার করিয়াছিলেন; কারণ আফ্রিকার মানচিত্রে যে বিস্তীর্ণ অঞ্চলদ্বয় জার্মানদিগের অধিকারভুক্ত বলিয়া নির্দিষ্ট হইয়া থাকে, ইংরাজের আত্মকূল্য বিনা তাঁহারা তথায় প্রবেশ করিতেও পারিতেন কি না সন্দেহ।

উপরে বাহা বলা হইল তাহা হইতে বুঝা যাইতেছে যে, ইংরাজেরাও সময়ে সময়ে পররাজ্য গ্রহণ করিয়াছেন। কেহ কেহ হয়ত বলিবেন ইংরাজেরা ফরাসী-দিগের আমেরিকান উপনিবেশগুলি এবং ওলন্দাজদিগের কেপ্ কলোনি আত্মসাৎ করিয়া কঠোরতার পরিচয় দিয়াছেন। কিন্তু তদানীন্তন ফরাসী ও ওলন্দাজ রাজপুরুষদিগের আচরণ স্মরণ করিলে দেখা যাইবে যে, ন্যায্যন্যায়জ্ঞানে ইংরাজেরা তাঁহাদের উচ্চকক্ষ না হউন, নীচকক্ষ ছিলেন না; তবে তাঁহারা সিদ্ধিলাভ করিতে স্মারেন নাই, কিন্তু ইংরাজেরা সিদ্ধিলাভ করিয়াছেন এই মাত্র প্রভেদ। অধিকন্তু জয়লাভ করিয়াও ইংরাজ যেমন অল্পে তুষ্ট, অন্যে সেরূপ নহেন। বিজিতরাজ্য পুনরর্পণ করিতে ইংরাজ মুক্তহস্ত। উদাহরণস্বরূপ যবদ্বীপের কথা বলা যাইতে পারে। ইংরাজেরা ইহা জয় করিয়াও ১৮১৮ অব্দে ওলন্দাজদিগকে ফিরাইয়া দিয়াছিলেন। যবদ্বীপ এখন ওলন্দাজজাতির সর্বোৎকৃষ্ট বৈদেশিক অধিকার।

বাহা হউক, ইংরাজেরা কি উপায়ে তাঁহাদের বিশাল সাম্রাজ্য অর্জন করিয়াছেন, এখন তাহার বিচার নিম্নয়োজন। এখন দেখিতে হইবে কি রূপে তাঁহারা প্রজাপালন করিয়াছেন, কি রূপে তাঁহাদের সার্বভৌম ক্ষমতার প্রয়োগ করিতেছেন। রাজ্য প্রজাহিতপর ও প্রজাপালক না হইলে তাঁহার রাজ্য নাম সার্থক হয় না। ইংরাজ একদা প্রজারঞ্জে অসমর্থ হইয়াছিলেন বলিয়াই বার্তিনিয়া প্রভৃতি ক্রমোদগত দেশের আধিপত্য হইতে বঞ্চিত হইয়াছিলেন; কিন্তু তাহার পর হইতে ইংরাজ প্রজারঞ্জক হইয়াছেন। ইংরাজের আশ্রয়ে সুখে আছে বলিয়াই কি কানাডায়, কি আফ্রিকায়, কি অষ্ট্রেলিয়ায়, কি ভারতবর্ষে—আজ সকলে প্রাণপণে ইংরাজের দোদর হইয়া শত্রুদমনে প্রবৃত্ত হইয়াছে।

বস্তুতঃ ইংরাজসাম্রাজ্য তরবারির সাহায্যে অর্জিত হইলেও এখন আর তরবারির সাহায্যে শাসিত নহে। রাজ্যশাসনে দণ্ডনীতির সম্পূর্ণ পরিহার অসম্ভব; তথাপি ইংরাজরাজপুরুষেরা ভীতি অপেক্ষা প্রীতিরই অধিক উপযোগিতা উপলব্ধি করেন এবং যতদূর সম্ভব প্রজার সন্তোষসাধনে যত্নশীল থাকেন। তাঁহাদের বিশাল

সাম্রাজ্যে বহুজাতির ও বহুসম্প্রদায়ের বাস ; ইহাদের মধ্যে সময়ে সময়ে স্বার্থসম্মেলন অনিবার্য, কাজেই সকলকে তুষ্ট রাখিয়া শাসনদণ্ড পরিচালন হুস্কর । কিন্তু ইংরাজ অদ্ভুত ধীরতার সহিত এই কঠোর কর্তব্যে ব্রতী হইয়াছেন,—যতদূর সম্ভব কোন সম্প্রদায়ের, কোন জাতিরই ধর্ম্মে বা আচারে অমুঠানে হস্তক্ষেপ করিতেছেন না ।

অধিকন্তু ইংরাজের সাম্রাজ্য যে কেবল ইংরাজেরই ইষ্টসিদ্ধির জন্ত তাহাও নহে । ঊনবিংশ শতাব্দীর দ্বিতীয়ার্দ্ধ হইতে ইহার সর্বত্র অবাধ বাণিজ্য * চলিয়া আসিতেছে । অবাধ বাণিজ্য জাতীয় ঐর্থ্যের অশুকল বা প্রতিকূল তাহা এখানে বিচার্য্য নহে, কিন্তু ইহা যে ইংরাজদিগের ঐর্ধ্যের পরিচায়ক তাহাতে সন্দেহ নাই । অবাধ বাণিজ্য প্রতিযোগিতার প্রশস্ত ক্ষেত্র ; যে ভাল জিনিস সস্তায় বেচিবে সেই এ ক্ষেত্রে বিজয়ী হইবে । কিন্তু রাজকীয় সাহায্য পাইলে লোকে অবাধ বাণিজ্যেও অসাধু ব্যবহার করিতে পারে । জার্মানির বলিকেরা রাজার নিকট অর্থসাহায্য পাইয়া অনেক দ্রব্য এত অল্পমূল্যে বিক্রয় করিয়াছেন যে, তাহাতে ইংরাজের কোন কোন ব্যবসায় মাটি হইয়াছে । কিন্তু ইংরাজদিগের স্বাবলম্বনবৃত্তি এতই প্রবল যে, তাঁহারা রাজকীয় সাহায্যে জন্ম লাভ করিতে চান না, পরাভূত হইলেও ক্ষুণ্ণ হন না—বুঝিতে পারেন নিজের দোষেই হারিয়াছেন ।

অবাধ বাণিজ্য শান্তির নিতাসহচর । শান্তির সময় শিল্পী হউক, বণিক হউক, সকল দেশের লোকেই ইংরাজরাজ্যে প্রবেশ করিয়া স্বয়ং ব্যবসায় চালাইতে পারে, তজ্জন্তু কাহাকেও অতিরিক্ত শুল্ক দিতে হয় না, কোন বিশিষ্ট নিয়মেও নিবদ্ধ হইতে হয় না । এই উদারনীতির মাহাত্ম্য আজ পৃথিবীর অধিকাংশ লোক ইংরাজের হিটৈবী ; নচেৎ এখন যেমন জার্মানদিগকে দমন করিবার জন্ত বহু শক্তির সম্মেলন হইয়াছে, এতদিন ইংরাজের বিরুদ্ধেও সেইরূপ চেষ্টা হইত ।

জার্মানসাম্রাজ্যে কিন্তু ইহার বিপরীত ভাব । সেখানে বিদেশী লোকের স্থান নাই বলিলেই চলে । কাজেই জার্মানির পক্ষে অধিক সেনাবল আবশ্যক ; পক্ষান্তরে ইংরাজসাম্রাজ্য শান্তিরূপ ভিত্তির উপর সুপ্রতিষ্ঠিত বলিয়া এখানে ইতঃপূর্বে সেনা ও সমরপোত, উভয়েরই পরিমাণ কমাইয়া দেওয়া হইয়াছিল । অনেকে এরূপ ভাবিয়াছিলেন, কালে এ সমস্ত যুদ্ধোপকরণের কিছুমাত্র প্রয়োজন থাকিবে না । কিন্তু কালের কুটিলগতিতে তাঁহাদের এ সুখস্বপ্ন ভাঙিয়া গিয়াছে । কবির টেনিসন বাণিজ্যলক্ষ্যকে স্বেতাশ্রয় ও শান্তিদায়িনী বলিয়া বর্ণনা করিয়া গিয়াছেন ; কিন্তু পরিতাপের বিষয়, এখন আর তাঁহাকে এই বিশেষণদ্বয়ে বিভূষিত করা যায় না ।

ইংরাজের বিরুদ্ধে অন্ত জাতীয় লোকে হয় ত কিছু বলিলেও বলিতে পারে ; কিন্তু ভায়ান্সসারে জার্মাণেরা কিছুই বলিতে পারেন না । ইংরাজের সহিত ফ্রান্সের বহুবার সজ্জব্ব হইয়াছে ; ইংরাজের প্রতিকূলাচরণে বহুবার ফ্রান্সের উদ্দেশ্য ব্যর্থ হইয়াছে ; কিন্তু জার্মাণির সম্বন্ধে ইংরাজ চিরদিনই উদার ব্যবহার করিয়াছেন । জার্মাণ বণিকদিগের অসাধু ব্যবহারে ইংরাজের বাণিজ্যের ব্যাঘাত ঘটয়াছে ; ইংরাজ-বণিকেরা সেজন্ত সময়ে সময়ে অসন্তোষও প্রকাশ করিয়াছিলেন ; কিন্তু ইংরাজ-রাজপুরুষেরা জার্মাণদিগের রাজ্যবিস্তার-চেষ্টায় প্রায় কখনও বাধা দেন নাই । জার্মাণেরা কেবল পারস্য উপসাগরের উপকূলভাগ ব্যতীত আর কোন স্থান দেখাইতে পারেন না, যেখানে ইংরাজ তাঁহাদিগকে প্রবেশ করিতে দেন নাই ।

দ্বিতীয় খণ্ড ।

বর্তমান কথা ।

পঞ্চম অধ্যায় ।

সঙ্কট ।

বর্তমান শতাব্দীর প্রথম বার তের বৎসর যুরোপীয় জাতিবৃন্দের মধ্যে যে জর্জ্যানল ধুমায়মান হইতেছিল, এখন দেখা যাউক কিরূপে তাহা অকস্মাৎ সন্ধুক্ষিত হইল ।

অনেকে মনে করেন এই মহাসমর মানবসমাজের কল্যাণার্থই উপস্থিত হইয়াছে । যুদ্ধ নাই, অথচ সকলেই যুদ্ধায়োজনে ব্যস্ত ; সকল দেশেই অবিরাম উদবেগ, সকল দেশেই সমরোপকরণ-সংগ্রহে ও সমরপোত-নির্মাণে অসংখ্য লোকের নিয়োগ ও প্রভূত অর্থব্যয় ; সকল দেশেই যুবক, বলিষ্ঠ ও কর্মক্ষম ব্যক্তিমাত্রেই কৃষিশিল্পাদি সমাজহিতকর ব্যবসায় ত্যাগ করিয়া কোথাও দুই, কোথাও তিন বৎসরের জন্ত সামরিক শিক্ষালাভে নিরত এবং সৈনিকজীবনের সর্ববিধ ক্লেশ ভোগ করিতে বাধ্য—এরূপ কর্তিত শান্তি অপেক্ষা প্রকৃত যুদ্ধ বহুক্ষেপে বাঞ্ছনীয় । অগ্নি জলিয়াছে বলিয়াই আশা হয় ইহা শীঘ্র হউক, বিলম্বে হউক, পূর্ণনির্বাণ প্রাপ্ত হইবে । তখন আবার শান্তি-সমীর বহিতে থাকিবে এবং তাহার সুশীতল স্পর্শে সাম্য, মৈত্রী ও স্বাধীনতা নব জীবন লাভ করিবে ।

নানা কারণে প্রায় প্রত্যেক জাতিরই বিশ্বাস জন্মিয়াছিল যে যুদ্ধ যখন অপরিহার্য, তখন ইহা যত শীঘ্র সংঘটিত হইবে, তাহাদের পক্ষে ততই সুবিধা । ইংরাজেরা দেখিলেন, জার্মানিগণ অবিরত নূতন নূতন রণপোত নির্মাণ করিতেছেন এবং তাঁহাদিগকে অতিক্রম করিতে গিয়া ইংরাজজাতির করভার হ্রাস হইতেছে ; অপিচ জার্মানিগণ মুখ্য উদ্দেশ্য যখন ইংল্যান্ড আক্রমণ করা, তখন আত্মরক্ষার জন্ত প্রাপ্তবয়স্ক ইংরাজমাত্রকেই সামরিক শিক্ষাদানের ব্যবস্থা করিতে হইবে । এরূপ অপ্রীতিকর ফলভোগ অপেক্ষা সময় থাকিতে যুদ্ধ করিলেই মঙ্গল । করাসীরা দেখিলেন, ক্রমশঃ তাঁহাদের লোকসংখ্যা হ্রাস হইতেছে, কিন্তু জার্মানিগণ লোকসংখ্যা বৃদ্ধি হইতেছে, কাজেই যুদ্ধ ঘটিলে যত বিলম্ব হইবে, তাঁহাদের পরাজয়-সম্ভাবনাও

তত অধিক হইবে। জার্মাণেরা দেখিলেন, ইংল্যান্ড, ফ্রান্স ও রুশিয়ার মধ্যে সৌহার্দ্যহীন প্রতিদিন দৃঢ়তর হইতেছে; ইহাদের যদি পূর্ণসম্মেলন হয়, তাহা হইলে জার্মাণির লোকবল ও ধনবল যতই থাকুক না কেন, তাহাকে বিধ্বস্ত হইতেই হইবে।

জার্মাণসেনাকে সংখ্যার অতিক্রম করা ফরাসীদিগের পক্ষে নিতান্তই অসম্ভব। এই জন্ত ১৯১৪ অব্দে ফরাসীরা বাধাতামূলক সামরিক শিক্ষার কাল পূর্ণাপেক্ষা কিছু বৃদ্ধি করিলেন, কারণ তাঁহারা ভাবিলেন ইহাতে যোদ্ধাদিগের অধিকতর নৈপুণ্য জন্মিবে, যোগ্যতাদ্বারা সংখ্যার হীনতাজনিত অভাবের পূরণ হইবে। ইহা দেখিয়া জার্মাণেরা তাঁহাদের স্থায়ী সেনার আরও আড়াই লক্ষ নূতন লোক নিযুক্ত করিলেন এবং নূতন একটা গুরু বসাইয়া যুদ্ধের জন্ত স্বতন্ত্র ধনভাণ্ডার প্রতিষ্ঠিত করিলেন। কলত: ফরাসী ও জার্মাণ উভয় জাতিই যথাসাধ্য সসজ্জ হইতেছিলেন। জার্মাণেরা যে ১৯১৪ অব্দেই যুদ্ধারম্ভের সঙ্কল্প করিয়াছিলেন ইহা নিশ্চিত বলা যায় না; তবে তাঁহারা সমস্ত আয়োজন করিয়া রাখিয়াছিলেন, ভাবিয়াছিলেন, যখন সুযোগ পাইব, তখনই যুদ্ধ ঘোষণা করিব।

সুযোগ নীঘ্রই উপস্থিত হইল। ১৯১৪ অব্দের ২৮শে জুন সারায়্বে নগরে এক যুবক অস্ট্রিয়ার যুবরাজের প্রাণসংহার করিল। এই লোকটা জাতিতে সার্বিয়ান হইলেও অস্ট্রিয়ারাজ্যেরই প্রজা; কাজেই সার্বিয়ার রাজপুরুষেরা যে ইহাকে উক্ত নৃশংসকার্য্যে প্রবর্তিত করিয়াছিলেন, কেহই ইহা নিঃশংসয়ে বলিতে পারেন না। কিন্তু অস্ট্রিয়ার সম্রাট সার্বিয়াকেই দোষী স্থির করিলেন এবং সমগ্র জার্মাণজাতি তাঁহার এই সিদ্ধান্ত অদ্রাস্ত বলিয়া গ্রহণ করিলেন। তিনি ২৩শে জুলাই সার্বিয়ারাজকে পত্র লিখিলেন:—

“আমি জানিতে পারিয়াছি আপনার কতিপয় কর্ম্মচারী এই উপাংশুহত্যার প্রবর্তক। অতএব ইহাদিগকে সমুচিত দণ্ড দেওয়া আবশ্যিক। আপনার রাজ্যে আমার অনেক শত্রু আছে; ইহারা কায়মনোবাক্যে আমার অনিষ্টের চেষ্টা করিতেছে; ইহাদিগের অনুসন্ধানার্থ আমার কয়েকজন কর্ম্মচারী সার্বিয়ার যাইবেন, এবং যাহাকে অপরাধী বলিয়া স্থির করিবেন, তাহাকে দণ্ড দিতে পারিবেন। আপনি পত্রপ্রাপ্তিমাত্র উত্তর দিবেন; বিলম্ব করিলে কিংবা কোন অংশে অসম্মতি প্রকাশ করিলে আমি আপনার সহিত যুদ্ধ করিব।”

এই পত্র প্রকাশিত হইবামাত্র সকলেই বুঝিল ইহার উদ্দেশ্য অপরাধীর দণ্ডবিধান নহে, সার্বিয়ার বিলোপসাধন। রুশরাজ বিষয় সঙ্কটে পড়িলেন; তিনি দেখিলেন সার্বিয়াকে রক্ষা করিতে না পারিলে তাঁহার পক্ষে বড় কলঙ্কের কথা; অস্ত্রের কথা দূরে থাকুক, জার্মাণেরাও তাঁহাকে কাপুরুষ বলিয়া ঘৃণা করিবেন। অথচ ফরাসী ও জার্মাণেরা যুদ্ধার্থ যেরূপ প্রস্তুত, রুশেরা সেরূপ নহেন। জাপানের

সহিত যুদ্ধ করিয়া তাঁহাদের যে ক্ষতি হইয়াছিল, এখনও তাহার পূরণ হয় নাই ; দেশে কামান অতি অল্প, বড় কামান নাই বলিলেই হয় । এরূপ অবস্থায় জার্মানি ও অষ্ট্রিয়ার সঙ্গে যুদ্ধে প্রবৃত্ত হইলে কশিয়ার ভয়ানক অনিষ্ট হইবে । কিন্তু এ সমস্ত বুঝিয়াও তিনি আত্মমর্যাদা হারাইলেন না ; অবিলম্বে জানাইলেন যে তিনি সাবিয়ার সর্বনাশ হইতে দিবেন না । তবে, সাবিয়াকে বলিলেন, “অষ্ট্রিয়া বাহা চাহিতেছেন তোমরা সবই স্বীকার করিতে পার ; কিন্তু প্রাণ থাকিতে অষ্ট্রিয়ার কৰ্মচারীদিগকে সাবিয়ার প্রবেশ করিতে দিবে না । ইহাতেও যদি যুদ্ধ হয়, তাহা হইলে আমি তোমাদের সহায় হইব ।”

সার্বিয়ারাজ এই আশ্বাস পাইয়া অষ্ট্রিয়ার সম্রাটের পত্রের উত্তর দিলেন, বলিলেন, “অপরোধীদিগকে দণ্ড দিতে হয় ত আমিই দিব ; কিন্তু আপনার কৰ্মচারীরা যে আমার রাজ্যে আসিয়া বিচারকের ভার গ্রহণ করিবেন ইহা হইতে পারে না ।” অষ্ট্রিয়ার সম্রাট আবার লিখিলেন, “তাহা না হইলে চলিবে কেন ? আমার কৰ্মচারীরা গিয়া দোষীর অনুসন্ধান ও দণ্ডবিধান করিবেন ইহাই ত প্রধান কথা ।” অনন্তর তিনি আর কালক্ষেপ না করিয়া সাবিয়ার বিরুদ্ধে যুদ্ধ ঘোষণা করিলেন ।

যুরোপের সমস্ত জাতিই বুঝিতে পারিলেন, মহারণভেরী বাজিয়া উঠিয়াছে । জার্মানিগেরা কি করিবেন এই প্রশ্নই প্রথম উপস্থিত হইল । কিন্তু জার্মানিগেরা নীরব রহিলেন । ইংল্যান্ডের পররাষ্ট্রসচিব সার্ এড্‌ওয়ার্ড গ্রে প্রস্তাব করিলেন, “আমুন, আমরা সকলে মিলিয়া এই বিবাদ মিটাইয়া দি” ; কিন্তু জার্মানিগেরা ইহাতে সম্মতি দিলেন না । তাঁহাদের সহিত অষ্ট্রিয়ার রাজপুরুষদিগের এ সম্বন্ধে কি কথাবার্তা চলিতেছিল, অজ্ঞাপি তাহা জানা যায় নাই ; তবে ইহা নিশ্চয় যে তাঁহারা অষ্ট্রিয়ার সম্রাটকে যুদ্ধ হইতে নিরস্ত করিবার চেষ্টা করেন নাই । সার্বিয়ারাজ যে উত্তর দিয়াছিলেন তাহা অত্যন্ত বিনয়সূচক ; উহাতে সন্তুষ্ট থাকিলে অষ্ট্রিয়ার মর্যাদাহানি হইত না । জার্মানিগেরা যদি অষ্ট্রিয়ার সম্রাটকে এরূপ বুঝাইতেন, তাহা হইলে তিনি বোধ হয় ক্রোধ সংবরণ করিতেন । কিন্তু জার্মানিগেরা তাহা করিলেন না ; তাঁহারা বাহিরে মৌনভাব দেখাইলেন, কিন্তু মনে মনে ভাবিলেন, নরহস্তাদিগের দমনচ্ছলে অষ্ট্রিয়ার লোকে সাবিয়া আক্রমণ করুক না কেন ? রুশরাজ যদি সাবিয়ার সাহায্য করেন তাহা হইলে লোকে বুঝিবে যে তিনি নরহস্তারই পৃষ্ঠপোষক ; পরন্তু আমরা যদি অষ্ট্রিয়ার সাহায্য করি তাহা হইলে যাহারা আমাদের নিতান্ত শত্রু, তাহারা ভিন্ন অন্য সকলেই মনে করিবে আমরা ত্রায়ের মর্যাদারক্ষার্থ অস্ত্রধারণ করিয়াছি ।

কিন্তু জার্মানিগেরা যেক্রপ আশা করিয়াছিলেন, অন্য সকলে সেরূপ বুঝে নাই । তাহারা দেখিল অষ্ট্রিয়ার সম্রাট একটা ছলমাজ পাইয়া সাবিয়া রাজ্যটী

গ্রাস করিতে বসিয়াছেন এবং জার্মাণেরা তাঁহার এই অনার্যসঙ্করসিদ্ধির সহায় হইয়াছেন। তিনি সার্বিয়ারাজকে প্রথমে যে পত্র লেখেন, সম্ভবতঃ তাহা অগ্রে জার্মাণ সম্রাটকে দেখাইয়াছিলেন। জার্মাণেরা কিন্তু একথা স্বীকার করেন না। সে যাহা হউক, ইহা স্পষ্টই বুঝা গেল যে জার্মাণজাতি বাল্‌কান উপদ্বীপে এবং “আসন্ন প্রতীচ্যপথে” আধিপত্য স্থাপনার্থ বহুশরিকর হইয়াছে।

জার্মাণি ও রুশিয়ার মধ্যে কে প্রথমে সেনা-পরিচালন করিয়াছিলেন ইহা নিশ্চিত বলা যায় না। এ সম্বন্ধে প্রত্যেকেই অপরকে দোষী বলিয়া প্রতিপন্ন করিতে চাহেন। কিন্তু ইহা জানা গিয়াছে যে, জার্মাণেরা যুদ্ধারম্ভের অনেক-দিন পূর্বে হইতেই দূরদেশ হইতে আপনাদের সজ্জিত সৈন্যদলকে স্বদেশে ফিরিতে আহ্বান করিয়াছিলেন এবং সর্বাপেক্ষা অধিক আয়োজন করিয়া রাখিয়াছিলেন। সেনা-পরিচালন সম্বন্ধে যাহাই হউক, অল্পপ্রয়োগে তাঁহারাই অগ্রণীকরূপে অবতীর্ণ হইলেন, কারণ যে মুহূর্ত্তে অস্ট্রিয়ার সেনা সার্বিয়া আক্রমণ করিল, প্রায় সেই মুহূর্ত্তেই জার্মাণির সেনাও বেলজিয়ামে প্রবেশ করিল।

ফরাসীদিগকে যে এই যুদ্ধে প্রবৃত্ত হইতে হইবে ইহা পূর্বে হইতেই স্থির ছিল, কারণ সজ্জিত নিয়মামুসারে ফ্রান্স রুশিয়ার সাহায্য করিতে বাধ্য। কিন্তু ইংল্যাণ্ড কোম্পক্ষে যোগ দিবেন কি না তাহা নিশ্চিত ছিল না। সার্বিয়ার সম্বন্ধে ইংরাজ-দিগের কোন ইষ্টানিষ্ট ছিল না; জার্মাণেরা ফরাসীদিগকে আক্রমণ না করিলে তাঁহাদিগকে ফরাসীদিগেরও কোন সহায়তা করিতে হইত না। জার্মাণেরাও প্রথমে ফ্রান্স আক্রমণ করেন নাই; বরং ফরাসীরাই রুশিয়ার সাহায্যার্থে জার্মাণি আক্রমণ করিয়াছিলেন। একপ অবস্থায় ইংল্যাণ্ড উদারীন থাকিলে কেহ তাহার দোষ দিতে পারিত না। তাহা বুদ্ধির কার্য্য হইত কি না বলা যায় না; হয়ত ফ্রান্সের পক্ষে অবিচারের কার্য্য হইত; কিন্তু ইংরাজেরা যে অঙ্গীকার-ভঙ্গ করিলেন এ কথা কেহ বলিতে পারিত না। ইংল্যাণ্ডের তদানীন্তন উদারনীতিক মন্ত্রীরাও যুদ্ধের পক্ষপাতী ছিলেন না। এদিকে জার্মাণেরা বলিয়া পাঠাইলেন, ইংল্যাণ্ড নির্লিপ্ত থাকিলে তাঁহারা ফরাসীদিগের পোতবাহিনী আক্রমণ করিবেন না, যুরোপখণ্ডই কোন ফরাসীরাজ্যও অধিকার করিবেন না। কিন্তু তাঁহারা বেলজিয়ামের উদাসীত্তরক্ষা সম্বন্ধে কোন অন্তর দিতে চাহিলেন না। অথচ ইহাই হইল ইংল্যাণ্ড ও জার্মাণির মধ্যে প্রধান তর্কের বিষয়।

বেলজিয়ামের উদাসীত্ত বলিলে কি বুঝায় তাহা পূর্বে বলা হইয়াছে। ১৮৩৯ অব্দ হইতে যুরোপের সমস্ত প্রধান জাতিই স্বীকার করিয়া আসিতেছিলেন যে, বেলজিয়াম কখনও ভিন্নদেশীয় লোকের যুদ্ধক্ষেত্র-রূপে ব্যবহৃত হইবে না; সেখানে গিয়া যুদ্ধ করা দূরে থাকুক, কেহ ঐ দেশ আক্রমণ করিলেও অপর সকলে সমবেত

হইয়া উহার রক্ষা করিবেন। জার্মাণেরাও ঐ অঙ্গীকারপত্রে স্বাক্ষর করিয়াছিলেন এবং অধুনাতনকালেও বেলজিয়ামকে এই আশ্বাসই দিয়াছিলেন। কিন্তু এখন তাঁহারা ইহা ফুৎকারে উড়াইয়া দিলেন, বলিলেন যে ফ্রান্স আক্রমণ করিবার জন্য তাঁহারা বেলজিয়মের ভিতর দিয়া সেনা প্রেরণ করিবেন, বেলজিয়ামের রেলওয়েগুলিকে জার্মানির সেনা ও যুদ্ধোপকরণ বহন করিতে হইবে এবং বেলজিয়ামের রাজপুরুষদিগকে খাত্তাদি-সংগ্রহ-সম্বন্ধে প্রয়োজনমত জার্মানির সহায়তা করিতে হইবে।

এই অসম্ভাবিত প্রস্তাবে বেলজিয়ামবাদীরা বিষম সঙ্কটে পড়িলেন। করাসী-দিগের সহিত তাঁহাদের রক্তের সম্বন্ধ, অথচ হয় তাঁহারা সেই করাসীজাতির উচ্ছেদ-সাধনের সহায় হইবেন, নয় তাঁহাদের আপনাদের সর্বনাশ হইবে!—যে জার্মানির নামে যুরোপ কম্পমান, তাহার বিপুল শক্তি প্রথমে বেলজিয়ামের বিরুদ্ধেই প্রযুক্ত হইবে—হয়ত কালে আলসাসের স্থায় বেলজিয়ামও জার্মানির একটা পরাজিত প্রদেশ বলিয়া গণ্য হইবে! জার্মাণেরা তাঁহাদিগকে ভাবিবার সময় দিলেন না, অতি অল্প সময়ের মধ্যেই উত্তর চাহিলেন। তখন পর্য্যন্ত ফ্রান্স নিজেরই উত্তোগ-পর্ক সমাপ্ত করিতে পারেন নাই; ইংল্যান্ড ত অপেক্ষাকৃত দূরেই অবস্থিত; এরূপ অবস্থায় কেহ যে বথাসময়ে বেলজিয়ামের সাহায্য করিতে পারিবেন এরূপ সম্ভাবনাও ছিল না।

কিন্তু বেলজিয়ামবাদীরা মনুষ্যত্ব হারাইলেন না; তাঁহারা মুহূর্ত্ত-মধ্যেই কর্তব্য স্থির করিয়া লইলেন, অস্ত্রগ্রহণপূর্বক জার্মানির গতি-রোধার্থ দণ্ডায়মান হইলেন। পৃথিবীর ইতিহাসে বেলজিয়ামের এই অপূর্ব স্বার্থত্যাগের কথা চিরদিন স্বর্ণাক্ষরে লিখিত থাকিবে।

বেলজিয়ামের ভাগ্যে কি ঘটিল তাহা পূর্বে বলা হইয়াছে। জার্মানির অভিযাচরণে ইংল্যান্ডের গন্তব্যপথ নির্ণীত হইল। ইংরাজ-রাজপুরুষেরা দেখিলেন তাঁহারা স্থায়তঃ ধর্ম্মতঃ বেলজিয়ামের সাহায্য করিতে বাধ্য; সমস্ত ইংরাজজাতি তাঁহাদের এই সিদ্ধান্তের অনুমোদন করিলেন—স্থির হইল বেলজিয়ামকে আপাততঃ রক্ষা করিতে না পারিলেও যে ভাবেই হউক তাহার উদ্ধারসাধন করিতে হইবে এবং তাহার উপর যে অভিযাচরণ হইল তাহার প্রতিশোধ লইতে হইবে।

যুরোপের এই দুঃসময়ে জার্মাণেরা যে অভিযাচরণ ব্যবহার করিয়াছিলেন এবং যে সকল ভ্রমে পতিত হইয়াছিলেন, সম্ভবতঃ এখন তাঁহারা সেজন্য অনুতপ্ত। তাঁহারা ইটালিকে জিজ্ঞাসা না করিয়াই যুদ্ধারম্ভ করিয়াছিলেন, কাজেই ইটালির অসন্তোষ-তাজন হইয়াছিলেন। ইংরাজেরা যে উদাসীন থাকিবেন ইহা মনে করাও বুঝিমানের কাজ হয় নাই। তাঁহাদের বুঝা উচিত ছিল যে, বেলজিয়াম আক্রমণ করিলে

প্রকারান্তরে ইংল্যান্ডকেই যুদ্ধে আহ্বান করা হইবে। তাঁহারা ভাবিয়াছিলেন যে যুদ্ধারম্ভ হইলে ব্রিটিশসাম্রাজ্যের নানা অংশে বিদ্রোহ দেখা দিবে, কারণ মুষ্টিমেয় কতিপয় অসম্ভট ইংরাজপ্রজা এতদিন তাঁহাদিগকে এইরূপ আশ্বাস দিয়াছিল। অপিচ তাঁহারা স্বপ্নেও ভাবেন নাই যে বেলজিয়ামের জ্বায় একটা নগণ্যদেশের অধিবাসীরা তাঁহাদের বিপুলবাহিনীর পরিপন্থী হইতে প্রতিজ্ঞাক্রূত হইবে।

জার্মাণেরা যে একরূপ ভ্রমপ্রমাদে পতিত হইয়াছিলেন ইহা বড়ই বিস্ময়ের কথা, কারণ অন্ত্রাত্ত্র বিষয়ে তাঁহারা অতি দূরদর্শিতারই পরিচয় দিয়াছিলেন। যুদ্ধের জন্য যাহা আবশ্যক তাঁহারা পূর্ব হইতেই তাহা পর্যাপ্ত পরিমাণে সংগ্রহ করিয়াছিলেন; বিপক্ষের শক্তিসামর্থ্য সম্বন্ধে যাহা জানিতে হয় তাঁহারা তন্ন তন্ন করিয়া তাহার সন্ধান লইয়াছিলেন; কোন্ দেশে কত যোদ্ধা, তাহাদের অস্ত্রশস্ত্র কিরূপ এ সমস্ত তাঁহাদের নথদর্পণে ছিল। কিন্তু মানবচরিত্র ও মানবহৃদয় সম্বন্ধে তাঁহারা অতি অপসিদ্ধান্তেই উপনীত হইয়াছিলেন।

ষষ্ঠ অধ্যায় ।

(ক) বর্তমানকালের যুদ্ধান্ত্র ও যুদ্ধকৌশল ।

যুদ্ধকৌশল প্রধানতঃ দ্বিবিধ। প্রথমতঃ, শত্রুর সহিত সজ্জ্বৰ্ষ হইবার পূর্বে সেনাপতিক্কে এমন সুদক্ষভাবে সেনা পরিচালন করিতে হইবে যে তিনি যেন অপেক্ষাকৃত সুবিধাকর স্থানটীতে অবস্থিতি করিতে পারেন। দ্বিতীয়তঃ, শত্রুর সহিত যখন প্রকৃত সজ্জ্বৰ্ষ ঘটিবে, তখন এমন ভাবে ব্যুহগঠন, আক্রমণ ও আত্মরক্ষা করিতে হইবে যে, স্বপক্ষের যেন যতদূর সম্ভব অল্প এবং বিপক্ষের যেন যতদূর সম্ভব অধিক ক্ষতি হয়।

প্রথম কৌশলটী চিরদিনই প্রায় একরূপ রহিয়াছে। সেনাপতির ক্ষিপ্ততার সহিত এবং শত্রুপক্ষের অগোচরে সেনা-পরিচালন করেন এবং যেখানে শত্রুর বল অল্প আছে বৃদ্ধিতে পারেন সেখানে আত্মবল বৃদ্ধি করিতে যত্নশীল হন।

পূর্বে সৈন্তগণ পদব্রজে যাতায়াত করিত; এখন রেলওয়ের সাহায্যে যাতায়াত করিতেছে। যুরোপের অনেকগুলি রেলওয়ে কেবল সেনা-পরিচালনার্থই নিৰ্ম্মিত। জার্মাণেরা যুদ্ধারম্ভের পূর্বেই বেলজিয়ামের সীমান্ত পর্য্যন্ত অনেক রেলওয়ে নিৰ্ম্মাণ করিয়া রাখিয়াছিলেন বলিয়া এত শীঘ্র ঐ রাজ্য আক্রমণ করিতে পারিয়াছিলেন। কখনও না কখনও কাজে লাগিবে বলিয়া তাঁহারা পুরাতন এঞ্জিনগুলি পর্য্যন্ত সংরক্ষণ করিয়াছিলেন।

অধুনা ক্ষিপ্তগতির আর একটা সহায় হইয়াছে মোটর গাড়ী। রেলগাড়ী

চালাইবার জন্য পৃথক্ রেলপথ নির্মাণ করা আবশ্যিক, কিন্তু তাহা সময়সাপেক্ষ ; পক্ষান্তরে মোটর গাড়ী সাধারণ রাজপথ দিয়াই যাতায়াত করিতে পারে । বর্তমান যুদ্ধে উভয় পক্ষেরই বহুসৈন্য ও তাহাদের খাদ্যাদি উপকরণ মোটর গাড়ীতে প্রেরিত হইতেছে ।

যুদ্ধান্তের পরিবর্তনবশতঃ যুদ্ধসংক্রান্ত দ্বিতীয় শ্রেণীর কৌশলেরও অনেক পরিবর্তন ঘটয়াছে । প্রাচীন কালের কথা ছাড়িয়া দাও, কারণ তখন ত লোকে ইট পাটকেল ছুড়িয়া যুদ্ধ করিত বা ধনুর্কোণ ব্যবহার করিত । ঊনবিংশ শতাব্দীর প্রথমভাগেও যোদ্ধাদিগের হাতে যে বন্দুক থাকিত, তাহাতে সীসের গুলি ও বারুদ পূরিতে হইত এবং তাহার পাল্লা ছিল বড় জোর দেড় শ হাত । কাজেই দুই দলে খুব কাছাকাছি না হইলে কেহই কাহারও বেশি ক্ষতি করিতে পারিত না । খুব কাছাকাছি হইলে যোদ্ধারা বন্দুকের পরিবর্তে সঙ্গীন চালাইত ।

এখন আক্রান্তপক্ষ সুদূর স্থানে অবস্থান করিলে আক্রমণকারীদিগের বড়ই বিপত্তির কথা । কিন্তু বন্দুকের পাল্লা এত অল্প ছিল বলিয়া আক্রমণকারীদিগকে তখন এরূপ অশ্রুবিধা ভোগ করিতে হইত না । তখনকার কামানগুলিও বর্তমান সময়ের কামানের তুলনায় অতি নিকৃষ্ট ছিল । তখন এক একটা নিরেট লৌহপিণ্ড গোলারূপে ব্যবহৃত হইত এবং কামানের মুখ দিয়া উহা পূরিতে হইত । কামানের পাল্লাও তখন অনেক অল্প ছিল । ফলতঃ তখন কামানের নাম যত ভয়াবহ ছিল কাজ তত ভয়াবহ ছিল না ।

কিন্তু এখন আগ্নেয়াস্ত্রের কি বিস্ময়কর পরিবর্তনই ঘটয়াছে ! পুরাতন বন্দুকের পরিবর্তে প্রথমে রাইফল বন্দুক দেখা দিল ; উহার চুম্বির ভিতর পেঁচ কাটা ; গুলি ছুড়িলে তাহা ঘুরিতে ঘুরিতে বাহির হইয়া যায়, কাজেই লক্ষ্যভ্রষ্ট হইবার সম্ভাবনা কম হয় । ক্রমে রাইফলেরও উন্নতি হইল, টোটা মুখের দিক্ হইতে না দিয়া পশ্চাদিক্ হইতে পুরিবার কৌশল বাহির হইল*, এবং তাহার পর টোটা রাখিবার জন্য উহার সহিত একটা ক্ষুদ্র প্রকোষ্ঠ এমন ভাবে সংযোজিত হইল যে কল টিপিবামাত্র একটা গুলি যেমন বাহির হইয়া যায়, অমনি প্রকোষ্ঠ হইতে আর একটা টোটা আসিয় চুম্বির মধ্যে প্রবেশ করে ।† আবিষ্কৃত্যশীল শিল্পীরা ইহাতেও নিরন্তর হইলেন না ; তাঁহারা পরিশেষে যান্ত্রিক বন্দুক‡ প্রস্তুত করিলেন । যেমন নলের মুখ দিয়া জলধারা বাহির হয়, যান্ত্রিক বন্দুকের মুখ দিয়াও সেইরূপ নিরন্তর গুলিকাশ্রোত নিঃসারণ করা যায় ।

* এই বন্দুকের নাম Breech-loader.

† এই বন্দুকের নাম Magazine rifle.

‡ Machine-gun.

সেকালে অঙ্গারচূর্ণ ও যবক্ষারের সংযোগে বারুদ প্রস্তুত হইত ; একালে তাহার পরিবর্তে নব্যবিকৃত নানারূপ প্রেস্ফোটন* ব্যবহৃত হইতেছে। অধিকাংশ প্রেস্ফোটনের প্রধান উপাদান বিস্ফোজ বলা ও যবক্ষার। † প্রেস্ফোটন মাজেই দহনকালে ধূমহীন এবং বারুদ অপেক্ষা শতগুণে শক্তিমান।

আগ্নেয়াস্ত্রের এবংবিধ উন্নতিবশতঃ এখন লোকে বিপক্ষের দৃষ্টিগোচর ন হইয়াও অজস্র অগ্নিবর্ষণ করিতে পারে। কোন পক্ষেই শত্রুর মুখ পর্যাস্ত দেখে নাই, অথচ ভীষণ যুদ্ধ হইয়া গিয়াছে, বর্তমান কালে এরূপ ঘটনা বিরল নহে।

ইহাতে আক্রান্তপক্ষেরই অধিক সুবিধা হইয়াছে। যাহারা আক্রমণ করে তাহাদিগকে বহুক্ষণ শত্রুপক্ষের অগ্নিবৃষ্টি ভোগ করিতে হয়। তাহারা অগ্রসর হইবার সময় দৃষ্টিগোচর না হইয়া পারে না ; পক্ষান্তরে আক্রান্তপক্ষ লুকায়িত থাকিয়াই তাহাদের সংহার করিতে পারে। এই নিমিত্ত এখন আক্রমণার্থ রাত্রিকালই প্রশস্ত। কিন্তু দিবাযুদ্ধও যে না হয় তাহা নহে। বর্তমান সময়েই দেখা গিয়াছে বিপক্ষকে অবসন্ন করিবার মানসে সেনাপতিরা বহু ক্ষতি স্বীকার করিয়াও দিবান্তাগেই আক্রমণ করিয়াছেন।

এখন সেনারক্ষার প্রধান সাধন কুল্যা ‡ বন্দুকের সন্ধান এখন এমন অব্যর্থ এবং হারিণীশক্তি এত অধিক যে, শত্রুর লক্ষ্যভূত হইলে মুত্যা অপরিহার্য। কাজেই যুদ্ধক্ষেত্রে লোকে যখন আক্রমণবিরত থাকে, তখন ক্ষুদ্র ক্ষুদ্র কুল্যা খনন করিয়া তাহার মধ্যে প্রবেশ করে। কোন পক্ষ ক্ষীণবল হইয়াও যদি কোন স্থান কিয়ৎকালের জন্য স্বাধিকারে রাখিতে চায় তাহা হইলেও কুল্যার আশ্রয় লয়। তাহারা কুল্যার পুরোভাগে লৌহকণ্টকযুক্ত তারের বৃতি নির্মাণ করে এবং উপরিভাগ ঢাকা দেয়। এরূপ স্থান অধিকার করিবার জন্য পদাতিগেরা আবশ্যক হইলে পূর্ব হইতে কামান দাগিয়া পথ পরিষ্কার করিতে হয়। কুল্যার এতাদৃশী উপযোগিতা আছে বলিয়া এখন প্রত্যেক যোদ্ধার সঙ্গে একখানা ছোট কোদালি থাকে।

পূর্বে বন্দুকের উন্নতির কথা বলা গিয়াছে। কামানেরও এখন যথেষ্ট উন্নতি হইয়াছে। এখন কামানের পশ্চাদ্ভাগ হইতে গোলা পূরা যায় ; এখন কামানের পাল্লা অন্ততঃ তিন মাইল এবং সন্ধান অব্যর্থ। কামানের গোলা পূর্বে ছিল নিরেট, এখন হইয়াছে ফাঁপা § ফাঁপা গোলার ভিতর প্রেস্ফোটন থাকে ; উহা কোন পদার্থের উপর পড়িবারাত্র মহাশব্দে বিদীর্ণ হয় এবং নিকটে বাহা পায় চূর্ণ-বিচূর্ণ করে। এক প্রকার গোলা আবার এমন স্ককৌশলে নির্মিত যে দাগিবার পর

* Explosive.


† Glycerine and nitric acid.

‡ Trench.

§ প্রেস্ফোটনপূর্ণ ফাঁপা গোলার ইংরাজি নাম Shell.

শূন্যেই থাকুক বা ভূতলেই পড়ুক, নির্দিষ্ট করেক বিপলের মধ্যে ফাটিবেই ফাটিবে।* ইহাদের অভ্যন্তরভাগ ছোট ছোট গুটিকায় পূর্ণ; বড় গোলাটা ফাটিলে গেল গুটিকাগুলি মহাবেগে চতুর্দিকে প্রক্ষিপ্ত হয় এবং তাহাদের আঘাতে অনেক লোক মারা যায়। কুল্যা বিধবস্ত করিবার জন্য এইরূপ কামানই বেশী কাজে লাগে।

১১. হুর্গ বিধবস্ত করিবার নিমিত্ত আবার অন্তরূপ গোলা আবশ্যক। আক্রান্ত দেশের অধিবাসী সংখ্যায় হুর্গল হইলে হুর্গের মধ্যে আশ্রয় লয়; কাজেই আক্রমণকারীদিগকে হুর্গগুলি অধিকার করিতে হয়, নচেৎ তাহারা যেমন অগ্রসর হইবে, অমনি হুর্গস্থ শত্রুগণ তাহাদিগকে পশ্চাদ্ভাগ হইতে আক্রমণ করিবে, রসদ-সংগ্রহেও বাধা দিবে। ১৮৭০ অব্দে ফরাসীরা যখন জার্মানদিগের সহিত যুদ্ধে পরাস্ত হন, তখনই তাহারা নিজেদের হুর্গলতা বুঝিয়া সীমান্ত প্রদেশে ক্ষুদ্র হুর্গরাজি নির্মাণ করিয়াছিলেন। বেলজিয়ামেও অনেক হুর্গ ছিল। এই নিমিত্ত অনেকে মনে করিয়াছিলেন, বেলজিয়ামের ভিতর দিয়া অগ্রসর হইবার সময়ে জার্মানদিগকে তত্রতা হুর্গগুলিও হস্তগত করিতে হইবে, কাজেই ফ্রান্স আক্রমণ করিতে কালক্ষেপ ঘটাবে।




টমপলিন।

কিন্তু জার্মানেরা পূর্ক হইতেই ইহার ব্যবস্থা করিয়া রাখিয়াছিলেন। তাহারা হাউইটজার নামক প্রকাণ্ড প্রকাণ্ড কামান দ্বারা বেলজিয়ামের হুর্গ ধ্বংস করিলেন। এই সকল কামান হইতে বড় বড় গোলা বহু উর্দ্ধে নিক্ষেপ করা যায়। গোলা যখন হুর্গোপরি পতিত হইয়া মহাবেগে ফাটিলে যায়, তখন ইটই বল, পাথরই বল, যাহা কিছু নিকটে পায়, সমস্ত চূরমার করিয়া ফেলে। জার্মানদিগের নিকট বেলজিয়ামের মানচিত্র ছিল। তাহারা উহার সাহায্যে লক্ষ্য স্থির করিয়া প্রায় দশ মাইল দূর হইতে হাউইটজার দাগিয়াছিলেন। এরূপ কামানের সহিত প্রতিযোগিতা করিতে পারে, ফ্রান্সের ও বেলজিয়ামের তখন এত সাধ্য ছিল না। কিন্তু তখন হুর্গে অধিক সেনা ছিল না বলিয়া এই ছই রাজ্যের ভত লোকক্ষয় হয় নাই।

সকল দেশেই স্থলসেনা কতকগুলি অজে বিভক্ত। প্রাচীন ভারতবর্ষে সেনার

* এইরূপ গোলার ইংরাজী নাম Shrapnel Shell.

ছিল চারিটা অঙ্গ । ইদানীন্তন কালে যুরোপীয় সেনার ছিল তিনটা অঙ্গ—অশ্ব, পদাতি ও গোলন্দাজ । অথুনা বিমান ইহার চতুর্থ অঙ্গ হইয়াছে । বিমান প্রধানতঃ দুই প্রকার—তলোপস্থাপিত বিমান* এবং টুসেপ্লিন বা বৃহদবিমান† । টুসেপ্লিন কেবল জায়াগিতেই ব্যবহৃত হয় । তত্ত্বাত্তা একজন সম্ভ্রান্ত ভূম্যধিকারী সর্বপ্রথম এই যন্ত্র প্রস্তুত করেন এবং তাঁহারই নামানুসারে ইহার নামকরণ হইয়াছে । ইহার নির্মাণকৌশল এই :—একটা প্রকাণ্ড ধাতু নির্মিত কোমের মধ্যে কতকগুলি বেলুন থাকে এবং উহার অধোদেশে একখানি বা দুইখানি শকট প্রলম্বিত হয় । বেলুনগুলি বিমানখানিকে আকাশে তুলে এবং সম্ভ্রচালিত ব্যাজনের সাহায্যে বিমানখানি নানাদিকে যাইতে পারে । টুসেপ্লিনের গতি প্রতিদিন প্রায় হাজার মাইল । ইহার ভারবহন-ক্ষমতাও যথেষ্ট । জায়াগিরা এই সকল বিশাল বিমান হইতে প্রফোটন বর্ষণ পূর্বক লণ্ডন ও পারিশ ধ্বংস করিবেন ভাবিয়াছিলেন, কিন্তু এপর্যন্ত কৃতকার্য হইতে পারেন নাই । টুসেপ্লিনের বিশাল আয়তনই অনেক সময়ে ইহার বিনাশের কারণ । তলোপস্থাপিত বিমান ইহার প্রধান শত্রু । ফলতঃ আকাশমার্গে টুসেপ্লিন অপেক্ষা তলোপস্থাপিত বিমানগুলিই অধিক কৃতিত্ব দেখাইয়াছে ।



তলোপস্থাপিত বিমান ।

বিমানবিহারী ধোঁদারা উভয়পক্ষেই অসামান্য সাহস ও নৈপুণ্যের পরিচয় দিয়াছেন । তবে ইংরাজেরা এপর্যন্ত বিমানবাহিনীর কোন অপপ্রয়োগ করেন নাই । তাঁহারা জায়াগিদিগের কোন গ্রাম নষ্ট করেন নাই, নিরীহ নাগরিকদিগেরও প্রাণসংহার করেন নাই । তাঁহারা শত্রুপক্ষের দুর্গরক্ষিত স্থানের উপর প্রফোটন বর্ষণ করিয়াছেন বটে ; কিন্তু ইহা বৈধ ; দুর্গস্থলোকে গুলি ছুড়িয়া বিমানবিহারী-দিগকে নষ্ট করিতে পারে । পক্ষান্তরে গ্রামবাসীদিগের পক্ষে এরূপ আততায়ীকে নিরস্ত করিবার কোন উপায় নাই । অথচ জায়াগেরা টুসেপ্লিনের সাহায্যে ইংল্যান্ডের অনেক গ্রাম নষ্ট করিয়া কলঙ্ক অর্জন করিয়াছেন । ইংরাজ

* Aeroplane.

† Zeppelin.

বিমানবিহারীরা এমনই নিপুণ যে, তাঁহারা শত শত মাইল দূরস্থ জাহাজ হুগ্গ নষ্ট করিয়া প্রায় প্রতিবারই নিরাপদে প্রত্যাবর্তন করিয়াছেন ।

আকাশে যখন বিমানে বিমান যুদ্ধ ঘটে, তখন পুরাণবর্ণিত যুদ্ধকাহিনী মনে পড়ে । ব্যক্তিগত বিক্রম দেখাইবার এমন সুবিধা আর কোথাও নাই ।

বর্তমান কালে নৌযুদ্ধেও অনেক পরিবর্তন হইয়াছে । ইহার তুলনায় নেলসন অভূতি নৌসেনাপতিদিগের কাজ যেন অতি সহজ ছিল বলিয়া মনে হয় । তখন তাঁহাদের প্রধান লক্ষ্য ছিল বিপক্ষের বাহিনী কোথায় আছে তাহা জানা, এবং বিপক্ষবাহিনীর প্রতিবাত স্থানে আপনাদের বাহিনীর সংস্থান করা । সেনাপতির কার্য্য ইহাতেই পরিসমাপ্ত হইত । অতঃপর নাবিকেরা বিপক্ষবাহিনীর নিকটে গিয়া গোলা পূরিতে ও কামান দাগিতে প্রবৃত্ত হইত । যতক্ষণ না একপক্ষ বিধ্বস্ত হইত ততক্ষণ এই কাণ্ড চলিত ।

এখন যন্ত্রের যুগ ; এখন রণপোতাধ্যক্ষকে প্রায় প্রতিপদে যন্ত্রের সাহায্যে চলিতে হয় । তাঁহার উর্দ্ধদেশে, অধোদেশে, চারিদিকে, সর্বত্রই বিপদ । সেকালের রণপোত ছিল কাষ্ঠনির্মিত ; এখনকার রণপোত লৌহনির্মিত এবং আরতনে বহুগুণ বৃহত্তর,—যেন একটা বিশাল প্লবমান হুগ্গ । রণপোতের কামানগুলিও প্রকাণ্ড—এক একটার মুখের ব্যাস তের হইতে ষোল ইঞ্চি এবং পাল্লা প্রায় দশ মাইল ইহাদের সাহায্যে যে সকল প্রক্ষেপিতপূর্ণ গোলা নিক্ষেপ হয় তাহাদের এক একটার ওজন পাঁচ ছয় মৌণ । সমস্ত কামানই এখন যন্ত্রদ্বারা চালিত এবং এই সকল যন্ত্রের কোন কোন অংশ ঘটিকাযন্ত্রের ন্যায় সূক্ষ্ম, অথচ এমন দৃঢ় যে সহজে নষ্ট হয় না ।

সর্ক্যাপেক্ষা বৃহৎ রণপোতগুলির নাম ‘ড্রেডনট’ অর্থাৎ অকুতোভয় । ড্রেডনটের সমস্ত কামানই বড় ; একটাও ছোট কামান নাই । ড্রেডনট অপেক্ষা একটু ছোট রণপোতগুলি যুদ্ধ জুজার নামে অভিহিত । ইহারা অতি দ্রুতগামী—ঘণ্টায় প্রায় ত্রিশ মাইল বেগে ছুটিতে পারে ।

নৌসেনাবৃদ্ধিতে নৈপুণ্যলাভ করিতে হইলে দীর্ঘকালব্যাপী শিক্ষালাভ করিতে হয় । পূর্বে নাবিকমাত্রই নৌসেনায় প্রবেশ করিতে পারিত ; কিন্তু এখন তাহা অসম্ভব । এখন লোকে বালাবস্থাতেই নৌসেনায় গৃহীত হয়, কারণ বহুদিন শিক্ষা না পাইলে তাহারা কার্য্যকুশল হইতে পারে না । রণপোত জলমগ্ন হইলে যদি তাহার সঙ্গে তত্রত্য সৈন্যও বিনষ্ট হয়, তাহা হইলে রাজ্যের বিষম ক্ষতি, কারণ সহজে ইহাদের স্থান পূরণ করা যায় না ।

তারহীন ভাড়িতবার্ত্তাবহের* প্রচলনেও নৌযুদ্ধে এখন নব নব পন্থা অবলম্বিত

হইতেছে। নৌসেনাপতিরা ইহার সাহায্যে মুহূর্ত্তমধ্যে শত্রুর সন্ধান পাইতেছেন, স্বপক্ষের অনতিদূরস্থ পোতসমূহ একস্থানে আনয়ন করিয়া বিপক্ষকে আক্রমণ করিতে পারিতেছেন এবং যখন যাহা ঘটিতেছে, তখনই তাহা রাজা ও রাজমন্ত্রী-দিগের গোচর করিতেছেন। জাশ্রাণপক্ষে ভারহীন ভাড়িতবার্তাবহের সহিত আবার টেসেলিন যোগ দিয়াছে; ইহারা অতি উর্দ্ধে উঠিয়া বহুদূর পর্য্যন্ত শত্রুপক্ষের গতিবিধি পর্য্যবেক্ষণ করিতেছে।

বিপক্ষের কামান বাতীত রণপোতগুলির আরও কোন কোন শত্রু আছে। কয়েক বৎসর হইল টর্পেডো নামক এক প্রকার যন্ত্র প্রস্তুত হইয়াছে; ইহার আকার চুকটের আকারের ন্যায়। টর্পেডোর ভিতরে প্রচুর পরিমাণে প্রেস্ফোটন রাখা হয়। ইহার একপ্রান্তে একটা স্কু থাকে; উহার আবর্তনে যন্ত্রটি জলের ভিতর দিয়া ধাষিত হয়। টর্পেডোবাহী পোতের পার্শ্বে যে বড় চোঙ্গ থাকে তাহা হইতে টর্পেডো দাগা হয়। ইহার আঘাতে ড্রেডনটেরও নিস্তার নাই; বিস্ফোটনের বেগে ড্রেডনটের তলদেশ বিদীর্ণ হয় এবং এক্রপ প্রকাণ্ড পোতও দশ-বিশ মিনিটের মধ্যে ডুবিয়া যায়। এইজন্য রণপোতগুলি টর্পেডোবাহী পোতকে বড় ভয় করে। আয়তনে ক্ষুদ্র এবং অতিদ্রুতগামী বলিয়া তাহাদিগকে গুলি করিয়া নষ্ট কর্তি।

টর্পেডোবাহী পোত বিদূরিত করিবার জন্য ডেট্রয়ার (বিনাশক) নামক এক প্রকার পোত ব্যবহৃত হয়। ইহার টর্পেডোবাহী পোত অপেক্ষা কিছু বড় এবং ঘণ্টায় প্রায় ৪০ মাইল চলে। প্রত্যেক ডেট্রয়ারে একটা বা দুইটা বড় কামান থাকে। যখন রণপোতবাহিনী অগ্রসর হইতে থাকে, তখন ডেট্রয়ারগুলি তাহাদের অগ্রে অগ্রে ছুটিয়া গন্তব্য পথটি নিরাপদ রাখাে।

কিন্তু ডেট্রয়ারদ্বারা বিমানের বা সাগরগর্ভচর পোতের উপদ্রব নিবারণ করা যায় না। সাগরগর্ভচর পোত কয়েক বৎসরমাত্র দেখা দিয়াছে। এক্রপ পোত যে নির্মাণ করা যাইতে পারে, তাহা পূর্বেও অনেকে অনুমান করিয়াছিলেন; কিন্তু ইহা কোন কাজে লাগিতে পারে কি না তাহা সন্দেহের বিষয় ছিল। ইহা একপ্রকার নাকিবুহৎ নৌকা এবং এক্রপে গঠিত যে, জলের মধ্যে প্রবেশ করিলেও ইহার ভিতরে জল যাইতে পারে না। জলমধ্যে প্রবেশ করিবার জন্য নাবিকেরা ইচ্ছা করিলেই ইহার কিয়দংশ জলে পূর্ণ করিয়া লয় এবং শেষে যন্ত্রের সাহায্যে ডুবিয়া যায়। সাগরগর্ভেও ইহা যন্ত্রের সাহায্যে চলে। যন্ত্র চালাইবার জন্য এক-প্রকার কেরোশিন তৈল ব্যবহৃত হয়।

সাগরগর্ভচর পোতের উদ্দেশ্য অদৃশ্যভাবে বিপক্ষপোতের নিকট গিয়া টর্পেডে প্রয়োগে উহার বিনাশ করা। তবে ইহার প্রধান অসুবিধা এই যে, উপরে কোথায় কি আছে পোতারোহীরা তাহা দেখিতে পায় না। এই অসুবিধার নিবারণার্থ পরিবীক্ষণ নামে একপ্রকার বস্তু আছে।ঃ পরিবীক্ষণে যে বহুপৃষ্ঠ কাচকলক থাকে, তাহাতে প্রতিবিম্বিত হইয়া উপরিস্থ সমস্ত বস্তু পোতারোহীদিগের নয়নগোচর হয়। তথাচ এই সকল পোতকে মধ্যে মধ্যে উপরে দেখা দিতে হয়; পরিবীক্ষণটীত বার বার সাগরপৃষ্ঠের উপর না তুলিলেই চলেনা। রণতরীর অধ্যক্ষেরা যদি পরিবীক্ষণটী দেখিতে পান তাহা হইলে বুঝিতে পারেন উহার নিয়ন্ত্রণে সাগরগর্ভচর পোত রহিয়াছে।

রণপোতের আর একটা শত্রু প্রস্ফোটনপূর্ণ পাত্র।ঃ এগুলি লৌহনির্মিত। লোকে কখনও এই পাত্রগুলি সমুদ্রে ভাসাইয়া দেয়, কখনও বা সাগরের অংশ-বিশেষে নঙ্গর দ্বারা স্থির করিয়া রাখে। কোন জাহাজের সহিত সন্নিবিষ্ট হইলেই প্রস্ফোটনে অগ্নির উদ্ভব হয় এবং পাত্রগুলি বিদীর্ণ হইয়া যায়। একটীমাত্র পাত্র বিদীর্ণ হইলেই তাহার আঘাতে অতি বৃহৎ রণতরীও বিনষ্ট হইতে পারে। ক্ষুদ্র ক্ষুদ্র পোত প্রেরণ করিয়া এই সকল পাত্র সমস্তে তুলিয়া ফেলা আবশ্যিক; অন্য কোন উপায়ে ইহাদের উপদ্রব নিবারণ অসম্ভব।

উপরে যাহা বলা হইল তাহা হইতে বুঝা যাইবে বর্তমানকালে রণপোতাধ্যক্ষদিগকে কত সাবধানে চলিতে হয়। তাঁহাদের সাবধানতার ও নৈপুণ্যের শুভেই, লোকে প্রথমে যেরূপ আশঙ্কা করিয়াছিল, সাগরগর্ভচর পোত বা প্রস্ফোটনপূর্ণ পাত্রদ্বারা এ পর্য্যন্ত তত অনিষ্ট ঘটিতে পারে নাই।

চিকিৎসা ও শুশ্রূষা।

প্রত্যেক পক্ষেই রোগী ও আহতদিগের জন্ত চিকিৎসক ও শুশ্রূষাকারিণীরা আছেন। ইঁহারা রক্তবর্ণ ক্রুশচিহ্ন ধারণ করেন। জাতিসাধারণের বিধান, এই চিহ্ন দেখিলেই বুঝা যায়, ইঁহারা সংহারক নহেন, রক্ষক। ইঁহাদের কার্য অতি কঠিন। যুদ্ধক্ষেত্রে অবিরত অগ্নিবৃষ্টি হইতেছে; তাহার মধ্যেই ইঁহারা অগ্রসর হইয়া আহতদিগকে লইয়া যাইতেছেন। যখন কোথাও কোন সংক্রামক ব্যাধি দেখা দেয়, তখনও ইঁহাদিগকে দিব্যরাত্রি পরিশ্রম করিতে হয়। ১৯১৫ অব্দে সার্বিয়াতে যখন সান্নিপাতিক জ্বরের প্রাদুর্ভাব হইয়াছিল, তখন চিকিৎসক ও শুশ্রূষাকারিণীরা যে বিপত্তির সম্মুখীন হইয়াছিলেন, মনুষ্যরূপী শত্রুর সহিত যুদ্ধ তাহার তুলনায় কিছুই নহে।

(খ) সেনা ও সেনাপতিগণ ।

ইংরাজ সেনা ।

ইংল্যাণ্ডে যখন সৈনিকভূম্যধিকার-প্রথা প্রচলিত ছিল, তখন সেখানে স্থায়ীভাবে সেনা রাখিবার প্রয়োজন হইত না ; যুদ্ধ উপস্থিত হইলে ভূম্যধিকারীরা স্ব স্ব প্রজা লইয়া রাজার সাহায্য করিতেন। অতঃপর যখন স্থায়ী সৈন্ত রাখিবার প্রয়োজন হইল, তখন তর্ক উঠিল, উহার কর্তৃত্ব রাজার হাতে থাকিবে, না পার্লামেন্টের হাতে থাকিবে। এই তর্কের জন্তই ষ্টয়ার্টবংশীয় রাজাদিগের সহিত প্রজার বিরোধ ঘটে এবং তাঁহাদের পতন ও নির্বাসন হয়। এখন স্থায়ী সৈন্ত রাখিবার ভার পার্লামেন্টের সাধারণ সভাসমিতির উপর :

১১১৪ অব্দ পর্য্যন্ত ইংল্যাণ্ডে যে স্থায়ী সৈন্ত ছিল, তাহারা নাতিদীর্ঘকালের জন্ত নিযুক্ত হইত। পদাতিদিগকে সাত বৎসর কাজ করিতে হইত ; তাহার পর তাহারা ইচ্ছা করিলে সামরিক কার্য ত্যাগ করিয়া ব্যবসায়ান্তর অবলম্বন করিতে পারিত। কিন্তু সামরিক কার্য ত্যাগ করিবার পরেও তাহাদিগকে আরও চারি বৎসর রাজ্যের সশস্ত্র সেনাবলের মধ্যে গণ্য করা হইত, অর্থাৎ যদি প্রয়োজন হইত তাহা হইলে রাজপুরুষেরা ঐ সময়ের মধ্যে তাহাদিগকে যুদ্ধে যোগ দিবার জন্ত আহ্বান করিতে পারিতেন। এই চারি বৎসর কাটিয়া গেলে কাহাকেও আর কোনরূপ বাজীবান্ধির মধ্যে থাকিতে হইত না।

কোন ব্যক্তি যদি প্রথম সাত বৎসর পরে সময় বিভাগেই থাকিতে চাহিত, তাহা হইলে সে আরও এগার বৎসর খাটিয়া বৃত্তিসহ অবসর পাইত। পদাতিরা রাজভাণ্ডার হইতে খাদ্য, পরিচ্ছদ এবং দৈনিক প্রায় বার আনা হিসাবে বেতন পাইত।

ইংল্যাণ্ডের সাধারণ সৈন্ত প্রধানতঃ শ্রমজীবিসম্প্রদায়ের লোক। ইহারা বার তের বৎসর বয়স পর্য্যন্ত প্রাইমারী বিদ্যালয়ে লেখাপড়া করিত এবং তাহার পর কোন না কোন ব্যবসায় শিখিত। সামরিক কার্য হইতে অবসর পাইবার পরে তাহারা ঐ সকল ব্যবসায় অবলম্বন করিত।

সেনানীগণ ভদ্রবংশীয়। তাহারা ইটন, হারো, উইন্ডেস্টার প্রভৃতি বিখ্যাত বিদ্যালয়ে শিক্ষাপ্রাপ্ত হইতেন এবং সতের আঠার বৎসর বয়সে কোন সামরিক বিদ্যালয়ে প্রবেশ করিতেন। সামরিকপদ লাভ করিলে ইহারা প্রথমে হইতেন লেপ্টেন্যান্ট; পরে ক্রমশঃ উন্নতিলাভ করিয়া ক্যাপ্টান, মেজর, কর্নেল, জেনারল প্রভৃতি উচ্চ পদবী প্রাপ্ত হইতেন। চল্লিশ বৎসরের উর্দ্ধবয়স্ক না হইলে সেনানীর অবসর গ্রহণ করিতে পারিতেন না।

সেনা প্রধানতঃ তিন অংশে বিভক্ত—পদাতি, অশ্ব ও গোলন্দাজ । ইঞ্জিনিয়ারগণও সেনার একটি প্রধান অঙ্গ । ইঁহারা দুর্গ, রেলওয়ে ও সেতু নির্মাণ করেন এবং বিপক্ষের সেতু ধ্বংস করেন । ফলতঃ ইঞ্জিনিয়ার ব্যতীত যুদ্ধ চলে না, এবং ঘোঁকাদিগের ত্রায় ইঞ্জিনিয়ারদিগেরও পদে পদে বিপদ ঘটিতে পারে ।

চিকিৎসার, রসদ সরবরাহের এবং গমনাগমনের সুবিধার্থে বিশিষ্ট কর্মচারীর প্রয়োজন । অসামান্য দূরদর্শিতা না থাকিলে রসদ সরবরাহ করা যায় না । ভাবিয়া দেখ দেখি, এক লক্ষ ইংরাজসৈন্য যখন মোস্ হইতে পরাবর্তনের সময় চারিদিনে সত্তর মাইল চলিয়াছিল, তখন যোদ্ধা ও অশ্বগুলির দৈনিক আহারের জন্ত কিরূপ আয়োজন আবশ্যক হইয়াছিল ।

পদাতিক সৈন্য কতকগুলি রেজিমেন্টে বিভক্ত । এক এক রেজিমেন্টে সাধারণতঃ দুইটা ব্যাটালিয়ন্ এবং এক এক ব্যাটালিয়নে প্রায় এক হাজার যোদ্ধা থাকে । সচরাচর এক ব্যাটালিয়ন্ যখন বিদেশে নিযুক্ত থাকে, তখন অপর ব্যাটালিয়নটী স্বদেশে রহে । নির্দিষ্টসংখ্যক পদাতি, অশ্ব ও গোলন্দাজ লইয়া যুদ্ধকালে এক একটি বিগেড্ গঠিত হয় । ব্রিগেডে সাধারণতঃ চারি ব্যাটালিয়ন্ পদাতি, তিন রেজিমেন্ট্ অশ্ব এবং তিন দল গোলন্দাজ থাকে । দুই বা ততোধিক ব্রিগেডে এক ডিভিসন বা বিভাগ এবং দুই বা ততোধিক বিভাগে এক একটি বাহিনী ।

বর্তমান যুদ্ধের পূর্বে ইংরাজদিগের সর্বশুদ্ধ দশহাজার সেনানী ও দুই লক্ষ সাধারণ যোদ্ধা ছিল । ইহাদের মধ্যে প্রায় এক লক্ষ ছিল সজ্জিত সৈন্তের অন্তর্ভূত এবং অবশিষ্ট ছিল যুদ্ধার্থে সদাপ্রস্তুত । ১৯১৪ অব্দের জুলাই মাসে এই শেষোক্ত দল কয়েক ঘণ্টার মধ্যেই সূক্ষ্মজিত হয় এবং কয়েক দিনের মধ্যে ফ্রান্সে গিয়া যুদ্ধারম্ভ করে ।

স্থায়ী সৈন্য ভিন্ন ইংরাজদিগের আরও কতকগুলি যোদ্ধা ছিল । ঊনবিংশ শতাব্দীর মধ্যভাগে যখন একবার ফরাসীদিগের সহিত যুদ্ধ উপস্থিত হইবার সম্ভাবনা হয়, তখন ইংল্যান্ডের অনেক লোক স্বতঃ-প্রবৃত্ত হইয়া যুদ্ধবিজ্ঞা শিক্ষা করে । তখন ফরাসীদিগের সহিত যুদ্ধ ঘটে নাই, তথাপি রাজপুরুষেরা এই স্বৈচ্ছাপ্রণোদিত সেনা রাখিবার উপযোগিতা বুঝিতে পারেন । কিছুদিন হইল ইহাদের ব্যবহারের জন্ত উৎকৃষ্ট অস্ত্রশস্ত্র দেওয়া হইয়াছে, এবং ইহাদের শিক্ষাবিধানের জন্তও রীতিমত যত্ন হইতেছে । এই সৈন্য 'টেরিটরিয়েল্' অর্থাৎ প্রাদেশিক নামে অভিহিত ।

বর্তমান যুদ্ধ আরম্ভ হইলেই ইংল্যান্ডের সমস্ত স্থায়ী সৈন্য ফ্রান্সে গমন করে । ভারতবর্ষ হইতেও অনেক সৈন্য প্রেরিত হয় । ইহাদের স্থান পূরণার্থ ইংল্যান্ড হইতে এদেশে টেরিটরিয়েল্ সৈন্য আনা হইয়াছিল । ক্রমে টেরিটরিয়েলেরাও ফ্রান্সে

ঐ অগ্রাগ্র বৃদ্ধিক্ষেত্রে গমন করিয়াছে এবং ইংল্যাণ্ডে অনেক নূতন নূতন লোকে সৈনিককার্যে নিযুক্ত করা হইয়াছে। যোদ্ধাদিগের সংখ্যাবৃদ্ধিবশতঃ এখন প্রতি রেজিমেন্টের ব্যাটালিয়ন সংখ্যাও অনেক বৃদ্ধি হইয়াছে। এখন কোন কোন রেজিমেন্টে ত্রিশটি পর্য্যন্ত ব্যাটালিয়ন দেখা যায়। সর্বশুদ্ধ এখন পায় পঞ্চাশলক্ষ ইংরাজসেনা পৃথিবীর নানা স্থানে যুদ্ধে নিয়োজিত হইয়াছে।


(যুরোপের সেনা)

জার্মানসেনার গঠন অনেক পরিমাণে ইংরাজসেনারই অনুরূপ। কিন্তু ইংল্যাণ্ডে সৈনিকবৃদ্ধি পূর্বে লোকের ইচ্ছার উপর নির্ভর করিত ; জার্মানিতে সকলকে বাধ্য হইয়া প্রথমে দুই বৎসর সৈনিককাজ করিতে হইত এবং পরে ২২ বৎসর সক্ষিত সৈন্যভুক্ত থাকিতে হইত। অপিচ প্রথম দুই বৎসরেও সাধারণ সৈন্তেরা কোন বেতন পাইত না। জার্মানদিগের সেনানীগণ প্রধানতঃ সম্রাট ভূম্যধিকারীদিগের বংশজাত বর্তমান যুদ্ধারম্ভের সময় জার্মানদিগের প্রায় ৬০ লক্ষ সুশিক্ষিত যোদ্ধা ছিল। সৈন্যরক্ষার বার্ষিক ব্যয় জার্মানিতে ছিল ৯০ কোটি এবং ইংল্যাণ্ডে ছিল ৪২ কোটি টাকা।

ফ্রান্সেও সমস্ত প্রাপ্তবয়স্ক ব্যক্তিকেই সৈনিকশ্রেণীভুক্ত করিবার প্রথা ছিল এখানে সামরিক শিক্ষালাভের কাল হইয়াছিল তিন বৎসর। বর্তমান যুদ্ধারম্ভে ফ্রান্সের সৈন্য সংখ্যা ছিল ৪০ লক্ষ, অস্ত্রিয়ার ৪০ লক্ষ এবং রুশিয়ার ৫০ লক্ষ কিন্তু এখন কোন জাতির কত লোক যুদ্ধ করিতেছে তাহা নিশ্চিত বলা যায় না। সক্ষিত সৈন্যভুক্ত অনেকে স্বাধীনতার হস্তে স্ব স্ব বাবসায় সমর্পণ করিয়া যুদ্ধক্ষেত্রে গমন করিয়াছে ; সৈনিকশ্রেণীভুক্ত করিবার জন্য এখন বয়সের পরিমাণও পূর্বাপেক্ষা কম করা হইয়াছে। এখন যাহাদের বয়স ষোলবৎসর মাত্র তাহাদিগকেও সৈন্যরূপে নিযুক্ত করা হইতেছে।

সেনাপতিগণ ।

যুদ্ধে আরম্ভ হইবামাত্র ইংরাজেরা লর্ড কিচনারকে সমরসচিব নিযুক্ত করিয়া তাঁহার হস্তে যুদ্ধসংক্রান্ত সর্ববিধ ক্ষমতা সমর্পণ করেন। লর্ড কিচনার একজন অসাধারণ শক্তিমান পুরুষ ছিলেন। তিনি পৃথিবীর নানা স্থানে সামরিককার্যে নিযুক্ত থাকিয়া যুদ্ধসংক্রান্ত সর্ববিধ অভিজ্ঞতা লাভ করিয়াছিলেন। তিনি যেমন দূরদর্শী, তেমনি লোকচরিত্রাভিজ্ঞ ছিলেন এবং কোথায় কি আবশ্যক তাহা তন্ন তন্ন করিয়া জানিতেন। কিরূপে সামরিক শিক্ষা দিতে হয়, কিরূপে যুদ্ধাযোজনা করিতে



লড্‌ কিচনার ।

হয়, এ সমস্ত তিনি যেমন বুঝিতেন, অন্য কেহ সেরূপ বুঝিতেন না । এই নিমিত্ত তাঁহার কার্যকুশলতা সম্বন্ধে সকলেরই অটলা আস্থা ছিল ।

লর্ড্‌ কিচনার প্রথম হইতেই বুঝিতে পারিয়াছিলেন যে এই যুদ্ধ দীর্ঘকাল চলিবে ; অতএব আপাততঃ অন্ততঃ তিন বৎসরের জন্য আয়োজন আবশ্যক । তিনি কালবিলম্ব না করিয়া এই বৃহৎ ব্যাপারে হাত দিলেন এবং অচিরে দশলক্ষ সৈন্য সংগ্রহ করিয়া তাহাদিগকে সুশিক্ষিত ও সুসাজ্জিত করিয়া তুলিলেন । ইহাতে তিনি যে ক্লেমভোগ করিয়াছিলেন, সে জন্ত ইংরাজজাতি তাঁহার নিকট চিরস্থায়ী । তিনি যে নিয়ত ইংল্যাণ্ডে থাকিয়াই যুদ্ধের ব্যবস্থা করিতেন তাহা নহে ; সময়ে সময়ে ফ্রান্স্‌ প্রভৃতি দেশে রণক্ষেত্রে গিয়াও স্বচক্ষে সমস্ত দেখিয়া যাইতেন । তাঁহার এমনই সুব্যবস্থা ছিল যে এই দীর্ঘকালস্থায়ী যুদ্ধে একদিনের জন্যও ফ্রান্সের বা অপর কোন মিত্ররাজ্যের সহিত ইংল্যাণ্ডের কোনরূপ মতভেদ ঘটেনা ।

লর্ড্‌ কিচনারের অকালমৃত্যুতে আজ আমরা সকলেই শোকসন্তপ্ত । তিনি যখন একখানি ক্রুজারে আরোহণ করিয়া ক্রিশিয়ায় যাইতেছিলেন, তখন অর্ক নি দ্বীপের অনতিদূরে প্রেস্ফোর্টনপূর্ণ পাত্রের সজবর্ষে পোতখানি সমস্ত আরোহিসহ জলমগ্ন হয় (৫ই জুন, ১৯১৬) । ইহাতে ইংরাজজাতির যে ক্ষতি হইয়াছে তাহা সহজে পূরণ হইবার নহে । তবে সামান্য বিষয় এই যে কিচনার নিঃশেষরূপে তাঁহার কৰ্ত্তব্য সম্পাদন করিয়া গিয়াছেন । তাঁহারই প্রাতিভাবলে ব্রিটেনের নূতন সেনার সৃষ্টি হইয়াছে এবং সেই সেনা আজ ব্রিটেনের গৌরব রক্ষা করিতেছে । তিনি যে ভিত্তিস্থাপন করিয়া গিয়াছেন, নব্য সমরসচিব তাহারই উপর ব্রিটেনের গৌরবতন্তু নিষ্কাগ করিতেছেন । জীবদ্দশায় যে তিনি নিজের কৃতকার্যের ফল ভোগ করিয়া যাইতে পারিলেন না ইহা বড়ই পারিতাপের বিষয় । মৃত্যুর সময় লর্ড্‌ কিচনারের বয়স্ হইয়াছিল ৬৫ বৎসর ।

যুদ্ধক্ষেত্রে ইংরাজপক্ষের প্রধান সেনাপতি ছিলেন প্রথমে সার্‌ জন্‌ ফ্রেঞ্চ । ইনি বোয়ার যুদ্ধে যে প্রতিষ্ঠা লাভ করিয়াছিলেন, মোস্‌ হইতে পরাবর্তনের সময় এবং ইপ্রের যুদ্ধক্ষেত্রে তাহা সর্বতোভাবে অক্ষুণ্ণ রাখিয়াছিলেন । এক বৎসর অবিরাম পরিশ্রম করিয়া সার্‌ জন্‌ ফ্রেঞ্চ ইংল্যাণ্ডে প্রতিগমন করেন এবং বর্তমান প্রধান সেনাপতি সার্‌ ডগ্লাস্‌ হেগ্‌ তাঁহার পদে নিযুক্ত হন ।

ফরাসীপক্ষের প্রধান সেনাপতি ছিলেন প্রথমে জর্জে । তাঁহার বয়স্ এখন ৬৫ বৎসর । তিনি প্রাতিভাবলে অতি সামান্য অবস্থা হইতে উন্নতিলাভ করিয়া এই উচ্চপদে অধিরোহণ করিয়াছিলেন । তিনি প্রথমে সৈনিক ইঞ্জিনিয়ারের কাজ করিতেন ; এইজন্ত কুলায়ুদ্ধে তাঁহার অসামান্য নৈপুণ্য । যুদ্ধক্ষেত্রে প্রতিদ্বন্দ্বিপক্ষবয়ের অবস্থান পরীক্ষা করিয়া কোথায় কিরূপে সেনা সন্নিবেশিত করিতে হয়,

তাহা বুঝিতেও তিনি অদ্বিতীয় এবং কাহার হাতে কি কাজ দিলে উহা সুচারুরূপে সম্পাদিত হইবে ইহাও তিনি বিলক্ষণ জানেন। তাঁহার স্বাবস্থায় এই সুদীর্ঘ কাল জার্মানদিগের প্রায় সমস্ত আক্রমণই ব্যর্থ হইয়াছে।

জফ্রে সম্প্রতি কার্যাসুত্বের ভার গ্রহণ করিয়াছেন এবং অগ্র এক ব্যক্তি এখন ফরাসীদিগের প্রধান সৈন্যপত্য গ্রহণ করিয়াছেন।

জার্মান সেনার প্রধান অধিনায়ক স্বয়ং কাইসার। কিন্তু ইহা নামে মাত্র। তিনি নিজে যে কখনও সেনা পরিচালন করিয়াছেন এমন বোধ হয় না। জার্মানদিগের দুইজন সেনাপতি যুদ্ধক্ষেত্রে অসাধারণ কৃতিত্ব দেখাইয়াছেন—একজনের নাম হিগেনবার্গ্ এবং অপর জনের নাম ম্যাকেন্সেন্। ইহারা উভয়েই প্রাচ্য সীমান্তে সৈন্যপত্য করিয়াছেন। কিন্তু প্রতীচ্য যুদ্ধক্ষেত্রে কোন জার্মান সেনানী এপর্যন্ত প্রসিক্কিলাভ করিতে পারেন নাই। জার্মানির যুবরাজ স্বয়ং উপস্থিত থাকিয়া কোন কোন যুদ্ধে যোগ দিয়াছিলেন বটে, কিন্তু যশ লাভ করিতে পারেন নাই। এখন হিগেনবার্গ্‌ই পশ্চিমপ্রান্তে জার্মান সেনার অধিনায়ক হইয়াছেন।

যুধ্যমান শক্তিসমূহের নৌবল ।

যুদ্ধারম্ভে ইংল্যান্ডের নৌসেনা ছিল দেড় লক্ষ; ফরাসীদিগের বাট হাজার এবং জার্মানদিগের আশি হাজার। ইংরাজপক্ষের প্রধান নৌসেনাধ্যক্ষ প্রথমে ছিলেন সার্ জন্ জেলিকো। ইনি প্রায় দুই বৎসর অতি দক্ষতার সহিত কর্তব্য সম্পাদন করিয়া কার্যাসুত্বের ভার পাশ্চ হইয়াছেন এবং সার্ ডেবিড্‌ বিয়েট্‌ এখন পোত-বাহিনীর প্রধান সেনানী হইয়াছেন।

যুদ্ধারম্ভে প্রধান প্রধান পক্ষের নৌবল কিরূপ ছিল তাহা নিম্নে প্রদর্শিত হইল।

| | ইংল্যান্ড | ফ্রান্স্ | জার্মানি |
|---------------------------|-----------|----------|----------|
| ড্রেড্‌নট (নূতন রণপোত) | ২৪ | ৪ | ১৬ |
| যুদ্ধ ক্রুজার | ১০ | — | ৫ |
| প্রাচীন রণপোত | ৭৪ | ৩৮ | ২৯ |
| ক্রুজার | ৮৩ | ১৩ | ৪৩ |
| ডেপ্তার | ২২৫ | ৮৪ | ১৩০ |
| টর্পেডোবাহী পোত | ১০৬ | ১৫০ | ৮০ |

কিন্তু এই আড়াই বৎসরে পূর্বের কোন কোন পোত বিনষ্ট হইয়াছে এবং অনেক নূতন পোত নির্মিত হইয়াছে।

সপ্তম অধ্যায় ।

জলযুদ্ধ ।

মানুষ আপনাকে যতই দূরদর্শী বলিয়া গণ্য করুক না কেন, তাহার বুদ্ধি ও ক্ষমতা সীমাবদ্ধ। বর্তমান যুদ্ধে উভয় পক্ষেই কত সময়ে কত আশা করিয়াছিলেন এবং তাহা সফল করিবার জন্য কত আয়োজন করিয়াছিলেন—ভাবিয়াছিলেন সিদ্ধি তাহাদের করতলগত। কিন্তু ভাবিতব্যেব দুর্ভাগ্য প্রভাবে কত আশা ভগ্ন হইয়াছে, কত আয়োজন ব্যর্থ হইয়াছে।

জার্মান রণতরীর প্রধান আড্ডা কিয়ল ও উইলেমস্‌হেব্‌ন্‌। এই দুইটি বন্দর এমন সুরক্ষিত যে বিপক্ষের রণতরীর পক্ষে হুমুসিগম্য। উইলেমস্‌হেব্‌ন্‌নের পুরোভাগে দুর্গদৃঢ়ীকৃত হেলিগোলাণ্ড দ্বীপ। যে উত্তরসাগরের তীরে ইহা অবস্থিত, উপকূল-সম্মুখানে তাহা অগভীর, কাজেই তত্রতা অবস্থানভিত্ত পোতের পক্ষে বিপজ্জনক। ইহা ছাড়া বহুদূর পর্যন্ত সমুদ্রের মধ্যে এত প্রস্ফোটনপূর্ণ পাত্র বিকীর্ণ রহিয়াছে যে ইহার সাধ্য এই সকল বাধা অতিক্রম করিয়া উইলেমস্‌হেব্‌ন্‌নের নিকট যাইতে পারে ?

উল্লিখিত আড্ডা দুইটি হইতে এক দিকে ইংল্যান্ডের, অত্র দিকে রুশিয়ার বিরুদ্ধে রণতরী পাঠাইবার বেশ সুবিধা। ইহারা কাইজার উইলেম খাল দ্বারা পরস্পর সংযুক্ত; উক্ত খাল দিয়া জার্মান রণতরীগুলি কয়েক ঘণ্টার মধ্যে বার্নটিক্‌ সাগর হইতে উত্তর সাগরে কিংবা উত্তর সাগর হইতে বার্নটিক্‌ সাগরে প্রবেশ করিতে পারে। কাজেই তাহারা কখন কোথায় আছে, সংবাদ রণতরীর পক্ষে তাহা জানা সহজ নহে। আয়তনে, যুদ্ধ-নৈপুণ্যে ও কামানের উৎকর্ষে জার্মান রণতরী ইংরাজ রণতরীর সমকক্ষ; কিন্তু সংখ্যায় ক্ষাণতর। এই নিমিত্তই তাহারা বন্দরের বাহির হইতে সাহস পায় না। জার্মান পোতবাহিনীর উদ্দেশ্য এই যে—

(১) প্রস্ফোটনপূর্ণ পাত্র এবং টর্পেডোর সাহায্যে একে একে ইংরাজদিগের রণপাতগুলি বিনষ্ট করিতে হইবে। এতদর্থ জার্মানদের কেবল স্বদেশের উপকূল-সম্মুখানে নহে, আয়ল্যান্ডের পশ্চিমে আটলান্টিক মহাসাগরেও প্রস্ফোটনপূর্ণ পাত্র রাখিয়া দিয়াছেন এবং তাহাদের সাগরগর্ভচর পোতগুলি দিব্যরাত্রি বিপক্ষের পোতধ্বংসের চেষ্টা করিতেছে। সাগরগর্ভচর পোতদ্বারা এ পর্যন্ত ইংরাজ রণতরীর তত ক্ষতি হয় নাই; কেবল একবার ইহাদের একখানা ইংরাজদিগের তিন খানা ক্রুজার ডুবাইয়া দিয়াছিল। ইহাদের উপদ্রবে ইংরাজদিগের অনেক বাণিজ্য-পোতও


বিনষ্ট হইতেছে বটে, কিন্তু নূতন নূতন পোত নির্মাণ করিয়া ইংরাজেরা সে অভাব পূরণ করিতেছেন ।

(২) ইংল্যান্ডের উপকূলভাগস্থ কোন না কোন স্থান অকস্মাৎ আক্রমণ করিয়া তত্রত্য অধিবাসীদিগকে ক্ষাতগ্রস্ত ও আতঙ্কগ্রস্ত করিতে হইবে । জার্মানদেরা বহুবার এই চেষ্টা করিয়াছেন ; তাঁহারা নৈশ অন্ধকারে অতিদ্রুতগামী পোত লইয়া ইংল্যান্ডের উপকূলস্থ কোন কোন স্থানে গোলা বর্ষণ করিয়াছেন এবং স্থর্য্যোদয়ের পূর্বেই জার্মানিতে ফিরিয়া গিয়াছেন ।

(৩) মহাসমুদ্রে ক্রুজার রাখিয়া ইংরাজদিগের বাণিজ্যলোপ করিতে হইবে । সভ্যজাতিদিগের মধ্যে বৃদ্ধ উপস্থিত হইলে স্থলভাগে জনসাধারণের সম্পত্তিনাশ নীতিবিগহিত । কিন্তু জলপথে, রাজার হটক, প্রজার হটক, সকলেরই সম্পত্তি নষ্ট বা হস্তগত করিবার রীতি আছে । কোন পোত বিপক্ষের পতাকা উড়াইয়া যাইতেছে দেখিলেই উহা ধরা যাইতে পারে । অতএব এই রীতির বলে জার্মানদেরা ইংরাজদিগের বাণিজ্যে বাঘাত ঘটাইবার চেষ্টা করিলে তাহা দোষাবহ বলা যায় না । একপ বাঘাত ঘটাইবার জন্য যত রণতরী থাকা আবশ্যিক, ইংরাজদিগের সৌভাগ্যক্রমে বৃদ্ধারম্ভকালে জার্মানদিগের তত ছিল না । তাঁহাদের এম্‌ডেন্‌ নামক একখানা ক্রুজার সিংটাও হইতে পলায়ন করিয়া ভারতমহাসাগরে ইংরাজদিগের প্রমুখ কুড়ি খানা বাণিজ্য-পোত ডুবাইয়া দিয়াছিল বটে ; কিন্তু এই উপদ্রব দীর্ঘকালস্থায়ী হয় নাই । এম্‌ডেনের নাবিকেরা একদা কোকস্‌দ্বীপস্থ তারহীন তাড়িতবার্তাবাহের কার্যালয়টী আক্রমণ করিলে তথাকার কর্মচারীরা চারিদিকে আগনাদের বিপত্তির সংবাদ পাঠাইলেন এবং সংবাদ পাইয়া অষ্ট্রেলিয়ার সিড্‌নি নামক একখানা বৃহৎ ক্রুজার সেখানে গিয়া উপস্থিত হইল । এম্‌ডেন্‌ পলায়ন করিবার অবসর পাইল না ; সিড্‌নি তাহাকে আক্রমণ পূর্ব্বক চূর্ণ বিচূর্ণ করিল ।

ইহার পর জার্মানদিগের আর একখানা রণতরী কোন উদাসীনরাজ্যের পতাকা উড়াইয়া আটলান্টিক মহাসাগরে বাহির হইয়াছিল এবং ইংরাজদিগের অনেকগুলি বাণিজ্যপোত নষ্ট করিয়াছিল । উত্তরসাগরে ইংরাজদিগের যে পোত-বাহিনী আছে, উদাসীনরাজ্যের পোত মনে করিয়া তাহা ইহাকে ধরিবার চেষ্টা করে নাই । কিন্তু শেষে কয়লার অভাবে এট ক্রুজার খানি যুনাইটেডেড্‌ স্টেটসের একটী বন্দরে প্রবেশ করে এবং এখন পর্য্যন্ত সেখানেই আবদ্ধ রহিয়াছে ।

ইংল্যান্ডের বাণিজ্যনাশ অপেক্ষাও জার্মানদিগের আর একটী গুরুতর উদ্দেশ্য ছিল । তাঁহারা অনেক দিন হইতেই ইংল্যান্ড আক্রমণ করিবার ইচ্ছা করিয়া-ছিলেন, কিন্তু কি উপায়ে যে সে ইচ্ছা পূরণ করিবেন ভাবিয়াছিলেন তাহা নিশ্চিত বলা যায় না । ইংরাজের রণতরীসমূহের সমুদ্রে একাধিপত্য ভোগ করিবে, ততদিন



বর্তমানকালিএর বগতবী ।

ইংল্যাণ্ড আক্রমণ করা অসম্ভব। উত্তরসাগরে ইংরাজের দুর্জয় পোতবাহিনী^৭ বিদ্যমান থাকিলে জার্মান-পোতবাহিনী কখনও কিসেল খালের বাহির হইতে সাহস পায় না। তবে, জার্মানেরা যদি এমন কোন কৌশল করিতে পারেন যে ইংরাজ পোতবাহিনী দুই অংশে বিভক্ত হইয়া সমুদ্রের ভিন্ন ভিন্ন অংশে পরস্পরের দূরে দূরে অবস্থান করিবে এবং যে অংশ তাঁহাদের নিজের পোতবাহিনী হইতে ক্ষীণতর তাহা আক্রমণ করিবার সুবিধা পাইবেন, তাহা হইলে স্বতন্ত্র কথা। ১৯১৫ অব্দের মে মাসে একবার তাঁহাদের এই দুরাশা ফলবতী হইবে বলিয়া বোধ হইয়াছিল। একদা কি অতিপ্রায়ে বলা যায় না, সমস্ত জার্মান রণতরী ডেনমার্কের উপকূলভাগ পর্য্যন্ত অগ্রসর হয় এবং সেখানে ইংরাজদিগের কয়েকখানা ক্রুজার দেখিতে পাইয়া তৎক্ষণাৎ তাহাদিগকে আক্রমণ করে। সংখ্যায় অল্প হইলেও ইংরাজ ক্রুজারগুলি পলায়ন করিল না; তাহারা যুদ্ধে প্রবৃত্ত হইল। জার্মান রণতরীগুলি বৃহদায়তন এবং সংখ্যাতেও অধিক ছিল বলিয়া এই ভীষণ যুদ্ধে ইংরাজদিগের প্রথমে বড় ক্ষতি হইল; কিন্তু অল্পক্ষণের মধ্যে তাঁহাদের সাহায্যার্থ অগ্রাগ্র ইংরাজ রণতরী আদিয়া উপস্থিত হইল বলিয়া শেষে জার্মানেরাই পরাভূত হইলেন। এই নৌযুদ্ধ জাটল্যাণ্ডের যুদ্ধ নামে বিদিত। ইহাতে ইংরাজদিগের চারিখানা বৃহৎ রণপোত এবং কয়েকখানি ক্ষুদ্র রণপোত বিনষ্ট হয়; জার্মানদিগেরও সম্ভবতঃ ~~কয়েকখানা~~ বৃহৎ রণপোত এবং অনেকগুলি ক্ষুদ্র রণপোত মারা যায়; কিন্তু জার্মানেরা স্বপক্ষের কি ক্ষতি হইয়াছে, অত্ৰাপি তাহা প্রকাশ করেন নাই। বর্তমান মহাসমরে যে কয়েকটি নৌযুদ্ধ হইয়াছে তন্মধ্যে জাটল্যাণ্ডের যুদ্ধই সর্বাপেক্ষা ভীষণ; ইহাতে ইংরাজের সর্ববাদিসম্মত সামুদ্রিক প্রাধান্য অক্ষুণ্ণই রহিয়াছে।

এখন দেখা যাউক ইংরাজপোতবাহিনীর উদ্দেশ্য কি কি? প্রথমতঃ উত্তর-সাগর দিয়া জার্মান রণতরীর ও জার্মান বাণিজ্যপোতের যাতায়াত বন্ধ করিতে হইবে; দ্বিতীয়তঃ জার্মানপোতবাহিনীর আক্রমণ হইতে ইংল্যাণ্ডকে রক্ষা করিতে হইবে। পূর্বে দেখা গিয়াছে যে শেষোক্ত উদ্দেশ্যটী প্রায় সর্বাংশেই সিদ্ধ হইয়াছে, কারণ এ পর্য্যন্ত ইংল্যাণ্ডের উপকূলসাম্রাধানে গোপনে গোপনে যে দুই চারিখানা জার্মান-রণপোত দেখা দিয়াছে, তাহারা এমন কিছু করিতে পারে নাই যাহা জার্মানেরা হর্ষের কারণ বলিয়া ভাবিতে পারেন। একবার শীতকালে নৈশ অন্ধকার ও কুজাটিকার সাহায্যে তিন চারিখানি অতিদ্রুতগামী জার্মান রণতরী উত্তরসাগর পার হইয়া হার্টল্-পুল, স্কেন্নারবারো ও হুইটবি নামক তিনটি নগরের উপর ক্রিয়াক্ষণের জন্ত গোলারুপি করে। ইহাদের মধ্যে হার্টল্-পুল নগরটীমাত্র দুর্গদ্বারা রক্ষিত। জার্মান-দিগের আক্রমণে তিনটি নগরেরই কিছু কিছু ক্ষতি হয় এবং অনেকগুলি নাগরিক মারা যায়।

ইহার পর আরও একবার কয়েকখানি জার্মান রণপোত ইংল্যান্ডের উপকূল-লগ্নিধানে দেখা দেয় ; কিন্তু ইংরাজরণপোতগুলি ইহাদিগকে দেখিতে পায় এবং তৎক্ষণাৎ আক্রমণ করে । এই যুদ্ধে জার্মানদিগের ব্লকার নামক একখানি জুজার বিনষ্ট হয় ; আরও দুইখানি অর্দ্ধভগ্ন অবস্থায় হেলিগোল্যান্ডে ফিরিয়া যায় ।

ফ্রান্সের ও অন্যান্য দেশের যুদ্ধক্ষেত্রের জন্ত সৈন্ত ও যুদ্ধোপকরণ লইয়া অবিরত যে সকল জাহাজ যাইতেছে, তাহাদের রক্ষাবিধান ইংরাজ পোতবাহিনীর তৃতীয় উদ্দেশ্য । এই কার্য্যটা অতি সুচারুরূপে সম্পাদিত হইতেছে । প্রায় তিন বৎসরকাল লক্ষ লক্ষ ইংরাজসৈন্ত সমুদ্র পার হইয়া নানাদেশে যাইতেছে, অনেক সময় তাহাদের জাহাজ-গুলি জার্মান পোতবাহিনীর নিকট দিয়াই গমনাগমন করিতেছে, অথচ এপর্য্যন্ত প্রায় কাহারও কোন বিপদ ঘটে নাই ।

প্রবল পোতবাহিনী থাকিলে যে কি লাভ তাহা হহা হইতে বেশ বুঝা যায় । ইহারই গুণে ইংল্যান্ড আজ বহিঃশত্রুর আক্রমণ হইতে সুরক্ষিত ; ইহারই বলে ইংরাজ সৈন্ত আজ ফ্রান্স, ফ্লাণ্ডার্স প্রভৃতি দূর দেশে গিয়া স্বজাতির গৌরব রক্ষা করিতেছে ; ইহারই প্রভাবে জার্মানদের ক্রমশঃ ক্ষীণবল হইতেছেন ।

ইংরাজ নৌসেনার একান্ত ইচ্ছা যে একবার সমগ্র জার্মানপোতবাহিনীর সহিত উন্মাদ সাগরে যুদ্ধ করিয়া আপনাদিগের বীর্য্য দেখায় । কিন্তু জাটল্যান্ডের যুদ্ধ ব্যতীত অন্য কোত্রাপি তাহারা এই অভিলাষপূরণের সুবিধা পায় নাই । ছোট খাট আরও যে দুই একটি নৌযুদ্ধ না হইয়াছে তাহা নহে ; কিন্তু সেসকল ব্যাপারে সমরনৈপুণ্যের প্রকৃত পরীক্ষা হয় না । যুদ্ধারম্ভের অল্পদিন পরেই জার্মানদিগের এক প্রবল পোতবাহিনী প্রশান্তমহাসাগরের দক্ষিণাংশে ব্যালপ্যারাইজো নগরের আশ-দূরে ইংরাজদিগের চারিখানি রণতরী পরাভূত করে । কিন্তু শেষে ফকল্যান্ড দ্বীপের নিকট ইংরাজদিগের অপর এক পোতবাহিনী উক্ত জার্মান পোতবাহিনীকে আক্রমণপূর্ব্বক একখানি পোত ভিন্ন অন্য সমস্ত ডুবাইয়া দেয় ।

ক্ষুদ্র, বৃহৎ সমস্ত নৌযুদ্ধেই দেখা গিয়াছে জার্মানির নৌসেনা বিলক্ষণ সাহসী ; কিন্তু কামান দাগিতে ইংরাজ নৌসেনাই অধিকতর নৈপুণ্যের পরিচয় দিয়াছে । জার্মানদেরা এপর্য্যন্ত ইংরাজদিগের কয়েক-খানি রণপোত নষ্ট করিয়াছেন বটে, কিন্তু তাহা হয় প্রক্ষেপটনপূর্ণ পাত্রেয় সাহায্যে, নয় টর্পেডো চালাইয়া ।

পোতবাহিনীর আর একটি কার্য্য শত্রুপক্ষের আগমননির্গম রোধ করা । উভয় পক্ষেই পরস্পরের সম্বন্ধে এই উপায়-প্রয়োগের চেষ্টা করে । কোন বন্দর বা দেশ উল্লিখিত উদ্দেশ্যে রণতরীদ্বারা অবরুদ্ধ হইলে উদাসীনরাজ্যের পোতও সেখানে যাইতে পারে না । যুদ্ধারম্ভে ইংরাজেরা জার্মান বন্দরগুলির সম্বন্ধে এরূপ কোন ব্যবস্থা করেন নাই ; তবে ঐ সকল স্থানে যুদ্ধোপকরণের রপ্তানি নিষেধ করিয়া-

ছিলেন। যুদ্ধে ব্যবহৃত হইতে পারে এক্রপ কতকগুলি দ্রব্যের একটা তালিকা প্রস্তুত করিয়া তাঁহারা ঐ সমস্ত নিষিদ্ধদ্রব্য বলিয়া নির্দেশ করেন। যদি উদাসীন-রাজ্যের কোন পোত জার্মানিতে ইহার কোন দ্রব্য রপ্তানির চেষ্টা করিত, তাহা হইলে ইংরাজেরা উহা আটক করিতেন। খাত্তসামগ্রী এবং তুলা প্রভৃতি কয়েকটা দ্রব্য প্রথমে নিষিদ্ধ বলিয়া পরিগণিত হয় নাই। কাজেই জার্মানিগণেরা এগুলি আমদানি করিতে পারিতেন।

কিন্তু জার্মানিগণের আচরণে ইংরাজদিগকে ক্রমে নিষিদ্ধদ্রব্যের সংখ্যা বৃদ্ধি করিতে হইল। জার্মানিগণেরা যখন তাঁহাদের দেশস্থ সমস্ত খাত্ত-সামগ্রী দৈনিককস্মচারীদিগের তত্ত্বাবধানে রাখিলেন, তখন ইংরাজেরা বলিলেন, খাত্তদ্রব্যও তবে যুদ্ধোপকরণের মধ্যে গণ্য হইল। অতঃপর তাঁহারা জার্মানিতে সর্ববিধ দ্রব্যের রপ্তানিই নিষেধ করিলেন। জার্মানিগণেরা বলিলেন, আমরাও ইংল্যাণ্ডে কোন দ্রব্য রপ্তানি হইতে দিব না। কিন্তু তাঁহাদের রণপোত অল্প; যাহা আছে তাহাও কিয়ল খালের বাহিরে যায় না, কাজেই কেহ তাঁহাদের নিষেধাজ্ঞা না মানিলে জার্মানিগণেরা কি করিতে পারেন? তাঁহারা উপায়ান্তর না দেখিয়া সাগরগর্ভচর পোত ব্যবহার করিতে লাগিলেন। এই সকল পোতের দৌরাত্ম্যে অনেক রণনৌতি আজ পদদলিত হইতেছে। বাণিজ্যপোত ডুবাতে হইলে আরোহীদিগকে যথাসময়ে সন্ধার করা কর্তব্য; তাহাদের প্রাণরক্ষারও ব্যবস্থা করা উচিত। কিন্তু জার্মানিগণেরা কিছুমাত্র না জানাইয়া টর্পেডোপ্রয়োগে বাণিজ্যপোত ধ্বংস করিতেছেন, আরোহীদিগের প্রাণরক্ষার জন্তও কোন চেষ্টা করিতেছেন না।

ইংরাজদিগের রাজকীয় পোতবাহিনী ভিন্ন অস্ত্রাস্ত্র অসংখ্য পোতও উত্তরসাগরে সামরিককার্যে রত রহিয়াছে। ইহারা সৈন্ত ও খাত্তাদি লইয়া যাইতেছে, প্রক্ষেপনপূর্ণ পাত্রগুলি তুলিয়া নষ্ট করিতেছে এবং আরও অনেক প্রকারে পোতবাহিনীর সহায়তা করিতেছে। ইহাদের নাবিকেরা সামরিক শিক্ষালাভ করে নাই; অনেকে জালজীবী; অথচ ইহারা অসামান্য সাহস, নৈপুণ্য ও অধ্যবসায়ের পরিচয় দিতেছে। এপর্যন্ত জার্মানিগণেরা ইংরাজপক্ষের শত শত বাণিজ্যপোত নষ্ট করিয়াছেন; সহস্র সহস্র নাবিক সাগরগর্ভে নিমগ্ন হইয়াছে; কিন্তু ইহাতেও ইহারা ভয় পায় নাই; জীবিতেরা প্রকুলচিন্তে মৃতদিগের স্থান লইতেছে। যে সকল বাণিজ্যপোত আমদানি রপ্তানির জন্ত সাগর পার হইতেছে তাহাদেরও ধন্য সাহস! এক ১৯১৫ অব্দেই জার্মানিগণেরা ইংরাজদিগের প্রায় ছয় শত পণ্যপূর্ণ পোত ধ্বংস করিয়াছেন; এই সকল পোতের শত শত নাবিকও বিনষ্ট হইয়াছে; যাহারা রক্ষা পাইয়াছে তাহারাও অশ্রুতপূর্ণ কষ্টভোগ করিয়াছে। তথাপি নাবিকেরা পোত পরিচালনার্থ কখনও নাবিকের অভাব ভোগ করেন নাই।

জার্মানদিগের মধ্যেও যে সাহস, বীৰ্য্য ও উত্তমশীলতার অভাব আছে তাহা বলা যায় না। তাঁহারা ক্রমাগত বৃহৎ হইতে বৃহত্তর সাগরগর্ভচর পোত নির্মাণ করিতেছেন। এই সকল পোতের পরিচালন নিতান্ত কঠিন ও বিপজ্জনক ; কিন্তু অধ্যবসায়ের বলে তাঁহারা ইহাতে অসামান্য নৈপুণ্য লাভ করিয়াছেন। ইংরাজ-পোতবাহিনী জার্মানদিগের অনেকগুলি সাগরগর্ভচর পোত নষ্ট করিয়াছে বটে, কিন্তু তাহাতেও ইহাদের উপদ্রব কমে নাই। ইহারা প্রতিদিন ইংরাজের পোত ধ্বংসে নিরত রহিয়াছে ; উদাসীনরাজ্যের বাণিজ্যপোতও ইংল্যান্ডের নিকটবর্তী হইলে নিস্তার পাইতেছে না। ইহারা সাগরগর্ভে অদৃশ্য হইয়া ইংরাজপোতবাহিনীর তলদেশ দিয়া যাতায়াত করিতেছে, কখনও কখনও দ্রুতর আটলান্টিক মহাসাগরও পার হইতেছে। ইহারা বর্তমান যুদ্ধারম্ভের অল্পদিন পরেই ভূমধ্যসাগরেও দেখা দিয়াছে। জার্মানগেরা ইহাদিগকে স্থলপথে বহন করিয়া অষ্ট্রিয়ার উপকূলস্থ পোলা নামক বন্দরে এবং তুরুষ্কের রাজধানী কনষ্টানটিনোপুলে লইয়া গিয়াছিলেন। ভূমধ্যসাগরে যে সাগরগর্ভচর পোতের প্রয়োজন হইবে জার্মানগেরা তাহা অনেকদিন হইতেই বুঝিয়াছিলেন। কফুদ্বীপে জার্মান সম্রাটের একটি প্রমোদাবাস ছিল ; তাহারা এখানে প্রচুর তৈল সংগ্রহ করিয়া রাখিয়াছিলেন ; জৈয়মান উপসাগরস্থ শৈলাকূর্ণ দ্বীপসমূহেও তাঁহারা অনেক গহনস্থান নির্দিষ্ট রাখিয়াছিলেন। এ সমস্তই সাগরগর্ভচর পোতের ব্যবহারার্থ।

ভূমধ্যসাগরে ইংরাজ ও ফরাসী পোতবাহিনীর প্রধান উদ্দেশ্য ছিল ডার্ডানেলেশের পথটা উন্মুক্ত করা। এই প্রণালীটা অতি সঙ্কীর্ণ। জার্মানগেরা ইহার উভয় পার্শ্বে দুর্গ নির্মাণ করিয়া এবং জলের মধ্যে অসংখ্য পক্ষেটনপূর্ণ পাত্র স্থাপন করিয়া ইহাকে সুরক্ষিত করিয়া রাখিয়াছিলেন। তাহারা বুঝিয়াছিলেন যে ইংরাজপক্ষ এই পথে প্রবেশ করিয়া কনষ্টানটিনোপুল আক্রমণ করিলে তুর্কেরা নিকটস্থ হইয়া পড়িবেন। অধিকন্তু ডার্ডানেল্‌স্ রুদ্ধ থাকিলে রুশিয়ার বাণিজ্যও বন্ধ হইবে। ইংরাজেরাও ইহাই বুঝিয়া বলপ্রায়ে ডার্ডানেল্‌স্ উন্মুক্ত করিতে অগ্রসর হইলেন কিন্তু তাঁহারা যথাসময়ে সমস্ত আয়োজন করিতে পারেন নাই ; অপিচ এই হুঁসাধ্যাকার্য্য-নির্কীহের জন্ত কেবল পোতবাহিনীর উপরই নির্ভর করিয়াছিলেন। কিন্তু তুর্কেরা জার্মানদিগের পরামর্শে গ্যালিপলির পর্ব্বতে প্রকাণ্ড প্রকাণ্ড কামান লুকাইয়া রাখিয়াছিলেন ; ইংরাজ রণপোত হইতে সেগুলি দেখা যাইত না ; নষ্ট করিবারও উপায় ছিল না। পক্ষেটনপূর্ণ পাত্রের সম্বন্ধেও ইংরাজদিগের কয়েকখানি বড় বড় পোত বিনষ্ট হইল। অবশেষে স্থলভাগে যুদ্ধ করিবার জন্ত ইংরাজ ও ফরাসীরা গ্যালিপলিতে সেনা পাঠাইলেন ; কিন্তু এই উপদ্বীপটা একে পর্ব্বতাকীর্ণ, তাহার উপর আবার কামান ও দুর্গদ্বারা সুরক্ষিত ছিল বলিয়া তাহারা

কোন সুবিধা করিতে পারিলেন না । কয়েক মাসের মধ্যে তাঁহাদের প্রায় একলক্ষ সৈন্য হতাহত হইল এবং ১৯১৫ অব্দের শরৎকালে তাঁহারা এখান হইতে সেনা তুলিয়া সালোনিকাতে লইয়া গেলেন ।

অষ্টম অধ্যায় ।

স্থলযুদ্ধ ।

(ক) পশ্চিম প্রান্তে ।


সেনাপতিগণ কি অভিপ্রায়ে কোথায় সেনাসমাবেশ করেন তাহা অপরের জানিবার সুবিধা নাই ; শেষে ফল দেখিয়া তাঁহাদের উদ্দেশ্য অনুমান করিয়া লইতে হয় । অতএব বর্তমান অধ্যায়ে যাহা বলা যাইতেছে, তাহা প্রধানতঃ অনুমানমূলক বলিয়া ধরিতে হইবে । এইরূপ অনুমান যে সকল সময়ে অলাভ তাহা মনে করা যায় না ।

জার্মাণেরা বোপ হয় প্রথমে ফ্রান্সের সর্বনাশসাধনেই কৃতসঙ্কল্প হইয়াছিলেন । তাঁহারা ভাবিয়াছিলেন, রুশিয়ার পক্ষে সমস্ত সেনাবল সুসজ্জিত করিতে অনেক সময় লাগিবে ; বিশেষতঃ জার্মাণির পূর্বপ্রান্ত যখন সুরক্ষিত, তখন রুশেরা হঠাৎ সেখানে কোন অনিষ্ট করিতে পারিবেন না ; অতএব ফ্রান্স্ জয় করিবার জন্যই জার্মাণির অধিকাংশ সৈন্য নিয়োজিত হইতে পারে ।

সুইটজারল্যান্ডের নিকটস্থ রাইননদীর তারবর্তী একটা স্থান হইতে ফ্রান্স্ ও জার্মাণির সাধারণ সীমার আরম্ভ । সেখান হইতে ইহা উত্তর পশ্চিমাভিমুখী হইয়া বোৰ্খ্ নামক পার্বত্য অঞ্চলের ভিতর দিয়া গিয়াছে । এখানে প্রকৃতিই অনেক পরিমাণে ফ্রান্সের রক্ষা করিতেছেন, কারণ পর্বত থাকায় সহসা কোন আততায়ী আসিয়া এ অংশ আক্রমণ করিতে পারে না । বোৰ্খের বাহিরে সাধারণ সীমাটী আবার সমতল প্রদেশে প্রবেশ করিয়াছে ; এই প্রদেশের প্রধান নদী মোজেল্ রাইনের একটা উপনদী । তাহার পর আবার পার্বত্য ও বনাকীর্ণ ভূমি ; এই অঞ্চলের নাম আর্ডেন । অতঃপর ফ্রান্সের দীর্ঘাশ্রিত বেলজিয়ামের সীমান্তে ফ্রান্স্ ও জার্মাণির সাধারণ সীমা শেষ হইয়াছে ।

এই সুদীর্ঘ সাধারণসীমার নানা অংশে ফ্রান্সের অনেকগুলি দুর্গ আছে :—
সর্বদক্ষিণে বেলফোর্ ; মধ্যভাগে বার্ডান্ ; বেলজিয়াম-সীমান্তে মোবাক্ ।
জার্মাণসেনার অধিকাংশ বেলজিয়ামের ভিতর দিয়া মোবাকের অভিমুখে এবং

কিয়দংশ লাক্সেমবুর্গের ভিতর দিয়া বার্ডানের অভিযুগে যাত্রা করে। উক্তরে এক্স লা-সাপেল্ এবং দক্ষিণে মেট্‌স্ নগর হইতে তাঁহারা সেনা পরিচালনের ব্যবস্থা করিয়াছিলেন। এক্স ও মোবাকের মধ্যভাগে উদাসীনরাজ্য বেলজিয়ামের কিয়দংশ অবস্থিত। জার্মাণেরা ভাবিলেন কয়েক ঘণ্টার মধ্যেই তাঁহারা এই অংশ অতিক্রম করিয়া মোবাকে উপস্থিত হইতে পারিবেন।



হাউইটজার ।

জার্মাণেরা সেনা-পরিচালনার্থ এমন ব্যবস্থা করিয়া রাখিয়াছিলেন পূর্ক হইতে এমন আয়োজন করিয়াছিলেন এবং এত শীঘ্র শীঘ্র অগ্রসর হইলেন যে কয়েক ঘণ্টার মধ্যেই তাঁহারা বেলজিয়ামের সীমান্তে গিয়া পৌঁছিলেন। কিন্তু এই

কয়েক ঘণ্টার মধ্যেই বেলজিয়ামের বাহিনী তাঁহাদিগকে বাধা দিবার জন্ত অগ্রসর হইল। জার্মাণেরা দেখিলেন এ অবস্থায় লিয়েন্ নগর অধিকার না করিয়া অগ্রসর হওয়া অকর্তব্য, কারণ তত্রত্য দুর্গগুলি বেলজিয়ানদিগের হাতে থাকিলে তাঁহারা জার্মাণদিগকে পশ্চাদ্ভাগ হইতে আক্রমণ করিতে পারেন। কিন্তু তখন তাঁহাদের সঙ্গে সুদৃঢ়-দুর্গধ্বংসোপযোগী কামান ছিল না। তখন কালক্ষেপ করাও বিপজ্জনক। এই নিমিত্ত তাঁহারা পদাণ্ডক সৈন্ত দ্বারাই লিয়েন্ আক্রমণ করিলেন। ইহাতে তাঁহাদের বহু লোকক্ষয় হইল বটে; কিন্তু তাঁহারা দুর্গগুলি অধিকার করিলেন।

লিয়েন্‌র পর নেমুর। এই দুর্গ অধিকারার্থ জার্মাণেরা হাউইট্‌জার্ন নামক কামান আনয়ন করিলেন; কাজেই কয়েকদিন বিলম্ব হইল। কামান আনাত হইলে তাঁহারা তদ্বারা বড় বড় প্রাণা নিক্ষেপ করিয়া নেমুর বিধ্বস্ত করিলেন, এবং অতঃপর বেলজিয়ামের রাজধানী ব্রাসেলস্‌ও হস্তগত করিলেন। ব্রাসেলসের অধিবাসীরা বার কোটি টাকা দিল বালিয়া জার্মাণেরা নগরটা ধ্বংস করিলেন না; কিন্তু বেলজিয়ামের মধ্যাঞ্চল অত্র সমস্ত নগর ও গ্রামই তাঁহারা অগ্নিসংযোগে ভস্মীভূত করিলেন। বেলজিয়ামের ক্ষুদ্র সেনা জার্মাণদিগের গতিরোধ করিতে পারিল না; কিন্তু পরাজয়ও স্বীকার করিল না। তাহারা যুদ্ধ করিতে করিতে উত্তরাভিমুখে এণ্টোয়ার্প নগরের দিকে হঠিয়া চলিল।

এদিকে ফরাসীরাও সেনা সমবেত করিতেছিলেন এবং ইংরাজসেনা বুল' নগরে অবতরণ করিয়াছিল। বেলজিয়ামে অক্লেশে জয়লাভ করিলেও জার্মাণেরা এখন অধিকতর বাধা পাইতে লাগিলেন; তথাপি তাঁহারা অগ্রসর হইতে ক্ষান্ত হইলেন না এবং মোবাক্ হইতে বার্ডান্ পর্য্যন্ত সমগ্র ইংরাজ ও ফরাসীসেনা তাঁহাদের আক্রমণনিবারণে অক্ষম হইয়া পশ্চাতে হঠিতে আরম্ভ করিল।

তখন ইংরাজদিগের প্রধান সেনানী ছিলেন মার্ জন ফ্রেঞ্চ্। তাঁহার অধীন ইংরাজসেনার পরিমাণ বোধ হয় এক লক্ষের অধিক ছিল না। ইংরাজসেনাই তাঁহাদিগকে অধিক বাধা দিতেছেন দেখিয়া জার্মাণেরা ইহার সম্পূর্ণ বিলোপসাধনার্থ দৃঢ়প্রতিজ্ঞ হইলেন।

ইংরাজসেনা তখন বহুদূর হঠিয়া গিয়া বেলজিয়ামের অন্তঃপাতী মোন্স্ নামক স্থানে পৌঁছিয়াছিল (২২শে আগষ্ট, ১৯১৪)। ইহার পর দিনই সেনাপতি ফ্রেঞ্চ্ সেনাপতি জোফ্রের নিকট হইতে সংবাদ পাইলেন যে উত্তর দিক্ হইতে প্রায় দুইলক্ষ জার্মাণ সৈন্ত তাঁহাকে বামপার্শ্বে আক্রমণ করিবার জন্ত যাত্রা করিয়াছে এবং তাঁহার দক্ষিণপার্শ্বে ফরাসী সৈন্ত পরাভূত হইয়া পরাবর্তন করিতেছে। কাজেই ফ্রেঞ্চ্ দেখিলেন তাঁহাকেও হঠিতে হইবে, নচেৎ পরিত্রাণ নাই। তিনি ২৪শে আগষ্ট সূর্যোদয়ের পর হঠিতে আরম্ভ করিলেন এবং মোবাকের দুর্গের নিকট উপস্থিত

হইলেন । জার্মাণেরা তাঁহাকে এখানে আবদ্ধ করিবার জন্ত চেষ্টা করিলেন এবং তৎক্ষণ ২৫শে আগষ্ট উভয়পক্ষে ভীষণ যুদ্ধ হইল । ইংরাজেরা ছত্রভঙ্গ হইলেন না । তাঁহারা শূশ্রৃষালভাবে পশ্চিমাভিমুখে হঠিতে হঠিতে ঐ দিন সন্ধ্যার সময় কঁত্রে নামক স্থানে উপনীত হইলেন । কিন্তু এখানেও তাঁহারা বিশ্রাম পাইলেন না । তাঁহারা ২৬শে সমস্ত দিবারাত্র হঠিয়া গেলেন এবং ২৭ ও ২৮ তারিখে ফরাসীদিগের নিকট হইতে কিছু সাহায্য পাইলেন । তখন তাঁহারা কঁপেয়েন নামক স্থানে গিয়া পৌঁছিয়াছিলেন । মোনস্ হইতে কঁপেয়েনের দূরত্ব প্রায় ৭০ মাইল । প্রবল শত্রুর আক্রমণ হইতে আত্মরক্ষা করিতে করিতে শূশ্রৃষালভাবে এতদূর হঠিয়া যাওয়া অতি কঠিন ব্যাপার । ইহাতে ইংরাজদিগের বহু সৈন্য বিনষ্ট হইয়াছিল বটে, কিন্তু যুদ্ধোপকরণাদির কিছুমাত্র শত্রুহস্তে পতিত হয় নাই ।


জার্মাণপক্ষেও যে লোকসংখ্য কম হইয়াছিল তাহা নহে । তাঁহারা ইংরাজদিগের ব্যাহভেদ করিবার জন্ত কতবার চেষ্টা করিয়াছিলেন, কত সাহস ও উৎসাহ দেখাইয়াছিলেন, কিন্তু রুতকার্য্য হইতে পারেন নাই । অপিচ সপ্তাহকাল আবরত যুদ্ধ করিতে করিতে এত দূর অগ্রসর হইয়াছিলেন বলিয়া শেষে তাঁহারাও নিতান্ত অবসন্ন হইয়া পড়িয়াছিলেন ।

কঁপেয়েনে পৌঁছিয়া ইংরাজেরা নিরাপদ হইলেন ; ফরাসীরা আনিয়া হইতে একদল সৈন্য আনিয়া তাঁহাদের বামভাগে রাখিলেন এবং সকলে মিলিয়া দক্ষিণাভিমুখে চলিতে চলিতে ক্রমান্বয়ে এন্ ও মার্ন নদী পার হইয়া গেলেন ।

এদিকে জার্মাণেরা রামজ্জ নগর অধিকার করিলেন । পাছে পারিশ ও জার্মাণ-হস্তে পতিত হয় এই আশঙ্কায় ফরাসী গবর্ণমেন্ট তাঁহাদের সমস্ত কাগজপত্র, এবং ফরাসী ব্যাঙ্ক তাঁহাদের সমস্ত স্বর্ণ রৌপ্য স্তূদূরবর্তী বর্ডো নগরে প্রেরণ করিলেন ; স্থির হইল যে প্রয়োজন হইলে ঐ নগরই অস্থায়ীভাবে ফ্রান্সের রাজধানীরূপে গণ্য হইবে । এই সময়ে জার্মাণেরা পারিশের প্রায় দশমাইল মাত্র দূরে আসিয়া উপস্থিত হইয়াছিলেন । অতএব তাঁহারা অবিলম্বেই যে অগ্নিবৃষ্টি কারয় পারিশ ছারখার করিবেন এ আশঙ্কা নিতান্ত অমূলক ছিল না ॥

সৌভাগ্যক্রমে জার্মাণেরাও তখন নিতান্ত অবসন্ন হইয়া পড়িয়াছিলেন । তাঁহারা প্রায় একমাস কাল অবিশ্রান্তভাবে যুদ্ধ করিয়াছেন ; তাঁহারা এত দ্রুতবেগে অগ্রসর হইয়াছিলেন যে পর্য্যাপ্ত পরিমাণে রসদ ও যুদ্ধোপকরণ সঙ্গে আনিতে পারেন নাই ; কাজেই পারিশ অবরোধ করিতে পারেন এমন শক্তি আর তখন তাঁহাদের ছিল না । সম্ভবতঃ এই কারণে আর অগ্রসর হওয়া দূরে থাকুক, তাঁহাদের দক্ষিণপার্শ্ব বামদিকে পরাবর্তন পূর্বক পারিশ হইতে দূরে সরিয়া গেল ।

জার্মাণদিগের পরাবর্তন ওরা সেন্টেশ্বর আরম্ভ হইল । অমনি পারিশের নিকটে



মাইলের ক্ষেত্র ১০ ০ ১০

যে ফরাসীসেনা ছিল তাহা অগ্রসর হইয়া তাঁহাদিগকে পশ্চাদ্ভাগে আক্রমণ করিল। জার্মাণেরা তখন মার্ন নদীর তীরে ছিলেন ; কাজেই এই যুদ্ধ ‘মার্নের যুদ্ধ’ নামে অভিহিত। এখানে জার্মাণেরা সম্পূর্ণরূপে পরাভূত হইলেন এবং অতঃপর উত্তরাভিমুখে হঠিতে লাগিলেন। ফলতঃ যে জার্মাণ আক্রমণশ্রোত এতদিন প্রবলবেগে অগ্রসর হইতেছিল, মার্নের যুদ্ধে তাহা প্রতিহত হইল ; তাঁহারা এ যাত্রা পারিশেষ আশা ত্যাগ করিয়া আত্মরক্ষার জন্যই ব্যগ্র হইলেন।

জার্মাণেরাও অতি শূকোশলে পরাবর্ত্তন করিতে লাগিলেন। ৭ই সেপ্টেম্বর হইতে কয়েকদিন পর্য্যন্ত ক্রমাগত তাঁহাদের সহিত ফরাসীসেনার ভীষণ যুদ্ধ চলিতে লাগিল ; কিন্তু তাঁহাদের ব্যভভঙ্গ হইল না। তাঁহারা শেষে এন্ নদী অতিক্রমপূর্ব্বক উহার উত্তর পারে একটা সুরক্ষিত স্থানে চলিয়া গেলেন।

জার্মাণজাতির অসাধারণ দূরদর্শিতার প্রশংসা না করিয়া পারা যায় না। পারিশ আক্রমণ করিতে গিয়া যদি পরাবর্ত্তন করিতে হয় তবে এনের উত্তরস্থ এই স্থানে অবস্থিতি করিলেই যে সবিশেষ সুবিধা হইবে ইহা তাঁহারা পূর্ব্ব হইতেই স্থির করিয়াছিলেন এবং তজ্জন্ত ইহাকে সুরক্ষিত করিয়া রাখিয়াছিলেন। এখন তাঁহারা ইহার পুরোভাগে কুল্যা খনন করিয়া স্থানটিকে দুর্জয় করিয়া তুলিলেন ; কাহারও সাধ্য ছিল না যে সম্মুখভাগ হইতে আক্রমণপূর্ব্বক ইহা অধিকার করিতে পারে। ইহার কিছুদিন পরে জার্মাণেরা বেলজিয়ামের অন্তঃপাতী সুপ্রসিদ্ধ এটোয়ার্ণ, নগরটীও হস্তগত করিলেন।

অতঃপর উত্তরে সমুদ্র এবং দক্ষিণে বোঝ পর্য্যন্ত শত শত মাইল ব্যাপিয়া অসংখ্য কুল্যা খনন করা হইল ; এদিকে শীতকাল দেখা দিল ; তখন উভয়পক্ষই কুল্যাযুদ্ধ নিরত হইল। ইতিহাসে যে সকল প্রসিদ্ধ দুর্গাবরোধের বর্ণনা দেখা যায়, কুল্যাযুদ্ধও কতকটা তাহারই অনুরূপ ; প্রভেদ এই যে ইহাতে যোদ্ধার অধিকাংশ সময় কুল্যার মধ্যে অবস্থিতি করে। যুদ্ধক্ষেত্রে উভয় পক্ষেই সহস্র সহস্র কুল্যা ও গভীর গুহা খনন করিয়াছেন ; প্রত্যেক কুল্যার সহিত অনেকগুলি গুহার সম্বন্ধ আছে। সৈনিকেরা এই সকল গুহায় বাস করে ও নিদ্রা যায়, খাদ্যাদি রাখে ও যুদ্ধসংক্রান্ত মন্ত্রণা করে। কুল্যা ও গুহাগুলি বিহ্যন্তের সাহায্যে আলোকিত ; দূরপ্রবণ বস্ত্রের সাহায্যে এক কুল্যার সহিত কুল্যাস্তরের কথাবার্ত্তাও চলিতে পারে। কোন কোন কুল্যা এমন শূকোশলে নির্ম্মিত যে তাহার মধ্যে বাস করিতে কোন কষ্ট হয় না ; কিন্তু অধিকাংশ কুল্যা অতি জঘন্য—কর্কশ, জলে বা হিমে পূর্ণ। কিন্তু কষ্টভোগ করিলেও সৈনিকেরা কুল্যাত্যাগ করিতে পারে না। উভয়পক্ষের কুল্যাগুলি কোন কোন স্থানে পরস্পরের এত নিকটে অবস্থিত যে, এক পক্ষে কোন কথা বলিলে অন্য পক্ষে তাহা শুনিতে পায়। অগিচ বর্ত্তমানকালের আয়োরাহ্মগুলির

এমন অব্যর্থ সন্ধান যে কেহ কুল্যার বাহিরে গিয়া বিপক্ষের দৃষ্টিগোচর হইলে তাহার আর নিস্তার নাই।

অনেকে জিজ্ঞাসা করিবেন, একরূপ অবস্থায় যুদ্ধ চলে কিরূপে? নিম্নে তাহা বলা যাইতেছে :—

প্রথমতঃ, কুল্যার মধ্যে পরিবীক্ষণ নামে একপ্রকার যন্ত্র আছে। তাহার সাহায্যে কুল্যাবাসিগণ ভূপৃষ্ঠে কি হইতেছে দেখিতে পায়। কুল্যার পুরোবর্তী বপ্রাণুলির মধ্যে শত শত রক্তপথে রাইফল বন্দুক ও যান্ত্রিক বন্দুক থাকে; পরিবীক্ষণের সাহায্যে শত্রুপক্ষকে লক্ষ্য করিয়া তাহা দ্বারা গুলি করা হয়।

দ্বিতীয়তঃ, প্রেক্ষাটনপূর্ণ বোমার ব্যবহারও খুব চলিতেছে; লোকে কুল্যার ভিতর হইতে এই সমস্ত নিক্ষেপ করিয়া বিপক্ষের কুল্যাবিধ্বংসে নিরত রহিয়াছে।

তৃতীয়তঃ, একপক্ষের লোকে অপর পক্ষের কুল্যার নিম্নভাগ পর্য্যন্ত কুল্যাস্তর খনন করিতেছে এবং তাহাতে বারুদ পূরিয়া উপরিস্থ কুল্যা উড়াইয়া দিতেছে। ইহাতে পুরোবর্তী যে স্থান উন্মুক্ত হইতেছে, তাহার গিয়া উহা অধিকার করিতেছে।

চতুর্থতঃ, প্রত্যেক পক্ষের পশ্চাদ্ভাগে দূরে দূরে প্রকাণ্ড প্রকাণ্ড কামান রহিয়াছে। সেই সকল কামান হইতে অব্যর্থ সন্ধানে বিপক্ষের কুল্যা উপর প্রেক্ষাটনপূর্ণ গোলা নিক্ষিপ্ত হইতেছে। গোলা গুলি বিদীর্ণ হইয়া কুল্যা ভাঙিতেছে, ভাঙিয়া যোদ্ধাদিগেরও প্রাণনাশ করিতেছে।

পঞ্চমতঃ, যান্ত্রিক বন্দুকের সম্মুখে অগ্নিসর হওয়া একরূপ অসম্ভব দেখিয়া ইংরাজেরা 'ট্যাক্' নামক এক প্রকার প্রকাণ্ড শকট প্রস্তুত করিয়াছেন। এই শকটগুলির বহির্ভাগ স্থূল লৌহফলকে মণ্ডিত। ইহাদের অভ্যন্তরে যে বড় বড় যন্ত্র আছে, তাহাদের সাহায্যে ইহারা সমান অসমান সর্বপ্রকার ভূমির উপর দিয়া চলিতে পারে। এইগুলি লইয়া ইংরাজেরা শত্রুপক্ষের কুল্যার নিকট যাইতেছেন; যান্ত্রিক বন্দুক দ্বারা অবিরত অগ্নিবৃষ্টি করিতেছেন এবং যখন শকটস্থ যোদ্ধারা কুল্যাবাসী জাঙ্গাণদিগের সহিত যুদ্ধ করিতেছে, তখন ইংরাজ পদাতিকেরা তাহাদের সাহায্যার্থ অগ্নিসর হইতেছে।

নৈশযুদ্ধ এখন নিত্যঘটনা হইয়াছে। কিন্তু এসকল খণ্ডযুদ্ধমাত্র। শত্রুকে হঠাইয়া দিবার জন্ত উত্তরপক্ষে বহু সৈন্য লইয়াও বড় বড় যুদ্ধ করিতেছেন। তন্মধ্যে নিম্নলিখিত কয়েকটি প্রধান :—

(১) জাঙ্গাণকর্তৃক জৈপুর অধিকার করিবার চেষ্টা। মার্শের যুদ্ধের পর ইংরাজ-সেনা এন্ নদীতীর হইতে ফাণ্ডাসে চলিয়া যায় এবং জৈপুরনামক স্থানে অবস্থিত করে। ইংরাজসেনার বামপার্শ্বে বেলুজিয়ামের সেনা ছিল। জাঙ্গাণেরা এই ব্যুহভেদ

করিয়া কালে নগরে যাইবার অভিপ্রায়ে ঈপ্সু আক্রমণ করেন এবং প্রায় একপক্ষকাল তুমুল যুদ্ধ চলে । উভয়পক্ষেই বহুলোক হতাহত হয় ; কিন্তু জার্মানদের ইংরাজদিগের ব্যুহ ভেদ করিতে পারেন নাই ।

(২) ১৯১৫ অব্দে ইংরাজকর্তৃক নিয়ুবসাপেল ও লোস্ অধিকার করিবার চেষ্টা । এই যুদ্ধও বহুদিন চলিয়াছিল । কুল্যার পুরোভাগে কণ্টকযুক্ত লৌহতারের বৃতি এবং পশ্চাদ্ভাগে বড় বড় কামান থাকিলে তাহা যে কেবল লোকবলে অধিকার করা অসাধ্য, এ যুদ্ধেও তাহা প্রতিপন্ন হইয়াছিল ।

(৩) সঁপং অঞ্চলে ফরাসীকর্তৃক জার্মানদিগের কুল্যা অধিকার করিবার চেষ্টা ১৯১৫ অব্দে যে সকল বড় যুদ্ধ হয় তন্মধ্যে এইটাতোই আক্রমণকারীরা সর্বাপেক্ষা অধিক ফললাভ করেন । জার্মানদিগের অনেকে বন্দী হয় ; জার্মানসেনা কিয়দূর হঠিয়াও যায় ; কিন্তু জার্মানব্যুহ ভগ্ন হয় নাই ।

(৪) জার্মানকর্তৃক বার্ডান্ অধিকার করিবার চেষ্টা । ১৯১৫-১৬ অব্দের শীতকালেই জার্মানরা এই আক্রমণের জন্ত প্রস্তুত হইয়াছিলেন এবং ১৯১৬ অব্দের বসন্তকালে ভূপৃষ্ঠস্থ তুমার দ্রবীভূত হইবার পূর্বেই তাঁহারা ইহা আরম্ভ করেন । চতুর্দিকে মণ্ডলাকারে অনেকগুলি ক্ষুদ্র দুর্গ আছে বলিয়া বার্ডান্ অতি সুরক্ষিত নহল । কিন্তু যে অঞ্চলে ইহা অবস্থিত তাহা পর্বতাকীর্ণ ও বনারত বলিয়া আক্রমণকারীদিগের পক্ষেও সুবিধাজনক । জার্মানরা এই স্থানটী অধিকার করিবার জন্ত অশ্রুতপূর্ব্ব আয়োজন করিয়াছিলেন । তাঁহারা শত শত প্রকাণ্ড কামান আনিয়া তাহা হইতে ফরাসীদুর্গগুলির উপর অবিরত গ্রেফাটনপূর্ণ গোলা নিক্ষেপ করিয়াছিলেন, এবং যখনই ভাবিয়াছিলেন, দুর্গস্থ সেনা বিনষ্ট হইয়াছে, তখনই সহস্র সহস্র পদাতি লইয়া দুর্গাধিকারার্থ ধাবিত হইয়াছিলেন । কিন্তু তাঁহারা কৃতকার্য্য হইতে পারেন নাই ; ফরাসীরা আগ্নেয়াস্ত্রের প্রয়োগে তাঁহাদের তুলাকক্ষ ছিলেন ; জার্মানরা যখন কামান দাগিতেন, তখন তাঁহারা গুলার মধ্যে লুকাইয়া রহিতেন । জার্মান পদাতির যখন অগ্রসর হইত তখন তাঁহারা যান্ত্রিক বন্দুকের সাহায্যে তাহাদিগের সংহার করিতেন । এই নিমিত্ত বার্ডানে যত জার্মানসৈন্য বিনষ্ট হইয়াছিল, অল্প কোথাও তত হয় নাই ।

জার্মানরা ক্রমশঃ অগ্রসর হইয়া বার্ডানের তিন মাইল ব্যবধানে গিয়া গেলেন ; কিন্তু তখন সোম্ নদীর ধারে ইংরাজেরা অপর একদল আক্রমণ করিয়া তাঁহাদিগকে ব্যতিব্যস্ত করিয়া তুলিয়াছিলেন ; সাহায্য করিবার জন্ত বার্ডান্ হইতে সেনা তুলিয়া লইবার প্রয়োজ্য ফরাসীদিগের অক্ষুত আত্মরক্ষাক্ষমতা দেখিয়াও জার্মানরা ভ্রমোৎসাহে কাজেই তাঁহারা বার্ডানের আশা ত্যাগ করিলেন । ইহার ক-

অর্থাৎ ১৯১৬ অব্দের শরৎকালে ফরাসীরা জার্মানদিগকে বার্ডানের নিকট হইতে দূর করিয়া দিলেন।

আরাস্ নগরের দক্ষিণে সোম্ নদীর ধারে অতি অল্প দিন হইল ভীষণ যুদ্ধ হইয়া গিয়াছে। জার্মানগেরা এই অঞ্চলে ভূগর্ভে কুলা খনন করিয়া যে সকল অদৃঢ় দুর্গ নির্মাণ করিয়াছিলেন, পূর্বে কেহ কখনও সেরূপ দেখে নাই। তাহাদের প্রকোষ্ঠগুলি এত বড় যে, এক একটীতে সহস্র সহস্র লোক থাকিতে পারে। প্রত্যেক প্রকোষ্ঠে বৈদ্যাতিক উত্তোলন-যন্ত্র ছিল; তাহার সাহায্যে যোদ্ধারা ইচ্ছা করিলেই উঠিতে নামিতে পারিত। ইংরাজ ও ফরাসীসেনা যখন এই দুর্গগুলি আক্রমণ করিল, তখন জার্মানগেরা প্রাণপণে তাহাদিগকে বাধা দিতে লাগিলেন। কিন্তু আক্রমণকারীরা সপ্তাহের পর সপ্তাহ মুঘলধারে প্রক্ষোভনপূর্ণ গোলা নিক্ষেপ করিয়া দুর্গগুলি চূর্ণ-বিচূর্ণ করিলেন; তাহাদের পদাতিগণ পুনঃ পুনঃ অগসর হইয়া শত্রুপক্ষকে ব্যতিবাস্ত করিয়া ফেলিল, নিজেদের যে সহস্র সহস্র লোক মারা গেল তাহাতেও নিরুদাম হইল না। কাজেই জার্মানগেরা পরাস্ত হইলেন।

ইহার পর হিগেনবার্গ্ এ অঞ্চলে জার্মানসেনার অধিনায়ক হইয়াছেন। তাঁহার পরামর্শে জার্মানগেরা এখন অনেকদূর ইষ্টিয়া গিয়াছেন; এ দিকে ইংরাজ ও ফরাসী সেনা ভীমপরাক্রমে তাঁহাদিগকে আক্রমণ আরম্ভ করিতে করিতে অগ্রসর হইতেছে। এই ভীষণ যুদ্ধের এখনও শেষ হয় নাই; কিন্তু জার্মানগেরা যেরূপ পরাজিত হইতেছেন তাহাতে মনে হয় তাঁহাদের আর সে তেজ নাই এবং অচিরে এ অঞ্চলে তাঁহাদের সম্পূর্ণ বল ভঙ্গ হইবে।

১৯১৫ অব্দের শেষ পর্য্যন্ত ইংরাজপক্ষের প্রধান অসুবিধা ছিল গোলাগুলি প্রভৃতি যুদ্ধোপকরণের অভাব। এ সম্বন্ধে রাজপুরুষেরা প্রথমে কিছু অদূর-দর্শিতার পরিচয় দিয়াছিলেন। তাঁহারা বিপুল সেনা সংগ্রহ করিয়াছিলেন; কিন্তু সেনার বাহা অত্যাৱচ্ছক তাহা সংগ্রহের ব্যবস্থা করেন নাই। পক্ষান্তরে জার্মানপক্ষে এ সমস্ত দ্রব্যের কিছুমাত্র অভাব ছিল না। জার্মানগেরা জানিতেন আঘেয়া-স্ত্রের উৎকর্ষের উপরই জয় নির্ভর করিবে। তাঁহারা যে সকল বড় বড় কামান প্রস্তুত করিয়াছেন এবং যেরূপ সহজে সেগুলি একস্থান হইতে স্থানান্তরে লইয়া বাইতেছেন, তাহা দেখিয়া সকলেই বিস্মিত হইয়াছেন। এসেন্ নগরে কুপের যে কারখানা আছে, কেবল সেখানেই প্রায় আড়াই লক্ষ শিল্পী নিযুক্ত রহিয়াছে। আঘেয়াস্ত্রনির্মাণে ইহারা সকলেই সিদ্ধহস্ত। সৌভাগ্যের বিষয় ত্রীযুক্ত লয়েড্ জর্জের চেষ্টায় ইংরাজেরাও শেষে এদিকে মনোনিবেশ করিয়াছেন এবং ইংল্যান্ডের কারখানাগুলি হইতে এখন প্রচুর পরিমাণে যুদ্ধোপকরণ প্রস্তুত

(খ) পূর্বপ্রান্তে ।


যুরোপীয় সমরাজ্ঞের পূর্বপ্রান্তে কি হইতেছে তাহা বুঝিবার জন্ত একবার মানচিত্রে বিষ্টুলা নদীর দিকে দৃষ্টিপাত কর । ইহার তীরবর্তী টরন্, ওয়াসঃ ও জাকো এই নগরত্রয় যথাক্রমে জার্মানি, রুশিয়া ও অস্ট্রিয়ার অধিকারভুক্ত । যে অঞ্চল দিয়া বিষ্টুলা গিয়াছে তাহা সমতল ; কাজেই তাহার প্রায় সর্বত্র সেনা-পরিচালনের বেশ সুবিধা । কেবল প্রশিয়ার দৈশানকোণে কতকগুলি হ্রদ ও বিল থাকায় যাতায়াতের কিছু ব্যাঘাত হয় । কিন্তু এখানেও জার্মানিগণেরা এত রেলওয়ে নির্মাণ করিয়াছেন যে সহজেই একস্থান হইতে স্থানান্তরে সেনা ও যুদ্ধোপকরণ প্রেরণ করা যায় । এইজন্য তাঁহারা ইহার যেখানে ইচ্ছা অনায়াসে সমধিক শক্তি বিনিবেশিত করিতে পারেন ।

পোল্যান্ডে রেলওয়ে অল্প ; যাহা ছিল তাহাও বোধ হয় বর্তমান যুদ্ধে বিধ্বস্ত হইয়াছে । কিন্তু ইহাতে রুশিয়ার লাভ তিন্ন অলাভ নাই ; কারণ রেলওয়ের অভাবে জার্মানিদিগের পক্ষে বড় বড় কামান ও অস্ত্রাস্ত্র যন্ত্র বহন করা কষ্টসাধ্য ও সময়সাপেক্ষ । পক্ষান্তরে রুশদিগের যখন যন্ত্র ও বড় কামান একরূপ নাই বলিলেই হয় তখন রেলওয়ের অভাবেই বা বেশি কি ক্ষতি ?

পূর্বপ্রান্তের যুদ্ধক্ষেত্র মৈটায়ুটি তিন অংশে বিভাগ করা যাইতে পারে । বর্তমান প্রকরণে আমরা তাহাদের প্রত্যেক অংশের প্রধান প্রধান ঘটনাগুলি আলোচনা করিব ।

পূর্বপ্রান্তে প্রশিয়ার পূর্বখণ্ডেই প্রথম যুদ্ধারম্ভ হয় । অনেকে ভাবিয়া-ছিলেন রুশেরা যুদ্ধের জন্ত প্রস্তুত হন নাই ; তাহারা শীঘ্র প্রশিয়া আক্রমণ করিতে পারিবেন না । কিন্তু জার্মানিগণেরা যখন ফ্রান্স আক্রমণ করিলেন, তখন রুশেরা তাঁহাদিগকে পশ্চিম হইতে পূর্বপ্রান্তে আকর্ষণ করিবার উদ্দেশ্যে আশাতীত ক্ষিপ্ৰকারিতার সহিত প্রশিয়ার পূর্বখণ্ডে সেনা পাঠাইলেন । সম্ভবতঃ তাঁহারা জার্মানিজাতির প্রকৃত বল বুঝিতে পারেন নাই বলিয়াই এই দুঃসাহসের কার্য্যে প্রবৃত্ত হইয়াছিলেন । তাঁহারা প্রথম কয়েকদিন বিজয়ী হইয়াছিলেন বটে, কিন্তু শেষে ট্যানেনবার্গ নামক স্থানে জার্মান সেনাপতি হিগেনবার্গ তাঁহাদিগকে এমন-ভাবে পরাস্ত করিলেন যে, তাঁহাদের বহু সহস্র লোক নিহত হইল এবং বহু সহস্র শত্রুহস্তে পড়িয়া জার্মানিতে অবরুদ্ধ রহিল ।

ইহার পর জার্মানিগণেরা পোল্যান্ড আক্রমণ করিলেন এবং অতি দ্রুতবেগে ওয়াসঃ নগরের দিকে ছুটিয়া চলিলেন । তখন গ্রাণ্ড ডিউক নিকোলাস এই অঞ্চলে রুশসেনার অধিনেতা ছিলেন । তাঁহার সুকৌশলে হিগেনবার্গ এ যাত্রা কিছু



করিতে পারিলেন না। ইহার পর ১৯১৪ অব্দের শীতকালে জার্মানগেরা আবার পোল্যান্ড আক্রমণ করিলেন এবং আবার বার্ষমনোরথ হইয়া প্রত্যাবর্তন করিলেন। শেষে ১৯১৫ অব্দের গ্রীষ্মকালে যখন তাঁহারা তৃতীয় বার পোল্যান্ড আক্রমণ করিলেন, তখন তাঁহারা কৃতকার্য হইলেন। কিন্তু এই ঘটনা বর্ণনা করিবার পূর্বে দেখা যাউক অষ্ট্রিয়ার অধিকারভুক্ত গ্যালিসিয়া প্রদেশে কি কাণ্ড হইতেছিল।

১৯১৪ অব্দে রুশেরা যখন প্রুশিয়া আক্রমণ করেন, সেই সময় গ্যালিসিয়াও আক্রমণ করিয়াছিলেন। এখানেও তাঁহারা প্রথমে বেশ কুতিত্ব দেখাইয়াছিলেন। লেমবার্গ নামক একটি বৃহৎ নগর তাঁহাদের পদানত হইল, এবং অনেকে মনে করিলেন, অচিরে ক্রাকোরও সেই দশা ঘটবে। তাঁহারা পুজেমিসল্ নামক স্থানের সুদৃঢ় দুর্গ জয় করিলেন, প্রায় এক লক্ষ অষ্ট্রিয়ান্ সৈন্য বন্দী করিলেন এবং কার্পেথিয়ান্ পর্বতমালার শিখরদেশ পর্য্যন্ত অগ্রসর হইলেন। ইহাতে মনে হইল ১৯১৫ অব্দের বসন্তাগমে তাঁহারা হাঙ্গারি রাজ্যেও অবতীর্ণ হইবেন। কিন্তু বিধাতা অন্তরূপ ব্যবস্থা করিয়া রাখিয়াছিলেন। ১৯১৫ অব্দের বসন্ত দেখা দিল বটে, কিন্তু রুশেরা তখন স্বরাজ্যরক্ষার জন্যই বিব্রত।


অষ্ট্রিয়ার সেনা সুপরিচালকের অভাবে এত দিন বর্ধ্যাবিকাশের সুবিধা পায় নাই। কিন্তু যখন জার্মানগেরা গিয়া ইহাদের উন্নতিবিধানে হাত দিলেন তখন এই সেনাই অদ্ভুত বীরত্ব দেখাইতে লাগিল। ইহারা অল্পদিনের মধ্যে রুশদিগকে গ্যালিসিয়া হইতে তাড়াইয়া দিল; এদিকে উত্তর দক্ষিণ উভয় দিক্ হইতে দুই-দল জার্মান সেনা ওয়াসার অভিমুখে যাত্রা করিয়া ঐ স্থানটি অধিকার করিয়া লইল। অতঃপর পূর্বপ্রান্তস্থ সমস্ত জার্মান সৈন্য যুগপৎ অগ্রসর হইতে লাগিল, দুর্গের পর দুর্গ অধিকার করিতে করিতে চলিল, বোধ হইল যেন শীতের পূর্বেই রিগানগর জার্মানদিগের হস্তগত হইবে।

পুনঃ পুনঃ পরাভবে রুশেরা ক্ষীণবল হইয়া পড়িলেন বটে, কিন্তু তাঁহাদের সেনা ছত্রভঙ্গ হইল না। জার্মানগেরা অনেকবার তাঁহাদিগকে বেষ্টিত করিবার চেষ্টা করিয়াছিলেন; কিন্তু কৃতকার্য হইতে পারেন নাই। শেষে রুশেরা যখন ডুইনা নদীর তীরে গিয়া পৌছিলা, তখন জার্মানদিগকে রীতিমত বাধা দিতে আরম্ভ করিলেন। এখানেও জার্মানগেরা যথাসাধ্য বলপ্রয়োগপূর্বক তাঁহাদের ব্যুহভেদ করিবার চেষ্টা করিলেন, কিন্তু সে চেষ্টা দীর্ঘকাল স্থায়ী হইল না, কারণ এতদিন অবিরত ভীষণবৃষ্টি নিরন্তর ছিলেন বলিয়া জার্মানদিগেরও উত্তমশীলতা বন্দীভূত হইয়াছিল।

প্রাচ্য রণক্ষেত্রের দক্ষিণপ্রান্তেও ঠিক এই দশা ঘটিল। জার্মানগেরা ওয়াস:

হইতে পূর্বাভিমুখে প্রায় ১০০ মাইল অগ্রসর হইয়াছিলেন; কিন্তু সেখানে প্রিপেটেনদীর পার্শ্বস্থ বিলগুলি তাঁহাদের গতিরোধ করিল। এদিকে শীতকাল আসিল, কাজেই যুদ্ধ করা একরূপ অসম্ভব হইল।

উভয়পক্ষেই শীতকালটা (১২১৫-১৬) উল্লেখ্য প্রান্তরে অবস্থিত করিল। কশেরা একবার দক্ষিণাভিমুখে অগ্রসর হইবার চেষ্টা করিয়াছিলেন, কিন্তু শেষে বুঝিতে পারিলেন গ্রীষ্মকালে ভূমি শুষ্ক না হইলে সেনা পরিচালনের সুবিধা পাওয়া যাইবে না। অনন্তর তাঁহারা সেনার উৎকর্ষবিধানে যত্নবান হইলেন। তাঁহারা বুঝিলেন পর্যাপ্ত যুদ্ধোপকরণের অভাবই তাঁহাদের পরাজয়ের প্রধান কারণ।



কশেরা প্রধানতঃ কৃষিজীবী; কাজেই তাঁহারা শীঘ্র শীঘ্র যুদ্ধোপকরণ প্রস্তুত করিতে পারেন না; বিদেশ হইতেও এ সমস্ত সংগ্রহ করা সহজ নহে, কারণ ভার্ডেনেল্শ্, তুর্কিগিরের হাতে বলিয়া তাঁহারা ভূমধ্যসাগরে প্রবেশ করিতে পারেন

না; আর্কেন্জেলের বন্দরটি শীতকালে বরফে অবরুদ্ধ হয়; প্রশান্ত মহাসাগরের তীরবর্তী ব্লাডিনষ্টকেরও সেই দশা, বিশেষতঃ ইহা যুদ্ধক্ষেত্র হইতে বহুদূরে । এই সমস্ত কারণে কেবল জাপান ভিন্ন রুশিয়ার অন্য কোন বন্ধু উপকরণ-সম্বন্ধে তাহার সাহায্য করিতে পারে না ।

জার্মাণেরা ভাবিয়াছিলেন, পূর্বোক্ত পরাভবের পর রুশেরা শীঘ্র মস্তক উত্তোলন করিতে পারিবেন না । কাজেই তাঁহারা নিশ্চিন্ত ছিলেন । কিন্তু তাঁহারা ভুল বুঝিয়াছিলেন । ১৯১৬ অব্দের গ্রীষ্মকালে রুশেরা বুকাভিনা আক্রমণ করিলেন, চার্ণোবিট্‌স্ অধিকার করিলেন এবং লেমবার্গ অধিকারার্থ অগ্রসর হইলেন । আশা হইল তাঁহারা পুনর্বীর কার্পেথিয়ান পর্বতের শিখরদেশ অধিকার করিবেন । কিন্তু এবারও জার্মাণেরা অস্ত্রিয়ার সাহায্যার্থ সেনা পাঠাইলেন; রুশদিগের অগ্রগতি বন্ধ হইল; তাঁহারা প্রাণপণে যুদ্ধ করিলেন বটে, কিন্তু হাঙ্গারিতে প্রবেশ করিতে পারিলেন না ।

এদিকে রুমানিয়ার সর্ব্বনাশ হইল । যখন রুশেরা গ্যালিসিয়া আক্রমণ করিয়াছিলেন, তখন যদি রুমানিয়ার লোকে তাঁহাদের সঙ্গে যোগ দিতেন তাহা হইলে বিচক্ষণতার কার্য্য হইত । কিন্তু তখন তাঁহারা উদাসীন ছিলেন; পরে রুশেরা যখন হঠিয়া গেলেন, সেই সময়ে তাঁহারা অস্ত্রিয়ার বিরুদ্ধে যুদ্ধে প্রবৃত্ত হইলেন । জার্মাণেরা বিদ্যাদ্বেষে ধাবিত হইয়া রুমানিয়াকে বাধা দিলেন; রুশেরা রুমানিয়ার সাহায্যার্থ গিয়াছিলেন, কিন্তু জার্মাণ সেনাপতি ম্যাকেন্সেন একদল বুলগার সেনা লইয়া ডোব্রুজার ভিতর দিয়া উত্তরাভিমুখে যাত্রা করিলেন । রুশেরা হঠিয়া গেলেন এবং জার্মাণেরা কনষ্টানজা ও চার্নাভোডা নগর জয় করিলেন । অতঃপর ম্যাকেন্সেন ডানিযুবনদী অতিক্রম পূর্বক রুমানিয়ার দক্ষিণাঞ্চলে প্রবেশ করিলেন; রাজধানী বুকারেষ্ট্‌ নগরও তাঁহার হস্তগত হইল । ফলতঃ রুমানিয়া জয় করিবার সময় জার্মাণেরা যে অসাধারণ শক্তি ও ক্ষিত্রকারিতা প্রদর্শন করিয়াছেন তাহা অতি বিস্ময়কর । এখন যেরূপ অবস্থা দাঁড়াইয়াছে তাহাতে রুমানিয়ার সেনা উত্তরে হঠিয়া গিয়া রুশদিগের সঙ্গে যোগ দিতে পারিলেই যথেষ্ট । তাহা হইলে কিয়ৎকাল পরে হয়ত তাহারা পুনর্বীর রুমানিয়া অধিকার করিতে পারে । রুমানিয়ার পরাভবে ইংরাজপক্ষের যে ক্ষতি হইয়াছে তাহা স্বীকার করিতে হইবে । জার্মাণেরা এখান হইতে সঞ্চিত শস্ত লইয়া গিয়াছেন; তজ্জন্য রুমানিয়াবাসীরাও অনেকে অনাহারে মারা যাইতেছে ।

এদিকে রুশজাতির সন্দেহ জন্মিল যে, শাসনকর্তাদিগের ক্রটিবশতঃই পুনঃ পুনঃ তাঁহাদের পরাজয় ঘটিতেছে এবং দেশের ভয়ানক দুর্দশা হইয়াছে । রাজমহিষী যে জার্মাণদিগের হিতাকাঙ্ক্ষিণী তাহা কাহারও অবিদিত ছিল না; রাজা নিজেরও

সম্ভবতঃ মহিষার পরামর্শে, যুদ্ধে না হউক কার্যে, যুদ্ধসম্বন্ধে শৈথিল্য দেখাইয়াছেন এ সন্দেহেরও যথেষ্ট কারণ ছিল। এই নিমিত্ত জনসাধারণে রাজকীয় শক্তির বিকল্পে দণ্ডায়মান হইল; রাজাকে পদচ্যুত করিয়া দেশে সাধারণতন্ত্র শাসনপ্রণালী প্রতিষ্ঠিত করিল, বহু শতাব্দীর যথেষ্টাচার একদিনে উঠাইয়া দিল। এখন কশেরা স্বদেশে সুব্যবস্থা স্থাপনের জন্যই ব্যস্ত; কাজেই ইংরাজপক্ষকে আশানুরূপ সাহায্য করিতে পারিতেছেন না; কিন্তু তাঁহারা প্রতিজ্ঞা করিয়াছেন অচিরে জার্মানির দর্প চূর্ণ করিবার জন্য আবার প্রাণপণে চেষ্টা করিবেন এবং কখনও স্বতন্ত্রভাবে শত্রুপক্ষের সহিত সন্ধিস্থাপন করিবেন না।

(গ) বুলকান্ উপদ্বীপে ।

অস্ট্রিয়ার মতে বর্তমান যুদ্ধের প্রধান কারণ সার্বিয়ার অসাম্প্রদায়িক আচরণ; সার্বিয়ার দণ্ডবিধানই ইহার মুখ্য উদ্দেশ্য। এই নিমিত্ত যুদ্ধারম্ভেই সার্বিয়ার দমনার্থ অস্ট্রিয়া হইতে সেনা প্রেরিত হইয়াছিল। কিন্তু সার্বিয়ার লোকে একরূপ বীরত্বসহকারে যুদ্ধ করিয়াছিল যে, অস্ট্রিয়ার সেনা অত্যন্ত ক্ষতিগ্রস্ত হইয়া ফিরিয়া গিয়াছিল। ইহার পর অস্ট্রিয়া হইতে আবার সেনা গেল; কিন্তু সে সেনাও পবাত্ত হইল। শেষে জার্মানেরা অস্ট্রিয়ার সাহায্য করিতে লাগিলেন; এবং বুলগেরিয়াও সার্বিয়ার বিরুদ্ধে অস্ত্র ধারণ করিল। সার্বিয়ার লোকের ন্যায় বুলগারেরাও প্লাবজাতীয়; অথচ তাঁহারা সার্বিয়ার বিপক্ষ হইলেন।

যখন জার্মানেরা উত্তর হইতে সার্বিয়া আক্রমণ করিলেন, তখন বুলগারেরা তাঁহাদের সঙ্গে যোগ দিবার মানসে দক্ষিণ হইতে যাত্রা করিলেন। এই সময়ে সালো-নিকাতে ইংরাজ ও ফরাসী সৈন্য অবস্থিত ছিল; কিন্তু যুদ্ধোপকরণের অভাববশতঃ ইহারা সার্বিয়ার কোন সাহায্য করিতে পারিল না। ফলতঃ সার্বিয়ার সম্বন্ধে ইংরাজ ও ফরাসীরা কিছু অদূরদর্শিতার পরিচয় দিয়াছিলেন। তাঁহারা হস্ততঃ স্থির করিয়াছিলেন যে, বুলগারেরা কোন পক্ষেই যোগ দিবেন না, কিংবা পূর্ককৃত সন্ধির নিয়মানুসারে গ্রীকেরা সার্বিয়ার সহায় হইবেন। কিন্তু বুলগারেরা সার্বিয়ার বিপক্ষ হইলেন, গ্রীকেরাও বাঙ্‌নিপাত্তি করিলেন না। কাজেই সার্বিয়ার সর্বনাশ হইল। সার্বিয়ার সেনা যতদিন পারিল যুদ্ধ করিল, শেষে আলবানিয়ার পার্শ্বত্যাগের ভিত্তর দিয়া এড্রিয়াটিক্ উপসাগরের উপকূলভাগে হস্তিয়া গেল। ইংরাজপক্ষের জাহাজে তাহারা শেষে কফুদ্বীপে নীত হইল। (১৯১৫ অব্দ; শরৎকাল)।

বুলগারেরা সার্বিয়ার চিরশত্রু। তাঁহারা তদ্রূপে অধিবাসীদিগকে অতি নিষ্ঠুরভাবে কষ্ট দিতে লাগিলেন।

গ্রীকদিগের আচরণও যে অতি ঘৃণ্যই হইয়াছিল তাহাতে সন্দেহ নাই । বুল্গানবুদ্ধের অবসানে গ্রীসের সহিত সার্বিয়ার যখন সন্ধি হয়, তখন গ্রীকেরা অঙ্গীকার করিয়াছিলেন, বুল্গারেরা সার্বিয়া আক্রমণ করিলে তাঁহারা সার্বিয়ার পক্ষ অবলম্বন করিবেন । ইংরাজ ও ফরাসীরা যখন তাঁহাদিগকে এই অঙ্গীকার পালন করিতে বলিলেন, তখন কিন্তু তাঁহারা অমানবদনে অসম্মতি জ্ঞাপন করিলেন । ইহার প্রধান কারণ এই যে, বর্তমান গ্রীকরাজ জার্মাণির মিত্র ।* তাঁহার চক্রান্তে গ্রীসের আরও অনেক লোকে জার্মাণির পক্ষপাতী হইয়াছে কারণ তাহারা বুঝিয়াছে যে এ যুদ্ধে জার্মাণির জয় অবশ্যস্বাবী । বুল্গারেরা গ্রীস ও সার্বিয়া উভয় রাজ্যেরই সাধারণ শত্রু । তাঁহাদিগকে দমন করিবার এমন সুন্দর সুযোগ পাইয়াও কেবল জার্মাণির ভয়েই গ্রীকেরা অঙ্গীকারভঙ্গ করিলেন, তাঁহাদের কাপুরুষতা দেখিয়া পৃথিবীভুজ লোক ধিকার দিতে লাগিল । সুখের বিষয় এই গ্রীকদিগের মধ্যেও অনেকে ইহার জন্ত লজ্জিত হইয়াছেন, এবং তাঁহারা স্বতঃপ্রবৃত্ত হইয়া ইংরাজ ও ফরাসীদিগের সহিত যোগ দিয়াছেন ।


গ্রীস যে পরিণামে কোন্ পক্ষভুক্ত হইবে তাহা এখনও ভাল বুঝা যায় নাই । + এই জন্তই সালোনিকায় অবস্থিত ইংরাজ ও ফরাসী সৈন্য এখনও কিছু করিতে পারিতেছেন না । তাঁহারা সার্বিয়ার সাহায্যার্থ অগ্রসর হইলে গ্রীকেরা যে তাঁহাদিগকে পশ্চাদ্ভাগ হইতে আক্রমণ করিবেন না তাহা কে বলিতে পারে ? তথাপি ইংরাজ ও ফরাসীরা সার্বিয়ার হতাবশিষ্ট সৈন্যদিগকে ককুর্দীপ হইতে তুলিয়া আনিয়াছেন এবং এই মুষ্টিমেয় সৈন্যই অল্পদিন হইল বুল্গারদিগকে পরাস্ত করিয়া মোনাষ্টির নগর পুনরাধিকার করিয়াছে ।

(ঙ) তুরক্ষে ।

এখন জানা গিয়াছে তুরকের প্রথম হইতেই জার্মাণদিগের সহিত যোগ দিবার সঙ্কল্প করিয়াছিলেন ; তবে সম্ভবতঃ আয়োজনের অভাববশতঃ প্রথম কয়েক মাস ইহার কোন লক্ষণ প্রকাশ করেন নাই । তুর্কদিগের প্রধান উদ্দেশ্য মিশর পুনরুদ্ধার করা । জার্মাণেরা তাঁহাদিগকে আশা দিয়াছিলেন, শীঘ্রই তাঁহারা এই উদ্দেশ্যসিদ্ধির নিমিত্ত পর্যাপ্ত পরিমাণে সেনা যোগাইবেন । কিন্তু হংরাঙ্গেরা যখন মেলোপটেমিয়া এবং গ্যালিপলিতে সেনা পাঠাইলেন, তখন তাঁহাদিগকে বাধা দিবার জন্ত তুর্কদিগকে উৎকৃষ্ট সৈন্য নিয়োজিত করিতে হইল ; জার্মাণিও

* ইনি সম্প্রতি রাজপদত্যাগ করিয়াছেন । (জুন, ১৯১৭) ।

+ গ্রীসের নবভূপতি ইংরাজ পক্ষভুক্ত হইয়াছেন ।



তঁাহাদিগকে শুদ্ধ সেনানী, অর্থ ও যুদ্ধোপকরণ দিয়া নিশ্চিন্ত হইলেন, সেনা দ্বারা সাহায্য করিতে পারিলেন না। কাজেই মিশর আক্রমণ করিবার উপযুক্ত শক্তি-সঞ্চয় হইল না। তুর্কেরা সূয়েজ খাল পর্য্যন্ত অগ্রসর হইয়াছিলেন সত্য, কিন্তু ইংরাজেরা ভারতবর্ষ হইতে এই অঞ্চলে সেনা লইয়া গিয়া তঁাহাদের সমস্ত চেষ্টা ব্যর্থ করিলেন। এখন ইংরাজেরা ঐ খালটিকে এমন সুন্দররূপে রক্ষিত করিয়াছেন যে সেখানে আর কোন আশঙ্কার কারণ নাই।

মেসোপটেমিয়া জয় করিবার জন্তও ভারতবর্ষ হইতে সৈন্য গিয়াছিল (নবেম্বর, ১৯১৪)। প্রথমে ইহারা বেশ কৃতকার্য হইয়াছিল। ইহারা বাসরা অধিকার পূর্ব্বক জয়লাভ করিতে করিতে বাগ্‌দাদের নিকট গিয়া পৌঁছিয়াছিল; কিন্তু তখন রোগে ও যুদ্ধে ইহাদের সংখ্যা ক্ষীণ হইয়াছিল, পক্ষান্তরে তুর্কদিগের ক্রমশঃ দল-পুষ্টি হইতেছিল। কাজেই ১৯১৫ অব্দের নবেম্বর মাসে টেসিকনে যে যুদ্ধ হইল তাহার পর ইংরাজেরা পরাবর্ত্তন আরম্ভ করিলেন এবং টাইগ্রীসের তটবর্ত্তী কুট্‌এল্‌ আম্রা নামক স্থানে শিবিরসন্নিবেশ করিলেন। অনন্তর তুর্কেরা এই স্থান অবরোধ করিলেন; ইংরাজেরা অসাধারণ বীরত্ব-সহকারে আত্মরক্ষা করিতে লাগিলেন। কিন্তু তঁাহাদের সাহায্যার্থ দক্ষিণ হইতে যে সৈন্য প্রেরিত হইল, তুর্কেরা তাহাদিগকে অগ্রসর হইতে দিলেন না। এদিকে ইংরাজশিবিরে খাদ্যভাব ঘটিল; কাজেই অবরুদ্ধ ইংরাজেরা ছয়মাস কাল অশ্রুতপূর্ব্ব কষ্ট সহ করিয়া অবশেষে আত্মসমর্পণ করিলেন (১৯১৬; এপ্রিল)। এই সময়ে তঁাহাদের সংখ্যা কমিয়া মাত্র নয় হাজারে দাঁড়াইয়াছিল।

এশিয়াখণ্ডের তুর্ককে গ্রীষ্মের প্রার্থনা অসহ; কাজেই ইংরাজেরা শীঘ্র ইহার প্রতিশোধ লইতে পারিলেন না। কিন্তু তুর্কেরাও দক্ষিণাভিমুখে আর অগ্রসর হইতে পারিলেন না। ইংরাজেরা তঁাহাদিগকে সমুচিত শিক্ষা দিবার জন্ত আবার আয়োজন করিতে লাগিলেন। এই ভাবে ১৯১৬ অব্দ কাটিয়া গেল। অতঃপর বর্ত্তমান বর্ষে ইংরাজসেনা এই পরাভবকলঙ্ক অপনোদন করিয়াছেন; তঁাহারা কুট্‌ অধিকার করিয়াই ক্ষান্ত হন নাই, খলিফাদিগের প্রাচীন রাজধানী সুপ্রদিক্ত বাগ্‌দাদ নগর পর্য্যন্ত হস্তগত করিয়াছেন। জার্মাণেরা বালিন হইতে বাগ্‌দাদ পর্য্যন্ত রেলপথে সেনা পরিচালন করিবেন বলিয়া স্বপ্ন দেখিতেছিলেন; তাহা এখন ভাঙ্গিয়া গিয়াছে।

এশিয়া মাইনরে তুর্কদিগের সহিত রুশদিগের যুদ্ধ চলিতেছিল; ইহাতে কখনও তুর্কেরা, কখনও রুশেরা বিজয়ী হইতেছিলেন। অতঃপর ১৯১৫ অব্দে গ্রাণ্ড ডিউক নিকোলাশ্‌ গিয়া রুশ সেনার নেতৃত্ব গ্রহণ করিলেন। তিনি সমস্ত শরৎ ও শীতকাল যুদ্ধায়োজনে অতিবাহিত করিলেন এবং পর বৎসর ফেব্রুয়ারি মাসে আর্জকুম্‌ নগর অধিকার করিলেন। এই স্থানটা পার্শ্বত্যা প্রদেশে, সমুদ্রপৃষ্ঠ হইতে বহু উচ্চে

অবস্থিত; অত্রত্য দুর্গ দুর্জয় বলিয়া প্রসিদ্ধ ছিল। কিন্তু দূততাই ইহার পতনের কারণ হইয়াছিল; কারণ দুর্গের চতুর্দিকস্থ ভূভাগ তখন পর্য্যন্ত তুষারে আবৃত ছিল; কাজেই এরূপ অবস্থায় কেহ উহা আক্রমণ করিতে সাহস করিবে না ভাবিয়া তুর্কেরা নিশ্চিন্ত ছিলেন। কিন্তু রুশেরা সন্দোপনে তুষারের ভিতর দিয়া দুর্গের সমীপে উপস্থিত হইলেন; তুর্কেরা হঠাৎ আক্রান্ত হইয়া রীতিমত বাধা দিতে পারিলেন না। অতঃপর রুশেরা কৃষ্ণসাগরের তীরস্থ ট্রেবিজাণ্ড নামক প্রসিদ্ধ নগরটীও অধিকার করিলেন।

আর্জকুম ও ট্রেবিজাণ্ড আর্মিনিয়া প্রদেশে অবস্থিত। আর্মিনিয়ার অধিবাসীরা খ্রীষ্টান; তাহারা শত শত বৎসর তুর্কদিগের অত্যাচারে নিপীড়িত হইতেছে। বর্তমান যুদ্ধেও তুর্কেরা তাহাদিগের দমনসম্পত্তি লুণ্ঠন করিয়াছেন এবং বাহাকে পারিয়াছেন নিহত করিয়াছেন। দীর্ঘকাল এরূপ চলিলে আর্মিনী জাতি যে নিমূল হইবে তাহাতে সন্দেহ নাই। সৌভাগ্যের বিষয় এই যে রুশেরা এখন তাহাদের উদ্ধারসাধনের উপায় করিয়াছেন।

আর্মিনীদিগের উৎপীড়ন ভাবিলে মনে হয় তুর্কজাতি অতি নিষ্ঠুর। কিন্তু সম্প্রতি হুঁরাজবন্দীদিগের সহিত তাহারা যেরূপ ব্যবহার করিয়াছেন, তাহাও তাহাদের সৌজন্তেরও বিলক্ষণ পরিচয় পাওয়া গিয়াছে।

(৬) ইটালিতে।

ইটালির লোকে যখন অষ্ট্রিয়ার বিরুদ্ধে যুদ্ধ ঘোষণা করিলেন, তখন তাহারা উত্তর-পূর্ব ও উত্তর উভয়দিকেই সেনা পাঠাইলেন। কিন্তু এই দুই অঞ্চল উন্নত পর্বতাকীর্ণ; অষ্ট্রিয়ানেরা জার্মানদিগের পরামর্শে প্রতি গিরিপথে দুর্গ নির্মাণ করিয়াছিলেন এবং বড় বড় কামান রাখিয়া ছিলেন; কাজেই ইটালিয়ানেরা কোনদিকেই এ পর্য্যন্ত আশাহুরূপ ফল লাভ করিতে পারেন নাই। বিশেষতঃ উত্তরাঞ্চলে অষ্ট্রিয়ানেরা এরূপ বিপুল আয়োজন করিয়াছিলেন যে, ১৯১৬ অব্দে তাহারা সেখান হইতে ইটালির সেনা দূর করিয়া দিয়াছিলেন এবং নিজেরাই ইটালি আক্রমণ করিয়াছিলেন। কিন্তু অতঃপর ইটালিয়ানেরা আবার বলসঞ্চয় করিয়াছেন, অষ্ট্রিয়ানদিগকে পর্বতের অপর পার্শ্বে হঠাইয়া দিয়াছেন এবং উত্তরপূর্ব প্রান্তে গরিটজ নামক একটা নগর অধিকার করিয়াছেন। তাহারা এখনও টিয়েস্ট জয় করিতে পারেন নাই বটে, কিন্তু বর্তমান বর্ষে সফলকাম হইবেন এরূপ আশা করা যায়। তাহারা এড্রিয়াটিক উপসাগরের পূর্বতীরবর্তী বালোনা নামক একটা বন্দরও অধিকার করিয়াছেন এবং সেখান হইতে অগ্রসর হইয়া সাবিয়ানদিগের সহায়তা করিতেছেন।

(চ) পটুগালে ।

পটুগাল একটা ক্ষুদ্রবাজ্য ; বর্তমান যুদ্ধে ইহার কোন স্বার্থ নাই, পক্ষ-বিশেষের জয় পরাজয়ের সঙ্গে ইহার মধ্যাদাহানির সম্ভাবনা দেখা যায় না, কিন্তু পটুগীজজাতি বহুকাল হইতে ইংরাজদিগের মিত্র ; এইজন্য তাঁহারা উদাসীন থাকিতে পারেন নাই ।

যখন যুদ্ধারম্ভ হয় তখন কতকগুলি জাঙ্গাণ পোত লিস্বনে আশ্রয় লইয়াছিল । পটুগীজ গবর্ণমেন্ট জাঙ্গাণদিগকে জানাইলেন, আমরা দীর্ঘকাল আপনাদের পোতরক্ষার ভার লইতে পারিব না ; অতএব সেগুলি লইয়া যাইবার ব্যবস্থা করুন । কিন্তু সেগুলি লইবার চেষ্টা করিলে পথে ইংরাজ বা ফরাসীদিগের হাতে ধরা পড়িবেন বলিয়া জাঙ্গাণেবা পটুগালের কথায় বিব্রত হইলেন এবং পটুগীজ দিগের বিরুদ্ধে যুদ্ধ ঘোষণা করিলেন (মার্চ, ১৯১৫) ।

পটুগীজজাতিব সেনাবল অক্ষিৎকর ; কিন্তু আফ্রিকা খণ্ডে ইহাদের কয়েকটা সমুদ্রিশালী উপনিবেশ আছে । জাঙ্গাণেরা ভাবিয়াছিলেন, যুদ্ধে যদি জয়ী হইতে পারেন, তাহা হইলে পটুগালকে শত্রুপক্ষ করিতে পারলেই উক্ত উপনিবেশগুলি আত্মসাৎ করার সুবিধা হইবে ।

পটুগীজদিগের সহিত য়ুরোপখণ্ডে এ পন্যাস্ত জাঙ্গাণির কোন মঙ্গল হয় নাই ; তবে আফ্রিকার পূর্বখণ্ডে জাঙ্গাণ রাজ্য জয় করিবার সময় ইহারা ইংরাজদিগের যথাসাধ্য সাহায্য করিয়াছেন ।

(ছ) আফ্রিকায় ।

যুদ্ধারম্ভের সময় আফ্রিকা মহাদেশে জাঙ্গাণদিগের নিম্নলিখিত রাজ্যগুলি ছিল :—

- (১) ক্যামেরুন পর্বত-পার্শ্ববর্তী প্রদেশ ;
- (২) দক্ষিণ-পশ্চিম-আফ্রিকা ,
- (৩) জাঙ্গাণ-পূর্ব-আফ্রিকা ।

ইহাদের মধ্যে প্রথমটা ইংরাজ ও ফরাসী সেনাকর্তৃক এবং দ্বিতীয়টা অন্তরীপ উপনিবেশের সেনাকর্তৃক অধিকৃত হইয়াছে । পূর্ব আফ্রিকায় ইংরাজেরা প্রথম কিছু বাধা পাইয়াছিলেন ; তাঁহারা টঙ্গ-নামক একটি বন্দর আক্রমণ করিতে গিয়া অভ্যন্তর ক্ষতিগ্রস্ত হইয়াছিলেন ; কিন্তু ১৯১৬ অব্দের বসন্তকালে অন্তরীপ উপ-নিবেশ হইতে একদল সেনা আসিয়া ব্রিটিশ সেনার সহিত যোগ দেয় এবং জাঙ্গাণ-দিগের পরাভব আরম্ভ হয় । জাঙ্গাণেরা চতুর্দিক হইতে আক্রান্ত হইয়া এখন এই অঞ্চলের মধ্যভাগে হঠিয়া গিয়াছেন ।

(জ) দূর প্রাচ্যে ।

জার্মাণেরা সঙ্কল্প করিয়াছিলেন যে কিয়াওচৌ বন্দরে সেনা ও রণপোত রাখিয়া চীনদেশেও আধিপত্য করিবেন। এই স্থানটী সান্তাং প্রদেশে অবস্থিত। জার্মাণেরা সান্তাং প্রদেশ এক শত বৎসরের জন্ত জমা লইয়াছিলেন বটে; কিন্তু এখানে হুগাদি নিখাণের জন্ত তাঁহারা বেক্রপ মুক্তহস্তে অর্থব্যয় করিয়াছিলেন, তাহাতে বোধ হইয়াছিল যে, তাঁহারা কখনও এ স্থান পরিত্যাগ করিবেন না। বর্তমান যুদ্ধারম্ভে জার্মাণেরা যদি ঐ স্থানটী চীনদিগকে প্রত্যাৰ্পণ করিতেন তাহা হইলে তাঁহাদের পক্ষে দূরদর্শিতার কার্য্য হইত, কারণ তাহা হইলে চীনেরাও সন্তুষ্ট হইতেন এবং জাপেরা ইহা অধিকার করতে পারিতেন না। জার্মাণ ও জাপদিগের মধ্যে অনেকদিন হইতেই মনোমালিঞ্জ চলিতেছিল। কাজেই যুরোপে যখন অনর্থ ঘটিল, তখন জাপেরা কালবিলম্ব না করিয়া জার্মাণির বিরুদ্ধে যুদ্ধ ঘোষণা করিলেন এবং সান্তাং প্রদেশটী অধিকার করিবার জন্ত সেনা ও রণপোত পাঠাইলেন। যে বীরের জাতি কাতপয় বর্ষ পূর্বে পোর্ট আর্থার জয় করিয়াছিল, তাহার পক্ষে সান্তাং জয় করা তুচ্ছ কথা। নিকটে যে ইংরাজসেনা ছিল তাহারাও জাপদিগের সাহায্য করিল এবং অল্পদিনের মধ্যেই জার্মাণদিগের প্রাচ্যসাম্রাজ্য-স্থাপনের স্বপ্ন ভাঙ্গিয়া গেল।

(ঝ) প্রশান্ত মহাসাগরে ।

প্রশান্ত মহাসাগরে জার্মাণদিগের যে রাজ্য ছিল তন্মধ্যে সামোয়া দ্বীপ প্রধান। এতদ্ভিন্ন আরও কয়েকটী দ্বীপে তাঁহারা তারহীন তাড়িতবার্তাবহের কার্যালয় স্থাপন করিয়াছিলেন। অষ্ট্রেলিয়ারাসীরা এই সমস্ত স্থান জয় করিয়া লইয়াছেন।

নবম অধ্যায় ।

যুদ্ধনীতি ।

(ক) জার্মানিতে ।

সভ্যতার তারতম্যানুসারে রণনীতির পার্থক্য ঘটে। মানুষ যখন অসভ্য, তখন যুদ্ধের উদ্দেশ্য ধ্বংস। তাহারা বিপক্ষের গৃহ ও শস্যক্ষেত্র অগ্নিসং করে, সম্পত্তি লুণ্ঠন করিয়া লয়, আবাদ-বৃদ্ধ-বনিতা যাহাকে পায়, মারিয়া ফেলে। কিন্তু সভ্যজাতিদিগের মধ্যে সর্বদেশেই যুদ্ধের সময়েও কতকগুলি উদার বিধি প্রতিপালিত হইয়া থাকে। এই উদার্যের মূলে কারুণ্য ত আছেই, স্বার্থও যে একেবারে নাই তাহা বলা যায় না। অত্যধিক নিষ্ঠুরতায় পরাজিত জাতির প্রতিহিংসাবৃত্তি দ্বিগুণীকৃত হয়; ভাগ্যচক্রের আবর্তনে তাহারাও যদি আবার বলসঙ্করপূর্বক বিজয়ী হয়, তাহা হইলে পূর্বকৃত অত্যাচার স্মরণ করিয়া শতশুলে প্রতিশোধায়। এরূপ ঘাতপ্রতিঘাত নিয়ত চলিলে, জেতা বিজিত উভয়েই নিমূল হইবার সম্ভাবনা।

উদার ক্ষান্তধর্মের প্রতিষ্ঠায় হিন্দুরাই বোধ হয় প্রথম পথপ্রদর্শক। মহাসংহিতা প্রভৃতি প্রাচীন গ্রন্থসমূহেও দেখা যায়, বিষাক্ত অস্ত্রের ব্যবহার নিষিদ্ধ ছিল এবং রোগী, বালক, নারী, পলায়নপর শত্রু প্রভৃতির উপর অস্ত্র-প্রয়োগ অনার্য্যজনোচিত বলিয়া গণ্য হইত। এই পুস্তকের প্রথম খণ্ডের প্রথম অধ্যায়ে ‘নাইট’ উপাধিদারী যে সকল যুরোপীয় যোদ্ধার কথা বলা হইয়াছে, তাহাদের মধ্যেও এরূপ উদার্য্য দেখা যাইত। যুরোপ তখনও সুসভ্য হয় নাই; কিন্তু নাইটদিগের মহিমায় সেই অর্দ্ধসভ্যযুগেও যুদ্ধের পাশবতাব অনেক পরিমাণে হ্রাস হইয়াছিল। শেষে জার্মানির লোকে যখন ধর্মোপলক্ষ্যে দুই দলে বিভক্ত হইয়া পরস্পর বিবাদে প্রবৃত্ত হইয়াছিল, তখন তাহারা পবিত্র ক্ষান্তধর্মের জলাঞ্জলি দিয়াছিল। ত্রিশদ্বর্ষব্যাপী যুদ্ধে উভয় পক্ষে যে নিষ্ঠুরতা প্রদর্শন করে, পৃথিবীর আর কোন যুদ্ধেই বোধ হয় সেরূপ দেখা যায় নাই।

ইদানীন্তন কালে যুরোপীয়দিগের হৃদয়ে বিবেক যখন পুনর্বার প্রবৃদ্ধ হইল, তখন কেহ কেহ রণনীতির সংস্কারসাধনে মনোনিবেশ করিলেন। এ সম্বন্ধে প্রথম গ্রন্থপ্রণেতা একজন ওলন্দাজ পণ্ডিত। তিনি “যুদ্ধের ও শান্তির সমস্ত জনসাধারণের অধিকার” নাম দিয়া যে পুস্তক রচনা করেন, তাহাই বর্তমান জাতিসাধারণ-প্রতিপাল্য বিধির অঙ্কুর বলিয়া মনে করা যাইতে পারে। অতঃপর এই

সকল বিধির অনেক সম্প্রসারণ হইয়াছে ; তৎসম্বন্ধে অনেকে অনেক পুস্তকও রচনা করিয়াছেন। কিন্তু বিধি কেবল পুস্তকে লিপিবদ্ধ থাকিলে চলে না ; সকলেই সেগুলি পালন করিবেন বলিয়া জাতি-সাধারণের অঙ্গীকার আবশ্যক।

এইরূপ অঙ্গীকারলাভের জন্ত ১৯০৭ অব্দে সমস্ত সভ্যজাতির প্রতিনিধিগণ হল্যান্ডের রাজধানী হেগ্-নগরে এক মহাসভা করেন। যুদ্ধের সময় সকলকেই কি কি নিয়ম পালন করিয়া চলিতে হইবে তাহা এই সভায় নির্দ্ধারিত হয় এবং জার্মানি প্রভৃতি সমস্ত প্রধান প্রধান রাজ্যের প্রতিনিধিই অঙ্গীকারপত্রে স্বাক্ষর করেন। কিন্তু পরিতাপের বিষয় এই যে, বর্তমান যুদ্ধে সেই জার্মানিই উক্ত অঙ্গীকারপত্রের প্রায় সকল নিয়মই ভঙ্গ করিয়াছেন।

জার্মানি হেগের অঙ্গীকারপত্র লঙ্ঘন করিতেছেন, যখন এই কথা প্রথম উঠে, তখন তাহার যাথার্থ্য নির্ণয় করিবার জন্ত ইংরাজ ও ফরাসীরা কতকগুলি কন্সচারী নিযুক্ত করিয়াছিলেন। ইহাদের সকলেই গণ্যমাণ্য, বিচক্ষণ ও ধর্ম্মভীরু লোক, কাজেই ইহারা যে সিদ্ধান্তে উপনীত হইয়াছেন তাহা অবিশ্বাস করা যায় না। ইহারা দেখাইয়াছেন যে—

(১) জার্মানিগণের বহুবার খেতপতাকা ও রক্তক্লেশের অপব্যবহার করিয়াছেন। খেতপতাকা আত্মসমর্পণের চিহ্ন ; কিন্তু জার্মানিগণের উহা দেখাইয়া নিরপেক্ষ বোদ্ধাদিগকে আপনাদের লক্ষ্যের মধ্যে লইয়া গিয়াছেন এবং শেষে তাহাদের প্রাণসংহার করিয়াছেন। তাঁহারা শকট প্রভৃতিও রক্তক্লেশে চিহ্নিত করিয়া তাহার সাহায্যে যুদ্ধোপকরণ প্রেরণ করিয়াছেন।

(২) তাঁহারা নগর আক্রমণ করিবার সময় চিকিৎসালয়ের উপর গোলা নিক্ষেপ করিয়াছেন, চিকিৎসার্থ যে সকল পোত নিয়োজিত হইয়াছে, তাহাদেরও অনেকগুলি ডুবাইয়া দিয়াছেন।

(৩) তাঁহারা বন্দীদিগের প্রতি অতি নিষ্ঠুর ব্যবহার করিয়াছেন। তাঁহারা আহত বোদ্ধাদিগের পরিদেয় বস্ত্র কাড়িয়া লইয়াছেন, তাহাদিগকে যথাসময়ে ঔষধ ও পথ্য দেন নাই ; একবার বন্দীদিগের শিবিরে যখন সংক্রামকভাবে শান্নিপাতিক জ্বর প্রাদুর্ভূত হইয়াছিল, তখন প্রতীকারের ব্যবস্থা করেন নাই। কাজেই তদ্রূপ সমস্ত বন্দীই অনাহারে ও বিনা চিকিৎসায় মারা গিয়াছিল।

যুদ্ধক্ষেত্রেও জার্মানিগণের অনেক নৃশংস উপায় প্রয়োগ করিয়াছেন। তাঁহারা বিষাক্ত বাষ্প ছাড়িয়া ও তরল অগ্নিপ্রবাহ চালাইয়া শত্রুসংহার করিয়াছেন, দক্ষিণ-পশ্চিম আফ্রিকার কুপসমূহে বিষ নিক্ষেপ করিয়াছেন। সর্বসাধারণগণ্য সমুদ্র-পথেও তাঁহারা প্রস্ফোটনপূর্ণ পাত্র বিকীর্ণ করিয়াছেন ; সেগুলির সঙ্গে সজ্জবর্ণ হইবারাজ উদাসীনরাজ্যসমূহেরও বাণিজ্যপোত বিনষ্ট হইতেছে ; তাঁহারা গোপনে গোপনে

রণতরী প্রেরণ করিয়া উপকূলবর্তী অরক্ষিত নগরগুলির উপর গোলাবৃষ্টি করিতে-
ছেন ; তাঁহাদের টম্পেলিন নামধেয় বিশাল বিমানসমূহ নৈশ অন্ধকারে অগ্নিবৃষ্টি
করিয়া শত শত নিরীহ নরনারী ও শিশুর সংহারে নিরত রহিয়াছে । তাঁহারা
সংহারেই ব্যস্ত ; তাঁহাদের নিকট নারীর নিস্তার নাই, শিশু ও স্থবিরের নিস্তার
নাই । তাঁহারা লুসিটানিয়া, আলবানিয়া প্রভৃতি যাত্রীর জাহাজ পর্য্যন্ত অকস্মাৎ
ডুবাইয়া দিয়াছেন, নিরীহ আরোহীদিগের প্রাণরক্ষার্থ কিছুমাত্র চেষ্টা করেন নাই ।
কলতঃ জার্মাণেরা পুরাতন অসভ্যজনোচিত নিষ্ঠুর রণনীতিরই সর্বথা অনুসরণ
করিতেছেন ; তাঁহাদের আত্মরিক ব্যবহারে পৃথিবীশুদ্ধ লোক স্তম্ভিত হইয়াছে ।

যুদ্ধের সময় সকল দেশের লোকই প্রধানতঃ দুই শ্রেণীতে বিভক্ত হয়—
এক শ্রেণী যোদ্ধা, অত্র শ্রেণী যুদ্ধের কার্যে নিরত, যেমন বণিক, শিক্ষক,
চিকিৎসক ইত্যাদি । শেষোক্ত শ্রেণীর লোকে যদি বিজ্ঞেতাদিগের বিরুদ্ধাচরণ না
করে, তাহা হইলে তাহাদের প্রাণনাশ সভ্যসমাজের রীতিবিরুদ্ধ । কোন নগরের
সমস্ত অধিবাসী একসঙ্গে মিলিয়া বাধা না দিলে নগর দাহ করাও যুক্তিসঙ্গত নহে ।
কিন্তু জার্মাণেরা বেলজিয়ামে গিয়া এই ৫ইটি নিয়ম পদে পদে লঙ্ঘন করিয়াছেন ।
হয়ত কোথাও একটীমাত্র লোক জার্মাণদিগকে লক্ষ্য করিয়া গুলি ছুড়িয়াছে ।
অমনি তাঁহারা পাশব-প্রতিহিংসাপূর্ব্বক হইয়া সেই স্থানটিকে অগ্নিসং করিয়াছেন
এবং সমস্ত অধিবাসীকে মারিয়া ফেলিয়াছেন । বেলজিয়ামের অন্তঃপাতী লুবেন
নগরের বিশ্ববিদ্যালয় বহুপ্রাচীন ও অতিপ্রসিদ্ধ । কিন্তু এতাদৃশ পবিত্র স্থানও
জার্মাণদিগের অত্যাচার হইতে অব্যাহতি পায় নাই ।

জার্মাণেরা আপনাদিগকে প্রতিভাবান্ ও কার্যনিপুণ বলিয়া গর্ব্ব করিয়া
থাকেন । পরাজিত জনপদগুলির সর্ব্বনাশসাধনে তাঁহারা এই প্রতিভা ও নৈপুণ্যের
যথেষ্ট পরিচয় দিয়াছেন । বিষয়ান্তরে যাহাই হউক, এ সম্বন্ধে অত্র কোন জাতিই
তাঁহাদের সমকক্ষ হইতে পারে না । তাঁহারা ফ্রান্স ও বেলজিয়ামের বন জঙ্গল
পর্য্যন্ত কাটিয়া ফেলিয়াছেন, লিল ও লোড্জের কারখানাগুলি হইতে সমস্ত যন্ত্র
তুলিয়া লইয়া গিয়াছেন, সার্বিয়ারদেশের পুস্তকাগার পর্য্যন্ত লুণ্ঠন করিয়াছেন । বন্দী
ও হতাবশিষ্ট ব্যক্তিগণ এখন জার্মাণির দাসত্বে নিয়োজিত । যেরূপ ব্যবস্থা হইয়াছে
তাহাতে হতভাগাদিগকে হয় জার্মাণজাতির ক্ষেত্রকর্ষণাদি কার্য্য করিতে হইবে, নয়
অনাহারে মরিতে হইবে ।

জার্মাণেরা পূর্ব্ব হইতেই যে সকল অনার্য্য উপায় অবলম্বনপূর্ব্বক বর্ত্তমান
যুদ্ধের জন্ত প্রস্তুত হইয়াছিলেন, এই প্রসঙ্গে তাহাও বলা আবশ্যক । যুদ্ধের জন্ত
স্বাধীনজাতিমাত্রকেই প্রস্তুত থাকিতে হয় ; দুইই হউন, বা অত্র কেহই হউন,
রাজ্যান্তরে অবস্থিতি করিবার সময় তত্রত্য সেনাবল, শাসনপ্রণালী, দুর্গাদির অবস্থান

ইত্যাদি জানিতে চেষ্টা করেন, যদি এই রাজ্যের সহিত তাঁহাদের রাজ্যের বিবাদ^১ ঘটে তবে কিরূপ আয়োজন আবশ্যক হইবে তাহা স্থির করিয়া লন। একরূপ চেষ্টায় কোন দোষ দেখা যায় না। কিন্তু জাঙ্গাণেরা কেবল ইহা করিয়াই নিরস্ত হন নাই; তাঁহাদের বৃত্তিভোগী গুপ্তচরেরা শিক্ষক, যাজক প্রভৃতির ভাক্তবেশে কিংবা বাণিজ্যের ব্যপদেশে পৃথিবীর প্রায় সর্বত্র অবস্থান করিত, উৎকোচের সাহায্যে দুর্গাদির মানচিত্র সংগ্রহ করিত এবং রাজার প্রতি প্রজার বিরাগ জন্মাইত। জাঙ্গাণজাতির চরিত্র যে একরূপ অধঃপাতে গিয়াছে তাহা পূর্বে কেহ স্বপ্নেও ভাবে নাই, কাজেই সতর্কও হয় নাই। কিন্তু বর্ত্তমান যুদ্ধে এই সমস্ত রহস্যের উদ্ঘাটন হইয়াছে। অতঃপর কেহ জাঙ্গাণদিগকে ত স্বরাজ্যে স্থান দিতেই চাহিবে না, অপরের সঙ্গেও পূর্বের মত সরল ব্যবহার করিবে কি না সন্দেহ।

(খ) ইংল্যাণ্ডে ।

এখন দেখা যাউক ইংরাজসেনাই বা কিরূপে ক্ষান্তিধর্ম পালন করিতেছে। ইংরাজ সৈন্তের সাহসের কথা বলা অনাবশ্যক, কারণ প্রতিদিনই ইহার ভূরি ভূরি প্রমাণ পাওয়া যাইতেছে; অপিত অন্যান্য জাতিও যথেষ্ট সাহসের পরিচয় দিতেছে। কিন্তু ইংরাজসৈন্যের অদম্য উৎসাহ, সদা প্রকল্পভাব, অদ্বুত স্বার্থত্যাগ এবং পক্ষের সম্বন্ধেও উদার ব্যবহার বিশিষ্টরূপে প্রশংসাই।

সামুদ্রিক যুদ্ধে দেখা গিয়াছে বিপক্ষের কোন রণপোত বিধ্বস্ত হইলে ইংরাজ নাবিকেরা ক্ষুদ্র ক্ষুদ্র তরঙ্গী লইয়া হতাবশিষ্ট জাঙ্গাণদিগের প্রাণরক্ষা করিয়াছে; তখন অন্যান্য জাঙ্গাণপোত হইতে তাহাদের চতুর্দিকে অগ্নিরষ্টি হইয়াছে, তথাপি তাহারা আতঁত্ৰাণ করিতে পরাশ্রুত হয় নাই। ইহারই ফলে আজ জাঙ্গাণ নৌ-সেনার প্রায় তিন হাজার লোক বন্দিভাবে ইংল্যাণ্ডে অবস্থিতি করিতেছে।

সাময়িক উত্তেজনাবশতঃ যোদ্ধারা যে নিষ্ঠুরাচরণে আনন্দভোগ করে, কেবল তাহা নহে, তাহাদের আরও নানারূপ প্রলোভন জন্মিতে পারে। ইহার প্রতি লক্ষ্য করিয়াই, যুদ্ধারম্ভে যখন ফ্রান্সে সেনা প্রেরিত হয়, তখন লর্ড কিচনার্ এই কথাগুলি বলিয়াছিলেন :—

“তোমরা মহারাজের আদেশে আমাদের ফরাসীবন্ধুদিগের সাহায্যার্থ যাত্রা করিতেছ। তোমরা যে কাজের ভার লইলে তাহাতে সাহস, উদ্যমশীলতা ও ধৈর্য্য আবশ্যক। ইহা যেন মনে থাকে যে আজ হইতে তোমাদের ব্যক্তিগত চরিত্রের, তোমাদের প্রত্যেকের আচরণের উপর ব্রিটিশসেনার গৌরব নির্ভর করিতেছে। সুশৃঙ্খলভাবে সৈনিক-কর্তব্যপালন করিলেই যে তোমাদের পক্ষে যথেষ্ট হইল ইহা মনে করিও না। এই ভীষণ যুদ্ধে তোমরা যাহাদের সহায়

হইবে তাহারা যেন তোমাদিগকে অকৃত্রিম বন্ধু বলিয়া মনে করিতে পারে। তোমাদের অনেকে ফ্রান্সে, অনেকে বেলজিয়ামে থাকিবে। এই উভয় দেশই ইংল্যাণ্ডের মিত্র। তোমরা যদি ইংরাজ্যনামের গৌরব রক্ষা করিতে পার তাহা হইলেই প্রকৃত মিত্রতার কার্য্য হইবে। বাক্য ও আচরণে কদাপি অশিষ্টতার ভাব দেখাইও না, কাহারও সঙ্গে নিষ্ঠুর ব্যবহার করিও না, নিজের অসুবিধার জন্য পরের অসুবিধা ঘটাইও না, ভ্রমেও লোকের সম্পত্তিনাশে হাত দিও না। নিয়ত স্মরণ রাখিও যে পরস্পরুপন প্রকৃত্ত বোদ্ধার পক্ষে বড়ই কলঙ্কের কারণ।

ফ্রান্সের ও বেলজিয়ামের লোকে যে তোমাদিগকে সাদরে দোসর বলিয়া গ্রহণ করিবেন তাহাতে সন্দেহ নাই। তাহারা তোমাদিগকে বিশ্বাস করিবেন; সাবধান, যেন তোমাদের কোন কার্য্যে সেই বিশ্বাস বিচলিত না হয়। আরোগাই কর্তব্যসাধনের মূল ইহা মনে করিয়া পানাহারে সতত মিতাচার থাকিও।”

ইংরাজেরা শত্রুর গুণগ্রহণে পরাজুখ নহেন। রবার্ট্‌ ক্রেশ্‌ তাহাদিগকে স্কটল্যাণ্ড হইতে, জোয়ান্‌ অব্‌ আর্ক্‌ তাঁহাদিগকে ফ্রান্স্‌ হইতে, জর্জ্‌ ওয়াসিংটন্‌ তাহাদিগকে য়ুনাইটেড্‌ স্টেট্‌স্‌ হইতে বিদূরিত করিয়াছিলেন; কিন্তু এ পর্য্যন্ত কোন ইংরাজ লেখক এই উচ্চাশয় শত্রুত্রয়ের বিরুদ্ধে কোন কথা লিপিবদ্ধ করেন নাই। দুই দিনও বোয়ার সেনাপতি বোথা ইংরাজজাতির কতই না ক্ষতি করিয়াছিলেন; কিন্তু বোয়ার যুদ্ধের অবসান হইলে এই বোথা যখন লণ্ডনে যান, তখন ইংরাজেরা সসম্মানে তাহার অভ্যর্থনা করিয়াছিলেন। এম্‌ডেন্‌ নামক জার্মান রণতরীর অধ্যক্ষ মূলর বর্তমান যুদ্ধের প্রথম বর্ষে ইংরাজদিগের কতিপয় বাণিজ্যপোত নষ্ট করিবার সময় আরোহীদিগের প্রাণরক্ষার্থ যে যত্ন করিয়াছিলেন তাহাতে মুগ্ধ হইয়া সমগ্র ইংরাজজাতি একবাক্যে তাঁহার প্রশংসা করিয়াছিলেন। ফলতঃ ইংরাজেরা গুণের আদর করিতে জানেন, শত্রুই ইউন, মিত্রই ইউন, যিনি প্রকৃত বীর, তিনি চিরদিনই ইংরাজদিগের শ্রদ্ধাকর্ষণ করিয়াছেন।

এখানে একটীমাত্র ঘটনার উল্লেখ করিয়া এই প্রকরণ শেষ করা যাইতেছে। একদা ইংরাজ ও জার্মান কুল্যাপঞ্জির মধ্যভাগে একজন আহত জার্মান পড়িয়াছিল। কয়েকটা ইংরাজ বোদ্ধা না বুঝিতে পারিয়া অকস্মাৎ তাহাকে লক্ষ্য করিয়া গুলি করে। জটনক ইংরাজ সেনানায়ক ইহা দেখিতে পাইয়া তাহাদিগকে আর গুলি করিতে নিষেধ করিলেন এবং আহত লোকটীর উদ্ধারার্থ নিজেই কুল্যা হইতে বহির্গত হইলেন। এদিকে জার্মানেরা তাহার উদ্দেশ্য বুঝিতে না পারিয়া গুলি চালাইতে লাগিল; কিন্তু তিনি নিরস্ত না হইয়া আহত লোকটীকে স্বন্ধে তুলিলেন এবং জার্মান কুল্যার দিকে লইয়া চলিলেন। তখন জার্মানেরা প্রকৃত ব্যাপার বুঝিল; তাহাদের একজন নায়ক অগ্রসর হইয়া নিজের লৌহ,

ক্রুশী* তাঁহার বৃকে আঁটিয়া দিলেন এবং যখন তিনি ফিরিলেন, তখন তত্রত্য জার্মানসেনা তাঁহার জয়ধ্বনি করিতে লাগিল। ইংরাজ সেনানায়কটী আহত হইয়াছিলেন, কুলায় প্রভিগমনের পরদিনই তিনি স্বর্গপ্রাপ্ত হইলেন। এই ঘটনায় রণক্ষেত্রের উক্ত অংশে ইংরাজ ও জার্মান সৈনিকেরা পরস্পরের গুণে এত মুগ্ধ হইয়াছিল যে, ক্রিয়াকালের জন্য তাহাদের মধ্যে কোনরূপ বৈরতাব দেখা যায় নাই।

যুদ্ধ অতি ভীষণ ব্যাপার; কিন্তু ইহাতেও সময়ে সময়ে মানবহৃদয়ের উচ্চবৃত্তিসমূহের বিকাশ হয়। ভগবানের রূপায় ইংরাজসেনা যেন চিরদিনই এইরূপ মহত্ত্ব প্রদর্শন করিয়া ইংরাজনামের গৌরব রক্ষা করে, শত্রুর গুণগ্রহণেও পরাভূত না হয়।

দশম অধ্যায় ।

ইংরাজজাতির যুদ্ধায়োজন ।

জার্মানির ছরাকাজ্জাবশতঃ য়ুরোপে যে একটা মহাবিপ্লব ঘটবে ইহা অনেকেই বুঝিয়াছিলেন, কিন্তু ইহা যে এত শীঘ্র দেখা দিবে তাহা কেহ মনে করেন নাই। অতি অল্পদিন পূর্বে বলকানে যুদ্ধ হইয়া গিয়াছে; ইংরাজ, জার্মান প্রভৃতি জাতি একবাক্যে যেরূপ ব্যবস্থা করিয়াছেন, তদনুসারে সেখানে শান্তি স্থাপিত হইয়াছে; কাজেই, ইংরাজের সহিত জার্মানদিগের বিবাদ হইতে পারে, ১৯১৪ অব্দের জুলাই মাস পর্য্যন্ত এমন কোন কারণ বিদ্যমান ছিল না। বিশেষতঃ ইংল্যান্ডের মন্ত্রিগণ তখন উদারনীতিক; তাঁহাদের অনেকেই শান্তিপ্ৰিয়, কেহ কেহ জার্মানজাতির পক্ষপাতী। এ অবস্থায় হঠাৎ যে এই বিষম অনর্থের উৎপত্তি হইবে তাহা স্বপ্নেরও অগোচর ছিল। এখন দেখা যাউক এই আকস্মিক বিপদের প্রতীকারার্থ ইংরাজেরা কি কি উপায় অবলম্বন করিয়াছিলেন।

প্রথম উপায় ব্যাক্তগুলির রক্ষা। অনেক সভ্যদেশেই লোকে উদ্ভূত অর্থ ব্যাঙ্কে আমানত রাখে। ইহাতে সুবিধা এই যে কিছু কিছু সুদ পাওয়া যায়, অথচ অর্থরক্ষার জন্ত কোন উদ্বেগ ভোগ করিতে হয় না। আমানত দুই প্রকার—স্থায়ী ও অস্থায়ী। স্থায়ী আমানতে নির্দিষ্ট কালের জন্ত অর্থ রাখা হয়, অস্থায়ী আমানতে উহা যখন ইচ্ছা ফেরত লওয়া যায়। ব্যাঙ্কের পরিচালকেরা আপনাদের মূলধন ও আমানতের টাকার অধিকাংশ নামাবিধ ব্যবসায়ে খাটাইয়া থাকেন, এবং

* লৌহক্রুশ জার্মান সৈনিকদিগের অতি গৌরবের সামগ্রী, কারণ ইহা রাজদত্ত পুরস্কার এবং অসামান্য বীরত্বচক্ৰ।

আমানতকারীদিগের প্রয়োজনানুসারে ফেরত দিবার নিমিত্ত কিছু নগদ টাকা হাতে রাখেন। ছোট বড় কোন ব্যক্তেরই এমন সাধ্য নাই যে সমস্ত আমানতের টাকা একসঙ্গে ফেরত দিতে পারে। পূর্বে অনেকবার দেখা গিয়াছে হঠাৎ কোন ভীষণ যুদ্ধের সূচনা হইলে লোকে ভাবে তাহাদের টাকা বোধ হয় মারা যাইবে। এই আতঙ্কে তাহারা ব্যাক্ত হইতে টাকা তুলিয়া লইবার জন্ত ব্যগ্র হয়। কিন্তু সকলেই এক সঙ্গে টাকা ফেরত চাহিলে ব্যাক্স্ দেউলিয়া হয়, দেশের কারবার বন্ধ হইয়া যায়। যাহাতে এরূপ বিভ্রাট না ঘটে সেই উদ্দেশ্যে বর্তমান যুদ্ধ আরম্ভ হইবামাত্র রাজপুরুষেরা স্থির করিলেন, কেহই সমস্ত আমানতি টাকা একসঙ্গে ফেরত পাইবে না; সাংসারিক ব্যয়নির্বাহার্থ যাহা নিত্য আবশ্যক, কেবল তাহাই তুলিতে পারিবে। এই ব্যবস্থা দুই মাস চলিয়াছিল। দুই মাস পরে লোকে বুঝিল, ইংল্যান্ডের ধনবল এত অধিক যে যুদ্ধের ব্যয়নির্বাহার্থ অর্থের অনটন হইবে না। তাহারা দেখিল দেশের শিল্প ও বাণিজ্য পূর্বের মতই চলিতেছে; ব্যাক্স্ হইতেও প্রয়োজন মত অর্থ পাওয়া যাইতেছে। কাজেই তাহারা আশ্বস্ত হইল; ব্যাক্স্-গুলিরও সাহকারী অব্যাহত রহিল।

দ্বিতীয়তঃ, খাদ্যসংগ্রহ। ইংরাজদিগকে অধিকাংশ খাদ্য বিদেশ হইতে সংগ্রহ করিতে হয়। যুদ্ধের সময় আমদানি রপ্তানির অসুবিধা ঘটে; এইজন্য রাজপুরুষেরা যুদ্ধারম্ভ হইবামাত্র যাহাতে খাদ্যভাব না জন্মে তাহার ব্যবস্থা করিলেন। তাহারা যবদ্বীপজাত সমস্ত চিনি কিনিয়া লইলেন; কিছুদিন হইল, নরওয়ের জালজীবীরা যত মাছ ধরে তাহাও কিনিবার ব্যবস্থা করিয়াছেন।

তৃতীয়তঃ, পোতবণিক্দিগের সাহায্য ও উৎসাহবর্দ্ধন। জাহাজে মাল পাঠাইবার সময় লোকে তাহা বিমা করে; কোন কারণে জাহাজ নষ্ট হইলে বিমাকোম্পানির নিকট হইতে তাহার মূল্য পাওয়া যায়। বর্তমান যুদ্ধে জাহাজ নষ্ট হইবার একটা নূতন কারণ উপস্থিত হইল, কারণ জার্মানগেরা সুবিধা পাইলেই সাগরগর্ভচর পোতের সাহায্যে বিপক্ষের জাহাজ ডুবাইতে লাগিলেন। কাজেই বিমার হারও অত্যন্ত বৃদ্ধি হইল। ইংরাজ গবর্ণমেন্ট ইহার অল্পপরিমাণ নিজে বহন করিতেছেন। ইহাতে বণিক্ ও বিমা কোম্পানি সকলেরই সুবিধা হইয়াছে।

এত শীঘ্র ও এত সুকৌশলে এই সকল ব্যবস্থা হইল যে লোকের মনে রাজপুরুষদিগের যোগ্যতা-সম্বন্ধে কোন সন্দেহ রহিল না। শান্তির সময় পার্লামেন্ট সভায় মন্ত্রিপক্ষের একটা প্রতাপক্ষ থাকে এবং অভ্যন্তরীণ শাসনসম্বন্ধে উভয় পক্ষে অনেক তর্কবিতর্ক ও বাগবিতণ্ডা হয়। কিন্তু এখন উভয় পক্ষেই স্থির করিলেন, যতদিন যুদ্ধ চলিবে ততদিন অভ্যন্তরীণ ব্যাপারসম্বন্ধে কোন নূতন প্রস্তাব উপস্থাপিত হইবে না; সকলেই অনন্তমনে শত্রুদমনের উপায় দেখিবেন।

এই তিন বৎসরে মন্ত্রিসভার অনেক পরিবর্তন হইয়াছে। মন্ত্রীদিগের সংখ্যা অধিক হইলে মন্ত্রণায় মতভেদ জন্মে এবং ক্ষিপ্ৰকারিতার ব্যাঘাত ঘটে। এই জন্ত ক্রমে মন্ত্রীর সংখ্যা কমাইয়া দেওয়া হইয়াছে। এখন সমর-সমিতিতে কেবল পাঁচ জন সদস্য। ইহাদের হস্তেই ব্রিটিশ সাম্রাজ্যের সর্ববিধ শাসনক্ষমতা অর্পিত হইয়াছে। প্রধান মন্ত্রী পূর্বে ছিলেন শ্রীযুক্ত এন্সলিথ, এখন হইয়াছেন শ্রীযুক্ত লয়েড জর্জ। লয়েড জর্জ একজন অসামান্য দূরদর্শী ও রূতকর্ম্মাপুরুষ। যুদ্ধারম্ভে ইংরাজপক্ষে গোলাগুলি প্রভৃতি যুদ্ধোপকরণের অভাব হইয়াছিল, কিন্তু তাঁহার সুব্যবস্থায় এখন ইংরাজেরা এত উপকরণ প্রস্তুত করিতেছেন যে, তদ্বারা তাঁহাদের নিজেদের ও মিত্রশত্রুদের সমস্ত অভাব পূরণ হইতেছে। লয়েড জর্জের প্রীতিক্রম্য যে প্রকারেই হউক জার্মানদিগের সামরিকশক্তি এক্রুপে বিনষ্ট করিতে হইবে যে পরিণামে যুরোপে আর অশান্তি না ঘটিতে পারে এবং ছোট বড় সকল জাতিই স্বাধীনভাবে স্ব স্ব উন্নতিবিধানে সমর্থ হয়। বিলাসীদিগের অমিতাচারবশতঃ যাহাতে খাণ্ডদ্রব্যের অপচয় না ঘটে তিনি সে দিকেও দৃষ্টি রাখিয়াছেন।

দীর্ঘকালব্যাপী যুদ্ধে সকল দেশেই খাণ্ডাদির মূল্য বৃদ্ধি হয়, কাজেই সাধারণ লোকের কিছু কষ্ট হয়। কিন্তু প্রথমে যেমন আশঙ্কা করা গিয়াছিল, বর্তমান যুদ্ধে ইংল্যাণ্ডে তত অসুবিধা হয় নাই। প্রথম কয়েক মাস বাণিজ্যের কিছু ক্ষতি হইয়াছিল বটে, কিন্তু তাহার পরে ইহার বিলক্ষণ প্রসার হইয়াছে। যুদ্ধোপকরণ প্রস্তুত করিবার জন্ত এত লোক নিযুক্ত হইয়াছে যে, কেহই এখন নিঃশ্রম নাই। শ্রমজীবীদিগের বেতনও বৃদ্ধি হইয়াছে এবং যাহাণী যুদ্ধে গিয়াছে তাহাদের স্ত্রী-পুত্রাদি জন্ত পর্যাপ্ত বৃত্তি প্রদত্ত হইতেছে। তবে দ্রব্যাদির মূল্যবৃদ্ধিবশতঃ শিক্ষক, কেরানী প্রভৃতি যে সকল মধ্যবিত্ত ভদ্রলোকের 'বান্ধা আয়', তাঁহাদিগকে কিছু অসুবিধা ভোগ করিতে হইতেছে।

যুদ্ধে যে লোকক্ষয় হইতেছে তাহা ভাবিলে শরীর শিহরিয়া উঠে। আজ ব্রিটেনের প্রায় প্রত্যেক পরিবার শোকসন্তপ্ত। কেবল সম্ভ্রান্তবংশীয়দিগের মধ্যেই, যাহারা উত্তরকালে স্ব স্ব কুলসম্পত্তির অধিকারী হইতেন এবং বিধ অস্তুতঃ পঞ্চাশ জন নিহত হইয়াছেন। সাধারণ লোকের ত কথাই নাই; তাহাদের সহস্র সহস্র বীর স্বদেশের রক্ষার্থ ফ্রান্স, ফ্লাণ্ডার্স, মিশর, মেসোপটেমিয়া প্রভৃতি দূরদেশের রণক্ষেত্রে প্রাণবিসর্জন দিয়াছে। ফলতঃ, ব্রিটেনের ইতর ভদ্র সকল শ্রেণীর লোকেই আজ তুল্যরূপে ক্ষতি স্বীকার করিতেছেন; তবে, বিষের মধ্যেও অমৃত দেখা দিয়াছে; আজ সাধারণ বিপদে তাঁহাদের সাম্প্রদায়িক জঁর্ষ্যার বিলোপ হইয়াছে; তাঁহাদের পরস্পরের মধ্যে সমবেদনার বন্ধন দৃঢ়তর হইয়াছে।

ইংল্যান্ডের উপনিবেশগুলিও সর্বস্ব পণ করিয়া ইংল্যান্ডের সাহায্য করিতেছে।

যুদ্ধারম্ভে দক্ষিণ-আফ্রিকার কতিপয় ওলন্দাজ অধিবাসী জাৰ্মাণির কুহকে পড়িয়া কয়েকদিনের জন্ত বিদ্রোহী হইয়াছিল বটে ; কিন্তু বোথাপ্রমুখ ওলন্দাজ সেনানীরাই ওলন্দাজ সৈন্তের সাহায্যে তাহাদিগকে দমন করিয়াছেন। আয়ল্যাণ্ডেও জাৰ্মাণির যড়যন্ত্রে কিছুদিনের জন্ত অশান্তি দেখা দিয়াছিল। সেখানে কয়েকজন তরলমতি লোক আয়ল্যাণ্ডে সাধারণ-তত্ত্বশাসন প্রবর্তিত হইল বলিয়া ঘোষণা করে, কিন্তু জনসাধারণে তাহাদের পক্ষাবলম্বন করে নাই। বিদ্রোহীরা পরাজিত হইলে তাহাদের কয়েকজনের প্রাণদণ্ড এবং কয়েকজনের কারাদণ্ড হয়। কারাদণ্ডগ্রস্ত ব্যক্তিদিগের মধ্যে একজন সম্ভ্রান্তবংশীয়া রমণী। তিনি পুরুষের বেশ পরিধান করিয়া বিদ্রোহীদিগকে যুদ্ধার্থ উত্তেজিত করিয়াছিলেন। ইহার লঘুদণ্ডের সহিত কুমারী কাভেলের প্রাণদণ্ড তুলনা করিলে বুঝবে হংরাজে ও জাৰ্মাণে কি প্রভেদ ! কুমারী কাভেল একজন স্বেচ্ছাসেবিকা ; তিনি রোগী ও আহতদিগের শুশ্রূষার্থ বেলজিয়ামে অবস্থিত করিতেছিলেন। সেখানে তিনি কয়েকজন বন্দীকে পলায়নের সময় সাহায্য করিয়াছিলেন বলিয়া জাৰ্মাণেরা তাহার প্রাণদণ্ড করেন। এক্ষণে কঠোর বিধান সাময়িক বিধিসম্মত হইলেও হইতে পারে ; কিন্তু বিধির সঙ্গে কি দয়ার ও ক্ষমার অহিনকুলভাব ? ইংরাজেরা দয়ারই পক্ষপাতী। কিন্তু সকল সময়েই দয়ার অবতারণা হইলে চলেনা। আয়ল্যাণ্ডের বিদ্রোহীদিগের মধ্যে এক ব্যক্তি বোয়ার যুদ্ধের সময়েও ইংরাজদিগের বিপক্ষে যুদ্ধ করিয়াছিল এবং তখন একজন ইংরাজের রূপান্তরেই তাহার প্রাণরক্ষা হইয়াছিল। কিন্তু সেই পাণ্ডাই আবার যখন আয়ল্যাণ্ডেও বিদ্রোহী হইল, তখন ইংরাজেরা তাহার প্রাণদণ্ড না করিয়া পারিলেন না।

আয়ল্যাণ্ডের যে কয়েকটা বিদ্রোহীর কথা বলা হইল তাহারা মুষ্টিমেয় ; তত্রত্য অধিকাংশ লোকই ইংরাজের হিতৈষী এবং সহস্র সহস্র আইরিশ ইংরাজের সাহায্যার্থ ফ্রান্স প্রভৃতি দেশে প্রাণপণে যুদ্ধ করিতেছে। ইহাদের একদল গ্যালিপলি উপদ্বীপে অবতরণ করিবার সময় অসাধারণ বীরত্ব প্রদর্শন করিয়াছিল।

প্রাপ্তকক্ষ দুইটা বিদ্রোহ ব্যতীত ব্রিটিশ সাম্রাজ্যের অন্ত কোনও ইংরাজ-জাতির প্রতি কোন বিদ্বেষের চিহ্ন দেখা যায় নাই। কানাডা, অস্ট্রেলিয়া ও নিউজিল্যান্ডের লোকে ইংরাজের হিতার্থ অন্ততঃ পাঁচলক্ষ সৈন্ত প্রেরণ করিয়াছেন। গ্যালিপলিতে অস্ট্রেলিয়ার সেনা এবং বেলজিয়ামে কানাডার সেনা যে বীর্য দেখাইয়াছে তাহাতে সকলেই মুগ্ধকণ্ঠে ইহাদের প্রশংসা করিয়াছেন।

উদাসীন রাজ্যসমূহ ।

উদাসীন রাজ্যসমূহের মধ্যে যুরোপখণ্ডে সুইডেন, হল্যান্ড ও স্পেন প্রধান । সুইডেনের সহিত রুশিয়ার বহুদিনের অসন্তোষ ; কাজেই বর্তমান যুদ্ধে উদাসীন থাকিলেও সম্ভবতঃ তত্ত্বাত্তা অধিবাসীরা ইংরাজপক্ষের হিতাকাঙ্ক্ষী নহেন । বেলজিয়ামের দুর্দশা দেখিয়া হল্যান্ড ও জার্মানির ভয়ে কম্পমান । অতএব কেবল স্পেনকেই এখন পর্য্যন্ত প্রকৃত উদাসীন বলা যাইতে পারে । কিন্তু স্পেনের এতাবও যে আর দীর্ঘকাল স্থায়ী হইবে তাহা বলা যায় না । জার্মানেরা স্পেনিয়ার্ডদিগেরও অনেক জাহাজ ডুবাইতেছেন ; কাজেই তাঁহাদের অনেকে ইংরাজপক্ষে যোগ দিবার ইচ্ছা করিতেছেন ।

আমেরিকাখণ্ডের সনস্ত স্বাধীন রাজ্যই এতদিন উদাসীন ছিল । যুনাইটেড্ স্টেটস্ ইহাদের অগ্রণী । যুনাইটেড্ স্টেটসের লক্ষ লক্ষ লোক জার্মানজাতীয় । ইহারা সকলেই উত্তমশীল, ধনী ও ক্ষমতাবান । যখন বর্তমান যুদ্ধ আরম্ভ হইল, তখন ইহারা যুনাইটেড্ স্টেটসকে জার্মানির হিতাকাঙ্ক্ষী করিবার জন্ত সচেষ্ট হইলেন । ইহাদের সাহায্যার্থ জার্মানি হইতে অনেক প্রসিদ্ধ বক্তাও আমেরিকায় গিয়া লোকের নিকট ইংরাজপক্ষের অত্যাচারণ প্রতিপাদন করিবার চেষ্টা পাইলেন ; জার্মানির অমুকুলে অজস্র পুস্তিকা ও পত্রিকা বিতরিত হইতে লাগিল । ইংরাজেরা আমেরিকায় যুদ্ধোপকরণ ক্রয় করিতেছিলেন ; নিজের নৌবল অল্প বলিয়া জার্মানির ইহাতে বাধা দিবার সাধ্য ছিল না । কাজেই জার্মান-বন্ধুরা বলিতে লাগিলেন, যুনাইটেড্ স্টেটসের লোকে যদি ইংরাজদিগের নিকট উপকরণ বিক্রয় করেন, তাহা হইলে পরোক্ষভাবে জার্মানির বিপক্ষতাচরণ করা হইল—তাঁহারা উদাসীনধর্মের মর্যাদা রাখিলেন না । ফলতঃ যাহাতে ইংরাজেরা আমেরিকায় যুদ্ধোপকরণ না পান, তাহার জন্ত ইহারা চেষ্টার ক্রটি করিলেন না । যুনাইটেড্ স্টেটসের সভাপতি উইলসন্ কিন্তু ইহাদের যুক্তিতে ভুলিলেন না । তখন ইহারা আমেরিকার বড় বড় কারখানাগুলি নষ্ট করিবার জন্ত নানারূপ চক্রান্ত আরম্ভ করিলেন । জার্মানির অনেক প্রধান কর্মচারী এবং অষ্ট্রিয়ার রাজদূত এই নিমিত্ত যুনাইটেড্ স্টেটস্ হইতে বিতাড়িত হইলেন ।

যুনাইটেড্ স্টেটসের সভাপতি উইলসন্ অত্যধিক শান্তিপ্ৰিয় ; তাঁহার আদৌ ইচ্ছা ছিল না যে জার্মানির সঙ্গে কোনরূপ বিবাদ ঘটে । জার্মানেরা যখন বেলজিয়াম বিধ্বস্ত করেন এবং পদে পদে সভ্যসমাজের রণনীতি উল্লঙ্ঘন করিতে প্রবৃত্ত হন, তখনও তিনি কোন প্রতিবাদ করেন নাই । তাঁহার বোধ হয় আশা ছিল যে যখন যু্যমান শক্তিনিচয়ের মধ্যে সন্ধির কথা উঠিবে, তখন তিনি মধ্যস্থতা করিয়া কাহারও

প্রতি অত্যাচার হইতে দিবেন না, কারণ তিনি যুদ্ধে লিপ্ত না হইলে তাঁহার সমদর্শিতা-সম্বন্ধে কাহারও কোন সন্দেহ থাকিবে না। কিন্তু তাঁহার সে আশা ফলবতী হয় নাই।

জার্মাণেরা যখন য়ুনাইটেড্‌ স্টেট্‌সে যড়যন্ত্র আরম্ভ করিলেন এবং যাত্রিবাহক পোত প্রভৃতি ডুবাইয়া য়ুনাইটেড্‌ স্টেট্‌সের লোকেরও প্রাণনাশে প্রবৃত্ত হইলেন, তখন উইলসন্‌ আর নীরব থাকিতে পারিলেন না। লুসিটানিয়া নামক একখানা সুবৃহৎ যাত্রীর জাহাজ সতর শ আরোহী লইয়া আমেরিকা হইতে ইংল্যাণ্ড যাইতে-ছিল; জার্মাণেরা ইহা ডুবাইয়া দিলেন এবং উহাতে আমেরিকার অনেক লোক মারা গেল। তাহার পর জার্মাণেরা আরও অনেকবার এইরূপ নৃশংস কাণ্ড করিলেন; কাজেই উইলসন্‌ জার্মাণিকে তিরস্কার করিয়া পত্র লিখিলেন। কিন্তু জার্মাণেরা স্পষ্ট কোন অঙ্গীকার না করিয়া চিঠি লেখালেখি দ্বারা সময়ক্ষেপ করিতে লাগিলেন; যাত্রীর জাহাজ ডুবাইতেও ক্ষান্ত হইলেন না।

এই কারণে ক্রমে য়ুনাইটেড্‌ স্টেট্‌সের ধৈর্য্যচ্যুতি হইল। উইলসন্‌ স্পষ্ট বলিলেন, যদি জার্মাণদিগের ক্রটিবশতঃ আমেরিকার কোন সমুদ্রযাত্রীর প্রাণনাশ হয়, তাহা হইলে আমরা আত্মরক্ষার্থ অস্ত্রধারণ করিব। তখন জার্মাণেরা অঙ্গীকার করিলেন, যাত্রিপোত ও বাণিজ্যপোত নষ্ট করিতে হইলে তাঁহার আগে ডিপ্লী সাহায্যে আমেরিকাদিগের প্রাণরক্ষার ব্যবস্থা করিবেন। কিন্তু শেষে জার্মাণেরা এ অঙ্গীকারও পালন করিলেন না। তাঁহারী বর্তমান বর্ষে ইংল্যাণ্ডে খাওয়াভাব ঘটাইবার জন্ত যেখানে সেখানে যে সে যাত্রীর জাহাজ সাগরগর্ভচর পোতের সাহায্যে ডুবাইতে প্রবৃত্ত হইলেন; আরোহীদিগের রক্ষার জন্তও কোন ব্যবস্থা করিলেন না। উইলসন্‌ ইহার প্রতিবাদ করিলে তাঁহারা অতি অবজ্ঞার সহিত তাহা উড়াইয়া দিলেন। কাজেই গত মার্চমাসে য়ুনাইটেড্‌ স্টেট্‌স্‌কে অগত্যা জার্মাণির বিরুদ্ধে যুদ্ধাঘোষণা করিতে হইল। অতঃপর য়ুনাইটেড্‌ স্টেট্‌সের দেখাদেখি আমেরিকার আরও কয়েকটা রাজ্য জার্মাণদিগের বিপক্ষভুক্ত হইয়াছে।

য়ুনাইটেড্‌ স্টেট্‌সের ধনবল ও জনবল উভয়ই প্রচুর। যতদিন যুদ্ধে নিলিপ্ত ছিলেন ততদিনও এখানকার লোকে পরোক্ষভাবে ইংরাজদিগের অনেক সহায়তা করিয়াছিলেন। তাঁহারা ইংরাজদিগের নিকট যুদ্ধোপকরণ বিক্রয় করিতেন; জার্মাণিতে, যে সকল ইংরাজ বন্দী আছে, তাঁহাদের যত্নে তাহারা অপেক্ষাকৃত অধিক সুখস্বচ্ছন্দ্য ভোগ করিত; বেলজিয়ামের অসহায় লোকদিগের সাহায্যার্থ ইংল্যাণ্ডে ও অন্যান্য দেশে যে অর্থ সংগৃহীত হইত, তাঁহারা তাহার বণ্টনভার গ্রহণ করিয়াছিলেন। এখন যুদ্ধে প্রবৃত্ত হইয়া তাঁহারা অন্তরূপে ইংরাজপক্ষের সহায়তা করিতেছেন। তাঁহারা ফ্রান্সকে অকাতরে অর্থ দিতেছেন, জার্মাণদিগের সাগরগর্ভচর পোতসমূহের উপদ্রব-নিবারণার্থ আপনাদের রণতরীসমূহ নিয়োজিত

করিয়াছেন ; যাহাতে বাণিজ্যের ব্যাঘাত না ঘটে, সেইজন্ত বহুসংখ্যক নূতন পোত নির্মাণ করিতেছেন এবং ফরাসীদেশে সেনা পাঠাইতেছেন । ইংরাজদিগের পক্ষে এ বড় কম লাভ নহে । কিন্তু ইহা অপেক্ষাও আর একটা বড় লাভ হইয়াছে । জার্মানির পরাভবে ইংল্যান্ড, ফ্রান্স প্রভৃতি দেশের স্বার্থ আছে ; কিন্তু য়ুনাইটেড্‌ স্টেটসের কোন স্বার্থ নাই । অথচ এই দেশও যখন জার্মানির শত্রু হইয়া দাঁড়াইল, তখন জার্মানিজাতির আচরণ যে সর্বথা সাধুজনবিগর্হিত, এবং তাঁহাদিগকে দমন না করিতে পারিলে, সভ্যতার যে বিলোপ সাধিত হইবে, এ সম্বন্ধে কাহারও মনে অণুমান সন্দেহ রহিল না ।

একাদশ অধ্যায় ।

বর্তমান যুদ্ধে কি কি বিষয়ের মীমাংসা হইবে :

বর্তমান যুদ্ধের কারণগুলি পূর্বে বলা হইয়াছে । এখন দেখা যাউক ইহার অবসানে কি কি প্রশ্নের মীমাংসা হইবে বলিয়া আশা করা যায় ।

প্রথমতঃ, ইহাতে প্রতিপদ হইবে যে রাজতন্ত্র শাসন ও প্রজাতন্ত্র শাসন, এতদ্ভেদে মধ্যে কোনটী জাতীয় শক্তির পরিবদ্ধক । ইংল্যান্ডে রাজকীয় ক্ষমতা প্রজাদিগের সম্মতিজাত ; কিন্তু জার্মানি সম্রাট ভাবেন যে তাঁহার ক্ষমতা ভগবৎ-প্রদত্ত । ইংল্যান্ডের রাজা স্বহস্তে কোন ক্ষমতা পরিচালন করেন না ; তাঁহার মন্ত্রীরা প্রজার প্রতিনিধিতাবে শাসনকার্য্য নির্বাহ করেন । কিন্তু জার্মানিতে সম্রাটের হস্তেই সমস্ত ক্ষমতা ; মন্ত্রীরাও তাঁহারই মনোনীত ব্যক্তি । জার্মানিতে প্রজারা অনেক বিষয়েই রাজকর্ম্মচারীদিগের দ্বারা পরিচালিত ; তাঁহারা ধেরূপ নিয়ম করিয়া দেন তদনুসারে লোকের শিল্প চলে, বাণিজ্য চলে, বিদ্যালয় চলে, ডাকঘর চলে, রেলওয়ে চলে । শ্রমজীবীরা কাজ না পাইলে তাঁহারা তাহা পর্য্যন্ত যোগাড় করিয়া দেন ; তাহারা যখন বৃদ্ধ হয় তখন তাহাদিগকে বৃত্তি দিয়া থাকেন । এই সকল কর্ম্মচারী সাধারণতঃ সুযোগ্য ও কর্তব্যনিষ্ঠ বলিয়া আশু অনেক সুফল পাওয়া গিয়াছে বটে, কিন্তু ইহাতে দোষও যে না আছে তাহা নহে । ইহাতে ব্যক্তিগত উত্তমের ক্ষুদ্র জন্মে না, ব্যক্তিগত বিচারশক্তির বিকাশ হইতে পারে না । ইহাতে লোকে প্রায় প্রতিপদে রাজকর্ম্মচারীদিগের মুখাপেক্ষী হইয়া চলে । কিন্তু জার্মানির ইহাতে কোন অনুবিধা বোধ করেন না, বরং রাজা তাঁহাদের যে উপকার করিতেছেন, নিয়ত তাহার প্রত্যক্ষ প্রমাণ পাইয়া তাঁহারা এই প্রথারই পক্ষপাতী হইয়াছেন ।

রাজার প্রতি তাঁহার এত অনুরক্ত হইয়াছেন যে, তাঁহার মর্যাদারক্ষার্থ তাহার সর্বস্ব তাগ করিতেও কুণ্ঠিত হন না। তাঁহারা নীরবে গুরুতর করভার বহন করিতেছেন এবং অগ্নানবদনে সৈনিকবৃন্দের কঠোরতা সহ্য করিতেছেন। সম্রাটকে ভক্তিশ্রদ্ধা করা এবং সতত তাঁহার আজ্ঞানুবর্তী হইয়া চলা জার্মাণ-চরিত্রের বিশিষ্ট অঙ্গ। সম্রাটের বেতনভোগী শিক্ষকেরা জার্মানির বিদ্যালয়-সমূহে এই উপদেশ দিয়া আসিতেছেন, যাজকেরাও ধর্ম্মাসন হইতে এই নীতিই প্রচার করিতেছেন।

পক্ষান্তরে ইংরাজেরা ব্যক্তিগত স্বাধীনতাই ভাল বাসেন। রাজ্যের শাসন সম্বন্ধেই হউক, কিংবা দৈনন্দিন কর্তব্যেই হউক তাঁহারা জনসাধারণের ইচ্ছার বিরুদ্ধে কিছু করিতে চান না। এ প্রথাও যে নির্দোষ তাহা নহে। ইহাতে অলস ও স্বার্থপর লোকেরা প্রশ্রয় পায়। কেহ কেহ বলেন এই জন্তই ইংল্যাণ্ডে যত কুসম্মত লোক দেখা যায়, জার্মানিতে তত দেখা যায় না। অতএব ইংল্যাণ্ডেও এখন অনেকের বিশ্বাস যে জনসাধারণের স্বাধীনতা একটু থর্ক করিতে পারিলেই যেন ভাল হয়। কিন্তু তাহা করিলেও রাজমন্ত্রীরা প্রজাকর্তৃকই নির্বাচিত হইবেন; ইংবাজাতি কখনও রাজাকে জার্মাণ সম্রাটের স্যায় স্বেচ্ছাচারী হইতে দিবেন না।

ফলতঃ ইংরাজ ও জার্মাণ উভয় জাতির পক্ষেই রাজনীতির ও সমাজনীতির সম্বন্ধে পরস্পরের নিকট কিছু শিখিবার আছে। কিন্তু বর্তমান যুদ্ধে সেই শিক্ষার পথ রুদ্ধ হইয়াছে। এই যুদ্ধের ফল দেখিয়া বুঝা যাইবে কোন দেশের শাসন-প্রণালী ভাল,—ইংল্যাণ্ডের না জার্মানির। যদি ইংরাজ জয়ী হন তাহা হইলে পৃথিবীতে প্রজাতন্ত্র শাসনের এবং যদি জার্মাণ জয়ী হন তাহা হইলে রাজতন্ত্র শাসনের আদর বৃদ্ধি হইবে।

দ্বিতীয়তঃ, সার্বভৌম ক্ষমতার প্রয়োগসম্বন্ধে ইংরাজ ভাল না জার্মাণ ভাল ? ইংরাজেরা প্রজার ধর্ম্ম, ভাষা ও আচার ব্যবহারে হস্তক্ষেপ করেন না; কিন্তু জার্মাণেরা সমস্ত প্রজাকেই জার্মাণ ভাবাপন্ন করিতে চান। ইংরাজের এখন মুখ্য উদ্দেশ্য যে তাঁহাদের এই পৃথিবীব্যাপী সাম্রাজ্যের ভিন্ন ভিন্ন জাতি স্ব স্ব জাতীয় প্রথার অনুসরণ করিয়া উন্নতির পথে অগ্রসর হইতে পারে। এই উদ্দেশ্য যে সহজে সিদ্ধ হইতে পারে না, ইহা সকলেই বুঝেন।

তৃতীয়তঃ, যুদ্ধপ্রিয় ও শান্তিপ্রিয় জাতির মধ্যে কে লাভবান ? জার্মাণেরা যুদ্ধপ্রিয়, কাজেই বিস্তর সৈন্য রাখেন এবং সৈনিক পুরুষদিগকে অনেক সময়ে অবধা প্রশ্রয় দেন। এমন কি তাঁহাদের সেনানীরা আইন কানুনের বড় ধার ধারেন না, কেহ তাঁহাদের অবমাননা করিলে নিজেরাই তাহার দণ্ডবিধান করেন।

সৈনিকপুরুষদিগের এতাদৃশী ক্ষমতা ইংল্যাণ্ডে সম্ভবে না। জার্মানির শাসন-কার্যেও সৈনিকেরই প্রাধান্য, কারণ সম্রাটের পার্শ্বচরগণ প্রায় সকলেই সেনানী এবং সম্রাট অনেক সময়েই তাঁহাদের পরামর্শমত কার্য্য করেন। অপিচ জার্মানিতে প্রত্যেক কর্ম্মক্ষম ব্যক্তিকেই জীবনের কিছুকাল সৈনিকবৃত্তি অবলম্বন করিতে হয়, কিন্তু ইংল্যাণ্ডে পূর্বে এরূপ নিয়ম ছিল না। বর্তমান যুদ্ধের প্রথম দেড় বৎসরে ইংরাজেরা লোকের ইচ্ছার উপর নির্ভর করিয়াই প্রায় পঞ্চাশ লক্ষ সৈন্য সংগ্রহ করিয়াছিলেন। কিন্তু শেষে যখন যুদ্ধক্ষেত্রের আয়তন বৃদ্ধি হইল এবং বিস্তার লোকক্ষয় হইতে লাগিল, তখন ইংরাজেরাও কর্ম্মক্ষম ব্যক্তিমাঝকেই সৈনিকবৃত্তি অবলম্বন করিতে বাধ্য করিলেন। কিন্তু ইংল্যাণ্ডে এ প্রথা নূতন; জার্মানিতে এবং জার্মানির সহিত প্রতিযোগিতা করিয়া ফ্রান্স্ প্রভৃতি দেশে ইহা পুরাতন। অনেকের বিশ্বাস বর্তমান যুদ্ধ সমাপ্ত হইলে ইংরাজেরা বাধ্যতামূলক নিয়মটা উঠাইয়া দিবেন। তখন ইংল্যাণ্ডে এক দল নাতিবৃহৎ সেনা থাকিবে এবং যাহারা ইচ্ছা করিবে কেবল তাহাদিগকেই ইহার অন্তর্নিবিষ্ট করা হইবে। প্রত্যেক ব্যক্তির পক্ষে সৈনিকবৃত্তি শিক্ষা করা দেশের অতি দুর্ভাগ্যের কথা; ইহাতে লোকে পশুবলেরই পক্ষপাতী হয়; তাহাদের যুদ্ধ-বাসনাও উদ্দীপিত হয়। ইংরাজজাতি এরূপ কুপ্রথার বিরোধী; ইহা সম্রাট সমাজেরও কলঙ্ক।

চতুর্থতঃ, কোন জাতি সর্ব্বসাধারণ-প্রতিপাল্য বিধান উল্লঙ্ঘন করিলে তাহার কি দণ্ড হইতে পারে? ব্যক্তিবিশেষে কোন বিধি লঙ্ঘন করিলে রাজা তাহাকে দণ্ড দেন; কিন্তু জাতিবিশেষে কোন বিধি লঙ্ঘন করিলে তাহার প্রতীকারের উপায় কি? এখন এক জাতি অন্য জাতির সঙ্গে সন্ধিসূত্রে বদ্ধ হইয়া কতকগুলি নিয়ম পালন করিয়া চলিবেন, এই অঙ্গীকার করিলেন; কিন্তু ইহা যে চিরদিন প্রতিপালিত হইবে তাহাতে বিশ্বাস কি? এক পক্ষ হয়ত বলিতে পারেন, কালভেদে অবস্থার পরিবর্তন ঘটয়াছে, অতএব আমরা পূর্ব্বপ্রতিশ্রুতি পালন করিতে পারিব না। এরূপ বলা সভ্য সমাজের পক্ষে শোভা পায় না; ইহাতে শান্তিরও বিঘ্ন ঘটে। জার্মানির যখন বেলজিয়ামের ভিতর দিয়া সেনা পাঠাইবার সঙ্কল্প করিলেন, তখন ইংরাজ রাজদূত তাঁহাদিগকে পূর্ব্বকৃত সন্ধির কথা স্মরণ করাইয়া ইহার প্রতিবাদ করিলেন; কিন্তু ইহার উত্তরে জার্মানির প্রধান মন্ত্রী বলিলেন, “একথানা পুরাতন চোতা কাগজের কথা তুলিতেছেন কেন? উহা কি সব সময়ে মানিয়া চলিতে পারা যায়?” অতঃপর জার্মানির যদি আবার কোন সন্ধিপত্রে স্বাক্ষর করেন, তাহা হইলে লোকে উহাকেও কি একথানা ‘চোতা কাগজ’ বলিয়া মনে করিবে না? তাঁহারা লিখিয়াছিলেন ইংরাজেরা যদি উদাসীন থাকেন তাহা হইলে যুদ্ধাবসানে তাঁহারা বেলজিয়াম্

হইতে সেনা তুলিয়া লইবেন। যদি দৈবাৎ তাহারা জয়ী হইতেন, তাহা হইলে এই আশ্বাসপত্রও কি ‘চোতা কাগজ’ ভিন্ন আর কিছু হইত ?

জার্মাণেরা যে প্রতিজ্ঞাভঙ্গে স্নিগ্ধ, চীনদেশেও তাহার পরিচয় পাওয়া গিয়াছে। কিন্তু ইংরাজেরা প্রতিজ্ঞাপালক। ফলতঃ ইংরাজের চরিত্রে ও জার্মাণের চরিত্রে, ইংরাজের সভ্যতায় ও জার্মাণের সভ্যতায়, ইংরাজের শাসনপ্রণালীতে ও জার্মাণের শাসনপ্রণালীতে অনেক প্রভেদ। আশা করা যায় ইংরাজই জয়ী হইবেন এবং সকলে মুক্তকণ্ঠে ইংরাজের উদার নীতির প্রশংসা কীর্তন করিবে।

দ্বাদশ অধ্যায়।

বর্তমান যুদ্ধে ভারতবর্ষের কার্য।

যুরোপে পূর্বে যে সকল যুদ্ধ হইয়াছে তাহার কোনটীতেই ভারতবর্ষের লোক যোগ দেয় নাই। কিন্তু বর্তমান যুদ্ধে তাহারাও ইংরাজের সহায় হইয়া রণাঙ্গণে দেখা দিয়াছে এবং আপনাদের অর্থ-সামর্থ্য সমস্তই ইংরাজের হিতার্শ নিয়োজিত করিয়াছে। একপ করিবারই কথা। ভারতবর্ষের লোক কৃতজ্ঞ ও রাজভক্ত ; ভারতবর্ষের লোক ন্যায়ের সমর্থক। তাহারা দেখিতেছে ইংরাজশাসনে দেশে শান্তি প্রতিষ্ঠিত হইয়াছে ; এবং লোকে নানা বিষয়ে উন্নতিলাভ করিতেছে। তাহারা জানে ইংরাজের রাজ্যে অবিচার ও পক্ষপাত নাই, এবং ইংরাজ কাহারও ধর্ম্মে হস্তক্ষেপ করেন না। তাহারা বুঝে যে ভারতবর্ষের ন্যায় একটা সুবৃহৎ দেশকে এমন নিঃস্বার্থভাবে, এমন সুচারুরূপে শাসন করিতে ইংরাজ ভিন্ন অন্য কোন জাতির সাধ্য নাই। তাহারা এ সমস্ত দেখে, জানে ও বুঝে বলিয়া ইংরাজের নিকট কৃতজ্ঞ এবং এইজন্য ইংরাজের বিপক্ষে উদাসীন থাকিতে পারে না। রাজভক্তি ত তাহাদের প্রকৃতিগত, কারণ তাহাদের শাস্ত্রে রাজা ‘মহতী দেবতা’ বলিয়া বর্ণিত। একে রাজা, তাহাতে আবার তিনি বর্তমান যুদ্ধে ন্যায়ের সমর্থক ও অসহায়ের সহায় ; তিনি অত্যাচারীর—প্রতিজ্ঞাভঙ্গকারীর দণ্ডবিধানের জন্য অস্ত্র ধারণ করিয়াছেন। যে দেশ উদার স্বাধীনতার জন্য চিরপ্রসিদ্ধ, যে দেশে লোকে স্মৃতিকাণ্ডেই শুনিতে আরম্ভ করে “যতো ধর্ম্মস্ততো জয়ঃ,” সে দেশের লোকে যে রাজার কার্যে প্রাণ পর্য্যন্ত পণ করিয়াছে ইহা আর বিশ্বাসের বিষয় কি ?

পূর্বে বলা হইয়াছে যুদ্ধারম্ভে ইংল্যাণ্ডে লক্ষাধিক স্থায়ী সৈন্য ছিল না ; অথচ জার্মাণেরা ইহা অপেক্ষা বহুগুণে বৃহত্তর সেনা লইয়া বেলজিয়ামে প্রবেশ



কালে ভাঙতবায় সেনা ।

করিয়াছিলেন। ইহা দেখিয়া আমাদের ভূতপূর্ব ডাইসরয় লর্ড হার্ডিং ভারতবর্ষ হইতে সেনা প্রেরণ করিবার প্রস্তাব করিলেন ; ভারতবর্ষের লোকেও একবাক্যে ইহা অনুমোদন করিল।

ভারতবর্ষের সেনা প্রথমে জাপানের যুদ্ধে যোগ দেয়। তাহাদের পক্ষে তখন সেখানে সমস্তই অপরিচিত। তাহারা গ্রীষ্মমণ্ডলের লোক, অথচ সেখানে তখন এমন শীত যে তাহা যুরোপবাসীদিগের পক্ষেও দুঃসহ। একে শীত, তাহার উপর আবার আবির্ভাব বৃষ্টি ও তুষারপাত ; অথচ আশ্রয়ের স্থান নাই। দিনের পর দিন অনাবৃত, কর্মমপূর্ণ কুল্যার ভিতর থাকিতে হইত। এরূপ যুদ্ধ তাহারা কখনও দেখে নাই। তাহারা বীরের জাতি ; তাহারা সমুখ সমরই জানিত। কিন্তু এত অপ্রাণী ভোগ করিয়াও তাহারা সন্তোষভাবে আপনাদের জাতীয় গৌরব রক্ষা করিয়াছে—ইংরাজসেনার সহিত তুলা ক্রেশ ভোগ করিয়া, ইংরাজসেনার সহিত তুলা বীরত্ব দেখাইয়া সুবর্ণ অর্জন করিয়াছে। ইংরাজ সৈন্যের পক্ষে ‘বিক্টোরিয়া ক্রেশ’ নামক পুরস্কার লাভ বড়ই গৌরবের বিষয়, কারণ ইহা অসামান্য সাহসের নিদর্শন। যাহারা এই পুরস্কার লাভ করেন, তাহারা বাবজীবন রাজভাণ্ডার হইতে বার্ষিক দেড় শত টাকা বৃত্তি পাইয়া থাকেন। ভারতবর্ষের লোকে অসাধারণ শৌর্যবীৰ্য্য দেখাইয়া বীরজনবাহিত এই মহা পুরস্কারও লাভ করিয়াছেন। এই সকল ভাগ্যবান যোদ্ধাদিগের মধ্যে একজনের নাম খুদাদাদ খাঁ। খুদাদাদ ১২৯-সংখ্যক বালুচি সেনাভুক্ত। ইনি একদা কয়েকজন বোদ্ধার সঙ্গে যুদ্ধক্ষেত্রের একস্থানে যান্ত্রিক বন্দুক দাগিবার জন্য নিযুক্ত ছিলেন ; শত্রুপক্ষের অগ্নিবর্ষণে খুদাদাদ ব্যতীত অন্য সকলেই নিহত হন ; কিন্তু খুদাদাদ একাই এমন সুকৌশলে গুলি চালাইতে থাকেন যে তাহাতে শত্রুপক্ষের উদ্দেশ্য ব্যর্থ হয়। এই নিমিত্ত গুলগ্রাহী ইংল্যান্ডরাজ তাঁহাকে বিক্টোরিয়া ক্রুশে বিভূষিত করিয়াছেন। ৯-সংখ্যক ভূপাল পদাতিদলভুক্ত ছত্রসিংহ নামক আর একজন বোদ্ধাও এই গৌরবজনক ভূষণে অলঙ্কৃত হইয়াছেন। ইনি একদা কুল্যার ভিতর হইতে দেখিতে পাইলেন ঐ দলের সেনানী বাহিরে গিয়া আহত হইয়া ভূতলে পতিত হইয়াছেন। তখন শত্রুপক্ষের লোকে অজস্র অগ্নিবর্ষণ করিতেছিল ; কাজেই কুল্যার বাহিরে ‘গেলেই আহত হইবার কথা। কিন্তু ছত্রসিংহ ইহাতে ভয় পাইলেন না। তিনি তৎক্ষণাৎ কুল্যা হইতে নিক্ষেপ্ত হইয়া আহত সেনানীর উদ্ধার করিলেন।

ভারতবর্ষের লোকের সাহস ও নিঃস্বার্থ রাজভক্তির উদাহরণস্বরূপ এখানে একজন শিখ বীরের কথাও উল্লেখযোগ্য। ইনি পূর্বে সৈনিক বিভাগে কাজ করিতেন ; কিন্তু পরে অবসর গ্রহণ করিয়া দক্ষিণ আমেরিকায় গিয়াছিলেন এবং সেখানে ব্যবসায় প্রবৃত্ত হইয়া বিলক্ষণ অর্থোপার্জন করিতেছিলেন। যখন যুদ্ধ

আরও ২ইল, তখন ইনি ব্যবসায় ত্যাগ করিয়া নিজের ব্যয়ে লণ্ডনে গিয়া উপস্থিত হইলেন এবং যুদ্ধক্ষেত্রে যাইবার জন্য প্রার্থনা জানাইলেন। ভাবিয়া দেখ দেখি একজন লোকের সাহস, স্বার্থত্যাগ ও রাজভক্তি কত প্রশংসাহঁ!



বিক্টোরিয়া ক্রুশলাভিত ছত্রসিংহ ।

যুদ্ধের প্রথম বর্ষ অতীত হইলে ইংরাজরাজপুরুষেবা স্থির করিলেন ভারতবর্ষীয় সৈন্যদিগকে আবার যুরোপের দাক্ষণ শীত সহ করিতে বলা নিষ্ঠুরতার কার্য্য হইবে। এইজন্য তাহাদিগকে ফ্রান্স্ হইতে তুলিয়া লইয়া মিশরে ও মেসোপটেমিয়ার প্রেরণ করা হইল। এ দুইটা অঞ্চলও যে স্থলের স্থান তাহা নহে, কারণ গ্রীষ্মকালে উত্তাপ হুঃসহ, তাহাতে আবার জলের অভাব। কিন্তু ভারতবর্ষের লোকে এই দুই দেশেও অসাধারণ সাহস ও কষ্টসহিষ্ণুতার পরিচয় দিয়া প্রশংসাজ্ঞান হইয়াছে।

ভারতবর্ষীয় করদ ও মিত্ররাজগণ সেনা যোগাইয়া, অর্থ দিয়া, কেহ কেহ বা স্বয়ং যুদ্ধক্ষেত্রে গিয়া ইংরাজদিগের সাহায্য করিতেছেন। জনসাধারণেও যুদ্ধের ব্যয়-নির্বাহার্থ, যোদ্ধাদিগের চিকিৎসার্থ কিংবা তাহাদের পরিজনদের ভরণপোষণার্থ অকাতরে অর্থসংগ্রহ করিতেছেন, বেলজিয়ামের হতভাগ্য অধিবাসীদিগের জন্যও টাকা তুলিতেছেন। এই সকল চাঁদার তালিকায় দেখা যায় কেবল ধনী লোকে নহেন, মুটে মজুর এবং বালকেরা পর্য্যন্ত, যাহার যেরূপ সাধ্য, অর্থ দান করিতেছে। সে দিনও বোম্বাই প্রদেশের বালকেরা বেলজিয়ামের বালকদিগের জন্য ষাট হাজার টাকা চাঁদা পাঠাইয়াছে। ইহারা যে অর্থ দিয়া নাম কিনিবে কেহই এমন ভাবে নাই; অনেকে সামান্য আয় হইতে চাঁদা দিতে গিয়া হয়ত নিজেরাই অনুবিধায় ভোগ করিয়াছে; তথাপি কেহ দিতে কুণ্ঠিত হয় নাই।

যুদ্ধে অগ্রান্ত দেশে যেমন কর্তার বুদ্ধি হইয়াছে এবং খাতাদির মূল্য চড়িয়াছে, ভারতবর্ষে এখনও তেমন হয় নাই। কিন্তু যুদ্ধ যদি দীর্ঘকাল চলে, তাহা হইলে পৃথিবীর ধনাগম হ্রাস হইবেই হইবে এবং ভারতবর্ষকেও নানারূপ অনুবিধায় পড়িতে হইবে। কিন্তু ভারতবর্ষের লোক যেরূপ সহিষ্ণু, তাহাতে আশা করা যায় তাহারা সে অনুবিধায় কাতর হইবে না।

কদিকে যেমন অনুবিধা হইবে বলিয়া আশঙ্কা হয়, অত্ৰদিকে তেমনি উপকারও হইবে আশা করা যায়। ভারতবর্ষীয় লোকে এখন পৃথিবীর মধ্যে একটা প্রধান জাতি বলিয়া পরিগণিত হইবে; তাহারা আত্মমর্য্যাদা শিখিবে; তাহাদের উন্নতির পথও প্রশস্ত হইবে। অধিকন্তু ইংরাজের সহিত তাহাদের সৌহার্দবন্ধন আরও দৃঢ়তর হইবে, উভয়ে উভয়ের গুণ গ্রহণ করিতে শিখিবে এবং একসঙ্গে মিলিয়া মিশিয়া দেশের হিতসাধন করিতে পারিবে। ভারতবর্ষের লোকের অকৃত্রিম রাজভক্তি দেখিয়া মহামতি পঞ্চম জর্জ অত্রত্য ভাইসরয়কে যে পত্র লিখিয়াছিলেন তাহা হইতে এই শুভদিনের আভাস পাওয়া যায়। নিম্নে তাহার কতিপয় পঙ্ক্তি উদ্ধৃত হইল :—

“আমার মর্যাদারক্ষার জন্ত অগ্রান্ত স্থানের প্রজার দ্বারা ভারতবর্ষীয় করদ ও মিত্ররাজগণ ও জনসাধারণ একবাক্যে যে সর্বস্বপণ করিয়াছেন তাহাতে আমি বড়ই মুগ্ধ হইয়াছি। ভারতবর্ষের লোককে আজ আমার শত্রুদমনে অগ্রসর দেখিয়া তাহাদের প্রতি আমার অনুরাগ গাঢ়তর হইয়াছে। ১৯১২ অব্দে আমি ভারতবর্ষ হইতে যখন ইংল্যাণ্ডে প্রত্যাগমন করি, তখন তত্রত্য লোকে আমাকে ভক্তিসূচক এক অভিনন্দনপত্র প্রেরণ করিয়া যে যে আশ্বাস দিয়াছিলেন, নিরতিশয় আশ্বাসদেয় বিষয় এই যে বর্তমান বিপত্তির সময় তাহারা সে সমুদয় পূরণ করিয়াছেন। তাহারা তখনই বলিয়াছিলেন যে ইংল্যাণ্ডের ও ভারতবর্ষের ভাগ্য একসূত্রে গ্রথিত।

এতদিনে এই কথা সার্থক হইল।” ভগবান্ করুন সত্ৰাটের এই সিদ্ধান্ত যেন অপ্রাস্ত হয়।

এই প্রসঙ্গে, আফগানিস্তানের অধিপতি ইংরাজদিগের প্রতি যে অকৃত্রিম বন্ধুত্বের পরিচয় দিয়াছেন তাহাও উল্লেখ করা আবশ্যক। জার্মাণেরা তাঁহাকে ইংরাজদিগের বিরোধী হইবার জন্য অমুরোধ করিয়াছিলেন ; কিন্তু তিনি তাহাতে কর্ণপাত করেন নাই। তাঁহার ঐক্যবিশ্বাস ইংরাজেরাই জয়ী হইবেন ; তিনি নিজের প্রজাদিগকেও তাহাই বুঝাইয়াছেন। এই নিমিত্ত আফগানিস্তানে এপর্যন্ত ইংরাজদিগের অনিষ্টকর কিছু ঘটতে পারে নাই।

ত্রয়োদশ অধ্যায় ।

আশা ও সাফল্য ।

তিন বৎসর যুদ্ধ চলিতেছে, অথচ আমরা এপর্যন্ত আশারূপ কোন ফললাভ করি নাই। ইহাতে কেহ কেহ একটু নৈরাশ্রের ভাব প্রকাশ করেন। তাঁহারা বলেন ফ্রান্সের কিয়দংশ এবং বেলজিয়াম এখনও জার্মাণদিগের হস্তগত ; পোল্যান্ড, সাবিয়া এবং রুমানিয়ারও সেই দশা। ইটালি টুরেটের দিকে অগ্রসর হইতে পারে নাই ; উত্তরাঞ্চল হইতে ত সম্পূর্ণরূপেই বিতাড়িত হইয়াছে। অথচ জার্মাণি এক রূপ অক্ষত রহিয়াছে—আমরা অত্মাপি জার্মাণির সীমা পর্যন্ত স্পর্শ করিতে পারি নাই।

এ সব কথা সত্য সন্দেহ নাই ; কিন্তু দেখিতে হইবে জার্মাণির উদ্দেশ্যই বা কতদূর সিদ্ধ হইয়াছে। জার্মাণেরা পারিশ অধিকার করিতে পারেন নাই, রিগাও অধিকার করিতে পারেন নাই। তাঁহারা ইংল্যান্ড ও মিশর আক্রমণ করিবেন বলিয়া সঙ্কল্প করিয়াছিলেন ; কিন্তু সে আশার এখন জলাঞ্জলি দিয়াছেন। তাঁহারা ভাবিয়াছিলেন আরল্যান্ডে বিদ্রোহ ঘটাইয়া ইংরাজদিগকে বিব্রত করিবেন ; কিন্তু সে চক্রান্ত ব্যর্থ হইয়াছে। তাঁহারা বাগদাদ পর্যন্ত রেল নির্মাণ করিতেছিলেন। আশা করিয়াছিলেন যে তাহার সাহায্যে এশিয়াটিক তুর্ককে অথচ আধিপত্য স্থাপন করিবেন ; কিন্তু আজ সেই বাগদাদ—সেই তুর্কশক্তির কেন্দ্রভূমি ইংরাজসেনার পদানত। জার্মাণদিগের রাজ্যক্ষয়, অর্থক্ষয় এবং লোকক্ষয়ও কম হয় নাই। আফ্রিকার পূর্বপ্রান্তে যৎসামান্য ভূখণ্ড ব্যতীত তাঁহাদিগের সমস্ত উপনিবেশই এখন শত্রুহস্তগত ; পূর্ব-আফ্রিকাও যার যার হইয়াছে। তাঁহাদের বাণিজ্যও বিলুপ্ত হইয়াছে। কিন্তু ইংরাজের এ পর্যন্ত সূচ্যগ্রপ্রমাণ ভূমি নষ্ট হয় নাই ; ইংরাজের বাণিজ্যের বয়ঃ উপচরই হইতেছে।

কোন পক্ষে কত লোক নষ্ট হইয়াছে তাহা নিশ্চিত বলা যায় না। কিন্তু জার্মানিগেরা নিজেই বলিতেছেন যে এ পর্য্যন্ত তাহাদের দেশের প্রায় ৪০ লক্ষ লোক হতাহত হইয়াছে। এতদ্ভিন্ন অষ্ট্রিয়ারও বহু লোক বিনষ্ট হইয়াছে। ইহার তুলনায় ইংরাজদিগের সাত আট লক্ষ লোকের বিনাশ কিছুই নয় বলিতে হইবে।

জার্মানিদিগের কত সৈন্ত এখন যুদ্ধক্ষেত্রে নিয়োজিত আছে তাহা নির্ণয় করা কঠিন। সম্ভবতঃ এখনও তাঁহাদের সেনাবল যথেষ্ট আছে। একা তুর্ককই তাঁহাদিগকে প্রায় দশ লক্ষ সৈন্ত দিয়াছে। জার্মানিদিগের কুল্যা ও হুর্গগুলি সুদৃঢ়; তাঁহাদের রেলওয়েরও এমন সুব্যবস্থা যে তদ্বারা অল্পসময়ের মধ্যে সৈন্তদিগকে রণক্ষেত্রের একপ্রান্ত হইতে অন্যপ্রান্তে প্রেরণ করা যাইতে পারে। অনেক মনে করিয়াছিলেন, ইংরাজপক্ষ অংশবিশেষে প্রভূত সৈন্ত সমাবেশ করিয়া অগ্রসর হইলে জার্মানিদিগের ব্যুহভেদ সুসাধ্য হইবে। অত্থাপি তাহা করিতে পারা যায় নাই বটে; কিন্তু জার্মানিগেরা যেরূপ হঠিতে এবং ইংরাজ ও ফরাসীরা যেরূপ অগ্রসর হইতে আরম্ভ করিয়াছেন, তাহাতে আশা হয় অচিরে জার্মানিসেনা সম্পূর্ণরূপে পরাভূত হইবে।

ইংরাজ রণপোতে জার্মানিগের আমদানি-রপ্তানি বন্ধ করিয়াছে বটে, কিন্তু তাহাতে অত্থাপি জার্মানিদিগের মধ্যে অবসাদের লক্ষণ দেখা যায় নাই। জার্মানিগের ~~বুসায়ন~~ ^{বুসায়ন} ~~নৈতারা~~ ^{নৈতারা} নব নব উপায় প্রয়োগ করিয়া আমদানির অভাব পূরণ করিতেছেন। তাঁহারা তুলার পরিবর্তে কাঠচূর্ণ দ্বারা প্রেফেটন প্রস্তুত করিয়াছেন; কেরোসিন ও রবারের অনুরূপ কোন কোন দ্রব্যও নাকি আবিষ্কার করিয়াছেন। তথাপি তাঁহাদের যে কোন প্রয়োজনীয় দ্রব্যেরই অভাব হইতেছে না, ইহা মনে করা যায় না। পশম, চর্ম ও তাম্র যুদ্ধার্থ নিতান্ত আবশ্যক; কিন্তু জার্মানিতে এখন এ সকল বস্তু দুল্ভ হইয়াছে। খাদ্যভাবও নিশ্চয় ঘটিয়াছে এবং তন্নিবন্ধন ক্রমেই লোকের কষ্ট বাড়িতেছে। ফলতঃ, জার্মানিগেরা অনতিবিলম্বে শত্রুপক্ষের বলভঙ্গ করিতে না পারিলে তাঁহাদিগকে অনাহারে আত্মসমর্পণ করিতে হইবে।

ইংরাজপক্ষেও ভাবিবার অনেক কথা আছে। ইহাদেরও ভীষণ লোকক্ষয় হইতেছে, রাশি রাশি অর্থ নষ্ট হইতেছে। একা ইংল্যান্ডই যুদ্ধের জন্ত প্রতিদিন প্রায় বার কোটি টাকা ব্যয় করিতেছেন। ফ্রান্সের শিল্প-প্রধান স্থানগুলি এখন জার্মানিদিগের হাতে; কাজেই ইংল্যান্ডের নিকট অর্থ ও খাদ্য না পাইলে ফ্রান্স এত দিন নিতান্ত অবসন্ন হইত। তবে অবিরত অগ্রসর ব্যয় হইলে কুবেরের ভাণ্ডারও ফুরাইয়া যায়। ইংরাজেরা এতদিন অর্থের অভাব বোধ করেন নাই সত্য, কিন্তু দীর্ঘকাল এই অতিবৃহদব্যয়ের প্রয়োজন থাকিলে করভার যে দুর্ভীহ হইবে তাহাতে কোন সন্দেহ নাই। কিন্তু দুর্ভীহ হইলেও ইংরাজেরা উহা বহন করিবেন, কারণ তাঁহারা প্রতিজ্ঞা করিয়াছেন সম্পূর্ণরূপে জয়লাভ না করিলে নিরস্ত হইবেন না।

জার্মানিগেরা একাধিকবার সন্ধির কথা তুলিয়াছেন ; কিন্তু তাঁহারা যে সকল প্রস্তাব উত্থাপিত করেন তাহা বিজয়ীর পক্ষেই শোভা পায় । তাঁহাদের মনের ভাব যে বেলজিয়াম, পোল্যান্ড ও সার্বিয়া জার্মানির আশ্রিতরাজ্য বলিয়া গণ্য হইবে, তুরস্কও জার্মানিজাতির কর্তৃত্বাধীন থাকিবে এবং ইংরাজদিগকে অঙ্গীকার করিতে হইবে যে উত্তরকালীন কোন যুদ্ধে তাঁহারা শত্রুপক্ষের বাণিজ্য রোধ করিতে পারিবেন না । জার্মানিগেরা যখন এখনও জয়লাভ করিতে পারেন নাই, তখন এই সমস্ত অসম্ভব প্রস্তাব করা গৃহতামাত্র ।

যুদ্ধাবসানে ইংরাজপক্ষ কি চান এখনও তাহা স্পষ্টরূপে নির্দিষ্ট হয় নাই । তবে ইংল্যান্ডের প্রতিজ্ঞা যে বেলজিয়ামের স্বাধীনতা অক্ষুণ্ণ রাখিতে হইবে, এই রাজ্যের যে ক্ষতি হইয়াছে জার্মানিকে তাহা পূরণ করিতে হইবে এবং প্রশিয়ার সেনাবল কমাইতে হইবে । জার্মানির প্রস্তাবমত সন্ধি করিলে তাহা কখনও স্থায়ী হইবে না ; সমগ্র যুরোপখণ্ড আবার এক বৃহৎ সেনাকটকে পরিণত হইবে, সকলকেই সৈনিকবৃত্তি শিখিতে হইবে, রাজস্বের অর্দ্ধাংশ সামরিক আয়োজনে উড়িয়া যাইবে ।

যখন প্রকৃত সন্ধির কথা উঠিবে তখন অনেক জটিল প্রশ্নের মীমাংসা করিতে হইবে । বর্তমান যুদ্ধের মুখ্য উদ্দেশ্য জাতিগত স্বাধীনতা-রক্ষা ; কাজেই তাহার অবসানে যুরোপীয় কোন জাতিকেই পরাধীন রাখা সম্ভব হইবে না । যুরোপের দক্ষিণ-পূর্বখণ্ডে এক একটা অঞ্চলে বহুজাতির বাস বলিয়া এখানে জাতিগত স্বাভাবিক রক্ষা করা বড় কঠিন ; কাজেই এখানে রাজ্যসমূহের সীমানিকারণ করিবার সময় ধীরভাবে বিচার করিতে হইবে । জার্মানিজাতির সহস্রকেও বেশী কঠোর হইলে চলিবে না । জার্মানিগেরা সভ্যসমাজের একটা প্রধান অঙ্গ ; কি লোকসংখ্যায়, কি প্রতিভায় তাঁহারা পৃথিবীর একটা প্রধান জাতি । জার্মানিগেরা শিল্পে, বিজ্ঞানে ও সমাজতত্ত্বে যে উচ্চাঙ্গ অধিকার করিয়াছেন, তাহা হইতে তাঁহারা বিচ্যুত হইলে সমস্ত পৃথিবীরই ক্ষতি । কিন্তু তাঁহাদের দর্পচূর্ণ হওয়া আবশ্যিক ; তাঁহাদিগকে শিক্ষা দিতে হইবে যে পশুবলই একমাত্র বল নহে এবং পৃথিবীটা কেবল তাঁহাদেরই জন্ত সৃষ্ট হয় নাই । এ পর্য্যন্ত যাহা ঘটিয়াছে তাহাতে আমাদের হতাশ হইবার কারণ নাই, বরং আশা করা যায় যে ইংরাজপক্ষ যদি কর্তব্যস্থলিত না হন, তাহা হইলে শিথিলতাপূর্বক নিজেদের এবং অপর সকলের কল্যাণ সাধন করিতে পারিবেন ।

অক্সফোর্ড প্রকাশিত যুরোপীয় মহাযুদ্ধ-সংক্রান্ত পুস্তকাবলী

১। রণভেরী—(সার্ব আর্থার কোনন্ ডয়েল লিখিত “To Arms” নামক পুস্তিকার বঙ্গানুবাদ)। প্রসিদ্ধ লেখক শ্রীহরেশচন্দ্র সমাজপতি কর্তৃক সম্পাদিত এবং শ্রীযুক্ত পাঁচকড়ি বন্দ্যোপাধ্যায় কর্তৃক অনূদিত। মূল্য ১০ আনা।

২। যুরোপের মহাসমর—ডব্লিউ. এন্. কোর্টনি ও জে. এন্. কেনিডি প্রণীত “How the War Began” নামক পুস্তকের বঙ্গানুবাদ। ডবল ক্রাউন ২১১ পৃষ্ঠে সম্পূর্ণ। শ্রীযুক্ত হরেশচন্দ্র সমাজপতি কর্তৃক সম্পাদিত মূল্য ৬০ আনা।

৩। পৃথিবীব্যাপী মহাসমর—Nel-on Fraser প্রণীত “The World at War” নামক পুস্তকের বঙ্গানুবাদ। শ্রীযুক্ত রায় সাহেব ঈশানচন্দ্র ঘোষ এম্. এ. কর্তৃক অনূদিত ও সম্পাদিত এবং বহুবিধ চিত্র ও মানচিত্র সংবলিত। ডবল ক্রাউন ১১৮ পৃষ্ঠ। মূল্য ১০ আনা।

অক্সফোর্ড প্রকাশিত বাঙ্গালা উপাখ্যান

৪। আলেন্ কোয়ার্টারমেন্—সুপ্রসিদ্ধ লেখক Sir Rider Haggard প্রণীত এবং স্বনামখ্যাত শ্রীযুক্ত জলধর সেন কর্তৃক অনূদিত। মূল্য ১০ আনা।

অক্সফোর্ড প্রকাশিত বালক-পাঠ্য বাঙ্গালা উপাখ্যান

৫। প্রেমিক সম্ম্যাসী—চার্লস রাডেব সুপ্রসিদ্ধ “The Cloister and the Hearth” এর বঙ্গানুবাদ। মূল্য ১০ আনা।

 অত্যাশ্চর্য পুস্তক ক্রমশঃ প্রকাশিত হইবে।

১, ২, ৪, ৫ সংখ্যক পুস্তকের বিক্রেতা শ্রীযুক্ত দাস গুপ্ত এণ্ড কোম্পানি, ৪৪৩ কলেজ ষ্ট্রীট, কলিকাতা এবং ৩ সংখ্যক পুস্তকের বিক্রেতা শ্রীযুক্ত এন্স. সি. আচ্য এণ্ড কোম্পানি, ৫৮ ও ১২ নং ওয়েলিংটন ষ্ট্রীট, কলিকাতা।

